





Presented to
The Library
of the
University of Toronto
by

Paul Halm Esq.,

UND
AT THE



UNIVERSITY OF
TORONTO PRESS

H8113ze

8468

I

Q. HORATII FLACCI

O P E R A . O M N I A.

A D

(43)

OPTIMORUM LIBRORUM FIDEM EDITA

C U M

VARIARUM LECTIONUM DELECTU.

CURAVIT

CAROLUS ZELL,

PHILOSOPHIAE DOCTOR ET ANTIQUARUM LITERARUM
IN UNIVERSITATE FRIBURGENSI PROFESSOR.



TOMUS PRIOR.

400205
11.2.82

STUTTGARTIAE,
SUMTIBUS CAROLI HOFFMANN.

M D C C C X X V I I .



P R A E F A T I O.

De huius editionis consilio et ratione non est cur
denuo exponam, cum id iam in primi voluminis prae-
fatione factum sit. Sed de Horatio, qui nunc curis
nostris denuo prodit, hoc tantum teneri velim. In
variarum lectionum delectu eos interpretes singulis
locis indigitavi, qui mihi aptissime de lectionis diver-
sitate iudicare visi sunt; quod quidem in eorum gra-
tiam feci, qui pluribus editionibus stipati aut ipsi accu-
ratius auctorem legunt, aut aliis legentibus explicant,
ut continuo et uno quasi obtutu, qui potissimum edi-
tores consulendi sint, in tanta librorum copia perspi-
ciant. In odarum et epodon argumentis id maxime
spectavi, ut totius carminis consilium apte et brevis-
sime significaretur; in satiris argumenta ab Heindorfio
conscripta, elegantissimi iudicii viro, quem olim audire
mihi contigit, latine verti; epistolarum argumenta ipse
confeci.

EXPLICATIO NOTARUM,

QUIBUS CODICES ET EDITIONES IN LECTIONIS VARIETATE
SIGNIFICANTUR ORDINE ALPHABETICO DISPOSITARUM.

A.) CODICES.

BENTL. A Bentlio collati viginti sex, quos ut omnes reliquos, qui hie nominantur, accuratius recenset Mitscherlich. pag. VII. seqq.

BÈRSM. Bersmanni.

BLANDIN. Codices Blandiniani a Cruquio adhibiti.

BROD. Brodae, cuius collationem adscriptam exemplo Torrentianae editionis habuit Gesnerus.

COLL. SAX. Variantium lectionum sylloge a Christophoro Saxio descriptarum, quam adhibuit Gesnerus.

COMB. Codices Musei Britannici a Combio collati.

FABR. Codices a Georgio Fabricio collati.

GOTTING. Codex Gottingensis in bibliotheca academica asservatus, quem in usum suum contulit Gesnerus.

HANOV. Codicum duorum Hanoveranorum fragmenta a Gesnero adhibita.

IAN. Codices, quibus Ianins in editione sua usus est.

LAMBIN. Codices a Lambino collati.

OBERL. Codices Oberlini.

PULM. Codices a Theodoro Pulmanno adhibiti.

TALB. Talboti.

TORR. Torrentii.

B.) EDITIONES.

ALD. Editio Aldina, quae primum prodiit Venetiis 1501.

ASCENS. Ascensii commentariis instructa, prima prodiit
1503. Parisiis, pluribus vicibus repetita.

ANTWERP. Antwerpiensis cum Theod. Pulmanni notis.
1557 et 1564.

BASIL. Basilienses ex officina Valentini Curionis 1524,
1527. 1531.

BAXT. Willielmi Baxteri 1701. 1725.

BENTL. Richardi Bentlei. Prodiit prima eius editio
1711. emendatior repetita Amstelodami 1713. 1728.
item Lips. 1764.

BERSM. Greg. Bersmanni, quae primum prodiit Lipsiae
1602. pluries repetita.

BOTI. Editio Gesneriana a Bothio curata Lips. 1822.
Sed Both. Annotatt. sunt annotationes, quas
editioni Feae Heidelbergensi addidit.

BURM. Petri Burmanni, qui edidit Horatium primum
1699. Trai. Batav. cum Rutgersii lectionibus Venu-
sinis; deinde 1713.

CRUQ. Iacobi Cruquii 1578. Antwerp. deinde 1602. 1611,
quae optima est.

CUNING. Alexandri Cuningamii. 1711. Hagae Comit. et
Londin.

DOER. Doeringii. Vol. I. Lips. 1824. Ed. 3. Vol. II.
Ibid. 1824.

FAB. Tanaquilli Fabri. 1671.

FABRIC. Georgii Fabrieii. Lips. 1570. post saepissime
repetita.

FEA. Editio Feae. Rom. 1811. Repetita Heidelb. 1819.
et 1822.

GESN. Io. Matth. Gesner. 1752. nuper admodum repetita
a Bothio.

GLAREAN. Glareani. Friburg. Brisg. 1523. saepius re-
petita.

HEIND. L. F. Heindorfi Editio Satirarum. Vratisl. 1815.

HENRICOPET. Henricopetrina Basiliensis 1545.

IAHN. Ioa. Christiani Iahn. Lips. sumtib. Teubneri. 1824.

IAN. Christ. Dav. Iani. Lips. Tom. I. 1778. Tom. II. 1782.

IUNTIN. a Philippo Iunta expressa 1503.

LAMBIN. Dionysii Lambini 1561. 1567. certatim repetita,
in quibus optima est. an. 1605.

MEDIOL. Mediolanensis per Antonium Zarottum. 1474.

MITSCHERL. Christian. Guil. Mitscherlich. Lips. 1800.

OBER. Ier. Iac. Oberlin. Argentor. 1788.

PRINC. Editio princeps, sine editoris, loei, temporis
notatione anno 1470 plerumque assignata.

PULM. Theodori Pulmanni. Antwerp. 1557.

RUTGERS. Vid. Burmann.

SANAD. Sanadoni. Paris. 1728.

STEPHAN. Henrici Stephani. 1577. novissima an. 1600.

TORRENT. Torrentii. Antwerp. 1608. aliquoties repetita.

VALART. Joseph. Valart. Paris. 1770.

WAD. Georg. Wadii. Lond. 1731.

WAKEF. Gilb. Wakefieldii. Lond. 1794.

Q. HORATHI FLACCI

V I T A

A SUETONIO TRANQUILLO

CONSCRIPTA.

Q. Horatius Flaccus, Venusinus, patre, ut ipse tradit, libertino et exactionum coactore, ut vero creditum est, salsamentario, qnum illi quidam exprobrasset in altercatione: quotiens ego vidi patrem tuum brachio se emungentem? Bello Philippensi, excitus a M. Bruto imperatore, tribunus militum meruit; victisque partibus, venia impetrata, scriptum quaestorium comparavit, ac primo Maecenati, mox Augusto in gratiam insinuatus, non mediocrem in amborum amicitia locum tenuit. Maecenas quantopere eum dilexerit satis testatur illo epigrammate:

*Ni te visceribus meis, Horati,
Plus jam diligo, tu tuum sodalem
Ninnio videoas strigosiorem.*

sed multo magis, extremis iudiciis, tali ad Augustum elogio: Horatii Flacci, ut mei, esto memor. Augustus epistolarum quoque ei officium obtulit, ut hoc ad Maecenatem scripto significat: *Ante ipse sufficiebam scribendis epistolis amicorum; nunc occupatissimus et infirmus Horatium nostrum te cupio adducere. Veniet igitur ab ista parasitica mensa ad hanc regiam, et nos in epistolis scribendis adjuvabit.* Ac ne recusanti quidem aut succensuit quidquam, aut amicitiam suam ingerere desiit. Exstant epistolae, e quibus argumenti gratia pauca subjeci: *Sume tibi aliquid juris apud me, tanquam si convictor mihi fueris: recte enim et non temere feceris: quoniam id usus mihi tecum esse volui, si per valetudinem tuam fieri potuisset.* Et rursus: *Tui qualem habeam memoriam poteris ex Septimio quoque nostro audire; nam incidit, ut illo coram fieret a me tui mentio. Neque enim, si tu superbus amicitiam nostram sprevisti, ideo nos quoque ἀργυρεοφρούμεν.* Praeterea saepe eum inter alios jocos putissimum penem, et homuncionem lepidissimum appellavit, unaque et altera liberalitate locupletavit. Scripta quidem eius usque adeo probavit, mansuraque perpetuo opinatus est, ut non modo saeculare carmen componendum injunxerit, sed et Vindelicam victoriam Tiberii Drusique privignorum suorum; eumque coegerit propter hoc tribus carminum libris ex longo in-

tervallo quartum addere: post sermones vero quosdam lectos nullam sui mentionem habitam ita sit quiescus: Irasci me tibi scito, quod non in plerisque ejusmodi scriptis mecum potissimum loquaris. An vereris, ne apud posteros infame tibi sit, quod videaris familiaris nobis esse? Expressitque eclogam, cuius initium est:

*Quum tot sustineas et tanta negotia solus,
Res Italas armis tuteris, moribus ornes,
Legibus emendes: in publica commoda peccem,
Si longo sermone morer tua tempora, Caesar.*

Habitu corporis brevis fuit atque obesus, qualis et a semetipso in Satiris describitur, et ab Augusto hac epistola: Pertulit ad me Dionysius libellum tuum, quem ego, ne accusem brevitatem, quantuluscunque est, boni consulo. Vereri autem mihi videris, ne majores libelli tui sint, quam ipse es. Sed si tibi statura deest, corpusculum non deest. Itaque licebit in sextariolo scribas, ut circuitus voluminis tui sit ὥγωδεστας, sicut est ventriculi tui.

Vixit plurimum in secessu ruris sui Sabini aut Tiburtini, domusque eius ostenditur circa Tiburni luctulum. Venerunt in manus meas et elegi sub eius titulo, et epistola prosa oratione, quasi commendantis se Maecenati. Sed utraque falsa puto. Nam elegi vulgares, epistola autem obscura; quo vitio minime tenebatur. Natus est VI Idus Decembres, L. Cotta et L. Torquato

Coss. [anno U. C. 688]. Decessit V Kal. Decemb. C. Marcio Censorino et C. Asinio Gallo Coss. [U. C. 745] post septimum et quinquagesimum annum, herede Augusto palam nuncupato, quum urgente vi valetudinis non sufficeret ad obsignandas testamenti tabulas. Humatus et conditus est extremis Esquiliis juxta Maccenatis tumulum.

Q. HORATII FLACCI
C A R M I N U M
LIBER PRIMUS.

CARMEN I.

AD MAECENATEM.

Alios aliis studiis, se poëseos unice delectari, in eoque genere
Maecenatis iudicium plurimi aestimare ostendit.

*Metrum Asclepiadeum primum, versum Asclepiadeum minorem
usque repetens.*

Maecenas, atavis edite regibus,
O et praesidum et dulce decus meum,
Sunt quos curriculo pulverem Olympicum
Collegisse juvat, metaque fervidis
Evitata rotis palmaque nobilis
Terrarum dominos evehit ad Deos;
Hunc, si mobilium turba Quiritium
Certat tergeminis tollere honoribus;
Illum, si proprio condidit horreo,
Quidquid de Libycis verritur areis.
Gaudentem patrios findere sarculo
Agros, Attalicis conditionibus
Nunquam demoveas, ut trabe Cypria
Myrtoum pavidus nauta secet mare.

5

10

Luctantem Icariis fluctibus Africum
Mercator metuens, otium et oppidi
Laudat rura sui: mox reficit rates
Quassas, indocilis pauperiem pati.
Est qui nec veteris pocula Massici,
Nec partem solido demere de die
Spernit, nunc viridi membra sub arbuto
Stratus, nunc ad aquae lene caput sacrae.
Multos castra iuvant, et lituo tubae
Permixtus sonitus, bellaque matribus
Detestata. Manet sub Jove frigido
Venator, tenerae coniugis immemor,
Seu visa est catulis eerva fidelibus,
Seu rupit teretes Marsus aper plagas.
Me doctarum hederae praemia frontium
Dis miscent superis; me gelidum nemus
Nympharumque leves cum Satyris chori
Secernunt populo, si neque tibias
Euterpe cohibet, nec Polyhymnia
Lesboum refudit tendere barbiton.
Quodsi me lyricis vatibus inseris,
Sublimi feriam sidera vertice.

15

20

25

30

35

CARMEN II.

AD AUGUSTUM CAESAREM.

Varias calamitates Urbis et Orbis Romani insecuras post mortem Julii Caesaris describens spem omnem restituendae salutis in Augusto repositam dicit.

Metrum Sapphicum.

Jam satis terris nivis atque dirae
Grandinis misit Pater, et rubente

v. 17. Acidalius Gronovio, Bentl. Both. probantibus coniecit *tuta pro rura*. Cf. Bentl. et Both. Annotatt. — v. 29. *Me.* Hare, Wakef. Fea, F. A. Wolf (Analect. litt. I, 2. p. 262) alii *Te.* — v. 36. *Sublimis.* Fea.

Dextera sacras iaculatus arces
Terruit urbem,

Terruit gentes, grave ne rediret
Saeculum Pyrrhae, nova monstra questae,
Omne quum Proteus pecus egit altos
Visere montes,

Piscium et summa genus haesit ulmo,
Nota quae sedes fuerat palumbis,
Et superieeto pavidae natarunt
Aequore damae.

Vidimus flavum Tiberim, retortis
Litore Etruso violenter undis,
Ire deieectum monumenta Regis
Templaue Vestae,

Iliae dum se nimium querenti
Iactat ultorem, vagus et sinistra
Labitur ripa, Iove non probante, uxorius amnis.

Audiet cives acuisse ferrum,
Quo graves Persae melius perirent;
Audiet pugnas vitio parentum
Rara iuventus.

Quem vocet Divum populus ruentis
Imperi rebus? prece qua fatigent
Virgines sanctae minus audientem
Carmina Vestam?

Cui dabit partes scelus expiandi
Iupiter? Tandem venias, precanur,
Nube candentes humeros amictus
Augur Apollo;

II. v. 10. *palumbis* Ita Codd. Bentl. et Valart. Vetus Scholiast.
Edd. Sanad. Cuning. Fea. In reliquis *columbis*. Cf. Bentl. et Fea.
— v. 31. *candentes*. Fea e suis aliisque aliquot MSS. et veteribus
Edd. *candenti*.

Sive tu mavis, Erycina ridens,
 Quam Jocus circumvolat et Cupido;
 Sive neglectum genus et nepotes
 Respicis auctor

35

Heu! nimis longo satiate ludo,
 Quem juvat clamor galeaeque leves,
 Acer et Mauri peditis cruentum
 Vultus in hostem;

40

Sive mutata juvenem figura
 Ales in terris imitaris, almae
 Filius Maiae, patiens vocari
 Caesaris ultor:

Serus in coelum redeas, diuque
 Laetus intersis populo Quirini,
 Neve te nostris vitiis iniquum
 Ocius aura

45

Tollat. Hic magnos potius triumphos,
 Hic ames dici Pater atque Princeps,
 Neu sinas Medos equitare inultos,
 Te duce, Caesar.

50

CARMEN III.

AD VIRGILIUM.

Virgilio Athenas proficiscenti faustum navigationem precatur.

*Metrum Asclepiadeum secundum, in quo primus versus Glyconeus,
 alter choriambicus Asclepiadeus.*

Sic te Diva potens Cypri,
 Sic fratres Helenae, lucida sidera,
 Ventorumque regat pater,
 Obstrictis aliis praeter Iapyga,

v. 39. Ita tantum non omnes Codd. et Edd. vett. Sed recentiores plurimae Marsi ex conjectura Fabri Bentleio probata.

III. v. 4. *obstructis* Cod. Bersm. Cod. Vanderb.

- Navis, quae tibi creditum
Debes Virgilium finibus Atticis;
Reddas incolumen, precor,
Et serves animae dimidium meae.
Illi robur et aes triplex
Circa pectus erat, qui fragilem truci
Commisit pelago ratem
Primus, nec timuit praecipitem Africum
Decertantem Aquilonibus,
Nec tristes Hyadas, nec rabiem Noti,
Quo non arbiter Hadriae
Major, tollere seu ponere vult freta.
Quem Mortis timuit gradum,
Qui siccis oculis monstra natantia,
Qui vedit mare turgidum et
Infames scopulos Acroceraunia?
Nequidquam Deus abscidit
Prudens Oceano dissociabili
Terras, si tamen impiae
Non tangenda rates transsiliunt vada.
Audax omnia perpeti
Gens humana ruit per vetitum nefas.
Audax Iapeti genus
Ignem fraude mala gentibus intulit:
Post ignem aetheria domo
Subductum Macies et nova Febrium
Terris incubuit cohors;
Semotique prius tarda Necessitas
Leti corripuit gradum.
Expertus vacuum Daedalus aëra
Pennis non homini datis.
Perrupit Acheronta Herculeus labor.

v. 8. Ut pro et Fea e 2 Codd. — v. 18. *rectis oculis* Bentl.
coni. Doering. *sixis ocul.* — v. 19. *turbidum* Codd. Bersm. alii,
 Bentl. — v. 20. *alta Ceraunia* Baxter. e Codd. Lactantii, a quo
 hic locus laudatur. Cf. Bentl. — v. 22. *dissociabilis* Bentl. *dissociabiles* Fea. Cf. Mitscherl.

Nil mortalibus ardum est:
 Coelum ipsum petimus stultitia, neque
 Per nostrum patimur scelus
 Iracunda Iovem ponere fulmina.

40

CARMEN IV.
 AD L. SEXTIUM.

L. Sextium vere ineunte ad carpenda gaudia hortatur.

Metrum Archilochium quartum, compositum ex versu Archilochio maiore et versu iambico trimetro catalecto.

Solvitur aeris hiems grata vice veris et Favonî,
 Trahuntque siccas machinae carinas.
 Ac neque jam stabulis gaudet pecus, aut arator igni;
 Nec prata canis albicant pruinis.
 Iam Cytherea choros ducit Venus, imminente Luna, 5
 Iunctaeque Nymphis Gratiae decentes
 Alterno terram quatinnat pede; dum graves Cyclopum
 Vulcanus ardens urit officinas.
 Nunc decet aut viridi nitidum caput impedire myrto,
 Aut flore, terrae quem ferunt solutae. 10
 Nunc et in umbrosis Fauno decet immolare lucis,
 Seu posecat agna, sive malit haedo.
 Pallida Mors aequo pulsat pede pauperum tabernas
 Regumque turres. O beate Sexti,
 Vitae summa brevis spem nos vetat inchoare longam. 15
 Iam te premet nox, fabulaeque Manes,
 Et domus exilis Plutonia: quo simul mearis,
 Nec regna vini sortiere talis,
 Nec tenerum Lycidan mirabere, quo calet juventus
 Nunc omnis, et mox virgines tepebunt. 20

IV. v. 8. *visit off.* Rutgers. e MSS. Bersm. item Bentl. e Codd. et 5. Codd. Vanderb. — v. 12. *agnam - haedum.* Fea e Codd. suis, aliisque. — v. 19. Emendavit Bentl. e Codicibus *Lycidan*, cum priores Edd. ferrent *Lycidam*.

CARMEN V.

AD PYRRHAM.

Miseros esse, qui illius amore insido teneantur; se ex eo tanquam naufragio enatasse.

Metrum Asclepiadeum quartum. Duo priores versus sunt Asclepiadi minores, tertius Pherecraticus, quartus Glyconeus.

Quis multa gracilis te puer in rosa
Perfusus liquidis urget odoribus

Grato, Pyrrha, sub antro?
Cui flavam religas comar

Simplex munditiis? Heu! quoties sidem
Mutatosque Deos flebit, et aspera

5

Nigris aquora ventis
Emirabitur insolens,

*Qui nunc te fruitur credulus aurea;
Qui semper vacuam, semper amabilem*

10

Sperat, nescius aurae

Fallacis. Miseri, quibus

Intentata nites! Me tabula sacer

Votiva paries indicat uvida

Suspendisse potenti

Vestimenta maris Deo.

三

CARMEN VI.

AD AGRIPPAM.

Se iocosis versibus natum, bellicis virtutibus celebrandis minime parem esse.

Metrum Asclepiadeum tertium, constans ternis versibus Asclepiadeis minoribus cum Glyconeo.

Scriberis Vario fortis et hostium
Victor, Maeonii carminis aliti,
Quam rem cunque ferox navibus aut equis
Miles te duce gesserit.

Nos, Agrippa, neque haec dicere, nec gravem 5
Felidae stomachum cedere nescii,
Nec cursus duplicitis per mare Ulixei,
Nec saevam Pelopis domum

Conamur, tenues grandia: dum pudor
Imbellisque lyrae Musa potens vetat 10
Laudes egregii Caesaris et tuas
Culpa deterere ingenî.

Quis Martem tunica tectum adamantina
Digne scripserit? aut pulvere Troico
Nigrum Merionen? aut ope Palladis 15
Tydiden Superis parem?

Nos convivia, nos proelia virginum
Sectis in iuvenes unguibus acerum
Cantamus, vacui, sive quid urimur,
Non praeter solitum leves. 20

VI. v. 2. vulgo *alite*, recentiores tamen Edd. sere omnes *aliti*; Passeratio et Lambino auctoriibus. Cf. Gesner. et Jahn. — v. 7. Veteres quique codices *duplicitis* habent, recentiores plerique cum Ed. pr. *duplices*. Cf. Bentl. — v. 14. *Troio* coni. Hein-sius ad Ovid. Her. 1, 28. idque adsciverunt Jani, Mitscherl. Fea alii. — v. 18. *Strictis* pro *sectis* coni. Bentl. assumit Doering. Cf. Iahn.

CARMEN VII.

AD MUNATIUM PLANCUM.

Munatium Plancum, postquam Augusti gratia excidisset,
prae animi moerore voluntarium exilium minitantem a consilio
revocare conatur, laudato Tibure prae omnibus Graeciae civi-
tatis.

*Metrum Alcmanium, in quo hexametrum heroicum subsequitur
dactylicus versus tetrameter catalecticus.*

Laudabunt alii claram Rhodon, aut Mitylenen,
Aut Epheson, bimarisve Corinthi
Moenia, vel Baccho Thebas, vel Apolline Delphos
Insignes, aut Thessala Tempe.
Sunt quibus unum opus est, intactae Palladis arces 5
Carmine perpetuo celebrare,
Undique decerpitam fronti praeponere olivam.
Plurimus in Iunoris honorem
Aptum dicit equis Argos ditesque Mycenas.
Me nec tam patiens Latedaemon 10
Nec tam Larissae percussit campus opimae,
Quam domus Albuneae resonantis,
Et praeceps Anio, ac Tiburni lucus, et uda
Mobilibus pomaria rivis.
Albus ut obscuro deterget nubila coelo 15
Saepe Notus, neque parturit imbres
Perpetuos: sic tu sapiens finire memento
Tristitiam vitaeque labores
Molli, Plance, mero, seu te fulgentia signis
Castra tenent, seu densa tenebit 20

VII, v. 5. *arces*. Ita Bentl. quem vide, dedit e Codd. aliquot
Lambini et suo Reginensi, quibus accedunt Vandd. 2. *arcem* Cod.
Bersm. *urbem* plerique Codd. et Edd. Cf. Fea. — v. 7. Erasmus,
Lambin. alii invitis Codicibus *decerptae frondi*. Schrader. coni.
Indeque, recepit Mitsch. Døring. Cf. Bentl. — v. 9. *dicit magnus*
Codd. *numerus*; recepit Bentl. quem V.

Tiburis umbra tui Teucer Salamina patremque
 Quum fugeret, tamen uda Lyaeo
 Tempora populea fertur vinxisse corona,
 Sic tristes affatus amicos:
 Quo nos cunque feret melior Fortuna parente, 25
 Ibitus, o socii comitesque.
 Nil desperandum Tenero duce et auspice Teucro;
 Certus enim promisit Apollo,
 Ambiguam tellure nova Salamina futuram.
 O fortis, pejoraque passi
 Mecum saepe viri, nunc vino pellite curas:
 Cras ingens iterabimus aequor. 30

CARMEN VIII.

AD LYDIAM.

Monet eām, ne Sybarin adolescentem amore suo pēnitus perdat.

Metrum Sapphicū maius. Habet versum Aristophanicū sive Choriambicū dimetrum catalecticū in amphibrachyn aut bacchium; et Sapphicū versum maiorem, qui constat ex epírito secundo, duobus choriambis et bacchio.

Lydia dic, per omnes
 Te Deos oro, Sybarin cur properes amando
 Perdere; cur apricum
 Oderit campum, patiens pulveris atque solis.
 Cur neque militaris 5
 Inter aequales equitat, Gallica nec lupatis
 Temperat ora frenis?
 Cur timet flavum Tiberim tangere? cur olivum.

v. 27. *auspice Teueri* quidam Codd. Lamb. Bentl. Jan. Feae, qui in textum recepit. Cf. Bentl. et Jahn. — Ceterum iude a vers. 15. plures Codd. novum carmen ordiuntur. Cf. Bothe.

VIII, v. 2. *Hoc deos* Cod. Gotting. Graev. Vandd. tres. — *properes* Cod. Graev. et Vandd. sere omnes, Edd. Venet. Lamb. Bentl. Cf. Both. — v. 5. *militares* duo Codd. Bersm.

- Sanguine viperino
Cautus vitat; neque jam livida gestat armis 10
Brachia, saepe visco,
Saepe trans finem jaculo nobilis expedito?
Quid latet, ut marinae
Filiū dicunt Thetidis sub lacrimosa Trojae
Funera, ne virilis 15
Cultus in caedem et Lycias proriperet catervas?

CARMEN IX.

AD THALIARCHUM.

Hortatur ad hieinem hilare transigendam.

Metrum Alcaicum. Duo priores versus sunt Alcuii, qui constant e penthemimeri iambica et duobus dactylis; tertius dimeter iambicus hypercalecticus; quartus Pindaricus dactylicus e duobus dactylis et duobus trochaeis constans.

Vides, ut alta stet nive candidum
Soracte, nec jam sustineant omis
Silvae laborantes, geluque
Flumina constiterint acutō:

Dissolve frigus, lignā supēr foco
Large reponens, atque benignius
Deprome quadrinum Sabina,
O Thaliarche, merum diota. 5

Permitte Divis cetera, qui simul
Siravere ventos aequore servido
Deproeliantes, nec cupressi
Nec veteres agitantur ornī. 10

Quid sit futurum eras, fuge quaerere, et
 Quem Fors dierum cunque dabit, lucro
 Appone, nec dulces amores
 Sperne puer, neque tu choreas,
 Donec virenti canities abest
 Morosa. Nunc et Campus et áreæ,
 Lenesque sub noctém susurri
 Composita repetantur hora;
 Nunc et latentis proditor intimo
 Gratus puellae risus ab angulo,
 Pignusque dereptum lacertis
 Aut digito male pertinaci.

15

20

CARMEN X.

AD MERCURIUM.

Mercurio, deo suo tutelari (Od. II, 17, 29.) ex imitatione
 Alcaeï hymnum canit.

Metrum Sapphicum.

Mercuri, facunde nepos Atlantis,
 Qui feros cultus hominum recentum
 Voce formasti eatus, et decorae
 More palaestrae,

5

Te canam, magni Iovis et Deorum
 Nuntium, curvaeque lyrae parentem;
 Callidum, quidquid placuit, joso
 Condere furto.

Te, boves olim nisi reddidisses
 Per dolum amotas, puerum minaci
 Voce dum terret, viduus pharetra
 Risit Apollo.

10

Quin et Atridas, duce te, superbos,
Illo dives Priamus relicto,
Thessalosque ignes et iniqua Troiae
Castra sefellit.

15

Tu pias lactis animas reponis
Sedibus, virgaque levem coērces
Aurea turbam, superis Deorum
Gratus et imis.

20

CARMEN XI.

AD LEUCONOEN.

Ab artibus eam divinatoriis deterret, monetque ut laete vivat.

*Metrum Asclepiadeum maius, constans spondeo, tribus choriambis
et iambo vel pyrrhichio.*

Tu ne quaesieris, scire nefas, quem mihi, quem tibi
Finem Dī dederint, Leuconoë; nec Babylonios
Tentaris numeros. Ut melius, quidquid erit, pati!
Seu plures hiemes, seu tribuit Iupiter ultimam,
Quae nunc oppositis debilitat punicibus mare 5
Tyrrhenum. Sapias, vina lique, et spatio brevi
Spem longam reseces. Dum loquimur, fugerit invida
Aetas. Carpe diem, quam minimum credula postero.

CARMEN XII.

AD AUGUSTUM.

Splendidissimo carmine[¶]Caesaris Augusti laudes celebrat.

Metrum Sapphicum.

Quem virum aut heroa lyra vel aeri
Tibia sumis celebrare, Clio?

Quem Deum? cuius recinet jocosa
Nomen imago,

Aut in umbrosis Heliconis oris,
Aut super Findo, gelidove in Haemo?
Unde vocalem temere insecurae
Orpheus silvae,

Arte materna rapidos morantem
Fluminum lapsus celeresque ventos,
Blandum et auritas fidibus canoris
Ducere quercus.

Quid prius dicam solitis Parentis
Laudibus? qui res hominum ac Deorum,
Qui mare ac terras, variisque mundum
Temperat horis;

Unde nil maius generatur ipso,
Nec viget quidquam simile aut secundum;
Proxiinos illi tamen occupavit
Pallas honores.

Proeliis audax, neque te silebo,
Liber, et saevis inimica Virgo
Belluis, nec te, metuende certa
Phoebe sagitta.

Dicam et Alciden, puerosque Ledae,
Hunc equis, illum superare pugnis
Nobilem; quorum simul alba nautis
Stella refulsit,

v. 3. *recinit* Gotting. plerique Codd. Feac, aliquot Vand. et Edd. vett. — v. 13. Ita Bentl. e Codd. optimae notae. Sed plerique Codd. habent *parentum*. Cod. Pulmanni *parentem*, eamque lectionem recepit l'ea transposito interrogacionis signo inter prius et dicam Cf. Jahn. — v. 14. Codd. quidam Lambin. *rex hominum* Cf. Bentl. — v. 15. *terram* Cod. Vand. — v. 19. *occupabit* coni. Puteani, ab Heinsio aliis, in quibus et Fea recepta Cf. Bentl. — v. 28. *refulget* l'ea e Cod. Eiusdem duo Codd. et quaedam Edd. vett. *Sidera fulgent*.

Defluit saxis agitatus humor,
Concidunt venti, fugiuntque nubes,
Et minax, dī sic voluere, ponto
 Unda recumbit.

Romulum post hos prīns, an quietum
Pompili regnum memorem, an superbos
Tarquinī fasces, dubito, an Catonis
 Nobile letum.

Regulum, et Scauros, animaeque magnae
Prodigum Paullum, superante Poeno,
Gratus insigni referam Camena,
 Fabrieiumque.

Hunc, et incomitis Curium capillis,
Utilem bello tulit, et Camillum,
Saeva paupertas et avitus apto
 Cum lare fundus.

Crescit, occulto velut arbor aevo,
Fama Marcelli; micat inter omnes
Julium sidus, velut inter ignes
 Luna minores.

Gentis humanae pater atque custos,
Orte Saturno, tibi eura magni
Caesaris fatis data; tu secundo
 Caesare regnes.

Ille, seu Parthos Latio imminuentes
Egerit justo domitos triumpho,
Sive subiectos Oriantis orae
 Seras et Indos,

Te minor latum reget aequus orbem;
Tu gravi curru quaties Olympum,

v. 31. Ita Fea ex uno suorum Codd. et Cod. Laurentiano Torrentii, Bentleius dedit sic *Di vol.* Reliqui Codd. et Edd. has lectiones sequuntur: *quia sic, quod sic, nam sic voluere.* — v. 35. Bentl. pro *an* *Catonis* coniecit *anne Curti*. Cf. Jahn. — v. 57. Codd. plures Lamb. Pulm. Bentl. Feae, alii *laetum*. Cf. Bentl. et Bothius.

Tu parum castis inimica mittes
Fulmina lucis.

60

CARMEN XIII.

A D L Y D I A M.

Poeta dolet sibi Telephum anteponi.

Metrum Carm. 2.

Quum tu, Lydia, Telephi
Cervicem roseam, cerea Telephi
Laudas brachia, vae, meum
Fervens difficili bile tumet iecur.
Tum nec mens mihi nec color
Certa sede manet, humor et in genas
Furtim labitur, arguens
Quam lentis penitus macerer ignibus.
Uror, seu tibi candidos
Turparunt huneros immodicae mero
Rixae, sive puer furens
Impressit memorem dente labris notam.
Non, si me satis audias,
Speres perpetuum, dulcia barbare
Laudentem oscula, quae Venus
Quinta parte sui nectaris imbuit.
Felices ter et amplius,
Quos irrupta tenet copula, nec malis
Divulsus querimoniis
Suprema citius solvet amor die.

5

10

15

20

XIII, v. 2. Vetus Grammaticus Flavius Caper hunc versum laudans legit *lactea* pro *cerea*, idque recepit Bentl. — v. 6. *manet* Bentl. reposuit e Codd. aliquot Lambini et Pulmanni, quibus cum consentiunt Gotting. alii et Ed. Veneta antiqua; sed plurimi libri *manent*. Cf. Both.

CARMEN XIV.

AD REM PUBLICAM.

Sub imagine navis monet eam, ne nova adeat bellorum cíviliū pericula.

Metrum Carm. 5.

O navis, referent in mare te novi
Fluctus? O quid agis? fortiter occupa
Portum. Nonne vides, ut
Nudum remigio latus,

Et malus celeri saucius Africo
Antennaeque gemant? ac sine funibus
Vix durare carinae
Possint imperiosius

Aequor? Non tibi sunt integra lintea,
Non Dī, quos iterum pressa voces malo,
Quamvis Pontica pinus,
Silvae filia nobilis,

Jactes et genus et nomen inutile.
Nil pictis timidus navita puppibus
Fidit. Tu, nisi ventis
Debes ludibrium, eave.

Nuper sollicitum quae mihi taedium,
Nunc desiderium curaque non levis;
Interfusa nitentes
Vites aequora Cycladas.

5

10

15

20

XIV, v. 1. referunt libri aliquot, idque praetulit Both. quem Cf. in Annotatt. et Jahn. ad h. l. — v. 6. *gemunt*, et *inox possunt* Codd. Bentl. Feae et Servius. Cf. Jahn. Reliqui fere omnes *gemant*, *possint*. — v. 6. *Iam sine fun.* Fea et Both. ex Edd. vett.

CARMEN XV.

NEREI VATICINUM DE EXCIDIO TROJAE.

Metrum Carm. 6.

Pastor quum traheret per freta navibus
Idaeis Helenen perfidus hospitam,
Ingrato celeres obruit otio

Ventos, ut caneret fera

Nereus fata: Mala ducis avi domum,
Quam multo repetet Graecia milite,
Conjurata tuas rumpere nuptias

Et regnum Priami vetus.

Heu, heu, quantus equis, quantus adest viris
Sudor! quanta moves funera Dardanae

Genti! Jam galeam Pallas et aegida
Currusque et rabiem parat.

Nequidquam, Veneris praesidio ferox,
Pectes caesariem, grataque feminis
Imbelli cithara carmina divides,

Nequidquam thalamo graves

Hastas, et calami spicula Gnosii
Vitabis, strepitumqne, et celerem sequi
Aiacem: tamen, heu, serus adulteros

Cultus pulvere collines

Non Laërtiadē, exitium tuac

Gentis, non Pylium Nestora respicis?

Urgent impavidi te Salaminius

Teucer, te Sthenelus sciens

5

10

15

20

XV, v. 2. *Helenen* dant aliquot libri Cruq. Vand. etc. Vulgo *Helenam*. Cf. Both. Annotatt. — v. 9. Ita plurimi Codd. Feae, aliquique. Vulgo *Eheu*. Cf. Both. Annotatt. — v. 20. *Cultus* plurimi et meliores Codd. Feae, aliorum. Vulgo *crines*. Cf. Fea. Vett. Edd. *vultus*. — v. 22. *Genti* Codd. quidam Lamb. Bentl. Feae. Cf. Bentl. — v. 24. *Teucerque et Sthen*. Bentl. quem V: e Cod. —

Pugnae, sive opus est imperitare equis,
Non auriga piger; Merionen quoque
Nosces. Ecce fuit te reperire atrox

Tyrides, melior patre;

Quem tu, cervus uti vallis in altera
Visum parte lupum graminis immemor,
Sublimi fugies mollis anhelitu;

Non hoc pollicitus tuae.

Iracunda diem proferet Ilio
Matronisque Phrygum classis Achillei;
Post certas hiemes uret Achaïus
Ignis Pergameas domos.

25

30

35

CARMEN XVI.

PALINODIA AD AMICAM.

Metrum Alcaicum.

O matre pulchra filia pulehrior,
Quem criminosis cunque voles modum
Pones iambis; sive flamma
Sive mari libet Hadriano.

Non Dindymene, non adytis quatit
Meatem sacerdotum incola Pythius,
Non Liber aequa, non acuta

Si gerinant Corybantes aera,

Tristes ut irae: quas neque Noricus
Deterret ensis, nec mare naufragum,
Nec saevus ignis, nec tremendo
Iupiter ipse ruens tumultu.

Fertur Prometheus, addere principi
Limo coactus particulam undique

5

10

v. 35. *Achäus* Codd. *Feae*, quem Cf. *Achaeus*. — v. 36.
Ita Codd. *Glarean*. et *Pulm.* antiquissimi. *Vulgaris lectio Iliacus*
adversante metro.

XVI, v. 8. *Si*. Emendavit Bentl. Codd. omnes et vett. Edd. *Sic.*

Desectam, et insani leonis
Vim stomacho apposuisse nostro. 15
Irae Thyesten exitio gravi
Stravere, et altis urbibus ultimae
Stetere causae, cur perirent
Funditus, imprimeretque muris
Hostile aratrum exercitus insolens.
Compesce mentem: me quoque pectoris
Tentavit in dulci iuventa
Fervor, et in celeres iambos
Misit furentem; nunc ego mitibus
Mutare quaero tristia, dum mihi
Fias recantatis amica
Opprobriis, animumque reddas. 20
25

CARMEN XVII.

AD TYNDARIDEM.

Invitat eam ad villam suam in Sabinis, quam elegantissime
describit.

Metrum Alcaicum.

Velox amoenum saepe Lucretilem
Mutat Lycaeum Faunus, et igneam
Defendit aestatem capillis
Usque meis pluviosque ventos.
Impune tutum per nemus arbudos
Quaerunt latentes et thyma deviae
Olentis uxores mariti;
Nec virides metuunt colubras,
Nec martiales haeduleae lupos.
Uteunque dulci, Tyndari, fistula 5
10

XVII, v. 5. *totum* Bentl. e Codd. quibusdam Lamb. Sed Vid. Jahn. — v. 9. Codd. *haedilia* vel *haediliae*. Emendavit *haeduleae* Bentl. quem Vid.

Valles et Usticae cubantis
Laevia personuere saxa.

Dì me tuentur: Dis pietas mea
Et Musa cordi est. Hie tibi copia
Manabit ad plenum benigno
Ruris honorum opulenta cornu. 15

Hic in reducta valle Caniculae
Vitabis aestus, et fide Teïa
Dices laborantes in uno
Penelopen vitreamque Circen. 20

Hic innocentis pocula Lesbii
Duees sub umbra, nec Semeleïus
Cum Marte confundet Thyoneus
Proelia, nec metues protervum
Suspecta Cyrum, ne male dispari
Incontinentes iniiciat manus,
Et seindat haerentem coronam
Crinibus, immeritamque vestem. 25

CARMEN XVIII.

AD VARUM.

Moderatum vini usum commendat.

Metrum Carm. II.

Nullam, Vare, sacra vite prius severis arborem
Circa mite solum Tiburis et moenia Catili.
Siecis omnia nam dura Deus proposuit, neque
Mordaces aliter diffugiunt sollicitudines.
Quis post vina gravem militiam aut pauperiem crepat? 5
Quis non te potius, Bacche pater, teque, decens Venus?

v. 14. hic Ed. Loscheri. Lectio vulgaris: *hinc*. Vid. Bentl. qui
recepit *hic*, et Both. in vulgari lectione acquiescens.

XVIII, v. 5. *increpat* Novem Codd. Vanderb. aliique.

At ne quis modici transsiliat munera Liberi,
 Centaurea monet cum Lapithis rixa super mero
 Debellata; monet Sithoniis non levis Evius,
 Quum fas atque nefas exiguo fine libidinum 10
 Discernunt avidi. Non ego te, candide Bassareu,
 Invitum quatiam, nec variis obsita frondibus
 Sub divum rapiam Saeva tene cum Berecyntio
 Cornu tympana, quae subsequitur caecus Amor sui,
 Et tollens vacuum plus nimio Gloria verticem, 15
 Arcanique Fides prodiga, perlucidior vitro.

CARMEN XIX.

D E G L Y C E R A.

Se eius amore denuo incendi.

Metrum Carm. 3.

Mater saeva Cupidinum,
 Thebanaque iubet me Semeles puer,
 Et lasciva Lictentia 5
 Finitis animum reddere amoribus.
 Urit me Glycerae nitor
 Splendentis Pario marmore purius;
 Urit grata protervitas,
 Et vultus nimium lubricus adspici.
 In me tota ruens Venus
 Cyprum deseruit; nec patitur Scythas,
 Et versis animosum equis 10
 Parthum dicere, nec quae nihil attinent.

v. 7. ac ne quis plures Codd. Bentl. et Vand. V. Bentl. —
v. 13. dium Ed. Glareani. — *v. 15. extollens pro et toll.* Cod. Graev. Coll. Sax. *sui et Adtollens* Cuning. et Ed. Glar.

XIX, *v. 2. iubent* Codd. aliquot Bentl. Cf. supra ad I, 13, 6. et Bentl. ad Od. I, 24, 8. — *v. 12. attinet* Cod. Brod. et Bland.

Hie vivum mihi cespitem, hic
 Verbenas, pueri, ponite, thuraque
 Bimi cum patera meri:
 Mactata veniet lenior hostia.

15

CARMEN XX.

AD MAECENATEM.

Invitat Maecenatem ad convivium.

Metrum Carm. 2.

Vile potabis modicis Sabinum
 Cantharis, Graeca quod ego ipse testa
 Conditum levi, datus in theatro
 Quum tibi plausus,
 Care Maecenas eques, ut paterni
 Fluminis ripae, simul et jocosa
 Redderet laudes tibi Vaticani
 Montis imago.

5

Caecubam et prelo domitam Caleno
 Tu bibes uyam: mea nec Falernae
 Temperant vites, neque Formiani
 Pocula colles.

10

v. 14. Vulgaris scriptio turaque. Sed V. Fea.

XX, *v. 5. Clare Bentl. e Codd. quem Cf. et Feam. — v. 9. Ita Codd. Lambin. Alii Caecubum. Ante hunc vers. Bothius interrogacionis signo orationem interpungit.*

CARMEN XXI.

HYMNUS IN DIANAM ET APOLLINEM.

Metrum Carm. 5.

Dianam tenerae dicite virgines;
 Intonsum, pueri, dicite Cynthium,
 Latonamque supremo
 Dilectam penitus Iovi.

Vos laetam flaviis et nemorum coma, 5
 Quaccunque aut gelido` prominet Algido,
 Nigris aut Erymanthi

Silvis, aut viridis Cragi;

Vos Tempe totidem tollite laudibus,
 Natalemque, mares, Delon Apollinis, 10
 Insignemque pharetra
 Fraternaque humerum lyra.

Hic bellum lacrimosum, hie miseram famem
 Pestemque, a populo et principe Caesare, in
 Persas atque Britannos 15
 Vestra motus aget prece.

XXI, v. 5. *comam* quatuor Codd. Blandin. Cod. Graev. Gotting.
 Vand. idque praetulit Bentl. quem V. — v. 13. *haec bellum* con-
 iecit Bentleius, eamque lectionem aliquot Edd. receperunt. Sed
 Cf. Fea. — v. 14. Ita omnes sere Codd. Edd. vett. *Populo prin-*
cipe sine et pauci Codd. ac Edd. recentiores. Cf. Both. Annotatt.

CARMEN XXII.

AD ARISTIUM FUSCUM.

Nihil timendum esse viro innocentio suo exemplo in magno
discrimine nuper mirifice servatus ostendit.

Metrum Sapphicum.

Integer vitae scelerisque purus
Non eget Mauris iaculis, neque arcu,
Nec venenatis gravida sagittis,
Fusce, pharetra;

Sive per Syrtes iter aestuosas,
Sive facturus per inhospitalem
Caucasum, vel quae loca fabulosus
Lanibit Hydaspes.

Namque me silva lupus in Sabina,
Dum meam canto Lalagen, et ultra
Terminum curis vagor expeditis,
Fugit inermen;

Quale portentum neque militaris
Daunias latis alit aesculetis,
Nec Iubae tellus generat, leonum
Arida nutrix.

Pone me, pigris ubi nulla campis
Arbor aestiva recreatur aura;
Quod latus mundi nebulae malusque
Iupiter urget:

Pone sub curru nimium propinquui
Solis, in terra domibus negata:
Dulce ridentem Lalagen amabo,
Dulce loquentem.

5

10

15

20

XXII, v. 2. *Mauris* omnes fere Codd. et vett. Edd. Al. *Mauri*.
V. Bentl. — v. 11. *expeditus* multi Codd. inter quos plures Feac
et Vand. et Edd. vett. idque practulit Bentl. quem V. coll. Doe-
ring. — v. 14. *Daunias* omnes fere libri MSS. et Edd. vett.
Aliae Edd. inde a Stephan. *Daunia in.* V. Bentl.

CARMEN XXIII.

A D C H L O È N.

Ab amore adhuc abhorrentem delinire studet.

Metrum Carm. 5.

Vitas hinuleo me similis, Chloë,
Quaerenti pavidam montibus aviiis
Matrem, non sine vano
Aurarum et siluae metu;

Nam seu mobilibus veris inhorruit
Adventus foliis, seu virides rubum
Dimovere lacertae,
Et corde et genibus tremit,

Atqui non ego te, tigris ut aspera
Gaetusve leo, frangere persequor:
Tandem desine matrem
Tempestiva sequi viro.

5

10

CARMEN XXIV.

A D V I R G I L I U M.

Monet, ut Quintilii mortem aquo animo ferat.

Metrum Carm. 6.

Quis desiderio sit pudor aut modus
Tum cari capit? Praecipe lugubres
Cantus, Melpomene, cui liquidam Pater
Vocem cum cithara dedit.

XXIII, v. 5. Muretus e Codd. *vitis inhorruit Ad ventum*. Inde coniecit Bentl. *vepris inhorruit Ad ventum*. Tuetur hanc lectio-nem Doeringius, plurimi reiiciunt.

Ergo Quintcilium perpetuus sopor 5
 Urget! cui Pudor, et Institiae soror,
 Incorrupta Fides, nudaque Veritas
 Quando ullum inveniet parem?
 Multis ille bonis flebilis occidit;
 Nulli flebilius, quam tibi, Virgili, 10
 Tu frustra pius, heu, non ita creditum
 Poscis Quintcilium Deos.
 Quod si Threicio blandius Orpheo
 Auditam moderere arboribus fidem,
 Non vanae redeat sanguis imagini, 15
 Quam virga semel horrida,
 Non lenis precibus fata recludere,
 Nigro compulerit Mercurius gregi.
 Durum! Sed levius fit patientia,
 Quidquid corrigere est nefas. 20

CARMEN XXV.

A D L Y D I A M.

Insultat ei, quod olim arrogans, iam vetula, merito ab amatoribus spernatur.

Metrum Carm. 2.

Parcius iunctas quatiant fenestras
 Ictibus crebris iuvenes protervi,
 Nec tibi somnos adimunt, amatque
 Ianua limen,
 Quae prius multum facilis movebat 5
 Cardines. Audis minus et minus iam:
 Me tuo longas pereunte noctes,
 Lydia, dormis!

XXIV, v. 8. Ita Bentleius, quem Vid. ex plus 10. Codd. et Edd.
 vett. Lectio vulgata est *invenient*. Cf. Both.

XXV, v. 1. *vinctas* pro *iunctas* Codd. Bentl. quem V.

Invicem moechos anus arrogantes
Flebis in solo levis angiportu,
Threcio bacchante magis sub inter-
lunia vento;

10

Quum tibi flagrans amor, et libido,
Quae solet matres furiare equorum,
Saeviet circa jecur ulcerosum;

15

Non sine questu

Laeta quod pubes edera virenti
Gandeat pulla magis atque myrto,
Aridas frondes Hiemis sodali

Dedicet Hebro.

20

CARMEN XXVI.

D'E AELIO LAMIA.

Omni cura solutus, ut poëta, Lamiam Musae celebrandum
commendat.

Metrum Carm. 9.

Musis amicus, tristitiam et metus
Tradam protervis in mare Creticum
Portare ventis, quis sub Arcto
Rex gelidae metuatur orac,

5

Quid Tiridaten terreat, unice
Securus. O, quae fontibus integris
Gaudes, apricos necete flores,
Necte meo Lamiae coronam,

v. 20. Pro *Hebro* sive *Ebro* quae lectio est codicum, multae
Edd. e Bentlei sententia *Euro*. Vid. Bentl. et Fea.

XXVI, v. 3. *qui sub* Cod. Bentl. — v. 5. Ita Bentl. Lectio
vulg. *Tiridatem*. Quidam Codd. Lambin. *Mithridatem*.

Pimplei dulcis: nil sine te mei
 Possunt honores; hunc fidibus novis,
 Hunc Lesbio sacrare plectro,
 Teque tuasque decet sorores.

10

CARMEN XXVII.

A D S O D A L E S.

Carmen convivale, quo sodales a rixis et tumultu revocat.

Metrum Carm. 9.

Natis in usum laetitiae scyphis
 Pugnare Thracum est: tollite barbarum
 Morem, verecundumque Bacchum
 Sanguineis prohibete rixis.

Vino et lucernis Medus acinaces
 Imniane quantum discrepat! impium
 Lenite clamorem, sodales,
 Et cubito remanete presso.

Vultis severi me quoque sumere
 Partem Falerni? dicat Opuntiae
 Frater Megillae, quo beatus
 Vulnere, qua pereat sagitta.

Cessat voluntas? non alia bibam
 Mercede. Quae te cunque domat Venus,
 Non erubescendis adurit
 Ignibus, ingenuoque semper
 Amore peccas. Quidquid habes, age,
 Depone tutis auribus. — Ah miser,

5

10

15

v. 9. Emendavit Bentl. quem V. Codicens enim *Pimplea* aut *Piplea*. — v. 10. Ita Bentl. e codd. aliquot; plerique tamen prosunt.

XXVII, v. 1. Cod. Vand. *nactis in*, quem V. coll. Bothio in Annot.

Quanta laborabas Charybdi,
Digne puer meliore flamma!
Quae saga, quis te solvere Thessalis
Magus venenis, quis poterit Deus?
Vix illigatum te triformi
Pegasus expediet Chimaera.

20

CARMEN XXVIII.

ARCHYTAS ET NAUTA.

Inter Archytac umbram et nantam dialogismus, quo vanitas studiorum humanorum contra fortunam et mortem significatur.

Metrum Carm. 7.

Nauta.

Te maris et terrae numeroque carentis arenac
Mensorem cohibent, Archyta,
Pulveris exigui prope litus parva Matinum
Munera, nec quidquam tibi prodest
Aërias tentasse domos, animoque rotundum
Percurrisse polum, morituro. 5

Archytæ umbra.

Occidit et Pelopis genitor, conviva Deorum,
Tithonusque remotus in auras,
Et Iovis arcanis Minos admissus, habentque
Tartara Panthoiden, iterum Orco 10
Demissum; quamvis clypeo Troiana refixo
Tempora testatus, nihil ultra
Nervos atque cutem Morti concesserat atrae;
Iudice te non sordidns auctor
Naturae verique. Sed omnes una manet nox, 15
Et calcanda semel via leti.

v. 19. *laboras* Codd. Bentl. alii et Edd. priuiae; *laboras in* Edd. Ven. Lambin. Bentl. quem Vid. et Doering.

Dant alios Furiae torvo spectacula Marti,
 Exitio est avidum mare nautis:
 Mixta senum ac juvenum densentur funera, nullum
 Saeva caput Proserpina fugit. 20
 Me quoque devexi rapidus comes Orionis
 Illyrieis Notus obruit undis.
 At tu, nauta, vagae ne parce malignus arenae
 Ossibus et capiti inhumato
 Particulam dare: sic, quodcunque minabitur Eurus 25
 Fluctibus Hesperiis, Venusinae
 Plectantur sylvae, te sospite, multaque merces,
 Unde potest, tibi defluat aequo —
 Ab Iove, Neptunoque sacri custode Tarenti.
 Negligis immeritis nocitaram 30
 Postmodo te natis fraudem committere? Fors et
 Debita iura vicesque superbae
 Te maneant ipsum: precibus non linquar inultis;
 Teque piacula nulla resolvent.
 Quamquam festinas, non est mora longa, licebit 35
 Iniecto ter pulvere curras.

CARMEN XXIX.

AD ICCIUM.

Facete carpit Iccium, qui studio philosophiae, quod ambi-
 tiose ante affectaverat, repente abiecto, militare instituerat spe
 lucri.

Metrum Carm. 9.

Ieci, beatis nunc Arabum invides
 Gazis, et acrem militiam paras
 Non ante devictis Sabaeae
 Regibus, horribilique Medo

XXVIII, v. 18. *avidum* Cod. Bentl. multique alii, quos enumera Fea. Olim *vulgo avidis*. Vid. Bentl. et Iahn. — v. 19. Ita plurimi iisque optimi Codd. Sed olim in plerisque Edd. *densantur*. Vid. Bentl. et Fea. — v. 31. Codd. Vand. alii *forsan*, et mox Cod. Bentl. *superbe*.

Nectis catenas? Quae tibi virginum, 5
 Sponso necato, barbara serviet?
 Puer quis ex aula capillis
 Ad cyathum statuetur unctis,
 Doctus sagittas tendere Sericas
 Areu paterno? quis neget arduis 10
 Pronos relabi posse rivos
 Montibus, et Tiberim reverti,
 Quum tu coëmtos undique nobiles
 Libros Panaeti, Soeraticam et domum,
 Mutare loricis Iberis, 15
 Pollicitus meliora, tendis?

CARMEN XXX.

A D V E N E R E M.

Rogat eam, ut domestico Glycerae sacrificio intersit.

Metrum Carm. 2.

O Venus, regina Cnidi Paphique,
 Sperne dilectam Cypron, et vocantis
 Thure te multo Glycerae decoram
 Transfer in aedem.

Fervidus tecum Puer, et solutis 5
 Gratiae zonis, properentque Nymphae,
 Et parum comis sine te luventas,
 Mercuriusque.

XXX, v. i. *Cnidi* Codd. Graev. Vand. alii. Vulgo *Gnidi*. Cf. Fea.

CARMEN XXXI.

AD APOLLINEM.

Preces ad Apollinem, quibus poëta nil praeter mentem sanam
in corpore sano sibi exoptat.

Metrum Carm. 9.

Quid dedicatum poscit Apollinem
Vates? quid orat, de patera novum
Fundens liquorem? Non opimae
Sardiniae segetes feraces;

Non aestuosae grata Calabriae
Armenta; non aurum, aut ebur Indicum;
Non rura, quae Liris quieta
Mordet aqua, taciturnus amnis.

Premant Calena falce, quibus dedit
Fortuna, vitem; dives et aureis
Mercator exsiccat culullis
Vina Syra reparata merce,

Dis carus ipsis; quippe ter et quater
Anno revisens aequor Atlanticum
Impune. Me pascant olivae,
Me cichorea, levesque malvae.

Frui paratis et valido mihi,
Latoë, dones, et, precor, integra
Cum mente; nec turpem senectam
Degere, nec cithara carentem.

5

10

15

20

XXXI, v. 3. Sic Codd. tantum non omnes. Sed plurimæ Edd.
opimas Sardiniae segetes feracis. Vid. Fea. — v. 10. Bentl. e
Godd. suis ut pro et; itemque quatuor Vanderb.

CARMEN XXXII.
AD LYRAM.

Alloquitur lyram, cum ad solennius carmen scribendum invitatus esset, ne sibi desit.

Metrum Carm. 2.

Poscimur. Si quid vacui sub umbra
Lusimus tecum, quod et hunc in annum
Vivat et plures: age, dic Latinum,
Barbite, carmen,

Lesbio primum modulate civi;
Qui, ferox bello, tamen inter arma,
Sive iactatam religarat udo
Litore navim,

Liberum et Musas, Veneremque, et illi
Semper haerentem Puerum canebat,
Et Lycum, nigris oculis nigroque
Crine decorum.

O decus Phoebi, et dapibus supremi
Grata testudo Iovis, o laborum
Dulce lenimen, mihi cunque salve
Rite vocanti.

5

10

15

CARMEN XXXIII.

AD ALBIUM TIBULLUM.

Consolatur eum aliorum exemplo amantium non redamatorum.

Metrum Carm. 6.

Albi, ne doleas plus nimio, memor
Immitis Glycerae, neu miserabiles

XXXII, v. 1. *Poscimus*, Bentl. e Cod. Graev. itemque Codd. aliquot Vanderb. — Mox *antro pro umbra* e Cod. Galei Bentl. quem Vid.

Decantes elegos, cur tibi iunior
Laesa praeniteat fide.

Insignem tenui fronte Lycorida
Cyri torret amor; Cyrus in asperam
Declinat Pholoën: sed prius Appulis
Iungentur capreae lupis,

Quam turpi Pholoë peccet adultero.
Sic visum Veneri, cui placet impares
Formas atque animos sub iuga aënea
Saevo mittere cum ioco.

Ipsum me melior quum peteret Venus,
Grata detinuit compede Myrtale
Libertina, fretis aerior Hadriae
Curvantis Calabros sinus.

CARMEN XXXIV.

A D S E I P S U M.

Dicit, se antea parcum Deorum cultorem, nunc sententiam
mutare non inani eorum metu perterritum.

Metrum Carm. 9.

Pareus Deorum cultor et infrequens,
Insanientis dum sapientiae
Consultus erro, nunc retrorsum
Vela dare, atque iterare cursus

Cogor relictos. Namque Diespiter
Igni eorusco nubila dividens
Plerumque, per purum tonantes
Egit equos volucremque currum,
Quo bruta tellus, et vaga flumina,
Quo Styx, et invisi horrida Taenari
Sedes, Atlanteusque finis
Concutitur. Valet ima summis

5

10

Mutare, et insignem attenuat Deus,
 Obscura promens. Hinc apicem rapax
 Fortuna cum stridore acuto
 Sustulit, hic posuisse gaudet.

15

CARMEN XXXV.

A D F O R T U N A M.

Hymnus in Fortunam Deam, quo simul ut Caesarem servet
 in Britanniam iturum precatur.

Metrum Carm. 9.

O Diva, gratum quae regis Antium,
 Praesens vel imo tollere de gradu
 Mortale corpus, vel superbos
 Vertere funeribus triumphos:
 Te pauper ambit sollicita prece
 Ruris colonus; te dominam aequoris,
 Quieunque Bithyna lacescit
 Carpathium pelagus carina.

5

Te Dacus asper, te profugit Scythae,
 Urbesque, gentesque, et Latium ferox,
 Regumque matres barbarorum, et
 Purpurei metuunt tyranni,
 Iniurioso ne pede proruas
 Stantem columnam, neu populus frequens
 Ad arma cessantes, ad arma
 Concitet, imperiumque frangat.

10

15

XXXIV, v. 13. *insigne* Bentl. e Codice.

XXXV, v. 6. F. A. Wolfius post *ruris* commata interpungi iubet, ut *dominam* etiam ad hunc genitivum pertineat. Vid. Both. Annotatt. et Iahn.

Te semper anteit saeva Necessitas,
 Clavos trabales et cuneos manu
 Gestans aëna; nec severus
 Uncus abest, liquidumque plumbum. 20

Te Spes et albo rara Fides colit
 Velata panno; nec comitem abnegat,
 Utcunque mutata potentes
 Veste domos inimica linquis.

At vulgus infidum et meretrix retro
 Periura cedit; diffugiunt cadis
 Cum faece siccatis amici,
 Ferre iugum pariter dolosi.

Serves iturum Caesarem in ultimos
 Orbis Britannos, et iuvenum recens
 Examen Eois timendum
 Partibus, Oceanoque rubro. 30

Heu heu, cicatricum et sceleris pudet
 Fratrumque. Quid nos dura refugimus
 Aetas? quid intactum nefasti
 Liquimus? unde manum iuventus 35

Metu Deorum continuit? quibus
 Pepercit aris? O utinam nova
 Incude diffingas retusum in
 Massagetas Arabasque ferrum. 40

v. 17. *serva Necess.* Codd. aliquot Cruq. et Vanderb. sere
 omnes. Sed vid. Bentl. — v. 33. Ita Coll. Sax. et Fea. Vulgo
Eheu Vid. Both. Annotatt. — v. 39. Bentl. e Codd. quibus nunc
 accedunt Feae aliquot et Vand. *d'fingas.* Idemque coniecit *re-*
coctum pro recusum, quod habet Cod. Cruq.

CARMEN XXXVI.

AD PLOTIUM NUMIDAM.

Ob eius ex Hispania redditum gaudio exultans sacrificandum
laetiusque parandum convivium esse dicit.

Metrum Carm. 3.

Et thure et fidibus iuvat

Placare et vituli sanguine debito

Custodes Numidae Deos,

Qui nune Hesperia sospes ab ultima

Caris multa sodalibus,

5

Nulli plura tamen dividit oscula,

Quam dulci Lamiae; memor

Actae non alio rege puertiae,

Mutataeque simul togae.

Cressa ne careat pulchra dies nota,

10

Neu promtae modus amphorae,

Neu morem in Salium sit requies pedum;

Neu multi Damalis meri

Bassum Threïcia vincat amystide,

Neu desint epulis rosae,

15

Neu vivax apium, neu breve lilium.

Omnis in Damalin putres

Deponent oculos, nec Damalis novo

Divelletur adultero,

Lascivis ederis ambitiosior.

20

XXXVI, v. 10. *Thressa ne conf.* Erasmus. Vid. Bentl.

CARMEN XXXVII.

A D S O D A L E S.

Publicam laetitiam indicit ob voluntariam Cleopatrae necem.

Metrum Carm. 9.

Nunc est bibendum, nunc pede libero
Pulsanda tellus; nunc Saliaribus

Ornare pulvinar Deorum

Tempus erat dapibus, sodales,

Antehac nefas depromere Caecubum

5

Cellis avitis, dum Capitolio

Regina dementes ruinas,

Funus et imperio parabat,

Contaminato cum grege turpium

Morbo virorum, quidlibet impotens

10

Sperare, fortunaque dulci

Ebria. Sed minuit furorem

Vix una sospes navis ab ignibus,

Mentemque lymphatam Mareotico

Redegit in veros timores

Caesar, ab Italia volantem

15

Remis adurgens: accipiter velut

Molles columbas, aut leporem citus

Venator in campis nivalis

Haemoniae; daret ut eatenis

20

Fatale monstrum; quae generosius

Perire quaerens, nec muliebriter

Expavitensem, nec latentes

Classe cita reparavit oras;

XXXVII, v. 10. *Opprobriorum pro Morbo virorum coni.* Bentl.
quem Vid. — v. 24. *Pro reparavit unus Feae Cod. repetivit;* Bentl.
coni. penetravit; Wakefield. *repedavit.* Cf. Bentl. Both. Iahn.

Ausa et iacentem visere regiam
 Vultu sereno, fortis et asperas
 Tractare serpentes, ut atrum
 Corpore combiberet venenum,

25

Deliberata morte ferocior:
 Saevis Liburnis scilicet invidens
 Privata deduci superbo
 Non humiliis mulier triumpho.

30

CARMEN XXXVIII.

A D P U E R U M.

Iubet coenam minime sumtuosam apparari.

Metrum Carm. 2.

Persicos odi, puer, apparatus;
 Displicent nexae philyra coronae;
 Mitte sectari, rosa quo locorum
 Sera moretur.

Simplici myrto nihil allabores
 Sedulus curae; neque te ministrum
 Dedeget myrtus, neque me sub arcta
 Vite bibentem.

5

XXXVIII, v. 6. Ita Cod. Bodleian. apud Bentl. qui ipse
 coni. *cura*. Vulgo: *curo*.

Q. HORATII FLACCI
C A R M I N U M.
LIBER SECUNDUS.

CARMEN I.

AD ASINIUM POLLIONEM.

Hortatur eum, ut omissis aliquando tragoeidiis, in scribenda
historia bellorum civilium perget.

Metrum Alcaicum.

Motum ex Metello consule civicum,
Bellique causas et vitia et modos,
Ludumque Fortunae, gravesque
Principum amicitias, et arma

Nondum expiatis uncta cruoribus,
Periculosa plenum opus aleae,
Tractas, et incedis per ignes
Suppositos cineri doloso.

Paulum severae Musa tragediae
Desit theatris: mox, ubi publicas
Res ordinaris, grande munus
Cecropio repetes cothurno,

5

10

Insigne moestis praesidium reis,
Et consulenti, Pollio, curiae,
Cui laurus aeternos honores
Dalmatico peperit triumpho.

Iam nunc minaci murmure cornuum
Perstringis aures; iam litui strepunt;
Iam fulgor armorum fugaces
Terret equos equitumque vultus.

Audire magnos iam videor duces
Non indecoro pulvere sordidos,
Et cuncta terrarum subacta
Praeter atrocem animum Catonis.

Inno, et Deorum quisquis amicior
Afris inulta cesserat impotens
Tellure, victorum nepotes
Retulit inferias Iugurthae.

Quis non Latino sanguine pinguior
Campus sepuleris impia proelia
Testatur, auditumque Medis
Hesperiae sonitum ruinae?

Qui gurges, aut quae flumina lugubris
Ignara belli? quod mare Dauniae
Non decoloravere caedes?
Quae caret ora cruore nostro?

Sed ne, relicts, Musa proeax, iocis,
Ceae retractes munera naeniae;
Mecum Dionaeo sub antro
Quaere modos leviore plectro.

v. 21. *Videre magn.* Bentl. e coniectura. — v. 28 *Rettulit Fea.* — v. 33. *Quis gurges* Ed. Veneta.

CARMEN II.

AD SALLUSTIUM CRISPUM.

De recto et liberali divitiarum usu, quo quidem ipso Sallustius excellebat.

Metrum Sapphicum.

Nullus argento color est, avaris
Abdito terris; inimice lamnae
Crispe Sallusti, nisi temperato
Splendeat usu.

Vivet extento Proeuleius aevo,
Notus in fratres animi paterni:
Illum aget penna metuente solvi
Fama superstes.

Latinus regnes avidum domando
Spiritum, quam si Libyam remotis
Gadibus iungas, et uterque Poenus
Serviat uni.

Creseit indulgens sibi dirus hydrops,
Nec sitim pellit, nisi causa morbi
Fugerit venis, et aquosus albo
Corpore languor.

Redditum Cyri solio Phraaten
Dissidens plebi numero beatum
Eximit Virtus, populumque falsis
Dedocet uti

Vocibus; regnum et diadema tutum
Deferens uni propriamque laurum,
Quisquis ingentes oculo irretorto
Spectat acervos.

5

10

15

20

II, v. 2. Ita interponimus cum Bentl. quem V. — v. 7. agit Codd. apud Bentl. et Vanderb. Cf. Bentl. Both. Iahn. — v. 18. *plebis* Codd. Blandin. et Bentl. quem V. — *beatum* multi Codd. Iahn. Feae. Vand. Vulgo *beatorum*, quod glossema videtur Feae.

CARMEN III.

A D D E L L I U M.

Vitae felicitatem in mentis aequabilitate et honestis voluptatibus quaerendam esse praecepit.

Metrum Alcaicum.

Aēquām mēmēntō rēbus ī arduis
Servare mentem, non secus in bonis

Ab insolēti, tēmpēratām

Lāetitiā, mōritūrē Dēlli,

Seu moestus omni tempore vixeris,
Seu te in rēmōtō grāmīne pēr dies

Festos reclinatum bearis

Intēriōrē nōtā Fälerni.

Qua pinus ingens albaque populus
Umbram hospitalem consociare amant

Ramis, et obliquo laborat

Lympha fugax trepidare rivo:

Hūc vīna et ūnguenta et nimūn břeves
Flōrēs amoēnae ferre iūbē rōsae,

Dum res et aetas et Sororum

Fila trium patiuntur atra.

Cēdēs cōēmtiš sāltibūs et dōmō,
Villaquē, flāvūs quām Tibēris lavit:

Cēdēs, et exstrūctiš īn altū

Divitiis potietur hēres.

5

10

15

20

III, v. 2. *secus ac bon.* Bentl. e duobus Codd. Lamb. — v. 9.
Qua Codd. Lambin. sed reliqui fere omnes *Quo.* Cf. Fea et
 Both. Annotatt. — v. 13 et 14. Haec lectio est vulgata et plurimorum Codd. Sed *brevis flor. amoenos rosae* Codd. Cruq. Schol.
 Aeron, Ed. Venet. — v. 18. *lavat* Cod. duo Vand.

Divesne prisco natus ab Inacho,
Nil interest, an pauper, et insimā
Dē gēntē, sūb dīvō mōrēris,
Victima nil miserantis Orci.

Omnis eodem coginiur; omnium 25
Versatur urna serius ocius
Sors exitura, et nos in aeternum
Exsilium impositura cymbae.

CARMEN IV.

AD XANTHIAM PHOCEUM.

Amicum ancillariolum lepide exemplo magnorum heroum, verum
ctiam forma et virtutibus ancillae amatae excusat.

Metrum Sapphicum.

Ne sit ancillae tibi amor pudori,
Xanthia Phoceu! Prius insolentem
Serva Briseis niveo colore
Movit Achillem;

Movit Aiacem Telamone natum 5
Forma captivae dominum Tecmessae;
Arsit Atrides medio in triumpho
Virgine rapta,

Barbarae postquam cecidere turmae
Thessalō victore, et ademtus Hector
Tradidit fassis leviora tolli
Pergama Graīis.

Nescias, an te generum beati
Phyllidis flavae decorent parentes:
Regium certe genus et Penates 10
Moeret iniquos.

Crede non illam tibi de scelestā
 Plebe dilectam; neque sic fidelem,
 Sic lucro aversam potuisse nasci
 Matre pudenda.

20

Brachia et vultum teretesque suras
 Integer laudo: fuge suspicari,
 Cuius octavum trepidavit aetas
 Claudere lustrum.

CARMEN V.

Ab amore virginis immaturaē, quam Lalagen vocat, dehortatur vel amicorum quempiam, vel (ut quidam suspicantur) se ipsum.

Metrum Alcaicum.

Nondum subacta ferre iugum valet
 Cervice, nondum munia comparis
 Aequare, nec tauri ruentis
 In venerem tolerare pondus.

Circa virentes est animus tuac
 Campos iuvencae, nunc fluvii gravem
 Solantis aestum, nunc in udo
 Ludere cum vitulis salicto
 Praegestientis. Tolle cupidinem
 Immitis uvae: iam tibi lividos
 Distinguet Auctumnus racemos
 Purpureo varius colore.

5

10

*v. 18. dilectam omnes fere Codd. delectam duo Codd. Vand.
 et aliquot Edd. Cf. Bentl.*

*V, v. 5. Venerem maiori litera initiali plurimae Edd. Sed V.
 Both. Annotatt. — v. 12. Purpureus vario Codd. quidam ap.
 Lambin. et unus Vand. Purpureo varios coniecit. Bentl. Sed
 conferes Doeringii explicationem h. l.*

Iam te sequetur: eurrit enim ferox
 Aetas, et illi, quos tibi demserit,
 Apponet annos; iam proterva
 Fronte petet Lalage maritum,
 15
 Dilecta, quantum non Pholoë fugax,
 Non Chloris, albo sic humero nitens
 Ut pura nocturno renidet
 Luna mari, Cnidiusve Gyges,
 20
 Quem si puellarum insereres choro,
 Mire sagaces falleret hospites
 Discrimen obscurum solutis
 Crinibus ambiguoque vultu.

CARMEN VI.

AD SEPTIUM.

Invitat eum Horatius ad vivendum secum in senectute vel
 Tibure, vel si hoc fieri nequeat Tarenti, quorum auocnitates
 dilaudat.

Metrum Sapphicum.

Septimi, Gades aditure mecum, et
 Cantabrum indoctum iuga ferre nostra, et
 Barbaras Syrtes, ubi Maura semper
 Aestuat unda,

Tibur, Argeo positum colono,
 Sit meae sedes utinam senectae;
 Sit modus lasso maris et viarum
 Militiaeque.

Unde si Parcae prohibent iniquae,
 Dulce pellitis ovibus Galaesi

v. 13. *velox* aet. Cod. unus Feae. Wakefield e versu 17.
 fugax hic transponit, ibique *Pholoe ferox* legit. Cf. Doering. —

v. 20. *Cnidiusque* Fea. Cf. Iahn.

VI, v. 10 *Galesum* Zurk. in variis lectt. Cf. Both. Annotatt. —

Flumen et regnata petam Laconi
Rura Phalanto.

Ille terrarum mihi praeter omnes
Angulus ridet, ubi non Hymetto
Mella decedunt, viridique certat
Bacca Venafro:

Ver ubi longum tepidasque praebet
Iupiter brumas, et amicus Aulon
Fertili Baccho minimum Falernis
Invidet uvis,

Ille te mecum locus et beatae
Postulant arces; ibi tu calentem
Debita sparges lacrima favillam
Vatis amici.

CARMEN VII.
AD POMPEIUM.

Suo olim commilitoni redditum e militia in patriam gratulatur.

Metrum Alcaicum.

O saepe mecum tempus in ultimum
Deducte, Bruto militiae duce,
Quis te redonavit Quiritem
Dis patriis Italoque coelo,
Pompei, meorum prime sodalium,
Cum quo morantem saepe diem mero
Fregi, coronatus nitentes
Malobathro Syrio capillos.

Tecum Philippos et celerem fugam
Sensi, relicta non bene parmula;
Quum fracta Virtus, et minaces
Turpe solum tetigere mento.

¶ 19. *Fertilis* Codd. Bentl. Feae aliisque. Cf. Both. Annotatt. et Iahn.
VII. Vanderburg. cum Stephano aliis inscribit *Ad Pompeium*
Varrum adstipulante Both. Annotatt. Alii *Ad Pompeium Grosphum*.

Sed me per hostes Mercurius celer
 Denso paventem sustulit aëre;
 Te rursus in bellum résorbens
 Unda fretis tulit aestuosis.

15

Ergo obligatam redde Iovi dapem,
 Longaque fessum militia latus
 Depone sub lauru mea, nec
 Parce cadis tibi destinatis.

20

Oblivioso laevia Massico
 Ciboria exple, funde capacibus
 Unguenta de conchis. Quis udo
 Deproperare apio coronas

Curatve myrto? quem Venus arbitrum
 Dicet bibendi? Non ego sanius
 Bacchabor Edonis: recepto
 Dulce mihi furere est amico.

25

CARMEN VIII.

A D B A R I N E N.

De levitate eius et venustate victrice.

Metrum Sapphicum.

Ulla si iuris tibi peierati
 Poena, Barine, nocuisset unquam;
 Dente si nigro fieres vel uno
 Turpior ungui:

Crederem. Sed tu, simul obligasti
 Perfidum votis caput, enitescis
 Pulchrior multo, iuvenumque prodis
 Publica cura.

5

VIII, v. 2. Codd. hoc loco et in inscriptione *Barine*, *Barrine*,
Varine, *Varina*. Withof. coni. *Iberine* e luvenal. VI, 53. V. Bentl.
 Vanderb. Both. Annotatt.

Expedit matris cineres opertos
Fallere, et toto tacitura noctis
Signa cum coelo, gelidaque divos
Morte carentes.

Ridet hoc, inquam, Venus ipsa, rident
Simplices Nymphae, ferus et Cupido
Semper ardentes acuens sagittas
Cote cruenta.

Adde, quod pubes tibi crescit omnis,
Servitus crescit nova; nec priores
Impiae tectum dominac relinquunt
Saepe minati.

Te suis matres metuunt iuvencis,
Te senes parcii, miseraeque nuper
Virgines nuptae, tua ne retardet
Aura maritos.

10

15

20

CARMEN IX.

A D V A L G I U M.

Hortatur eum, ut Mystae pueri mortem aliquando flere desinat.

Metrum Alcaicum.

Non semper imbræ nubibus hispidos
Manant in agros, aut mare Caspium
Vexant inaequales procellæ
Usque; nee Armeniis in oris,

Amice Valgi, stat glacies iners
Menses per omnes, aut Aquilonibus
Querceta Gargani laborant,
Et foliis viduantur orni.

5

- Tu semper urges flebilibus modis
Mysten adentum: nec tibi Vespero 10
Surgente decadunt amores,
Nec rapidum fugiente Solem.

 At non ter aevo functus amabilem
Ploravit omnes Antilochum senex
Annos: nec impubem parentes
Troilon, aut Phrygiae sorores 15

 Flevere semper. Desine mollium
Tandem querelarum; et potius nova
Cantemus Augusti tropaea
Caesaris, et rigidum Niphaten,
Mediumque flumen, gentibus additum 20
Victis, minores volvere vertices;
Intraque praescriptum Gelonos
Exquis equitare campis.

CARMEN X.

AD LICINIUM.

Mediocritatem ei in utraque fortuna servandam commendat.

Metrum Sapphicum.

Rectius vives, Licini, neque altum
Semper urgendo, neque, dum procellas
Cautus horrescis, nimium premendo
Litus iniquum.

Aureani quisquis medioeritatem 5
Diligit, tutus caret obsoleti
Sortibus teeti, caret invidenda
Sobrius aula.

tices Codd. Feae plurimique alii et Edd. vett. Alii vortices. V.
Vanderb. Fea et Both.

X, v. 3. Wakefield post *nimum* incidit cum antecedentibus hac ratione coniungendum. Cf. Fea.

Saepius ventis agitatur ingens
Pinus; et celsae graviore casu
Decidunt turres, feriuntque summos
Fulgura montes.

Sperat infestis, metuit secundis
Alteram sortem bene praeparatum
Pectus. Informes hiemes reducit
Iupiter, idem

Summovet. Non, si male nunc, et olim
Sic erit. Quondam cithara tacentem
Suscitat Musam, neque semper arcum
Tendit Apollo.

Rebus angustis animosus atque
Fortis appare: sapienter idem
Contrahes vento nimium secundo
Turgida vela.

10

15

20

CARMEN XI.

AD QUINCTIUM.

Omissis curis tam publicis quam privatis iucunde vivendum esse.

Metrum Alcaicum.

Quid bellicosus Cantaber et Scythes,
Hirpine Quincti, cogitet, Hadria
Divisus obiecto, remittas
Quaerere; nec trepides in usum
Poscentis aevi pauca. Fugit retro
Levis Inventas et Decor; arida
Pellente lascivos Amores
Canitie facilemque Somnum.

5

v. 9. *saevius vent.* unus tantum Cod. sed plures Edd. Cf. Fea.
Both. Annott. Iahn. — v. 10. *excelsae* Codd. Feae et Cod. Brod.
— v. 12. *fulmina montes* Plures Codd. Lamb. Torrent. Feac et
pleraque vett. Edd. Sed plurimi Codd. *fulgure*. V. Bentl. et Fea.
— v. 18. *cithurae* ex aliquot Codd. Bentl. quem Qf.

Non semper idem floribus est honor
 Vernis; neque uno Luna rubens nitet
 Vultu: quid aeternis minorem
 Consiliis animum fatigas?

Cur non sub alta vel platano vel hac
 Pinu iacentes sic temere, et rosa
 Canos odorati capillos,
 Dum licet, Assyriaque nardo

Potamus uneti? Dissipat Evius
 Curas edaces. Quis puer ocios
 Restinguet ardantis Falerni
 Pocula praetereunte lympha?

Quis devium scortum elicit domo
 Lyden? eburna, dic age, cum lyra
 MATURET, in comtum Lacaenae
 More comas religata nodum.

10

15

20

CARMEN XII.

AD MAECENATEM.

Se Augusti victoriis et eiusmodi rebus gravioribus carmine
 celebrandis imparem, amores et res ludicas solas canere.

Metrum quod I. 6.

Nolis longa fera bella Numantiae,
 Nec dirum Hannibalem, nec Siculum mare
 Poeno purpureum sanguine, mollibus
 Aptari citharac modis:

XI, v: 24. *comas* Codd. aliquot Feae et Vand. Vulgo: *comam*
 Totum locum Bentleius e Cod. quodam Torrent. ita constituit:
incomtam Lacaenae more comam religata nodo. Plures Codd.
incomtum unica voce.

XII, v. 2. *dirum* Codd. Feae, alii et plurimae Edd. *durum* Codd.
 plurimi et Edd. vett. Cf. Bentl. et Fea.

Nec saevos Lapithas, et nimium mero
Hylacum, domitosve Herculea manu
Telluris iuvenes, unde periculum
Fulgens contremuit domus

5

Saturni veteris; tuque pedestribus
Dices historiis proelia Caesaris,
Maecenas, melius, ductaque per vias
Regum colla minacium.

10

Me dulces dominae Musa Lycymniae
Cantus, me voluit dicere lucidum
Fulgentes oculos, et bene mutuis
Fidum pectus amoribus;

15

Quam nec ferre pedem dedecuit choris,
Nec certare ioco, nec dare brachia
Ludentem nitidis virginibus, sacro
Dianae celebris die.

20

Num tu, quae tenuit dives Achaemenes,
Aut pinguis Phrygiae Mygdonias opes,
Permutare velis crine Lycymniae,
Plenas aut Arabum domos?

Dum flagrantia detorquet ad oscula
Cervicem, aut facili saevitia negat,
Quae poscente magis gaudeat eripi,
Interdum rapere occupat.

25

v. 12. *minacium* plerique Codd. *minantium* aliij Codd. et ple-
raequ Edd. recentiores Cf. Bentl. et Both. Annotatt. — v. 25.
Variant Codd. et Edd. vett. quarum aliae *flagrantia*, aliae *fra-
grantia*. Cf. Bentl. — v. 28. Ita Cod Bentl. quatuor Vand. alii.
Sed *occupet* plurimae Edd. inde ab antiquissimis Cf. Bentl.

CARMEN XIII.

IN ARBOREM, CUIUS CASU PAENE OPPRESSUS
FUERAT.

Exsecratus arborem improvisa satorum pericula memorat factaque inferorum mentione Sappho et Alcaeum laudat.

Metrum Alcaicum.

Ille et nefasto te posuit die,
Quicunque, primum, et sacrilega manu
Produxit, arbos, in nepotum
Perniciem opprobriumque pagi;

Illum et parentis crediderim sui
Fregisse cervicem, et penetralia
Sparsisse nocturno cruento
Hospitis; ille venena Colcha,

Et quidquid usquam concipitur nefas,
Tractavit, agro quit statuit meo
Te triste lignum, te caducum
In domini caput immerentis.

Quid quisque vitet, nunquam homini satis
Cautum est, in horas. Navita Bosporum
Poenus perhorrescit, neque ultra
Caeca timet aliunde fata;

Miles sagittas et celerem fugam
Parthi; catenas Parthus et Italum
Robur: sed improvisa leti
Vis rapuit rapietque gentes.

5

10

15

20

XIII, v. 1. Ita omnes libri. Nicol. Heins. coni. *Illum et*, Bentl.
Illum o. De interpunctione, qua loco subveniri poterat Cf. Both.
 et Iahn. — v. 8. *Colcha* Codd. Crisq. Bentl. Vand. Feac. *Colchica* maior pars Codd. et Editt. ante Bentl. sere omnes. Cf. Bentl. — v. 17. *reducem* pro *celerem* coni. Bentl. Cf. Iahn.

Quam paene furvae regna Proserpinae,
Et iudicantem vidimus Aeacum,
Sedesque discretas piorum, et
Aeoliis fidibus querentem

Sappho puellis de populâribus;
Et te sonantem plenius aureo,
Alcaee, plectro dura navis,
Dura fugae mala, dura belli.

Utrumque sacro digna silentio
Mirantur Umbrae dicere: sed magis
Pugnas et exactos tyrannos
Densum humeris babit aure vulgus.

Quid mirum? ubi illis carminibus stupens
Demittit atras bellua centiceps
Aures, et intorti capillis
Eumenidum recreantur angues;

Quin et Prometheus et Pelopis parens
Dulci laborum decipitur sono,
Nec curat Orion leones
Aut timidos agitare lyncas.

25

30

35

40

CARMEN XIV.

AD POSTUMUM.

Deflet humanae vitae brevitatem et Postumo, re familiari, ut
videtur, nimis attento, suadet, ut sibi, non heredi vivat.

Metrum Alcaicum.

Heu Heu fugaces, Postume, Postume,
Labuntur anni, nec Pietas moram

v. 23. Aliquot Codd. Cruq. aliorum *Sedesque descriptas* Cf. Bentl. — v. 38. laborem Aliquot Codd. ap. Bentl. et Vand. Cf. Bentl. — v. 40. *timidas* aliquot Codd. Cf. Bentl.
XIV, v. 1. *heu heu* Fea; olim lectio vulgata *eheu*. —

- Rugis et instanti Senectae
Afferet, indomitaeque Morti. 5
- Non, si trecenis, quotquot eunt dies,
Amice, places illacrimabilem
Plutona tauris; qui ter amplum
Geryonen Tityonque tristi
- Compescit unda, scilicet omnibus
Quicunque terrae munere vescimur, 10
Enaviganda, sive reges
Sive inopes erimus coloni.
- Frustra cruento Marte carebimus,
Fractisque rauci fluctibus Hadriae;
Frustra per auctumnos nocentem
Corporibus metuemus Austrum: 15
- Visendus ater flumine languido
Cocytos errans, et Danai genus
Infame, damnatusque longi
Sisyphus Aeolides laboris. 20
- Linquenda tellus, et domus, et placens
Uxor; neque harum, quas colis, arborum
Te, praeter invisas cupressos,
Ulla brevem dominum sequetur.
- Absumet heres Caecuba dignior
Servata centum clavibus, et mero
Tinguet pavimentum superbo
Pontificum potiore coenis. 25

v. 10. *munera* Wakefield Cf. Doering. — v. 18. Sic e Codd.
Bentl.; nam vulgo est *Cocytus*. — v. 23. *cupressus* Jahn. e Codd.
— v. 27. Ita Codd. longe plurimi; pauci *superbum*. Fea ex uno
Cod. *superbis*; alter eiusdem Cod. *superbus*. Cf. Bentl. Fea.
Jahn.

CARMEN XV.

IN SUI SECULI LUXURIAM.

Antiquorum pareimoniam et frugalitatem recenti luxui opponit.

Metrum Alcaicum.

Iam pauca aratro iugera regiae
 Moles relinquunt, tindique latius
 Extenta visentur Luerino
 Stagna lacu, platanusque caelebs
 Evinceat ulmos; tum violaria, et 5
 Myrtus, et omnis copia narium,
 Spargent olivetis odorem
 Fertilibus domino priori;
 Tum spissa ramis laurea servidos
 Excludet ictus. Non ita Romuli 10
 Praescriptum et intonsi Catonis
 Auspiciis, veterumque norma.
 Privatus illis census erat brevis,
 Commune magnum: nulla decempedis
 Metata privatis opacam
 Porticus excipiebat Arcton; 15
 Nec fortuitum spernere cespitem
 Leges sinebant, oppida publico
 Sumtu iubentes et Deorum
 Templa novo decorare saxo. 20

XV, v. 5. Fabricii Cod. *violaria Myrtusque et*, quo scilicet metro subveniretur; sed *myrtus* est pluralis. V. Bentl. — v. 10. *Excludet aestus* Codd. apud Lambin. Bentl. Vand. Cf. Bentl.

CARMEN XVI.
AD GROSPHUM.

Tranquilli atem vitae optari ab omnibus; eam vero non congerendis opibus, honoribusve, sed coercendis cupiditatibus comparari.

Metrum Sapphicum.

Otium Divos rogar in patenti
Prensus Aegaeo, simul atra nubes
Condidit Lunam, neque certa fulgent
Sidera nautis;

Otium bello furiosa Thrace,
Otium Medi pharetra decori,
Grosphe, non gemmis neque purpura ve-
nale neque auro.

Non enim gazae neque consularis
Summovet lictor miseros tumultus
Mentis, et Curas laqueata circum
Tecta volantes.

Vivitur parvo bene, cui paternum
Splendet in mensa tenui salinum,
Nec leves somnos timor aut cupido
Sordidus aufert.

Quid brevi fortis iaculamur aevo
Multas? quid terras alio calentes
Sole mutamus? Patriae quis exsul
Se quoque fugit?

5

10

15

20

XVI, v. 1. *impatienti* unica voce aliquot Codd. Cf. Bentl. et Jahn. — v. 2. *Pressus* aliquot Codd. Vand. alii. — v. 17. *sontes iaculam*. Codd. aliquot apud Bentl. et var. lect. in uno Vand. — v. 18, Vir doctus apud Bentl. *mutamus patria?* itemque Wakefield. *mutamus patriae?* distinxit Both. in Annotatt. qui Cf. cum Bentl. et Jahn.

Scandit aeratas vitiosa naves
 Cura, nec turmas equitum relinquit,
 Ocius cerysis, et agente nimbos
 Ocius Euro.

Lactus in praesens animus, quod ultra est 25
 Oderit curare, et amara lento
 Temperet risu. Nihil est ab omni
 Parte beatum.

Abstulit clarum cita mors Achillem,
 Longa Tithonum minuit senectus: 30
 Et mihi forsan, tibi quod negarit,
 Porriget Hora.

Te greges centum Siculaeque circum
 Mugiunt vaccae; tibi tollit hinnitum
 Apta quadrigis equa; te bis Afro 35
 Murice tintae

Vestimenta lanae; mihi parva rura, et
 Spiritum Graiae tenuem Camenae
 Parca non mendax dedit, et malignum 40
 Spernere vulgus.

CARMEN XVII.

AD MAECENATEM.

Maceenatem velut assidens alloquitur, pro praesenti statu
 valetudinis vitae pertaesum.

Metrum Alcaicum.

Cur me querelis exanimas tuis?
 Nec Dis amicum est, nec mihi, te prius
 Obire, Maecenas, mearum
 Grande decus columenque rerum.

v. 26. *leni risu coni.* Bentl. quem V. — v. 33. *circum mu-*
giunt uno verbo placet Both. in Annotatt.

- Ah! te meae si partem animae rapit 5
 Maturior vis, quid moror altera?
 Nec earus aeque, nec superstes
 Integer. Ille dies utramque
 Duceat ruinam. Non ego perfidum
 Dixi sacramentum: ibimus, ibinius, 10
 Utcunque praecedes, supremum
 Carpere iter comites parati.
 Me nec Chimaerae spiritus igneae,
 Nec, si resurgat centimanus Gyas,
 Divellet unquam. Sic potenti 15
 Iustitiae placitumque Pareis.
 Seu Libra, seu me Scorpious adspicit
 Formidolosus, pars violentior
 Natalis horae, seu tyrannus
 Hesperiae Capricornus undae: 20
 Utrumque nostrum incredibili modo
 Consentit astrum. Te Iovis impio
 Tutela Saturno refulgens
 Eripuit, volucrisque Fati
 Tardavit alas quum populus frequens 25
 Laetum theatris ter crepuit sonum:
 Me truncus illapsus cerebro
 Sustulerat, nisi Faunus ictum
 Dextra levasset, Mercurialium
 Custos virorum. Reddere victimas 30
 Aedemque votivam memento:
 Nos humilem feriemus agnam.

XVII, v. 6. *'moror alteram* Vet. schol. et aliquot Edd. Cf. Both. Annott. qui coni. *quid moror?* alterá. — v. 14. Quidam Codd. *Gyas*, aliij *Gyges*, sed plurimi *Gigas*. Cf. Bentl. et Both. Annott. — v. 19. *letalis horae* Codd. aliquot Cruq. et Vand. — v. 21. *Utcunque nostrum* legisse videtur Schol. Cruq. idque praferendum videtur Both.

CARMEN XVIII.

Felicem suam in re tenui sortem cum insano opulentorum
et irrito luxu poëta comparat.

Metrum Hippoacteum; primus versus trochaicus dimeter catalecticus, alter iambicus trimeter catalecticus.

Non ebur neque aureum
Mea renidet in domo lacunar,
Non trabes Hymettiae
Premunt columnas ultima recisas
Africa, neque Attali
Ignotus heres regiam occupavi,
Nec Laconicas mihi
Trahunt honestae purpuras clientae.
At fides et ingenî

Benigna vena est, pauperemque dives
Me petit: nihil supra
Deos laccesso, nec potentem amicum
Largiora flagito,
Satis beatus unicis Sabinis.

Truditur dies die,
Novaeque pergunt interire Lunae:
Tu secunda marmora
Locas sub ipsum funus, et sepulcri
Immemor, struis domos.
Marisque Baiis obstrepentis urges
Summovere litora,
Parum locuples continente ripa.
Quid? quod usque proximos
Revellis agri terminos, et ultra
Limites clientium
Salis avarus; pellitur paternos

5

10

15

20

25

- In sinu ferens Deos
 Et uxor, et vir, sordidosque natos.
 Nulla certior tamen,
 Rapacis Orei sine destinata 30
 Aula divitem manet
 Herum. Quid ultra tendis? Aequa tellus
 Pauperi recluditur
 Regumque pueris: nec satelles Orei
 Callidum Promethea 35
 Revexit auro captus. Hic superbum
 Tantulum, atque Tantali
 Genus coercent; hic levare funetum
 Pauperem laboribus
 Vocatus atque non vocatus audit. 40

CARMEN XIX.

IN BACCHUM.

Bacchi laudes dithyrambico furore correptus canit Poëta.

Metrum Alcaicum.

- Bacchum in remotis carmina rupibus
 Vidi docentem (credite posteri!)
 Nymphasque discentes, et aures
 Capripedum Satyrorum acutas.
 Evoc! recenti mens trepidat metu, 5
 Plenoque Bacchi pectore turbidum
 Laetatur.. Evoc! paree, Liber,
 Paree, gravi metuende thyrso!

v. 30. *sede destinata* Codd. Cruq. Sunt qui post *sine* incidunt auctore Bentl. quem V. — v. 34. *regumque natis* Codd. Lamb. et unus Bersm. — v. 36. *Revinxit auro* Codd. Lamb. *de- vexit* Cod. Vand. — v. 40. *audet coni. vir doctus apud Cu-*
nинг. probante Both. in Annott.

Fas perniciaces est mihi Thyiadas,
Vini^{que} fontem, lactis et uberes
Cantare rivos, atque truncis
Lapsa cavis iterare mella.

Fas et beatae coniugis additum
Stellis honorem, tecta^{que} Pentheⁱⁱ
Disiecta non leni ruina,
Thracis et exitium Lycurgi.

Tu fleetis amnes, tu mare barbarum:
Tu separatis uvidus in iugis
Nodo coërces viperino
Bistonidum sine fraude crines.

Tu, quum parentis regna per arduum
Cohors Gigantum scanderet impia,
Rhoetum retorsisti leonis
Unguis horribilique mala,

Quamquam, choreis aptior et iocis
Ludoque dictus, non sat idoneus
Pugnae ferebaris; sed idem
Pacis eras mediusque belli.

Te vidi^t insons Cerberus aureo
Cornu decorum, leniter atterens
Caudam, et recendentis trilingui
Ore pedes tetigitque crura.

XIX, v. 9. *sit mihi* coni. Bentl. idemque vindicavit scriptio-
nem *Thyiadas*, cum vulgo esset *Thyadas*. — v. 15. *non leni*,
quod requirit versus multi Codd. Lamb. Bentl. Vand. alii. Olim
vulgo *non levi*. — v. 23. *Rhoecum* Cod. Graev. et unus Cruq.
reliqui omnes conspirant in *Rhoetus*. Cf. Bentl. et Both.

10

15

20

25

30

CARMEN XX.

AD MAECENATEM.

Nominis sui immortalitatem vaticinatur poeta sub imagine
cyeni, in quem transformatum se terras relinquere et in coelum
ferri singit.

Metrum Alcaicum.

Non usitata, non tenui ferar
Penna biformis per liquidum aethera
Vates, neque in terris morabor
Longius, invidiaque maior
Urbes relinquam. Non ego pauperum
Sanguis parentum, non ego, quem vocas,
Dilecte Maecenas, obibo;
Nec Stygia cohibebor unda.

Iam iam residunt erubibus asperae
Pelles, et album mutor in alitem
Superna, nascunturque leves
Per digitos humerosque plumae.

Iam Daedaleo ocior Icaro
Visam gementis litora Bospori,
Syrtesque Gaetulas canorus
Ales Hyperboreosque campos.

Me Colchus, et qui dissimulat metum
Marsae cohortis Dacus, et ultimi

5

10

15

XX, v. 1. Ita Codd. aliquot Bentl. et Vand. plurimi tamen nec
tenui. — v. 6. quem vocant coni. Bentl. quem vetas scil. obire
Both. in Annotatt. Nonnulli, ut nuper Jahnii coniungunt, quem
vocas: „dilecte“. — v. 11. superna Cod. apud Muret. et Bentl.
sed omnes fere reliqui superne Cf. Bentl. — v. 13. notior Icaro
Unus apud Bentl. et tres Codd. Vand. tutior coni. Bentl. Cf.
Doering.

Noscent Geloni: me peritus
Discet Iber, Rhodanique potor.

20

Absint inani funere naeniae,
Luctusque turpes et querimoniae:
Compesce clamorem, ac sepulcri
Mitte supervacuos honores.

v. 20. *Dicet* in variis lectt. Zurk.

Q. HORATII FLACCI
C A R M I N U M
LIBER TERTIUS.

CARMEN I.

Praecepta tradit ut germanus sanctiorum Musarum sacerdos
de necessitate mortis omnibus communi, de animi tranquillitate
et vita vere beata nec voluptatibus nec divitiis quaerenda.

Metrum Alcaicum.

Odi profanum vulgus et arceo:
Favete linguis: carmina non prius
Audita Musarum sacerdos
Virginibus puerisque canto.

Regum timendorum in proprios greges,
Reges in ipsos imperium est Iovis,
Clari Giganteo triumpho,
Cuncta supercilio moventis.

Est ut viro vir latius ordinet
Arbusta sulcis; hic generosior
Descendat in Campum petitor,
Moribus hic meliorque fama

Contendat; illi turba clientium
Sit major: aqua lege Necessitas
Sortitur insignes et imos;
Omne capax movet urna nomen.

5

10

15

- Destrictus ensis cui super impia
Cervice pendet, non Siculae dapes
Dulcem elaborabunt saudem,
Non avium citharaeque cantus 20
- Somnum reducent. Somnus agrestium
Lenis virorum non humiles domos
Fastidit, umbrosamve ripam,
Non Zephyris agitata Tempe.
- Desiderantem quod satis est, neque
Tumultuosum sollicitat marc,
Nec saevus Arcturi cadentis
Impetus, aut orientis Haedi, 25
- Non verberatae grandine vineae
Fundusque mendax, arbore nunc aquas
Culpante, nunc torrentia agros
Sidera, nunc hiemes iniquas. 30
- Contracta pisces aequora sentiunt
Iactis in altum molibus; huc frequens
Caementa demittit redemptor
Cum famulis, dominusque terrae 35
- Fastidiosus: sed Timor et Minae
Scandunt eodem, quo dominus: neque
Decedit aerata triremi, et
Post equitem sedet atra Cura. 40
- Quod si dolentem nec Phrygius lapis,
Nee purpurarum sidere clarior
Delenit usus, nec Falerna
Vitis, Achaemenumve costum: 45
- Cur invidendis postibus et novo
Sublime ritu moliar atrium?
Cur valle permutem Sabina
Divitias operosiores?

I, v. 17. *Destrictus* plerique Codd. alii *districtus*. — v. 43. *de-*
lenit Ed. Venet. Lamb. etc. *delinit* Edd. omnes fere vett. Cod.
Gotting. et Coll. Sax. Retinuit etiam Bentl.

CARMEN II.

De puerorum educatione, quos virtuti bellicae, civili et pictati erga deos assuescendiōs esse praecepit.

Metrum Alcaicum.

Angustum, amici, pauperiem pati
 Robustus acri militia puer
 Condiscat, et Parthos feroceſ
 Vexet eques metuendus hasta,

Vitamque sub divo et trepidis agat
 In rebus. Illum ex moenibus hosticis
 Matrona bellantis tyranni

5

Prospiciens, et adulta virgo,

Sospiret, heu heu; ne rudis agminum
 Sponsus laccessat regius asperum
 Tactu leonem, quem cruenta
 Per medias rapit ira caedes.

10

Dulce et decorum est pro patria mori:
 Mors et fugacem persequitur virum,
 Nec parcit imbellis iuventae
 Poplitibus timidove tergo.

15

Virtus, repulsae nescia sordidae,
 Intaminatis fulget honoribus:
 Nec sumit aut ponit secures
 Arbitrio popularis aurae.

20

II, v. 1. *amici* aliquot Codd. apud Bentl. multaeque Edd.
amicē longe plurimi Codd. et maxima Edd. pars. Cf. Bentl. Fea.,
 Both. in Annott. et Jahn. — v. 14. *consequitur* coni. Bentl. *pro-*
sequitur Codd. aliquot apud eundem. — v. 16. *timidove* ex
 aliquot Codd. restituit Bentl. quem V. Plurimi Codd. et Edd.
timidoque. — v. 18. *incontaminatis* ita ut prima syllaba praee-
 denti versui iungatur Codd. aliquot et Edd. V. Bentl.

Virtus, recludens immeritis mori
Coelum, negata tentat iter via;
Coetusque vulgares et udam
Spernit humum fugiente penna.

Est et fidelis tuta silentio
Meres: vetabo, qui Cereris sacrum
Vulgarit arcanac, sub isdem
Sit trabibus, fragilemve mecum
Solvat phaselon. Saepe Diespiter
Neglectus incesto addidit integrum:
Raro antecedentem scelestum
Deseruit pede Poena clando.

25

30

CARMEN III.

Laudes iustitiae et constantiae. Sed fortasse totius argumenti ratio in v. 57 seqq. includitur.

Metrum Alcaicum.

Iustum et tenacem própositi virum
Non civium ardor prava iubentium,
Non vultus instantis tyranni
Mente quatit solida, neque Auster,

Dux inquieti turbidus Hadriae,
Nec fulminantis magna manus Iovis:
Si fractus illabatur orbis,
Impavidum ferient ruinae.

Hac arte Pollux et vagus Hercules
Enius, arcis attigit igneas;
Quos inter Augustus recumbens
Purpureo bibet ore nectar.

5

10

III, v. 7. illabetur Cod. Vand. et aliquot Bentl. — v. 10. Codd. et Edd. variant in *innisus*, *innixus*, *enisus*. Cf. Bentl. — v. 12. *bibet* plerique Codd. *bibit* Codd. aliquot apud Bentl. et plurimae Edd. Cf. Bentl. Fea, Jahn.

Hae te merentem, Bacche pater, tuae
Vexere tigres, indocili iugum

Collo trahentes. Hac Quirinus
Martis equis Acheronta fugit;

15

Gratum elocuta consiliantibus

Iunone Divis: Ilion, Ilion

Fatalis incestusque iudex

Et mulier peregrina vertit

20

In pulverem, ex quo destituit Deos

Mercede pacta Laomedon, mihi

Castaeque damnatum Minervae

Cum populo et duce fraudulentō.

Iam nec Lacaenae splendet adulterae

Famosus hospes, nec Priami domus

Periura pugnaces Achivos

Hectoreis opibus refringit:

25

Nostrisque ductum seditiōibus

Bellum resedit. Protinus et graves

Iras, et invisum nepotem,

Troica quem peperit sacerdos,

30

Marti redonabo. Illum ego lucidas

Inire sedes, ducere nectaris

Succos, et adscribi quietis

Ordinibus patiar Deorum.

35

Dum longus inter saeviat Ilion

Romamque pontus, qualibet exsules

In parte regnanto beati:

Dum Priami Paridisque busto

40

Insultet armentum, et catulos ferae

Celent inulta; stet Capitolium

v. 23. *damnatam* malit Bentl. — v. 32. *Troica* omnes Codd.
Troia coni. Heinsius probante Bentl. idque plurimae Edd. rece-
perunt Cf. Bentl. — v. 34. *discere nectaris* plures Codd. apud
Bentl. et Vand. Cf. Bentl.

- Fulgens, triumphatisque possit
Roma ferox dare iura Medis.
- Horrenda late nomen in ultimas 45
Extendat oras, qua medius liquor
Secernit Europen ab Afro,
Qua tumidus rigat arva Nilus:
- Aurum irreperturn et sic melius situm,
Quum terra celat, spernere fortior 50
Quam cogere, humanos in usus
Omne sacrum rapiente dextra.
- Quicunque mundo terminus obstitit,
Hunc tangat armis, visere gestiens,
Qua parte debaccentur ignes, 55
Qua nebulae pluviique rores.
- Sed bellicosis fata Quiritibus
Hac lege dico, ne nimium pii,
Rebusque fidentes, avitae
Tecta velint reparare Troiae. 60
- Troiae renascens alite lugubri
Fortuna tristi clade iterabitur,
Ducente vietrices catervas
Coniuge me Iovis et sorore.
- Ter si resurgat murus aëneus
Auctore Phoebo, ter percat meis 65
Excisus Argivis, ter uxor
Capta virum puerosque ploret.
- Non haec iocosae conveniunt lyrae:
Quo, Musa, tendis? Desine pervicax
Referre sermones Déorum, et 70
Magna modis tenuare paryis.

v. 53. *mundi* aliquot recentiores Codd. Cf. Bentl. — v. 66.
Ductore Phoebo Codd. aliquot Bentl. quem V. — v. 69. *hoc...*
conveniet plurimi Codd. idque servavit Bentl.

CARMEN IV.

AD CALLIOPEN.

Musas celebrat, quae et sibi ipsi opem in vitae periculis praesentem tulerint et omnino vitam humanam ornent atque emendent.

Metrum Alcaicum.

Descende coelo, et dic, age, tibia
 Regina longum Calliope melos,
 Seu voce nunc mavis acuta,
 Seu fidibus citharaque Phoebi.

Auditis? an me ludit amabilis 5
 Insania? Audire et videor pios
 Errare per lucos, amoenae
 Quos et aquae subeunt et aurae.

Me fabulosae Vulture in Appulo,
 Altricis extra limen Apuliae, 10
 Ludo fatigatumque somno
 Fronde nova puerum palumbes

Texere: mirum quod foret omnibus,
 Quicunque celsae nidum Acherontiae,
 Saltusque Bantinos, et arvum 15
 Pingue tenent humilis Forenti;

Ut tuto ab atris corpore viperis
 Dornuirem et ursis; ut premerer sacra
 Lauroque collataque myrto,
 Non sine Dis animosus infans. 20

IV, v. 4. *citharaque Unus Cod.* Bentl. et aliquet Vand.; reliqui fere *citharave*. — v. 5. *Audiris Fea ex coniect.* Sed Cf. Both. Annotatt. — v. 9. *Vulture in abdito coni.* Both. — v. 10. Codd. partim *altricis*, partim *nutricis*. Bentl. coni. *Nutricis extra limina sedulae.* De utroque versu Cf. Jahn.

Vester, Camenae, vester in arduos
Tollor Sabinos; seu mihi frigidum
Praeneste, seu Tibur supinum,
Seu liquidae plaeuere Baiae.

Vestrī amicūm fontibūs et choris,
Non me Philippis versa acies retro,
Devota non extinxit arbor,
Nec Sieula Palinurus unda.

Utcunque mecum vos eritis, libens
Insanientem navita Bosporum
Tentabo, et urentes arenas
Litoris Assyrii viator.

Visam Britannos hospitibus feros,
Et laetum equino sanguine Coneanum;
Visam pharetratos' Gelonos
Et Scythicum inviolatus amnem.

Vos Caesarem altum militia, simul
Fessas cohortes reddidit oppidis,
Finire quaerentem labores
Piero recreatis antro:

Vos lene consilium et datis, et dato
Gaudetis, almae. Scimus, ut impios
Titanas immanemque turmam
Fulmine sustulerit cadueo,

25

30

35

40

v. 31. urentes multi Codd. etiam Vand. et Feae, pluresque Edd. Vulgo arentes Cf. Bentl. Fea, Both. — v. 37. Fea *altum militia* coniungit i. e. *bello innutritum*. Vulgo *militia* cum sequenti vocabulo copulabatur. — v. 38. Plures Codd. apud Bentl. Vand. Feam atque Edd. vett. *reddidit*, eamque lectionem tueruntur Bentl. et Fea; vulgata lectio est *abdidit* de qua Cf. Dæring. Aliquot Codd. Vand. *addidit*, quod Vand. verum videtur et Bothio, quem V. — v. 43. *turbam* Cod. Brod. alii, eademque lectionis varietas infra v. 46. ubi alii *turmas*, alii *turbas*. — v. 44. Bentl. *coni. sustulerit corrusco.*

- Qui terram inertem, qui mare temperat 45
 Ventosum, et urbes, regnaque tristia,
 Divosque mortalesque turbas
 Imperio regit unus acquo.
- Magnum illa terrorem intulerat Iovi
 Fidens iuventus horrida bracchiis, 50
 Fratresque tendentes opaco
 Pelion imposuisse Olympo.
- Sed quid Typhoeus et validus Mimas,
 Aut quid minaci Porphyriion statu, —
 Quid Rhoetus, evulsisque truncis 55
 Enceladus iaculator audax,
- Contra sonantem Palladis aegida
 Possent ruentes? Hinc avidus stetit
 Vulcanus, hinc matrona Iuno, et
 Nunquam humeris positurus arcum, 60
- Qui rore puro Castaliae lavit
 Crines solutos, qui Lyciae tenet
 Dumeta natalemque silvam,
 Delius et Patareus Apollo.
- Vis consili expers mole ruit sua; 65
 Vim temperatam Di quoque provehunt
 In maius: idem odere vires
 Omne nefas animo moventes.
- Testis mearum centimanus Gyges
 Sententiarum, notus et integrae
 Tentator Orion Diana, 70
 Virginea domitus sagitta.
- Inieeta monstris Terra dolet suis,
 Moeretque partus fulmine luridum

v. 46. Pro *urbes* coni. Bentl. *umbras*, Cuning. *orbes*. Cf.
 Both. Annotatt. — v. 55. Alii *Rhoecus* V. ad II, 19, 23. —
 v. 69. Alii *Gyus* aut *gigas* Vid. ad II, 17, 14.

Missos ad Orcum ; nec peredit
Impositam celer ignis Aetnam ;
Incontinentis nec Tityi iecur
Relinquit ales , nequitiae additus
Custos ; amatorem trecentae
Pirithoum cohibent catenae.

75

80

CARMEN V.

IN LAUDEM CÆSARIS AUGUSTI.

Laudat Augustum a victis per eum Britannis et Parthis , qui quidem cum nunc demum captivos Romanos et signa militaria reddidissent, ignaviae istorum militum Crassianorum et Antonianorum paeclarum Reguli facinus opponit.

Metrum Alcaicum.

Coelo tonantem credidimus Iovem
Regnare ; praesens Divus habebitur
Augustus , adiectis Britannis
Imperio , gravibusque Persis.

Milesne Crassi coniuge barbara
Turpis maritus vixit ? et hostium
(Pro Curia , inversique mores !)
Consenuit sacerorum in armis ,
Sub rege Medo , Marsus et Appulus ,
Anciliorum et nominis et togæ
Oblitus , aeternaeque Vestæ ,
Incolumi Iove et urbe Roma ?

Hoc caverat mens provida Reguli ,
Dissentientis conditionibus

5

10

v. 76. *Aetnen Ed. Jani.*

V. v. 8. *armis* omnes Codd. praeter unum Jani , qui habet *arvis* , in quod iam antea suspicione inciderant Tanaquil Faber et Nic. Heins. a Bentleio , aliis receptum.

- Foedis, et exemplo trahenti 15
 Perniciem veniens in aevum,
 Si non periret immiserabilis
 Captiva pubes. Signa ego Punicis
 Affixa delubris, et arma
 Militibus sine caede, dixit, 20
 Derepta vidi: vidi ego eivium
 Retorta tergo brachia libero,
 Portasque non clausas, et arva
 Marte coli populata nostro.
 Auro repensus scilicet acrior 25
 Miles redibit. Flagitio additis
 Damnum. Neque amissos colores
 Lana refert medicata fuceo,
 Nec vera virtus, quum semel excidit,
 Curat reponi deterioribus. 30
 Si pugnat extricata densis
 Cerva plagis: erit ille fortis,
 Qui perfidis se eredit hostibus;
 Et Marte Poenos proteret altero,
 Qui lora restrictis lacertis 35
 Sensit iners, timuitque mortem.
 Hic, unde vitam sumeret inscius,
 Pacem duello miscuit. O pudor! 37
 O magna Carthago, probrosis
 Altior Italiae ruinis! 40

v. 15. *trahenti* e conjectura Canteri probarunt Stephan. Bentl. alii. Sed omnes Codd. et Edd. vett. *trahentis*, quod Fea tuetur, quem V. Bentl. conie. *exempli trahentis*. — v. 17. *perirent coni*. Glareanus metro subventurus. Cf. Bentl. — v. 26. *redibit?* Fea. — v. 33. *reddidit host*. Cod. Brod. *dedidit* aut *tradidit coni*. Bentl. — v. 37. *aptius pro inscius* plures Codd. apud Bentl. qui locum ita constituit: *timuitque mortem Hinc*, unde vitam sumeret *aptius*, *Pacem et duello miscuit*. Both. in Annotatt. *timuitque mortem Hinc*, unde vitam sumeret, *inscius Pacem duello miscuit*. Cf. Jahn.

Fertur pudicae coniugis osculum,
 Parvosque natos, ut capit is minor,
 Ab se removisse, et virilem
 Torvus humi posuisse vultum:

Donec labantes consilio Patres 45
 Firmaret auctor nunquam alias dato,
 Interque mocentes amicos
 Egregius properaret exsul.

Atqui sciebat, quae sibi barbarus
 Tortor pararet: non aliter tamen 50
 Dimovit obstantes propinquos,
 Et populum redditus morantem,
 Quam si clientum longa negotia
 Diuideata lite relinquere,
 Tendens Venefranos in agros, 55
 Aut Lacedaemonium Taréntum.

CARMEN VI.

A D R O M A N O S.

Contra suae aetatis contemtum religionis et mores corruptos.

Metrum Alcaicium.

Delicta maiorum immeritus lues,
 Romane, donec templa refeceris,
 Aedesque labentes Deorum, et
 Foeda nigro simulacra fumo.

Dī te minorem quod geris, imperas: 5
 Hinc omne principium, huc refer exitum.
 Dī multa neglecti dederunt
 Hesperiac mala luctuosae.

v. 43. *a se* plures Codd. V. Bentl.

VI, v. 6. *Huc omne* quidam Codd. apud Torrent.

- Iam bis Monaeses et Pacori manus
Non auspicatos contudit impetus 10
 Nostros, et adiecissee praedam
 Torquibus exquis renidet.
- Paene occupatam seditionibus
Delevit Urbem Dacus et Aethiops;
 Hic classe formidatus, ille 15
 Missilibus melior sagittis:
- Fecunda culpae saecula nuptias
Primum inquinavere, et genus et domos;
 Hoc fonte derivata clades
 In patriam populumque fluxit. 20
- Motus doceri gaudet Ionicos
Matura virgo, et fingitur artibus:
 Iam nunc et incestos amores
 De tenero meditatur ungui.
- Mox iuniores quaerit adulteros 25
Inter mariti vina, neque elit,
 Cui donet impermissa raptim
 Gaudia, luminibus remotis;
- Sed iussa coram non sine conscientia
Surgit marito, seu vocat institor, 30
 Seu navis Hispanae magister,
 Dedecorum pretiosus emtor.
- Non his iuventus orta parentibus
Infeicit aequor sanguine Punio,
 Pyrrhumque et ingentem cecidit 35
 Antiochum, Hannibalemque dirum:

v. 10. *Inauspicatos*, Codd. Vand. alii. Cf. Both. Annotatt. et Jahn. — v. 20. *Inque patres* *populumque* Bentl. coni. et in textum assumxit. — v. 22. Alii Codd. *fingitur artubus*, aliij *frangitur artubus* Cf. Bentl. Fea, Both. — v. 27. Codd. aliquot *intermissa*, duo *improvisa*. V. Bentl. — v. 36. *dirum* plurimi Codd. sed *durum* item multi Cf. Bentl. et Fea.

Sed rusticorum mascula militum
 Proles, Sabellis docta ligonibus
 Versare glebas, et severac
 Matris ad arbitrium reecisos

40

Portare fustes, sol ubi montium
 Mutaret umbras, et iuga demeret
 Bobus fatigatis, amicum
 Tempus agens abeunte curru.

Damnosa quid non imminuit dies?
 Aetas parentum, peior avis, tulit
 Nos nequiores, mox datus
 Progeniem vitiosiorem.

45

CARMEN VII.

AD ASTERIEN.

Consolatur eam de mariti vel amici sui absentia moestam,
 eique ut fidem servet monet.

Metrum idem quod I, 5.

Quid fles, Asterie, quem tibi candidi
 Primo restituent vere Favonii,
 Thyna merce beatum,
 Constantis iuvenem fide,

Gygen? Ille Notis actus ad Oricum
 Post insana Caprae sidera, frigidas
 Noctes non sine multis
 Insomnis lacrimis agit.

Atqui sollicitae nuntius hospitae,
 Suspirare Chloën, et miseram tuis
 Dicens ignibus uri,
 Tentat mille vafer modis.

5

10

VII, v. 4. *constantii iuvenem fidei* Edd. principes; plures Codd.
constantis fidei. Cf. Bentl. et Both. Annotatt.

Ut Proetum mulier perfida credulum
Falsis impulerit criminibus, nimis

Casto Bellerophonti

Maturare necem, refert.

15

Narrat paene datum Pelea Tartaro,
Magnessam Hippolyten dum fugit abstinentis:

Et peccare docentes

Fallax historias movet;

20

Frustra: nam scopolis surdior Icari
Voces audit adhuc integer. At, tibi

Ne vicinus Enipeus

Plus iusto placeat, cave:

Quamvis non aliis flectere equum sciens
Aequa conspicitur gramine Martio,

Nec quisquam citus aequa

Tuseo denat alveo.

25

Prima nocte domum clade, neque in vias
Sub cantu querulae despice tibiae;

30

Et te saepe vocanti

Duram difficilis mane.

CARMEN VIII.

AD MAECENATEM.

Ad Matronalia Calendis Martiis, quo die ab immanni arboris
ruina evaserat, hilariter apud se agenda Maecenatem invitat.

Metrum Sapphicum.

Martiis caelebs quid agam Calendis,
Quid velint flores et acerra thuris
Plena, miraris, positusque carbo in
Cespite vivo,

v. 20. *movet* Codd. Torrentii, Bentl. et alii *monet*. Cf. Bentl.
qui etiam pro *fallax* coni. *pellax*. — v. 23. *Nec vic.* Edd. *primae.*
VIII, v. 3. Plures Codd. omittunt *in*.

Docte sermones utriusque linguae?
 Voveram dulces epulas et album
 Libero caprum, prope funeratus
 Arboris ictu.

5

Hic dies anno redeunte festus
 Corticem adstrictum pice demovebit
 Amphorae fumum bibere institutae
 Consule Tullo.

10

Sume, Maecenas, cyathos amici
 Sospitis centum; et vigiles lucernas
 Perfer in lucem: procul omnis esto
 Clamor et ira.

15

Mitte civiles super Urbe curas:
 Occidit Daci Cotisonis agmen;
 Medus infestus sibi luctuosus
 Dissidet armis;

20

Servit Hispanae vetus hostis orae,
 Cantaber, sera domitus catena;
 Iam Scythae laxo meditantur arcu
 Cedere campis.

Negligens, ne qua populus laboret,
 Parce privatus nimium cavere:
 Dona praesentis eape laetus horae, et
 Linque severa.

25

v. 5. Vulgo sine interrogatione. — v. 10. Plurimi Codd. *dimo-*
vebit. — v. 15. *Profer* Codd. duo apud Bentl. — v. 18. *Cotison-*
tis Codd. apud Torrent. Cf. Bentl. — v. 27. *rape* Codd. qui-
 dem apud Bentl. et Lambin. Coll. Saxon. alii. Cf. Bentl.

CARMEN IX.

CARMEN AMOEBAEUM.

Suavissimum amici cum amica colloquium, quo intermissus aliquaindiu amor denuo conciliatur.

Metrum quod I. 3.

Horatius.

Donec gratus eram tibi,
Nec quisquam potior brachia candidae
Cervici iuvenis dabat:
Persarum vigui rege beatior.

Lydia.

Donec non alia magis
Arsisti, neque erat Lydia post Chloën:
Multi Lydia nominis
Romana vigui clarior Ilia.

5

Horatius.

Me nunc Thressa Chloë regit,
Dulces docta modos, et citharae sciens:
Pro qua non metuam mori,
Si parecent animae fata superstiti.

10

Lydia.

Me torret face mutua
Thurini Calais filius Ornyti:
Pro quo bis patiar mori,
Si parecent puero fata superstiti.

15

Horatius.

Quid? si prisca redit Venus,
Diductosque iugo cogit aëneo?
Si flava exutitur Chloë,
Reiectaeque patet ianua Lydiae?

20

IX, v. 5. *aliam* plures Codd. Bentl. et Vand. Cf. Bentl. et Both. Annott. — v. 9. *Cressa* Codd. aliquot Vand. alii. Cf. Bentl.

Lydia.

Quamquam sidere pulchrior
 Ille est, tu levior cortice, et improbo
 Iracundior Hadria:
 Tecum vivere amem, tecum obeam libens.

CARMEN X.

AD LYCEN.

Carmen, quale παρακλαυσίθυρον Graeci vocant, quod ad
 amicae fores lamentabili voce eanebatur,

Metrum quod I. 6.

Extremum Tanain si biberes, Lyce,
 Saevo nupta viro: me tamen asperas
 Porrectum ante fores obiicere incolis
 Plorares Aquilonibus.

Audis, quo strepitu ianua, quo nemus
 Inter pulchra satum tecta remugiat
 Ventis? et positas ut glaciet nives
 Puro numine Iupiter?

Ingratam Veneri pone superbiam,
 Ne currente rota funis eat retro.
 Non te Penelopen difficilem procis
 Tyrrhenus genuit parens.

O, quamvis neque te munera, nec preces,
 Nec tinctus viola pallor amantium,
 Nec vir Pieria pellice saucius
 Curvat: supplicibus tuis

X, v. 1. *Tanain* Bentl. e Codd. Olim vulgo *Tanaim*. — v. 3.
Proiectum Bentl. e conjectura. Cf. Jahn. — v. 6. *satum* Bentl.
 e Codd. *situm* alii Codd. et Edd. vett. — v. 7. Bentl. posito
 post *remugiat* signo interrogationis coni. *Sentis et pos.* — v. 10.
 Sic Bentl. ex aliquot Codd. Vulgo: *Ne currente retro funis eat*
rota. Cf. Doering et Fea.

Parcas, nec rigida mollior aesculo,
Nec Mauris animum mitior angibus.
Non hoc semper erit liminis aut aquae
Coelestis patiens latus. ,

20

CARMEN XI.

AD MERCURIUM

Mercurium rogat atque lyram, ut obstinatum dominae animum flectant.

Metrum Sapphicum.

Mercuri, — nam te docilis magistro
Movit Amphion lapides canendo, —
Tuque Testudo, resonare septem
Callida nervis,

Nec loquax olim neque grata, nunc et 5
Divitum mensis et amica templis:
Dic modos, Lyde quibus obstinatas
Applicet aures;

Quae, velut latis equa trima campis,
Ludit exultim, metuitque tangi,
Nuptiarum expers, et adhuc protervo 10
Cruda marito.

Tu potes tigres comitesque silvas
Ducere, et rivos celeres morari:
Cessit immanis tibi blandienti 15
Ianitor aulae,

v. 18. Plerique Codd. *animo*. V. Bentl.

XI, v. 18. Varie hic locus tentatus. Bentl. *coni.* *muniant angues caput eius exeatque Spirit.* tet. Cuningamius: *quamquam furiale centum muniant angues caput aestuatque Spirit.* tet. Bothius: *quamquam furiale centum muniunt angues caput eiulatque Spirit.* Sed optime tuetur vulgatam lectionem Jahn.

Cerberus, quamvis furiale centum
 Muniant angues caput eius, atque
 Spiritus teter saniesque manet
 Ore trilingui.

20

Quin et Ixion Tityosque vultu
 Risit invito; stetit urna paulum
 Sicca, dum grato Danai puellas
 Carmine mulces.

Audiat Lyde scelus atque notas
 Virginum poenas, et inane lymphae
 Dolium fundo pereuntis imo,
 Seraque fata,

25

Quae manent culpas etiam sub Orco.
 Impiae, — nam quid potuere maius? —
 Impiae sponsos potuere duro
 Perdere ferro!

30

Una de multis, face nuptiali
 Digna, perjurum fuit in parentem
 Splendide mendax, et in omne virgo
 Nobilis aevum.

35

Surge, quae dixit iuveni marito,
 Surge, ne longus tibi somnus, unde
 Non times, detur; sacerum et scelestas
 Falle sorores,

40

Quae, velut nactae vitulos leaenae,
 Singulos, cheu! lacerant. Ego illis
 Mollior, nec te feriam, neque intra
 Clastra tenebo.

Me pater saevis oneret catenis,
 Quod viro clemens misero pepercis:
 Me vel extremos Numidarum in agros
 Classe relegat.

45

v. 30. Pro nam est num in uno Cod. Bentl. et Coll. Saxon.
 — v. 43. Alii nec intra Cf. Bentl. —

I, pedes quo te rapiunt et aurae,
 Dum favet nox et Venus; i secundo
 Omine, et nostri memorem sepulcro
 Sculpe querelam.

50

CARMEN XII.

AD NEOBULEN.

Neobules sortem misere amantis dolet.

Metrum ionicum a minore.

Miserarum est, neque Amori dare ludum, neque dulci
 Mala vino lavere, aut examinari metuentes
 Patruae verbera linguae. Tibi qualum Cythereae
 Puer ales, tibi telas, operosaeque Minervae
 Studium aufert, Neobule, Liparei nitor Hebri,
 Simul unctos Tiberinis humeros lavit in undis,
 Eques ipso melior Bellerophonte, neque pugno
 Neque segni pede victus: catus idem per apertum
 Fugientes agitato grege cervos iaculari, et
 Celer arcto latitantem fruticeto excipere aprum. 10

CARMEN XIII.

AD FONTEM BANDUSIUM.

Fonti Blandusino sacrificium promittit eiusque dieit laudes.

Metrum ut lib. I. Carm. 5.

O fons Bandusiae, splendidior vitro,
 Dulci digne mero, non sine floribus,

v. 52. *Sculpe multi* Codd. et Edd. *quos enumerat Fea, quem-*
Cf. Sed totidem fere scalpe.

XII, v. 5. Bothius auctore H. Stephano post *Hebri* plene in-
 terpungit. — v. 10. *arto vel arcto* Codd. Lambin, Bentl. alii.
 Pleraeque Edd. olim *alto*. Cf. Bentl. et Fea.

XIII, v. 1. Plurimae Edd. mendose *Blandusiae* V. Bentl. et Fea.

Cras donaberis haedo,
 Cui frons turgida cornibus
 Primis et Venerem et proelia destinat 5
 Frustra: nam gelidos inficiet tibi
 Rubro sanguine rivos
 Lascivi suboles gregis.

Te flagrantis atrox hora Caniculae
 Nescit tangere; tu frigus amabile 10
 Fessis vomere tauris
 Praebes, et pecori vago.

Fies nobilium tu quoque fontium,
 Me dicente cavis impositam ilicem
 Saxis, unde loquaces 15
 Lymphae desiliunt tuae.

CARMEN XIV.

IN AUGUSTI EX HISPANIA REDITUM.

Metrum Sapphicum.

Herculis ritu modo dictus, o Plebs,
 Morte venalem petuisse laurum
 Caésar Hispana repetit Penates
 Victor ab ora.

Unico gaudens mulier marito 5
 Prodeat, iustis operata Divis,
 Et soror clari ducis; et decorae
 Suppliance vitta

v. 16. Codd. Bentl. et Vand. plurimaeque Edd. *Nymphae*
 V. Jahn.

XIV, v. 6. Codd. aliquot Bentl. Vand. et vett. Edd. *operata*
sacris. — v. 7. *cari ducis* Codd. apud Bentl. et Vand.

Virginum matres, iuvenumque nuper
Sospitum. Vos o pueri, et puellae
Iam virum expertes male ominatis
Parcite verbis.

Hic dies vere mihi festus atras
Eximet curas: ego nec tumultum,
Nec mori per vim metuam, tenente
Caesare terras.

I, pete unguentum, puer, et coronas,
Et cadum Marsi memorem duelli,
Spartacum si quâ potuit vagantem
Fallere testa.

Dic et argutae properet Neaerae
Myrrheum nodo cohibere crinem:
Si per invisum mora ianitorem
Fiet, abito.

Lenit albescens animos capillùs
Litium et rixae cupidos proterviae:
Non ego hoc ferrem, calidus iuventa.
Consule Planco.

CARMEN XV.

A D C H L O R I N.

Monet eam, ut iam vetula petulantiae et libidini modum con-
stituat.

Metrum quale I. 3.

Uxor pauperis Ibyci,
Tandem nequitiae fige modum tuae,

v. 11. *Iam virum expertae* est Codd. *Iectio*; quam nos sequimur ea Cunigamio debetur, plurimis Editoribus comprobata. Bentl. *coni.* *Non vir. exp.* Codd. *lectionem tuetur Doering.* Eodem versu libri MSS. fluctuant inter *male ominata* et *male nominata*. Bentl. *coni. male innominatis.* De toto versu in primis Cf. Bentl. Fea. Both. Annotatt. — v. 19. Both. *coni. siquae.*

XV, v. 2. Codd. *quidam apud Lamb. et Vand. pone modum.*
Horat. I.

Famosisque laboribus;
 Maturo propior desine funeri
 Inter ludere virgines, 5
 Et stellis nebulam spargere candidis.
 Non, si quid Pholoënⁿsatis,
 Et te, Chlori, decet: filia rectius
 Expugnat iuvenum domos,
 Pulso Thyias uti concita tympano. 10
 Illam cogit amor Nothi
 Lascivae similem ludere capreae:
 Te lanae prope nobilem
 Tonsae Luceriam, non eitharæc, decent,
 Nec flos purpureus rosæ, 15
 Nec poti, vetulam, faece tenus cadi.

CARMEN XVI.

AD MAECENATEM.

Execratur insanum divitiarum amorem, seque parvo beatum
 ostendit.

Metrum quod I. 6.

Inclusam Danaën turris aënea,
 Robustaeque fores, et vigilum canum
 Tristes excubiae munierant satis
 Nocturnis ab adulteris; 5
 Si non Aerisium, virginis abditæ
 Custodem pavidum, Iupiter et Venus
 Risissent: fore enim tutum iter et patens
 Converso in pretium Deo.
 Aurum per medios ire satellites,
 Et perrumpere amat saxa potentius
 Ietu fulmineo. Concidit auguris
 Argivi domus ob lucrum. 10

F v. 10. *Thyias* pro vulgato *Thyas* Bentl. quem V. ad II, 19, 9. —
 v. 16. *Plures* Codd. et vett. Edd. *vetula* Cf. Bentl. et Both. Annotatt.

- Demersa exitio. Diffidit urbium
 Portas vir Macedo , et subruit aemulos
 Reges muneribus. Munera navium 15
 Saeuos illaqueant duces.
- Crescentem sequitur cura pecuniam ,
 Maiorumque fames. Iure perhorruⁱ
 Late conspicuum tollere verticem ,
 Maeenas , equitum decus. 20
- Quanto quisque sibi plura negaverit ,
 Ab Dis plura feret. Nil cupientium
 Nudus castra peto , et transfuga divitum
 Partes linquere gestio , 25
- Contemtae dominus splendidior rei ,
 Quam si , quidquid arat impiger Appulus ,
 Occultare meis dicerer horreis ,
 Magnas inter opes inops. 30
- Purae rivus aquae , silvaque ingerum
 Paucorum , et segetis certa fides meac ,
 Fulgentem imperio fertilis Africæ
 Fallit sorte beatior. 35
- Quamquam nec Calabrae mella ferunt apes ,
 Nec Laestrygonia Bacchus in amphora
 Languescit mihi , nec pinguia Gallicis
 Crescunt vellera paseuis ; 40
- Importuna tamen Pauperies abest ,
 Nec , si plura velim , tu dare deneges.
 Contracto melius parva cupidine
 Vectigalia porrigam , 45

XVI , v. 13. *exitio* plnimi Codd. et antiquissimae Edd. Alii Codd. et magna Edd. pars *excidio*. Vid. Bentl. et Fea. — v. 22. Plurimi Codd. *Ab dis*; alii, ut Feae et pleraque Edd. *a dis*. — v. 26. Pauci tantum Codd. *non piger*. Vid. Bentl. et Both. Annotatt. — v. 32. Alii interpunctionem pleniorum post *fallit* ponunt. Cf. Doering. et Iahn. Bentl. coni. *fulgente*. — v. 39. *Contracta* Cod. Brod. Coll. Saxon. et aliquot Edd. *vett.*

Quam si Mygdoniis regnum Alyattei
 Campis continuem. Multa potentibus
 Desunt multa. Bene est, cui Deus obtulit
 Parca, quod satis est, manu.

CARMEN XVII.

AD AELIUM LAMIAM.

Suadet ei, ut crastinum diem, qui pluvius fore videretur,
 hilariter transigat, qua ratione fortasse poeta, ab amico se in-
 vitari velle in hunc diem, lepide significavit.

Metrum Alcaicum.

Aeli, vetusto nobilis ab Lamo, —
 Quando et priores hinc Lamias ferunt
 Denominatos, et nepotum
 Per memores genus omne fastos
 Auctore ab illo ducit originem, 5
 Qui Formiarum moenia dicitur
 Princeps et innantem Maricæ
 Litoribus tenuisse Lirim,
 Late tyrannus: — eras foliis nemus
 Multis et alga litus inutili 10
 Demissa tempestas ab Euro
 Sternet, aquae nisi fallit augur
 Annosa cornix. Dum potis, aridum
 Compone lignum: eras Genium mero
 Curabis et porco bimestri, 15
 Cum famulis operum solutis.

v. 41. *Alyattici antiquissimae* Edd. unde in plurimas sequen-
 tium fluxit: perperam. Bentleius, quem V. *Alyattei* aut *Alyattum*
 legendum esse docuit.

XVII, v. 4. Nonnulli Codd. *fastus*. Vid. Bentl. — v. 5. *ducis*
 omnes Codd. quam lectionem bene tuetur Iahn. *ducit* e con-
 iectura Heinsii, quem post Bentleium plurimi editores secuti sunt.
 — v. 13. *potis* Bentl. e Codd. Vulgata lectio: *potes*.

CARMEN XVIII.

AD FAUNUM.

Faunalibus, quae Nonis erant Decembribus, Fauno hymnum canit.

Metrum Sapphicum.

Faune, Nympharum fugientum amator,
Per meos fines et aprica rura
Lenis incedas, abeasque parvis
Aequus alumnis:

Si tener pleno cadit haedus anno, 5
Larga nec desunt Veneris sodali
Vina craterae, vetus ara multo
Fumat odore.

Ludit herboso pecus omne campo,
Quum tibi Nonae redeunt Decembres; 10
Festus in pratis vacat otioso
Cum bove pagus;

Inter audaces lupus errat agnos;
Spargit agrestes tibi silva frondes;
Gaudet invisam pepulisse fossor 15
Ter pede terram.

CARMEN XIX.

AD TELEPHUM.

Murena auguratum adepto, Horatius Telephum sodalem suum hortatur, ut relictis doctis nugis hilari secum convivio adsit.

Metrum quod I. 3.

Quantum distet ab Inacho
Codrus, pro patria non timidus mori,

XVIII, v. 12. *pardus* plurimi Codd. pro *pagus*. V. Bentl.

Narras, et genus Aeaci,
 Et pugnata sacro bella sub Ilio;
 Quo Chium pretio cadum 5
 Mercemur, quis aquam temperet ignibus,
 Quo praebente domum et quota
 Pelignis caream frigoribus, taces.
 Da Lunae properae novae,
 Da noctis mediae, da, puer, auguris 10
 Murenae: tribus aut novem
 Miscentur cyathis pocula commodis.
 Qui Musas amat impares,
 Ternos ter cyathos attonitus petet
 Vates: tres prohibet supra 15
 Rixarum metuens tangere Gratia,
 Nudis iuncta Sororibus.
 Insanire iuvat: cur Berecyntiae
 Cessant flamina tibiae?
 Cur pendet tacita fistula cum lyra? 20
 Parcentes ego dexteras
 Odi: sparge rosas; audiat invidus
 Dementem strepitum Lycus,
 Et vicina seni non habilis Lyeo.
 Spissa te nitidum coma, 25
 Puro te similem, Telephe, Vespero,
 Tempestiva petit Rhode:
 Me lentus Glycerae torret amor meae.

XIX, v. 11. Plures Edd. *Muraenae*: perperam. V. Fea. —
 v. 12. *Miscentur* omnes Codd. *miscentor* Bentl. e conjectura
 Heinsii, quod plurimi recentiorum Editorum practulerunt. Sed
 Codd. lectionem bene explicat Iahn.

CARMEN XX.

AD PYRRHUM.

Carmen amatorii generis, quo Pyrrhum monet ne a puella
amante Nearchum, formosum puerum abstrahere conetur.

Metrum Sapphicum.

Non vides, quanto moveas periclo,
Pyrrhe, Gaetulae catulos leacnae?
Dura post paulo fugies inaudax
Proelia raptor,
Quum per obstantes iuvenum catervas 5
Ibit insignem repetens Nearchum:
Grande certamen, tibi praeda cedat
Maior an illi.

Interim, dum tu celeres sagittas
Promis, haec dentes acuit timendos, 10
Arbiter pugnae posuisse, nudo
Sub pede palmam
Fertur, et leni recreare vento
Sparsum odoratis humerum capillis:
Qualis aut Nireus fuit, aut aquosa 15
Raptus ab Ida.

CARMEN XXI.

AD AMPHORAM.

Amphoram generosi et vetusti vini alloquitur in Corvini gratiam promendant.

Metrum Alcaicum.

O nata mecum consule Manlio,
Seu tu querelas, sive geris iocos,

XX, v. 1. *moveas tumultu* Codd. apud Bentl. et Vand. — v. 3.
paulum Cod. Brod. Coll. Saxon. aliisque libri et Edd. *vett.* —
v. 6. Post *Nearchum* Doering. minori interpunctione utilit, ut *certamen* appositio fiat eius nominis.

Seu rixam et insanos amores,
 Seu facilem, pia testa, somnum,
 Quocunque lectum nomine Massicum
 Servas, moveri digna bono die:
 Descende, Corvino iubente,
 Promere languidiora vina.
 Non ille, quamquam Socraticis madet
 Sermonibus, te negliget horridus:
 Narratur et prisci Catonis
 Saepe mero caluisse virtus.
 Tu lene tormentum ingenio admoves
 Plerumque duro; tu sapientium
 Curas et arcanum iocoso
 Consilium retegis Lyaeo;
 Tu spem reducis mentibus anxii
 Viresque, et addis cornua pauperi,
 Post te neque iratos trementi
 Regum apices, neque militum arma.
 Te Liber, et, si laeta aderit, Venus,
 Segnesque nodum solvere Gratiae,
 Vivaque producent lucernae,
 Dum rediens fugat astra Phoebus.
10 15 20

CARMEN XXII.

A D D I A N A M.

Dianae pinum villae suae propinquam dedicat.

Metrum Sapphicum.

Montium custos nemorumque, Virgo,
 Quae laborantes utero puellas
 Ter vocata audis, adimisque leto,
 Diva triforis,

XXI, v. 5. *numine* Cod. quidam Feae itemque Vand. *suetum numine* coniecerat Bentl. — v. 12. *incaluisse* ex citat. Marii Victorini Bentl. quem Cf.

Inminens villaे tua pinus esto,
 Quam per exactos ego laetus annos
 Verris obliquum meditantis ictum
 Sanguine donem.

5

CARMEN XXIII.

AD PHIDYLEN.

Phidyle de tenuitate sacrificiorum diis a se oblatorum consolatur, eaque modo ab innocentia animo proficiscantur, numini gratissima esse docet.

Metrum Alcaicum.

Coelo supinas si tuleris manus
 Nascente Luna, rustica Phidyle,
 Si thure placaris et horna
 Fruge Lares, avidaque porca:
 Nec pestilenteм sentiet Africum
 Fecunda vitis, nec sterilem seges
 Robiginem, aut dulces alumni
 Pomifero grave tempus anno.

5

Nam, quae nivali pascitur Algido
 Devota quercus inter et ilices,
 Aut crescit Albanis in herbis,
 Victima, pontificum secures

10

Cervice tinguet. Te nihil attinet
 Tentare multa caede bidentium
 Parvos coronantem marino
 Rore Deos fragilique myrto.

15

Immunis aram si tetigit manus,
 Non sumtuosa blandior hostia,
 Mollivit aversos Penates,
 Farre pio et saliente mica.

20

XXIII, v. 7. Plures Codd. et Edd. *rubiginem*. Vid. Fca. —
 v. 12. *securim* Bentl. e Codd. Cf. Jani. — v. 19. Plerique Codd.
mollibit, alii *mollivit* aut *mollirit*. Cf. Bentl. et Fca.

CARMEN XXIV.

Seculi sui vitia insectatur et eorum remedium proponit.

Metrum quale I. 3.

Intactis opulentior

Thesauris Arabum et divitis Indiae,

Caementis licet occupies

Thyrrhenum omne tuis et mare Apulicum,

Si sigit adamantino

5

Summis verticibus dira Necessitas

Clavos, non animum metu,

Non mortis laqueis expedes caput.

Campestres melius Scythae,

Quorum plastra vagas rite trahunt domos,

10

Vivunt, et rigidi Getae:

Immetata quibus iugera liberas

Fruges et Cererem ferunt,

Nec cultura placet longior annua,

Defunctumque laboribus

15

Aequali recreat sorte vicarius.

Illic matre carentibus

Privignis mulier temperat innocens;

Nec dotata regit virum

Coniux, nec nitido fudit adultero:

20

Dos est magna parentium

Virtus, et metuens alterius viri

Certo foedere castitas,

Et peccare nefas, aut pretium emori.

O quisquis volet impias

25

Caedes et rabiem tollere civicam,

Si quaeret Pater urbium,

Subscribi statuis, indomitam audeat

XXIV, v. 24. *pretium est mori* plerique Codd. *pretium mori* aliquot apud Bentl. alii, *pret. emori.* unus Pulmanni. Cf. Both. Annotatt. — v. 25. *O quis, quis .. civicam?* Bentl.

- Refrenare licentiam,
 Clarus postgenitis, quatenus, heu nefas, 30
 Virtutem incolumem odimus,
 Sublatam ex oculis quaerimus invidi.
Quid tristes querimoniae,
 Si non supplicio culpa reciditur?
Quid leges, sine moribus 35
 Vanae, proficiunt, si neque servidis
 Pars inclusa caloribus
 Mundi, nec Boreae finitimum latus,
 Durataeque solo nives,
 Mercatorem abigunt; horrida callidi 40
 Vineunt aequora navitae;
 Magnum pauperies opprobrium iubet
 Quidvis et facere et pati,
 Virtutisque viam deserit arduae?
Vel nos in Capitolium, 45
 Quo clamor vocat et turba faventium,
Vel nos in mare proximum
 Gemmas, et lapides, aurum et inutile,
 Summi materiem mali,
 Mittamus, scelerum si bene poenitet. 50
Eradenda cupidinis
 Pravi sunt elementa, et tenerae nimis
 Mentes asperioribus
 Formandae studiis. Nescit equo rudis
Haerere ingenus puer, 55
 Venarique timet; ludere doctior,
 Seu Graeco iubeas trocho,
 Seu malis vetita legibus alea,
Quum periura patris fides
 Consortem, socium fallat et hospites, 60

v. 30. *Carus* Cod. Canteri Cf. Bentl. — v. 39. Pro solo Bentl. coni. *geliu*, quem resellit Cuning. — v. 50. *scelerum si* etc. Fea cum seqq. cuniungit. Sed Cf. Both. Annotati. — v. 54. *Firmandae* Bentl. c conjectura. Cf. Fea. — v. 60. *Consortem* virgula

Indignoque pecuniam
 Heredi properet. Scilicet improbac
 Crescent divitiae; tamen
 Curtae nescio quid semper abest rei.

CARMEN XXV.

A D B A C C H U M.

Carmen dithyrambici generis, quo poeta uberioribus Augusti laudibus a se canendis praeludere vult videri.

Metrum ut in proxime antecedenti Carmine.

Quo me, Bacche, rapis tui
 Plenum? Quae nemora aut quos agor in specus,
 Velox mente nova? Quibus
 Antris egregii Caesaris audiar
 Aternum meditans decus 5
 Stellis inserere et consilio Iovis?
 Dicam insigne, recens, adhuc
 Indictum ore alio. Non secus in iugis
 Exsomnis stupet Evias,
 Hebrum prospiciens, et nive candidam 10
 Thracen, ac pede barbaro
 Lustratam Rhodopen; ut mihi devio
 Ripas et vacuum nemus
 Mirari libet! O Naïadum potens
 Baccharumque valentium 15

separandum a voce *socium* Cf. Bentl. et Fea. — *hospites* Bentl.
 e meliore parte Codd. Reliqui *hospitem*.

XXV, v. 2. Ita meliores Codd. et vett. Edd. Aliae *quae in nemora*. Vid. Bentl. — v. 6. *consilio* multi Codd. et vett. Edd. Sed olim in plerisque Edd. *concilio*. Vid. Fea et Both. — v. 12. Haec omnium fere Codd. lectio est; sed pleraeque Editiones punctum post *Rhodopen* collocant. Bentl. ex aliquot Codd. *ac mihi*. Cf. Both. Annotatt. — v. 13. *Ripas Omnes* Codd. *rupes Muret. rivos* Bentl.

Proceras manibus vertere fraxinos:
 Nil parvum aut humili modo,
 Nil mortale loquar. Dulce periculum est,
O Lenaee! sequi Deūm
 Cingentem viridi tempora pampino.

20

CARMEN XXVI.

A D V E N E R E M.

Amare desiturus lyram et aliam suppellectilem amatoriam
 Veneri dedicat.

Métrum Alcaicum.

Vixi puellis nuper idoneus,
 Et militavi non sine gloria:
 Nunc arma defunetumque bello
 Barbiton hic paries habebit,
 Laevum marinae qui Veneris latus
 Custodit. Hic, hic ponite lucida
 Funalia, et vectes, et arcus
 Oppositis foribus minaces.

5

O quae beatam, Diva, tenes Cyprum, et
 Memphin earentem Sithonia nive,
 Regina, sublimi flagello
 Tange Chloën semel arrogantem.

10

v. 16. *fraxinus* Cod. Graevian. et aliquot Vand. V. Bentl. ad Carm. II, 15, 16.

XXVI, v. 7. *vectis securesque coni.* Bentl. quem V. *harpas coni.* Cuning. Cf. Bothl. Annotatt. — v. 10. *Memphin* Bentl. c Codd. Aliae Edd. *Memphum.* Cf. Fea.

CARMEN XXVII.
AD GALATEAM.

Galateam ab itinere ob imminentes tempestates dehortatur.

Metrum Sapphicum.

Impios parrae recinentis omen
Ducat, et praegnans canis, aut ab agro
Rava decurrentis lupa Lanuvino,
Fetaque vulpes;

Rumpat et serpens iter institutum,
Si per obliquum similis sagittae
Terruit mannos: ego cui timebo,
Providus auspex,

Antequam stantes repeatat paludes
Imbrium divina avis imminentium,
Oscinem corvum prece suscitabo
Solis ab ortu.

Sis licet felix, ubicunque mavis,
Et memor nostri, Galatea, vivas;
Teque nec laevus vetet ire picus,
Nec vaga cornix.

Sed vides, quanto trepidet tumultu
Pronus Orion. Ego, quid sit atter
Hadriae, novi, sinus, et quid albus
Peccet Iapyx.

Hostium uxores puerique caecos
Sentiant motus orientis Austri, et
Acquoris nigri fremitum, et trementes
Verbere ripas.

XXVII, y. 3. *Lanivino* Fea quem Cf. — v. 5. *rumpit* Bentl.
e Cod. Graev. itemque unus Vand. Sed V. Jahn. — v. 15. Bentl.
e Cod. Lamb. *vetat*, itemque Cod. Brod. — v. 22. *orientis haedi*
coni. Muret. Sed V. Bentl.

- Sic et Europe niveum doloso 25
 Credidit tauro latus, et scatentem
 Beluis pontum mediasque fraudes
 Palluit audax.
- Nuper in pratis studiosa florum, et
 Debitae Nymphis opifex coronae,
 Nocte sublustrī nihil astra praeter
 Vedit et undas. 30
- Quae simul centum tetigit potentem
 Oppidis Creten, Pater, o relictum
 Filiae nomen, pietasque, dixit,
 Victa furore! 35
- Unde? quo veni? Levis una mors est
 Virginum culpae. Vigilansne ploro
 Turpe commissum? an vitiis carentem
 Ludit imago 40
- Vana, quae porta fugiens eburna
 Somnium dicit? Meliusne fluctus
 Ire per longos fuit, an recentes
 Carpere flores?
- Si quis infamen mihi nunc iuvencum
 Dedat iratae! lacerare ferro et
 Frangere enitar modo multum amati
 Cornua monstri. 45
- Impudens liqui patrios Penates:
 Impudens Oreum moror! O Deorum
 Si quis haec audis, utinam inter errem
 Nuda leones! 50
- Antequam turpis macies decentes
 Occupet malas, teneraeque succus
 Defluat praedae, speciosa quaero
 Pascere tigres. 55

v. 34. *O pater, O relictum* unus Cod. apud Bentl. quem Cf.
 — v. 39. *vitio* Bentl. contra omnes Codd. Vid. Gesner. —
 v. 48. *tauri pro monstri multae* Edd. V. Bentl. —

Vilis Europe, pater urget absens,
 Quid mori cessas? Potes hac ab orno
 Pendulum zona bene te secuta
 Laedere collum.

60

Sive te rupes et acuta leto
 Saxa delectant, age, te procellae
 Crede veloci; nisi herile mavis
 Carpere pensum,

Regius sanguis, dominaeque tradi
 Barbarae pellex. Aderat querenti
 Persidum ridens Venus, et remisso
 Filius arcu.

65

Mox, ubi lusit satis, Abstineto,
 Dixit, irarum calidaeque rixae,
 Quum tibi invisus laceranda reddet
 Cornua taurus.

70

Uxor invicti Iovis esse nescis:
 Mitte singultus; bene ferre magnam
 Disce fortunam: tua sectus orbis
 Nomina ducet.

75

CARMEN XXVIII.

A D L Y D E N.

Amicam fidicinam ad festum Neptuni hilariter celebrandum
 invitat.

Metrum I. 3.

Festo quid potius die
 Neptuni faciam? Prome reconditum,
 Lyde, strenua Caecubum,
 Munitaque adhibe vim sapientiae.

v. 59. *secuta e* — *lidere aliquot* Lamb. Codd. *idque praetulit*
Bentl. Cf. Jahn.

XXVIII, 2. *facias* Bentl. coni. Cf. Both. Annotatt.

- Inclinare meridiem 5
 Sentis; ac, veluti stet volueris dies,
 Parcis deripere horreo
 Cessantem Bibuli Consulis amphoram?
 Nos cantabimus invicem
 Neptunum, et virides Nereidum comas: 10
 Tu curva recines lyra
 Latonam, et celeris spieula Cynthiae;
 Summo carmine, quae Cnidon
 Fulgentesque tenet Cycladas, et Paphon
 Iunctis visit oloribus. 15
 Dicitur merita Nox quoque naenia.

CARMEN XXIX.

AD MAECENATEM.

Invitat eum, ut relictta urbe publicisque negotiis, rure apud se hilariter degat.

Metrum Alcaicum.

- Tyrrhena regum progenies, tibi
 Non ante verso lene merum cado,
 Cum flore, Maecenas, rosarum, et
 Pressa tuis balanus capillis

- Iam dudum apud me est. Eripe te morae: 5
 Ne semper udum Tibur et Aesulac
 Declive contempleris arvum, et
 Telegoni iuga parricidae.

- Fastidiosam desere copiam, et
 Molem propinquam nubibus arduis; 10
 Omitte mirari beatae
 Fumum et opes strepitumque Romae.

— v. 9. *m̄ vices aliquot* Codd. Vid. Both. Annotatt.
 XXIX, v. 2. *versum* Cod. Brod. et aliquot Vand.

Plerumque gratae divitibus vices,
Mundaeque parvo sub lare pauperum
Coenae, sine aulaeis et ostro,
Sollicitam explicuere frontem.

15

Iam clarus occultum Andromedae pater
Ostendit ignem; iam Procyon fuit
Et stella vesani Leonis,
Sole dies referente siccis.

20

Iam pastor umbras cum grege languido
Riuinque fessus quaerit, et horridi
Dumeta Silvani, caretque
Ripa vagis tacitura ventis.

Tu, civitatem quis deceat status,
Curas, et Urbi sollicitus times,
Quid Seres et regnata Cyro
Bactra parent Tanaisque discors.

25

Prudens futuri temporis exitum
Caliginosa nocte premit Deus,
Ridetque, si mortalis ultra
Fas trepidat. Quod adest, memento
Componere aequus; cetera fluminis
Ritu feruntur, nunc medio alveo
Cum pace delabentis Etruscum
In mare, nunc lapides adesos,

30

Stirpesque raptas, et pecus et domos
Volventis una, non sine montium
Clamore vicinaeque silvae,
Quum fera diluvies quietos

35

Irritat amnes. Ille potens sui
Laetusque deget, cui licet in diem

40

v. 17. *Andromedes* quaedam Edd. vett. Cf. Bentl. — v. 25. qui
Fabr. Cuning. — v. 28. *dissors coni*. Bentl. — v. 42. *degit plu-
res* Codd. Vand. et Feae.

- Dixisse, Vixi: cras vel atra
Nube polum Pater occupato,
Vel sole puro; non tamen irritum, 45
Quodeunque retro est, efficiet, neque
Diffinget infectumque reddet,
Quod fugiens semel hora vexit.
- Fortuna saevo laeta negotio, et
Ludum insolentem ludere pertinax, 50
Transmutat incertos honores,
Nunc mihi, nunc alii benigna.
- Laudo manentem: si celeres quatit
Pennas, resigno quae dedit, et mea
Virtute me involvo, probamque 55
Pauperiem sine dote quaero.
- Non est meum, si mugiat Africis
Malus procellis, ad miseras preces
Decurrere, et votis pacisci,
Ne Cypriae Tyriaeque merces 60
Addant avaro divitias mari.
Tum me biremis praesidio scaphae
Tutum per Aegaeos tumultus
Aura feret geminusque Pollux.

CARMEN XXX.

Nominis sui immortalitatem vaticinatur.

Metrum I. 1.

- Exegi monumentum aere perennius,
Regalique situ pyramidum altius,
Quod non imber edax, non Aquilo impotens

v. 47. *diffinget* aliquot Codd. Lamb. *diffundet* alii apud Ianum.
v. 60. *Syriaeque* Codd. aliquot Vanderb. quem V. — v. 62.
Codd. *Feae*, alii *tunc*. Bentl. e Codd. *ferat*.

Possit diruere, aut innumerabilis
 Annorum series, et fuga temporum. 5
 Non omnis moriar, multaque pars mei
 Vitabit Libitinam. Usque ego postera
 Crescam laude recens, dum Capitolium
 Scandet cum tacita Virgine pontifex.
 Dicar, qua violens obstrepit Aufidus,
 Et qua pauper aquae Daunus agrestium 10
 Regnavit populorum, ex humili potens,
 Princeps Aeolium carmen ad Italos
 Deduxisse modos. Sume superbiam
 Quaesitam meritis, et mihi Delphica
 Lauro cinge volens, Melpomene, comam. 15

XXX, v. 12. *regnator* multi Codd. et Edd. vett. Vid. Fea et Bentl.

Q. HORATII FLACCI
C A R M I N U M.

LIBER QUARTUS.

CARMEN I.

AD VENEREM.

Se aetate iam provectioni denuo amoribus irretiri conqueritur.

Metrum ut lib. I. Carm. 3.

Intermissa, Venus, diu

Rursus bella moves? Parce, precor, precor!

Non sum, qualis eram bonae

Sub regno Cinarae. Desine, dulcium

Mater saeva Cupidinum,

Circa lustra decem flectere mollibus

Iam durum imperiis. Abi,

Quo blanda iuvenum te revocant preces.

Tempestivius in domum

Paulli, purpureis ales oloribus,

Comissabere Maximi,

Si torrere iecur quaeris idoneum.

Namque et nobilis, et decens,

Et pro sollicitis non tacitus reis,

5

10

I, v. 2. De signo interrogationis h. l. ponendo cum Vanderburgio et Bothio Cf. Iahn. — v. 9. Ita Bentl. e Codd. quibus accedunt Codd. Vand. et Feae. Alii *domo*. Vid. Bentl.

- Et centum puer artium, 15
 Late signa feret militiae tuae;
 Et quandoque potentior
 Largis muneribus riserit aemuli,
 Albanos prope te lacus
 Ponet marmoream, sub trabe Cypria. 20
 Illic plurima naribus
 Duces thura, lyraeque et Berecyntiae
 Delectabere tibiac
 Mixtis carminibus, non sine fistula.
 Illic bis pueri die 25
 Nomen cum teneris virginibus tuum
 Laudantes, pede candido
 In morem Salium ter quatient humum.
 Me nec femina, nec puer
 Iam, nec spes animi credula mutui, 30
 Nec certare iuvat mero,
 Nec vincire novis tempora floribus. —
 Sed cur, heu, Ligurine, cur
 Manat rara meas lacrima per genas?
 Cur facunda parum decoro 35
 Inter verba cadit lingua silentio?
 Nocturnis te ego somniis
 Iam captum tenco, iam volucrem sequor
 Te per gramina Martii
 Campi, te per aquas, dure, volubilis. 40

v. 18. Aliquot Codd. apud Bentl. et Feam *largi*, quod recepit Bentl. — v. 20. Haud pauci Codd. *trabe citrea*, sed plures *Cypria* Vid. Mitscherlich et Fea. — v. 22. Codd. aliquot *lyra*, *Berecyntia*, *tibia* quod practulit Bentl. quem Vid. — v. 37. Ita Lambin. Torrent. alii, itemque plures Vand. Codd. Reliqui omitunt *te*. Cf. Bentl.

CARMEN II.

AD IULUM ANTONIUM.

Monet Iulum Antonium, ut Augustum e bello Germanico
reducem carmine Pindarico celebret, cuius quidem granditati
dum se imparem esse affirmat, Augusti tamen laudes et ipse
splendidissimis et gravissimis versibus complectitur.

Metrum Sapphicum.

Pindarum quisquis studet aemulari,
Iule, ceratis ope Daedalea
Nititur pennis, vitreo datus
Nomina ponto.

Monte decurrens velut amnis, imbris
Quem super notas aluere ripas,
Fervet immensusque ruit profundo
Pindarus ore,

Laurea donandus Apollinari,
Seu per audaces nova dithyrambos
Verba devolvit, numerisque fertur
Lege solutis;

Seu Deos, regesve canit, Deorum
Sanguinem, per quos cecidere iusta
Morte Centauri, cecidit tremendae
Flamma Chimaerae;

Sive, quos Elea domum reducit
Palma coelestes, pugilemve equumve
Dicit, et centum potiore signis
Munere donat;

5

10

15

20

II, v. 2. De voce *Iule* non, ut aliqui faciunt, in duo versiculos
distrahendo (*aemulari*, *I—ule*) Cf. Iahn. — v. 6. Plures Codd.
apud Bentl. Iani. Vand. *Quum super notas saliere vel saluere*
ripas. Cf. Bentl. — *totas pro notas* Codd. Fabricii Vid. Fea. —

Flebili sponsae iuvenemve raptum
 Plorat, et vires animumque moresque
 Aureos educit in astra, nigroque
 Invidet Orco.

Multa Dircaeum levat aura cyenum; 25
 Tendit, Antoni, quoties in altos
 Nubium tractus; ego, apis Matinae
 More modoque,

Grata carpentis thyma per laborem
 Plurimum, circa nemus uvidique 30
 Tiburis ripas operosa parvus
 Carmina fingo.

Concines maiore poëta plectro
 Caesarem, quandoque trahet feroces
 Per sacrum clivum, merita decorus 35
 Froude, Sygambros:

Quo nihil maius meliusve terris
 Fata donavere bonique Divi,
 Nec dabunt, quamvis redeant in aurum
 Tempora priscum. 40

Coneines laetosque dies, et Urbis
 Publicum ludum, super impetrato
 Fortis Augusti redditu, forumque
 Litibus orbum.

Tum meae, si quid loquor audiendum, 45
 Vocis accedet bona pars, et, O Sol
 Pulcher, o laudande, canam, recepto
 Caesare felix.

Tuque dum procedis, Io triumphhe,
 Non semel dicemus, Io triumphhe, 50

v. 30. Plerique ita interpungunt ut *plurimum* cum *laborem* coniungatur, Bentleius contra post vocem *laborem* incidit. — v. 31. *Tiburis rivos* Bentl. e coniect. Cf. ad Od. III, 25, 13. — v. 45. *loquor* Bentl. e Codd. Vulgata lectio: *loquar*. Cf. Bentl. — v. 49. Codd. variant inter *Tuque* et *Teque*, Bentl. e coniectura *Isque*

Civitas omnis, dabimusque Divis
Thura benignis.

Te decem tauri totidemque vaccae,
Me tener solvet vitulus, reicta
Matre, qui largis iuvenescit herbis
In mea vota,

Fronte curvatos imitatus ignes
Tertium Lunae referentis ortum,
Qna notam duxit, niveus videri,
Cetera fulvus.

55

60

CARMEN III.

AD MELPOMENEN.

Dotibus et honore a Musa sibi concessis fruitur et gloriatur.

Metrum I. 3.

Quem tu, Melpomene, semel
Nascentem placido lumine videris,
Illum non labor Isthmius
Clarabit pugilem; non equus impiger
Curru ducet Achaico

Victorem, neque res bellica Deliis
Ornatum foliis ducem,
Quod regum tumidas contuderit minas,
Ostendet Capitolio;
Sed quae Tibur aquae fertile perfluunt,
Et spissae nemorum comae,

Fingent Aeolio carmine nobilem.
Romae principis urbium
Dignatur suboles inter amabiles

5

10

dum proc. Bothius recepto Caesare felix Teque. Dum etc. De nostra lectione Cf. Doering. — v. 58. Plures Codd. orbem Vid. Bentl.

III, v. 10. Ita multi Codd. et Edd. vett.; praeſluunt Codd. apud Bentl. alios; nonnullae Edd. proſluunt vel proluunt. Vid, Bentl. et Fea.

Vatum ponere me choros, 15
 Et iam dente minus mordeor invido.
O, testudinis aureae
 Dulcem quae strepitum, Pieri, temperas:
O, mutis quoque piscibus
 Donatura cygni, si libeat, sonum,
 Totum muneris hoc tui est, 20
 Quod monstror digito praetereuntium
 Romanae fidicen lyrae:
 Quod spiro et placeo, si placeo, tuum est.

CARMEN IV.

DRUSI LAUDES.

Drusum, Augusti privignum, ob devictos (A. U. C. 738. ante Christ. na. 12.) Vindelicos collaudat.

Metrum Alcaicum.

Qualem ministrum fulminis alitem,
 Cui rex Deorum regnum in aves vagas
 Permisit, expertus fidelem
 Iupiter in Ganymede flavo,
 Olim iuventas et patrius vigor 5
 Nido laborum propulit inscum,
 Vernique, iam nimbis remotis,
 Insolitos docuere nisus
 Venti paventem; mox in ovilia
 Demisit hostem vividus impetus;
 Nunc in reluctantes dracones
 Egit amor dapis atque pugnae:
 Qualemve laetis caprea pascuis
 Intenta, fulvae matris ab ubere

IV, v. 6. *protulit* Codd. Torrentii, alii. — v. 7. *Vernisque*
haud pauci Codd. apud Bentl. Vand. Fea. Cf. Bentl. et Mitscherl.

- Iam lacte depulsum leonem, 15
 Dente novo peritura, vidi:
 Videre Raetis bella sub Alpibus
 Drusum gerentem Vindelici; quibus
 Mos unde deductus per omne
 Tempus Amazonia securi 20
 Dextras obarmet, quaerere distuli;
 Nec scire fas est omnia: sed diu
 Lateque victrices catervae,
 Consiliis iuvenis revictae,
 Sensere, quid mens rite, quid indeoles 25
 Nutrita faustis sub penetralibus,
 Posset, quid Augusti paternus
 In pueros animus Nerones.
 Fortes creantur fortibus et bonis:
 Est in iuvencis, est in equis, patrum 30
 Virtus, neque imbelleni feroce
 Progenerant aquilae columbam.
 Doctrina sed vim promovet insitam,
 Rectique cultus pectora roboran:
 Ut cuaque defecere mores, 35
 Indecorant bene nata culpae.
 Quid debeas, o Roma, Neronibus,
 Testis Metaurum flumen, et Hasdrubal.

— v. 15. pro *lacte* coni. Bentl. *mane aut sponte*. Cf. Doering.—
 v. 17. *Raetis* coni. Heinsius et Bentl. eodemque quadam Codd.
 vestigia ducunt V. Bentl. et Fea. Sed omnes fere Codd. et plu-
 rimae vett. Edd. *Rhaeti*. Unus Cod. Bentl. et aliquot Edd.
Rhaeti ... et *Vindelici* addita copula. De scrip.ione *Raetis* sine
 li era aspirante V. Fea. De loco universo Vid. in primis Bentl.
 — v. 24. *repressae* Bentl. ex aliquot Codd. quem V. collatis
 Doering. et Iahn. *revictae* Codd. aliquot Vand. — v. 29. Plures
 post *fortibus* incidunt, ut *bonis* cum *iuvencis* coniungatur. Cf.
 Bentl. Both Annotatt. et Fea. — v. 36. Ita Bentl. e vetere
 Schol. et Codd. Olim vulg. *Dedecorant*.

- Devictus, et pulcher fugatis
Ille dies Latio tenebris, 40
- Qui primus alma risit adorea,
Dirus per urbes Afer ut Italas,
Ceu flamma per taedas, vel Eurus
Per Siculas equitavit undas.
- Post hoc secundis usque laboribus 45
Romana pubes crevit, et impio
Vastata Poenorum tumultu
Fana Deos habuere rectos;
- Dixitque tandem perfidus Hannibal:
Cervi, luporum praeda rapacium, 50
Sectamur ultro, quos optimus
Fallere et effugere est triumphus.
- Gens, quae cremato fortis ab Ilio
Iactata Tuseis aequoribus sacra, .
Natosque, maturosque patres 55
Pertulit Ausonias ad urbes,
- Duris ut ilex tonsa bipennibus
Nigrae feraei frondis in Algido,
Per damna, per eades, ab ipso
Dicit opes animumque ferro. 60
- Non Hydra seeto corpore firmior
Vinei dolentem erexit in Herculem,
Monstrumve submisere Colchi
Maius, Eehioniaeve Thebae.
- Merses profundo, pulchrior evenit: 65
Luctere, multa prouuet integrum
Cum laude victorem, geritque
Proelia coniugibus loquenda.

— v. 48. *tectos* Cod. Brod. Vid. Fea. — v. 65. Alii Codd.
mersus aut *merges* aut *merge* V. Bentl. et Vand. — v. 66, *pro-
ruit* Bentl. e Codd. ut mox *geritque* et *perficiunt*.

Carthagini iam non ego nuntios
 Mittam superbos: occidit, occidit
 Spes omnis et fortuna nostri
 Nominis, Hasdrubale interemto.

Nil Claudioe non perficient manus:
 Quas et benigno numine Iupiter
 Defendit, et eurae sagaces
 Expediunt per acuta belli.

70

75

CARMEN V.

AD AUGUSTUM.

Augustum, ut redditum suum omnibus exoptatissimum maturet,
 precatur.

Metrum I. 6.

Divis orte bonis, optime Romulae
 Custos gentis, abes iam nimium diu:
 Maturum redditum pollicitus Patrum
 Sancto consilio, redi.

Lucem redde tuae, Dux bone, patriae:
 Instar veris enim vultus ubi tuus
 Affulsit populo, gravior it dies,
 Et soles melius nitent.

Ut mater iuvenem, quem Notus invido
 Flatu Carpathii trans maris aequora
 Cunctantem spatio longius annuo
 Dulci distinet a domo,

Votis ominibusque et precibus vocat,
 Curvo nec faciem litore demovet:

5

10

V, v. 4. Alii *concilio* Cf. supra ad III, 25, 6. — v. 9. *Notus invido* Codd. Torrenti Vid. Bentl. — v. 12. *domu* Fea, quem V. ad Od. I, 3, 29. — v. 13. Ed. Venet. 1478. *Votis onuibus atque precibus.* Cf. Bentl.

- Sic desideriis icta fidelibus 15
 Quaerit patria Caesarem.
- Tutus bos etenim rura perambulat,
 Nutrit rura Ceres, almaque Faustitas;
 Pacatum volitant per mare navitae;
 Culpari metuit Fides; 20
- Nullis polluitur casta domus stupris,
 Mos et lex maculosum edomuit nefas;
 Laudantur simili prole puerperae;
 Culpam Poena premit comes.
- Quis Parthum paveat? quis gelidum Scythen? 25
 Quis, Germania quos horrida parturit
 Fetus, incolumi Caesare? quis ferae
 Bellum curet Iberiae?
- Condit quisque diem collibus in suis,
 Et vitem viduas dicit ad arbores; 30
 Hine ad vina redit laetus, et alteris
 Te mensis adhibet Deum:
- Te multa prece, te prosequitur mero
 Diffuso pateris, et Laribus tuum
 Miscet numen, uti Graecia Castoris 35
 Et magni memor Herculis.
- Longas o utinam, Dux bone, ferias
 Praestes Hesperiae! dicimus integro
 Sicci mane die, dicimus uidi,
 Quum Sol Oceano subest. 40

— v. 17. Pro *rura* *coni*. Faber et Sanadon. *prata*, Both. *tuta*,
 ut seq. versu Bentl. *coni*. *farrā* et Cuning. *culta* pro *rura*, ne
 idem vocabulum repetatur. Sed Vid. Iahn. ad Od. I, 3, 28. —
 v. 31. *vina* *venit* Bentl. e Codd. — v. 34. *Diffuso* multi Codd.
 et Edd. vett. idque tuetur Fea. Alii *defuso*. — v. 37. Aliquot
 Codd. *rex* pro *dux*. Cf. Bentl.

CARMEN VI.

AD APOLLINEM.

Carmini seculari praeludit poëta,

Metrum Sapphicum.

Dive, quem proles Niobe magnae
 Vindicem linguae, Tityosque raptor
 Sensit, et Troiae prope victor altae
 Phthius Achilles,

Ceteris maior, tibi miles impar:
 Filius quamquam Thetidos marinae
 Dardanas turres quateret tremenda
 Cuspide pugnax.

Ille, mordaci velut icta ferro
 Pinus, aut impulsa cupressus Euro,
 Procidit late, posuitque collum in
 Pulvere Teuero.

Ille non, inclusus equo Minervae
 Sacra mentito, male feriatos
 Troas et laetam Priami choreis
 Falleret aulam;

Sed palam captis gravis, heu nefas! heu!
 Nescios fari pueros Achivis
 Ureret flammis, etiam latentem
 Matris in alvo,

Ni, tuis victus Venerisque gratae
 Vocibus Divum Pater adnusset

5

10

15

20

VI, v. 6. *quamvis* Codd. Vand. et plures Edd. quod certe quidem ob frequentius repetitam hoc versu literam *i* ferri posset. Vid. doctam adnotationem Iahn. — *Eod. vers. Thetidis multae* Edd. — v. 17. Codd. aliquot apud Bentl. et Vand. *victor pro captis*. — v. 21. *flexus pro victus* e Codd. Bentl. quem V. —

Rebus Aeneae potiore ductos
Alite muros.

Doctor Argivac fidicen Thaliae,
Phoebe, qui Xantho lavis amne crines,
Dauniac defende decus Camenac,
Levis Agyieu.

Spiritum Phoebus mihi, Phoebus artem
Carminis, nomenque dedit poëtae.
Virginum primae, puerique claris
Patribus orti,

Deliae tutela Deac, fugaces
Lyncas et cervos cohibentis arcu,
Lesbium servate pedem, meique
Pollicis ictum,

Rite Latonae puerum canentes,
Rite crescentem face Noctilucam,
Prosperam frugum, celeremque pronos
Volvere menses.

Nupta iam dices: Ego Dîs amicum,
Saeculo festas referente luce,
Reddidi carmén, docilis modorum
Vatis Horatî.

v 25. Codd. habent *Ductor argutae* aut *Doctor arg.*, aut *doctor Argivae*, aut denique *ductor Argivae*. Vid. Bentl.

25

30

35

40

CARMEN VII.

AD TORQUATUM.

Hortatur Torquatum, ut verno iam tempore dulcia carpat,
cum vitae spatium et breve sit et incertum.

*Metrum Archilochium primum, quod hexametro heroico constat
et penthemimeri heroica.*

Diffugere nives, redeunt iam gramina campis,
Arboribusque comae;
Mutat terra vices, et decrescentia ripas
Flumina praetereunt;
Gratia cum Nymphis geminisque sororibus audet 5
Ducere nuda choros.
Immortalia ne speres, monet Annus et alnum
Quae rapit Hora diem.
Frigora mitescunt Zephyris, Ver proterit Aestas,
Interitura, simul 10
Pomifer Auctumnus fruges effuderit, et mox
Bruma recurrit iners.
Damna tamen celeres reparant coelestia lunae:
Nos, ubi decidimus,
Quo pater Aeneas, quo dives Tullus et Ancus, 15
Pulvis et umbra sumus.
Quis scit, an adiiciant hodiernae crastina sumniae
Tempora Di superi?
Cuneta manus avidas fugient heredis, amico
Quae dederis animo.
Quum semel occideris, et de te splendida Minos 20
Fecerit arbitria:
Non, Torquate, genus, non te facundia, non te
Restituet pietas.

VII, v. 7. *album* Codd. Torrent. Cf. Bentl. — v. 15. Ita Bentl.
e plurimis et optimis Codd. Vulgo *pius Aeneas*. Pro *dives* Bentl.
coni. pauper. Sed Cf. Fea.

Infernus neque enim tenebris Diana pudicum
Liberat Hippolytum,
Nec Lethaea valet Theseus abrumpere caro
Vincula Pirithoo.

CARMEN VIII.

AD CENSORINUM.

Se non nisi carmina posse amicis donare; sed nihil iis esse potentius ad nominis et gloriae aeternam memoriam efficiendam.

Metrum I. 1.

Donarem pateras grataque commodus,
Censorine, meis aera sodalibus;
Donarem tripodas, praemia fortium
Graiorum; neque tu pessima munera
Ferres, divite me scilicet artium,
Quas aut Parrhasius protulit, aut Scopas,
Hic saxo, liquidis ille coloribus
Sollers nunc hominem ponere, nunc Deum.
Sed non haec mihi vis, nec tibi talium
Res est aut animus deliciarum egens.
Gandes carminibus: carmina possumus
Donare, et pretium dicere muneri.
Non incisa notis marmora publicis,
Per quae spiritus et vita reddit bonis
Post mortem ducibus; non celeres fugae,
Reiectaeque retrorsum Hannibalis minae,
Non incendia Carthaginis impiae,
Eius, qui domita nomen ab Africa
Lueratus rediit, clarius indicant

VIII, v. 1. *commodis* multi Codd. — v. 12. *muneris* multi Codd. sed plures iique meliores *muneri*. Vid. Bentl. — v. 17. Totum versum deleri iubet Bentl. *impendia* pro *incendia* coni. Cuning. *stipendia* coni. et in textum recepit Doering. Sed Vid. Fea.

- Laudes, quam Calabrae Pierides: neque, 20
 Si chartae sileant, quod bene feceris,
 Mercedem tuleris. Quid foret Iiae
 Mavortisque puer, si taciturnitas
 Obstaret meritis invida Romuli?
 Ereptum Stygiis fluetibus Aeacum
 Virtus et favor et lingua potentium
 Vatum divitibus consecrat insulis. 25
 Dignum laude virum Musa vetat mori;
 Coelo Musa beat. Sic Iovis interest
 Optatis epulis impiger Hercules;
 Clarum Tyndaridae sidus ab infimis
 Quassas eripiunt aequoribus rates;
 Ornatus viridi tempora pampino
 Liber vota bonos dicit ad exitus.

CARMEN IX.

AD LOLLIUM.

Nominis eius et virtutis memoriam carmine consecrat.

Metrum Alcaicum.

- Ne forte credas interitura, quae,
 Longe sonantem natus ad Aufidum,
 Non ante vulgatas per artes
 Verba loquor socianda chordis.
 Non, si priores Maeonius tenet 5
 Sedes Homerus, Pindaricae latent,
 Ceaeque, et Aleaei minaces,
 Stesichorique graves Cameenae;
 Nec, si quid olim lusit Auaereon,
 Delevit aetas; spirat adhuc amor,
 Vivuntque commissi calores
 Acoliae fidibus puellae. 10

IX, v. 4. *loquar* Codd. aliquot Vand. et Edd. primae.

- Non sola comtos arsit adulteri
 Crines, et aurum vestibus illitum
 Mirata, regalesque cultus 15
 Et comites, Helene Lacaena;
- Primusve Teucer tela Cydonio
 Direxit arcu; non semel Ilio's
 Vexata; non pugnavit ingens
 Idomeneus Sthenelusve solus 20
 Dicenda Musis proelia; non ferox
 Hector, vel acer Deiphobus graves
 Excepit ictus pro pudicis
 Coniugibus puerisque primus.
- Vixere fortes ante Agamemnona
 Multi; sed omnes illacerimabiles
 Urgentur ignotique longa
 Nocte, carent quia vate sacro. 25
- Paulum sepultae distat inertiae
 Celata virtus. Non ego te meis
 Chartis inornatum silebo,
 Totve tuos patiar labores 30
- Impune, Lolli, carpere lividas
 Obliviones. Est animus tibi
 Rerumque prudens, et secundis
 Temporibus dubiusque rectus; 35
- Vindex avarae fraudis, et abstinentis
 Ducentis ad se cuncta pecuniae;
 Consulque non unius anni,
 Sed quoties bonus atque fidus 40
- Index honestum praetulit utili,
 Reiecit alto dona nocentium

v. 17. *primusque* et mox *Sthenelusque* Codd. aliquot Feae, alii et plures Edd. Vid. Jahn. — v. 31. *sileri* Codd. apud Bentl. et multae Edd. inde ab Aldina 1519. Cf. Bentl. — v. 41. *Coniunctione et hoc versu ut mox vers. 43. tantum non ab omnibus Codd. et vett.* Edd. ante Aldinam 1501. abest. Vid. Fea.

Vultu, per obstantes catervas
 Explicuit sua victor arma.
 Non possidentem multa vocaveris 45
 Recte beatum; rectius occupat
 Nomen beati, qui Deorum
 Muneribus sapienter uti,
 Duramque callet pauperiem pati,
 Peiusque leto flagitium timet, 50
 Non ille pro caris amicis,
 Aut patria timidus perire.

CARMEN X.

AD LIGURINUM.

Fastidiosum et superbū in amatores puerum monet, ne formae suae periturae nimium confidat.

Metrum I. 11.

O crudelis adhuc, et Veneris muneribus potens,
 Insperata tuae quum veniet pluma superbiae,
 Et, quae nunc humeris involitant, deciderint comae
 Nunc et qui color est puniceac flore prior rosae,
 Mutatus Ligurinum in faciem verterit hispidam: 5
 Dices, heu! quoties te speculo videris alterum:
 Quae mens est hodie, cur eadem non puero fuit?
 Vel cur his animis ineolunes non redeunt genae?

X, v. 2. Pro *pluma* Bentl. *coni. bruma*. Cf. Fea. — v. 5. *Ligurine* Codd. *duo Torrent.* Vid. Bentl. — v. 6. *Ita plurimi* Codd. et Edd. *vett.* Alii *in speculo*. Vid. Fea.

CARMEN XI.

AD PHYLLIDEM.

Phyllidem ad Maeценatis natalem sacris epulis et hilari compotatione secum celebrandum invitat.

Metrum Sapphicum.

Est mihi nonum superantis annum
Plenus Albani cadus; est in horto,
Phylli, nectendis apium coronis;
Est ederae vis

Multa, qua crines religata fulges. 5
Ridet argento domus, ara castis
Vineta verbenis avet immolato
Spargier agno.

Cuncta festinat manus, hue et illuc
Cursitant mixtae pueris puellae; 10
Sordidum flamiae trepidant rotantes
Vertice fumum.

Ut tamen noris, quibus advoceris
Gaudiis: Idus tibi sunt agendae,
Qui dies mensem Veneris marinae 15
Findit Aprilem,

Iure sollemnisi mihi, sanctiorque
Paene natali proprio, quod ex hac
Luce Maecenas meus affluentes
Ordinat annos. 20

Telephum, quem tu petis, occupavit,
Non tuae sortis iuvenem, puella
Dives et lasciva, tenetque grata
Compede vinctum.

XI, v. 9. *festinant* Codd. aliquot. Sed Cf. Bentl. et Fea. — v. 11. *crepitant* coni. Bentl. — v. 13. *advocere* Coll. Sax. et coni. Cuning. Recepit Both. — v. 17. *Sollemnisi* scribendum esse, neque *solennis* docet Fea,

Terret ambustus Phaëthon avaras
Spes, et exemplum grave praebet ales
Pegasus, terrenum equitem gravatus
Bellerophontem:

Semper ut te digna sequare, et, ultra
Quam licet sperare nefas putando,
Disparem vites. Age iam, meorum
Finis amorum, —

Non enim posthac alia calebo
Femina, — condisce modos, amanda
Voce quos reddas: minuentur atrae
Carmine curae.

25

30

35

CARMEN XII.

AD VIRGILIUM.

Veris adventu Virgilium suum ad hilarem compotationem invitat.

Metrum I. 6.

Iam Veris comites, quae mare temperant,
Impellunt animae lintea Thraciae:
Iam nec prata rigent, nec fluvii strepunt
Hiberna nive turgidi.

Nidum ponit, Ityn flebiliter gemens,
Infelix avis, et Ceeropiae domus
Aeternum opprobrium, quod male barbaras
Regum est ulta libidines.

Dieunt in tenero gramine pinguium
Custodes ovium carmina fistula,

5

10

— v. 35. *minuentur* Codd. Bentl. alii. Cf. Both. Annotatt.

XII. Codd. aliquot: Ad *Virgilium negotiatorem*, vel *unguentarium*. Cf. Both. Annotatt. — v. 11. Cod. Brod. Coll. Saxon. alii *Delectante deum*.

Delectantque Deum, cui pecus et nigri
Colles Arcadiae placent.

Adduxere sitim tempora, Virgili;
Sed pressum Calibus ducere Liberum
Si gestis, iuvenum nobilium cliens,
Nardo vina merebere. 15

Nardi parvus onyx elieiet eadum,
Qui nunc Sulpieii accubat horreis,
Spes donare novas largus, amaraque
Curarum cluere efficax. 20

Ad quae si properas gaudia, cum tua
Velox meree veni: non ego te meis
Immunem meditor tingere poculis,
Plena dives ut in domo.

Verum pone moras et studium lucri;
Nigrorumque memor, dum licet, ignium,
Misee stultitiam consiliis brevem:
Dulee est desipere in loco. 25

CARMEN XIII.

A D L Y C E N.

Deridet v^tculam tnrpiter adhuc inveniles amores sectantem.

Metrum I. 5.

Audivere, Lyce, Dì mea vota, Dì
Audivere, Lyce. Fis anus, et tamen
Vis formosa videri,
Ludisque et bibis impudens,

Et cantu tremulo pota Cupidinem
Lentum sollicitas. Ille virentis et 5

— v. 11. *nigrae* Bentl. ex uno Cod. — v. 16. Codd. aliquot apud Bentl. *mereberis*, quem Cf. et Jani.

- Doctae psallere Chiae
Pulchris excubat in genis.
Importunus enim transvolat aridas
Quercus, et refugit te, quia luridi
Dentes te, quia rugae.
Turpant et capitis nives.
Nec Coae referunt iam tibi purpurae,
Nec clari lapides tempora, quae semel
Notis condita fatis
Inclusit volueris Dies. 15
Quo fugit Venus? heu! quo ve color? decens
Quo motus? quid habes illius, illius,
Quae spirabat Amores,
Quae me surpuerat mihi?
Felix post Cinaram notaque et artium
Gratarum facies! Sed Cinarac breves
Annos fata dederunt,
Servatura diu parem
Cornicis vetulae temporibus Lycen,
Possent ut iuvenes visere fervidi,
Multo non sine risu,
Dilapsam in cineres facem. 25

CARMEN XIV.

AD AUGUSTUM.

Gratulatur Augusto ob Drusi et Tiberii de Vindelicis et
Raetis reportatam eius auspiciis victoriam.

Metrum Alcaicum.

Quae cura Patrum, quaeve Quiritium,
Plenis honorum muneribus tuas,

XIII, v. 14. *cari* plures Codd. et Edd. Cf. Bentl. et Fea. —
v. 17. Ita interpunxit Bentl. quem V. Codd. et Edd. vett. fecerunt *color decens?*

- Auguste, virtutes in aevum
Per titulos memoresque fastos 5
- Aeternet? o, qua sol habitabiles
Illustrat oras, maxime principum,
Quem legis expertes Latinae
Vindeliei didicere nuper,
- Quid Marte posses. Milite nam tuo
Drusus Genaunos, implacidum genus, 10
Breunosque velocees, et arces
Alpibus impositas tremendis,
- Deiecit acer plus vice simplici.
Maior Neronum mox grave proelium
Commisit, immanesque Raetos 15
Auspiciis pepulit secundis;
- Spectandus in certamine Martio,
Devota morti pectora liberae
Quantis fatigaret ruinis: —
Indomitas prope qualis undas 20
- Exerceat Auster, Pleiadum choro
Scidente nubes: — impiger hostium
Vexare turmas, et frementem
Mittere equum medios per ignes.
- Sie tauriformis volvitur Ausidus, 25
Qui regna Dauni praefluit Appuli,
Quum saevit, horrendamque cultis
Diluviem meditatur agris:
- Ut barbarorum Claudius agmina
Ferrata vasto diruit impetu, 30
Primosque et extremos metendo
Stravit humum, sine clade viator,

XIV, v. 4. *fastus* Bentl. itemque plures Codd. Feae et Vand.
Cf. supra, III, 17, 4. — v. 19. Alii Codd. *fatigarit* vel *fatigarat*
Cf. Bentl. — v. 20. *indomitus* Bentl. e coniect. — v. 28. *minitatur* pro *meditatur* Bentl. e Codd. et Nonio. — v. 30. *dirpuit*
Edd. Florent. 1486.

Te copias, te consilium et tuos
Praebente Divos. Nam, tibi quo die
Portus Alexandria suppplex
Et vacuam patefecit aulam,
Fortuna lustro prospера tertio
Belli secundos reddidit exitus,
Laudemque et optatum peractis
Imperiis decus arrogavit.

35

Te Cantaber non ante domabilis,
Medusque, et Indus, te profugus Scythes
Miratur, o tutela praesens
Italiae dominaeque Romae,
Te, fontium qui celat origines,
Nilusque, et Ister, te rapidus Tigris,
Te heluosus qui remotis
Obstrepit Oceanus Britannis;
Te non paventis funera Galliae
Duraeque tellus audit Iberiae:
Te caede gaudentes Sygambri
Compositis venerantur armis.

40

45

50

CARMEN XV.

AUGUSTI LAUDES.

Augustum a pacis potissimum artibus collaudat.

Metrum Alcaicum.

Phoebus volentem proelia me loqui
Victas et urbes, increpuit lyra,
Ne parva Tyrrhenum per aequor
Vela darem. Tua, Caesar, aetas

— v. 49. *paventes* Bentl. e Codd.XV, v. 1. Plures Edd. post *increpuit* incidunt. Cf. Mitscherl.

Fruges et agris retulit uberes,
Et signa nostro restituit Iovi,

Derepta Parthorum superbis
Postibus, et vacuum duellis

Ianum Quirinum clusit, et ordinem
Rectum evaganti frena Licentiae

Iniecit, emovitque culpas,
Et veteres revocavit artes,

Per quas Latinum nomen et Italae
Crevere vires, famaque et imperi

Porrecta maiestas ad ortum
Solis ab Hesperio cubili.

Custode rerum Caesare, non furor
Civilis aut vis eximet otium,

Non ira, quae procudit enses,
Et miseras inimicat urbes.

Non, qui profundum Danubium bibunt,
Edicta rumpent Iulia, non Getae,

Non Seres, infidive Persae,
Non Tanain prope flumen orti.

Nosque et profestis lucibus et sacris,
Inter iocosi munera Liberi,

Cum prole matronisque nostris,
Rite Deos prius apprecati,

Virtute functos, more patrum, duces,
Lydis remixto carmine tibiis

Troiamque et Anchisen et almac
Progeniem Veneris canemus.

5

10

15

20

25

30

— v. 7. *direpta* plures Codd. et Edd. Vid. Fea. — v. 9. Omnes Codd. *Ianum Quirini* Cf. Bentl. et Fea. — v. eod. *Clusit* Cuning. sed Codd. *clausit*. Vid. Fea. — v. 15. Plures Codd. et Edd. vett. *ortus* Cf. Bentl. — v. 18. *eximet* maior pars Codd. alii *exiget* Cf. Bentl. et Fea.

Q. HORATII FLACCI
E P O D O N.

LIBER.

CARMEN I.

AD MAECENATEM.

Maecenati ad bellum Actiacum proficiscenti coitem se offert.
Metrum primo versu est iambicum trimetrum, altero dimetrum.

Ibis Liburnis inter alta navium,
Amice, propugnacula,
Paratus omne Caesaris periculum
Subire, Maecenas, tuo.
Quid nos, quibus te vita si superstite 5
Iucunda; si contra, gravis?
Utrumne iussi persecuemur otium,
Non dulce, ni tecum simul?
An hunc laborem mente laturi, decet
Qua ferre non molles viros? 10
Feremus; et te vel per Alpium iuga,
Inhospitalem et Caucasum,
Vel occidentis usque ad ultimum sinum,

I, v. 4. *tuo*. Wakefield. Tragoed. Delect. II. p. 22. coni. *tui*; Both. *Caesari . . . tuo*. V. Iahn. — v. 5. *si super*. plurimi Codd. quos enumerat Fea; idque tuetur Bentl. Codd. Torrent. alii sit. Vid. Both. Annotatt.

Forti sequemur pectore.
 Roges, tuum labore quid iuvem meo, 15
 Imbellis ac firmus parum?
 Comes minore sum futurus in metu.
 Qui maior absentes habet:
 Ut assidens implumbibus pullis avis
 Serpentium allapsus timet
 Magis relictis; non, ut adsit, auxili 20
 Latura plus praesentibus.
 Libenter hoc et omne militabitur
 Bellum in tuae spem gratiae;
 Non ut iuvencis illigata pluribus
 Aratra nitantur meis,
 Pecusve Calabris ante sidus fervidum
 Lucana mutet pascuis,
 Neque ut superni villa candens Tusculi
 Circaeа tangat moenia. 25
 Satis superque me benignitas tua
 Ditavit; haud paravero
 Quod aut, avarus ut Chremes, terra premam,
 Discinctus aut perdam ut nepos.

CARMEN II.

Alphium foeneratorem deridet, qui vitae rusticae commoda
 et gaudia ubi mirum in modum laudavit, mox ad pristinam vi-
 vendi rationem et sordidam avaritiam revertitur.

Metrum idem.

Beatus ille, qui procul negotiis,
 Ut prisca gens mortalium,

— v. 21. *uti sit pro ut adsit* Bentl. e pluribus Codd. quem Cf.
 — v. 26. *mea plures* Codd. Vid. Bentl. et Fea. *nectantur pro*
nitantur aliquot Codd. Cf. Bentl. et Fea. — v. 28. *pascuis multi*
 Codd. et vett. Edd. Alii *pascua* Vid. Bentl. — v. 29. *Neque plu-*
res Edd. vett. al. nec Vid. Both. Annotatt. Pro superni Bentl.
e, coniect. supini, quem V. coll. Fea.

Paterna rua bubus exerceat suis,
Solutus omni fenore.
Neque excitatur classico miles truci, 5
Neque horret iratum mare;
Forumque vitat et superba civium
Potentiorum limina.
Ergo aut adulta vitium propagine
Altas maritat populos, 10
Aut in reducta valle mugientium
Prospectat errantes greges;
Inutilesque falce ramos amputans,
Feliciores inserit;
Aut pressa puris mella condit amphoris; 15
Aut tondet infirmas oves;
Vel, quum decorum mitibus pomis caput
Auctumnus agris extulit,
Ut gaudet insitiva decerpens pyra,
Certantem et uvam purpureae, 20
Qua muneretur-te, Priape, et te, pater
Silvane, tutor finium.
Libet iacere, modo sub antiqua ilicee,
Modo in tenaci gramine.
Labuntur altis interim ripis aquae; 25
Queruntur in silvis aves:
Fontesque lymphis obstrepunt manantibus,
Somnos quod invitet leves.

II, v. 9. *altae propagini* coni. Both. Annotatt. — v. 11—14. Hic in omnibus praeter Altorfinum Codicibus est horum versuum ordo. Henr. Stephan. Georg. Fabric. aliquie vers. 13 et 14. ante vers. 11 et 12. collocant. Vid. Bentl. — v. 13. *inutilesve* Bentl. e conject. — v. 18. *agris* longe plurimi optimique Codd. Alii *arvis*. Cf. Bentl. et Fea. — v. 20. *purpura* Codd. aliquot Cruq. Cf. Fea. — v. 21. *Quis qro Qua cum* Cuning. Sanadon. et Wadio edidit Fea. quem V. Sed incerta est huius lectionis, auctoritas. — v. 25. *ripis* Edd. veteres, sed Codd. alii *ripis*, alii *rivis*. Vid. Bentl. Fea. Both. Annotatt. — v. 27. *frondesque* e coni. Marklandi recepit Both. quem V. in Annotatt. Cf. Fea.

At quum Tonantis annus hibernus Iovis
 Imbres nivesque comparat, 30
 Aut trudit aeres hinc et hinc multa cane
 Apros in obstantes plagas;
 Aut amite levi rara tendit retia,
 Turdis edacibus dolos;
 Pavidumque leporem, et advenam laqueo gruem, 35
 Incunda captat praemia.
 Quis non malarum, quas amor curas habet,
 Haec inter obliviscitur?
 Quod si pudica mulier in partem iuvet
 Domum atque dulces liberos, 40
 Sabina qualis, aut perusta solibus
 Pernicis uxori Appuli,
 Sacrum et vetustis exstruat lignis focum,
 Lassi sub adventum viri:
 Claudensque textis eratibus laetum pecus, 45
 Distenta siccet ubera;
 Et horna dulei vina promens dolio,
 Dapes inemtas apparet;
 Non me Lucrina iuverint conchylia,
 Magisve rhombus, aut scari, 50
 Si quos Eois intonata fluctibus
 Hiems ad hoc vertat mare;
 Non Afra avis descendat in ventrem meum,
 Non attagen Ionicus
 Iucundior, quam lecta de pinguissimis 55
 Oliva ramis arborum,
 Aut herba lapathi prata amantis, et gravi
 Malvae salubres corpori,
 Vel agna festis caesa Terminalibus,
 Vel haedus ereptus lupo. 60
 Has inter epulas, ut iuvat pastas oves

— v. 37. *malorum* Edd. *quaedam veteres*, idque probat Both.
 Annotatt. — v. 52. *verrat* coni. Heins. Cf. Bentl. — v. 54. *Ioni-
 nius* Fea.

Videre properantes domum!
 Videre fessos vomerem inversum boves
 Collo trahentes languido!
 Positosque vernas, ditis examen domus,
 Circum residentes Lares! 65
 Haec ubi locutus fenerator Alphius,
 Iam iam futurus rusticus,
 Omnem redegit Idibus pecuniam;
 Quaerit Calendis ponere. 70

CARMEN III.

AD MAECENATEM.

Allium iocoso carmine detestatur.

Metrum idem.

Parentis olim si quis impia manu
 Senile guttur fregerit,
 Edit cicutis allium nocentius.
 O dura messorum ilia!
 Quid hoc veneni saevit in praecordiis? 5
 Num viperinus his cruar
 Incocitus herbis me gefellit? an malas
 Canidia tractavit dapes?
 Ut Argonautas praeter omnes candidum
 Medea mirata est ducem,
 Ignota tauris illigaturum iuga,
 Perunxit hoc Iasonem:
 Hoc delibutis ulta donis pellicem,

— v. 66. *renitentes unus* Cod. Vand. — v. 67. *Alfius* alii Codd. et Edd. Cf. Fea. — v. 69. *relegit* aliquot Codd. et Ed. *princeps* Vid. Bentl. et Fea.

III, 3. *Edat* Cod. Brod. plures Vand. alii. Vid. Both. Annotatt. — v. 5. *Quies* Edd. aliquot vett. — v. 6. *Non pro Num* Cuiacius Observatt. 28. e Codd. — v. 8. *tentavit dapes* Cod. Torrent.

Serpente fugit alite.
 Nec tantus unquam siderum insedit vapor 15
 Siticulosae Apuliae:
 Nec munus humeris efficacis Herculis
 Inarsit aestuosius.
 At, si quid unquam tale concupiveris,
 Iocose Maeccas, precor 20
 Manum puella savio opponat tuo,
 Extrema et in sponda cubet.

CARMEN IV.

IN CNEIUM POMPEIUM CNEI LIBERTUM MENAM.

Ex servo divitem factum et trihunum militum ob arrogantiam
 acerbissime deridet.

Metrum idem.

Lupis et agnis quanta sortito obtigit,
 Tecum mihi discordia est,
 Ibericis peruste funibus latus,
 Et crura dura compede.
 Licet superbus ambules pecunia, 5
 Fortuna non mutat genus.
 Videsne, Sacram metiente te viam
 Cum bis trium ulnarum toga,
 Ut ora vertat huc et huc euntium
 Liberrima indignatio?
 Sectus flagellis hic Triumviralibus,
 Praeconis ad fastidium,
 Arat Falerni mille fundi iugera,

— v. 20. *Iocosa* Markland. coni. Cf. Fea. — v. 21. De scriptione *savio* Vid. Fea. Plures Codd. et Edd. *suavio*.

IV. Admodum variat inscriptio in Codd. et Edd. Nos Feam secuti sumus, quem Cf. — v. 8. Ita Barth. Adv. 54, 26. tanquam ex libro et Bentl. Vulgata lectio: *bis ter ulnarum* constanti MSS, consensu. V. Bentl.

Et Appiam mannis terit;
 Sedilibusque magnus in primis eques,
 Othone contemto, sedet. 15
 Quid attinet tot ora navium gravi
 Rostrata duci pondere
 Contra latrones atque servilem manum,
 Hoc, hoc tribuno militum? 20

CARMEN V.

IN CANIDIAM VENEFICAM.

Describuntur sacra magica horrendis artificiis a Canidia ut
 amatorem devinciat, habita.

Metrum idem.

„At, o Deorum quicquid in coelo regit
 Terras et humanum genus!
 Quid iste fert tumultus? et quid omnium
 Vultus in unum me truces?
 Per liberos te, si vocata partubus 5
 Lucina veris adfuit,
 Per hoc inane purpurae decus precor,
 Per improbaturum haec Iovem,
 Quid ut noverca me intueris, aut uti
 Petita ferro belua?“
 Ut haec tremente questus ore constitit 10
 Insignibus raptis puer,
 Impube corpus, quale posset impia
 Mollire Thracum pectora;

— v. 16. *contento* Ed. princeps Venet. an. 1478. Vid. Bentl. —
 v. 17. *aera pro ora coni.* Bentl.

V, v. 1. *regit* Codd. habent plerumque aut *regis*. Cod. Brod.
quisquis regis. Veteres aliquot Edd. *quisquis regit*. Cf. Bentl.
 — v. 3. *aut quid* aliquot Codd. ut Vand. et veit. Edd. idque
 recepit Both. — v. 11. *tremente* Codd. serunt. *trementi* Bentl.
 quem Cf.

Canidia brevibus implicata viperis 15
 Crines et incomtum caput,
 Jubet sepuleris caprificos erutas,
 Iubet cypressus funebres,
 Et uneta turpis ova ranae sanguine,
 Plumamque nocturnae strigis, 20
 Herbasque, quas Ioleos atque Iberia
 Mittit venenorum ferax,
 Et ossa ab ore rapta ieunae canis,
 Flammis aduri Colchicis.
 At expedita Sagana, per totam domum 25
 Spargens Avernales aquas,
 Horret capillis, ut marinus, asperis,
 Echinus, aut currens aper.
 Abacta nulla Veia conscientia,
 Ligonibus duris humum 30
 Exhauriebat, ingemens laboribus,
 Quo posset infossus puer
 Longo die bis terque mutatae dapis
 Inemori spectaculo,
 Quum promineret ore, quantum extant aqua 35
 Suspensa mento corpora;
 Exsecta uti medulla, et aridum iecur
 Amoris esset poculum,
 Interminato quum semel fixae cibo
 Intabuisserunt pupulae. 40
 Non defuisse masculae libidinis
 Ariminensem Foliam,
 Et otiosa credidit Neapolis,
 Et omne vicinum oppidum,

— v. 21. *Colchos* pro *Iolcos* Edd. aliquot vett. Cf. Both. Annotatt. — v. 22. *foras* pro *ferax* Cod. Brod. — v. 28. *Laurens aper* coni. Heinsius, quam lectionem tuetur Bentl. refutat Fea. — v. 33. *terque* omnes fere Codd. *terve* Ed. Aldin. indeque plurimae Edd. V. Bentl. — v. 37. *exsecta* vel *executa* melior maiorque pars Codd. Reliqui *exsucta*, *exsucca*. *exusta*, *exuta*, *exerta*. N. Heins. coni. *exesa* Vid. Bentl. et Fea.

- tu debas regas Noue me lib. Philopathei*
- Quae sidera excantata voce Thessala 45
 Lunamque coelo deripit.
 Hic irresectum saeva dente livido
 Canidia rodens pollicem,
 Quid dixit? aut quid tacuit? „O rebus meis
 Non infideles arbitrac,
 Nox, et Diana, quae silentium regis,
 Arcana quum fiunt sacra,
 Nunc nunc adeste! nunc in hostiles domos
 Iram atque numen vertite!
 Formidolosae dum latent silvis ferae, 55
 Dulci sopore languidae,
 Senem, quod omnes rideant, adulterum
 Latrent Suburanac canes,
 Nardo perunctum, quale non perfectius
 Meae laborarint manus. —
 Quid accedit? cur dira barbarae minus
 Venena Medeae valent,
 Quibus superbam fugit ulta pellicem,
 Magni Creontis filiam,
 Quum palla, tabo munus imbutum, novam 65
 Incendio nuptam abstulit?
 Atqui nec herba, nec latens in asperis
 Radix sefellit me locis.
 Indormit unctis omnium cubilibus
 Oblivione pellicum. —
 Ah! ah! solutus ambulat *veneficæ* 70
 Scientioris carmine.
 Non usitatis, Vare, potionibus,
 O multa fleturum caput,

— v. 54. *Arcum* pro *Iram* Cod. Brod. — v. 55. *formidolosae* Codd. plurimi, alii, quos Bentl. sequitur *formidolosis* Cf. Fea. — v. 58. *suburranae* aut *suburbanae* plures Codd. multaeque Edd. Sed Vid. Fea. — v. 60. *laborarunt* olim pleraeque Edd. — v. 63. *superba* multi Codd. et vett. Edd. Cf. Bentl. — v. 65. *infectum* pro *imbutum* Coll. Sax. et Codd. Bersm. — v. 71. *ha!* plures Codd. Cf. Fea.

- Ad me recurras, nec vocata mens tua
Marsis redibit vocibus. 75
- Maius parabo, maius infundam tibi
Fastidienti poeculum.
- Priusque coelum sidet inferius mari,
Tellure porrecta super, 80
- Quam non amore sic meo flagres, uti
Bitumen atris ignibus.“
- Sub haec puer, iam non, ut ante, mollibus
Lenire verbis impias;
- Sed dubius unde rumperet silentium, 85
Misit Thyesteas preces:
- „Venena magnum fas nefasque, non valent
Converte humanam vicem.
- Diris agam vos: dira detestatio
Nulla expiatur victima. 90
- Quin, ubi perire iussus expiravero,
Nocturnus occurram Furor,
- Petamque vultus umbra curvis unguibus,
Quae vis Deorum est Manium,
- Et inquietis assidens praecordiis, 95
Pavore somnos auferam.
- Vos turba vicatim hinc et hinc saxis petens
Contundet obsceneas anus.
- Post insepulta membra different lupi
Et Exquiline alites; 100
- Neque hoc parentes, heu mihi superstites!
Effugerit spectaculum.

— v. 81. *mei* Ed. Glarean. Bentl. — v. 87. Bentl. coni. *Venena magica fas nefasque non valent*, *Non vertere humanas vices Fea ita interpungit: Venena! magnum fas, nefasque, non valent Converte humanam vicem?* Sed Vid. Mitscherl. et Both. Annotatt. — v. 100. *Exquiline* dedit Fea e Codd. marinoribus, vett. Edd. *Esquiline* plurimaq; Edd.

CARMEN VI.

IN CASSIUM SEVERUM.

Maledico calumniatori minatur ultionem.

Metrum idem.

Quid immerentes hospites vexas, canis,
Ignavus adversum lupos?
Quin huc inanes, si potes, vertis minas,
Et me remorsurum petis?
Nam, qualis aut Molossus, aut fulvus Lacon,
Amica vis pastoribus,
Agam per altas aure sublata nives,
Quaecunque praecedet fera:
Tu, quum timenda voce complesti nemus,
Proiectum odoraris cibum.
Cave, cave: namque in malos asperrimus
Parata tollo cornua,
Qualis Lycambae spretus infido gener,
Aut acer hostis Bubalo.
An, si quis atro dente me petiverit,
Inultus ut flebo puer?

5

10

15

CARMEN VII.

AD POPULUM ROMANUM.

A bello civili dehortatur.

Metrum idem.

Quo, quo scelesti ruitis? aut cur dexteris
Aptantur enses conditi?

VI, v. 8. procedet Both. e Codd. Cf. Iahn. — v. 14. *Bubalo*
plures Codd. et Edd. vett. Cf. Fea et Both. Annott. — v. 15.
oppetiverit Codd. aliquot Feae.

Parumne cāpis atque Neptuno super
Fusum est Latini sanguinis,
Non, ut superbas invidae Carthaginis 5
Romanus arces ureret,
Intactus aut Britannus ut descenderet
Sacra catenatus via;
Sed ut, secundum vota Parthorum, sua
Urbs haec periret dextera? 10
Neque hic lupis mos, nec fuit leonibus,
Unquām, nisi in dispar, feris.
Furorū caecus, an rapit vis acrior?
An culpa? responsum date. —
Tacent; et ora pallor albus inficit, 15
Mentesque percussae stupent.
Sic est: acerba fata Romanos agunt,
Scelusque fraternalē necis,
Ut immerntis fluxit in terram Remi
Sacer nepotibus crux. 20

CARMEN VIII.

IN ANUM LIBIDINOSAM.

Respondet quaerenti, cur ipse ad libidinem secum exercendam torpeat.

Metrum idem.

Rogare longo putidam te saeculo,
Vires quid enervet meas!
Quum sit tibi dens ater, et rugis vetus
Frontem senectus exaret,

VII, v. 12. Ita omnes fere Codd. *Nunquam* e veteribus aliquot Edd. *Usquam* Cod. Vand. Pro *feris* Lambin. e Codd. *genus*, idemque vocabulum in duobus Codd. Vand. a glossatore super *dispar* scriptum est. Cf. Fea. — v. 13. *caecos* Bentl. e Codd. — v. 16. *percussae* Cod. Brod.

VIII, v. 1. *putridam* Cod. Bersm. — v. 2. *quod pro quid* Ibid.

- Hietque turpis inter aridas nates 5
 Podex, *velut* crudae bovis.
 Sed incitat me pectus, et mammae putres,
 Equina quales ubera,
 Venterque mollis, et femur tumentibus
 Exile suris additum. 10
 Esto beata, funus atque imagines
 Ducant triumphales tuum;
 Nec sit marita, quae rotundioribus
 Onusta baccis ambulet.
 Quid? quod libelli Stoici inter sericos 15
 Iacere pulvillois amiant,
 Illiterati num minus nervi rigent,
 Minusve languet fascinum,
 Quod ut superbo provokes ab inguine,
 Ore allaborandum est tibi? 20

CARMEN IX.

AD MAECENATEM.

Laetatur de victoria ab Augusto contra Antonium et Cleopatram reportata.

Metrum idem.

- Quando repostum Caecubum ad festas dapes,
 Victore laetus Caesare,
 Teeum sub alta, sic lovi gratum, domo,
 Beate Maecenas, bibam,
 Sonante mixtum tibiis carmen lyra, 5
 Hac Dorium, illis Barbarum?
 Ut nuper, actus quum freto Neptunius
 Dux fugit, ustis navibus,

— v. 15. Ita hunc locum interpunxit Both. quem Vid. Vulgo post amant, rigent, fascinum interrogationis signa collocantur.

IX, v. 5. *mistum* Edd. *vett.* *mixtis* Bentl. e duobus Codd. Lambin.

Minatus urbi vincla, quae detraxerat.
 Servis amicus perfidis. 10
 Romanus, heu! heu! posteri negabitis,
 Emancipatus feminae,
 Fert vallum et arma miles, et spadonibus
 Servire rugosis potest;
 Interque signa turpe militaria 15
 Sol adspicit conopium.
 Ad hoc frementes verterunt bis mille equos
 Galli, canentes Caesarem;
 Hostiliumque navium portu latent
 Puppes sinistrorum citae. 20
 Io Triumphe! tu moraris aureos
 Currus, et intactas boves?
 Io Triumphe! nec Iugurthino parem
 Bello reportasti ducem,
 Neque Africanum, cui super Carthaginem 25
 Virtus sepulcrum condidit.
 Terra marique victus hostis, Punico
 Lugubre mutavit sagum;
 Aut ille centum nobilem Cretam urbibus,
 Ventis iturus non suis; 30
 Exereitatas aut petit Syrtes Noto,
 Aut fertur incerto mari.
 Capaciores affer huc, puer, scyphos,
 Et Chia vina, aut Lesbia,
 Vel, quod fluentem nauseam coerbeat, 35
 Metire nobis Caecubum.

— v. 11. *cheu* multae Edd. Cf. Both. Annotatt. — v. 16. *conopeum* plurimi Codd. Vid. Bentl. — v. 17. Codd. varie *Ad hunc*, *At huc*, *Adhuc*. Vulgata per plurimas Edd. lectio est *Ad hunc*, quam denuo Both. et Jahn. tinentur. Bentl. *Ad hoc*; Fea: *At hoc*. — v. 20. *sitae* pro *citae* Codd. aliquot Cruq. et Lamb. — v. 25. *Africanum* Bentl. e pluribus Codd. et duabus vetustissimis Edd. Vulgatam lectionem *Africanu* Fea secutus est. Cf. utriusque not. — v. 34. *Aut Chia* Bentl. cum Torrent. et plenius distinguit post *scyphos*.

Curam metumque Caesaris rerum iuvat
Dulci Lyaeo solvere.

CARMEN X.

IN MAEVIVM POETAM.

Navigaturo naufragium imprecatur.

Metrum idem.

Mala soluta navis exit alite,
Ferens olen tem Maevium.
Ut horridis utrumque verberes latus,
Auster, memento fluctibus.
Niger rudentes Eurus, inverso mari,
Fractosque remos differat;
Insurgat Aquilo, quantus altis montibus
Frangit trementes ilices;
Nec sidus atra nocte amicum appareat,
Qua tristis Orion eadit; 5
Quietiore nec feratur aequore,
Quam Graia victorum manus,
Quum Pallas usto vertit iram ab Ilio
In impiam Aiacis ratem.
O quantus instat navitis sudor tuis,
Tibique pallor luteus, 10
Et illa non virilis eiulatio,
Preces et aversum ad Iovem,
Ionius udo quum remugiens sinus
Noto carinam ruperit! 15
20

X, v. 1. *Malo* apud Marium Victorinum. Cf. Bentl. — v. 4. *flatibus* pro *fluctibus* Codd. Valart. — v. 8. *fregit* pro *frangit* citatur apud Plotium, veterem Grammaticum. Cf. Bentl. qui coni. *vertit* aut *sternit*. Wakef. coni. *planxit* a Bothio receptum. Sed Cf. Fea. — v. 18. *aversum* Codd. aliquot Vand. et Feae. — v. 19. *sinu Notus* Codd. Cruq. et Edd. aliquot vett. Vid. Bentl.

Opima quod si praeda curvo litore
 Porrecta mergos iuveris;
 Libidinosus immolabitur caper,
 Et agna Tempestatibus.

CARMEN XI.

AD PECTIUM.

Queritur, se perpetuo amoris laqueis irretitum teneri.

Metrum Archilochium tertium, compositum e senario iambico et versu elegiambico, qui constat dimidio pentametro sive penthemimeri dactylica et dimetro iambico.

Pecti, nihil me, sicut antea, iuvat
 Scribere versiculos amore percussum gravi,
 Amore, qui me praeter omnes expedit
 Mollibus in pueris aut in puellis ure. 5
 Hic tertius December, ex quo destiti
 Inachia furere, silvis honorem decutit.
 Heu! me, per urbem, nam pudet tanti mali,
 Fabula quanta fui! conviviorum et poenitet,
 In queis amantem et languor et silentium
 Arguit, et latere petitus imo spiritus. 10
 Contrane lucrum nil valere candidum
 Pauperis ingenium! querebar, applorans tibi;
 Simul calentis invereundus Deus
 Fervidiore mero arcana promorat loco.
 Quod si meis inaestuat praecordiis 15

— v. 22. *projecta* Bentl. c coni. Sed Cf. Fca. *iuverit* plures Codd. Cf. Bentl. *paverit* Coll. Sax. quo verbo Adnotator Cruquianus illud *iuveris* explicat.

XI. Codd. et Edd. varie *Pectium*, *Pettium*, *Petium* V. Fea. v. 2. *percussum* plures Codd. et vett. Edd. Vid. Bentl. et Fca. — v. 4. *aut puer*. pro *in coni*. Bentl. quem Cf. — v. 8. *ut poenitet* Bentl. c coniect. Cf. Fea. et Both. Annott. — v. 14. *fervidiora* Ald. Ed. 1501 et plures aliae. Cf. Both. Annott. — v. 15. *inaestuet* Lambin. Bentl. Fea.

Libera bilis, ut haec ingrata ventis dividat
Fomenta, vulnus nil malum levantia;
Desinet imparibus certare summotus pudor.
Ubi haec severus te palam laudaveram,
Iussus abire domum, ferebar incerto pede 20
Ad non amicos heu! mihi postes, et heu!
Limina dura, quibus lumbos et infregi latus.
Nunc, gloriantis quamlibet mulierculam
Vincere mollitie, amor Lyeisci me tenet;
Unde expedire non amicorum queant 25
Libera consilia, nec contumeliae graves;
Sed alius ardor aut puellae candidae,
Aut teretis pueri, longam renodantis comam.

CARMEN XII.

IN ANUM LIBIDINOSAM.

Amarissime in eius foeditatem et libidinem invehitur.

Metrum Od. I, 7.

Quid tibi vis, mulier nigris dignissima barris?
Munera eur mihi, quidve tabellas
Mittis, nec firmo iuveni, neque naris obesae?
Namque sagacius unus odoror,
Polypus, an gravis hirsutis cubet hircus in alis, 5
Quam canis acer, ubi lateat sus.
Qui sudor vietis, et quam malus undique membris

— v. 17. *allevantia* Cod. Feae et aliquot Edd. vett. Cf. Fea et Both. — v. 19. *ter aut tibi pro te coni.* Both. Annott. — v. 24. Ita Bentl. e Codd. Vulgo *mollitia*. — v. 28. *longa renidentis coma* Coll. Sax. *renidentis* etiam Ed. Florent. 1482.

XII, v. 1. Both. in Annotatt. cum Turnebo et Vanderb. ma-
vult *Barris* ut sit nomen proprium hominis, quem Horat. in Serm.
I, 4, 110 aliis locis nominat. — v. 2. *quid mihi* Bentl. e Codd.
curve tabellas Codd. aliquot et vett. Edd. Cf. Fea. — v. 5. *Puli-
pus* malit Both. Annott. quem Cf. — v. 7. *qui plurimi et optimi*
Codd. *quis multae* Edd.

Crescit odor, quum pene soluto
 Indomitam properat rabiem sedare; neque illi 10
 Iam manet humida creta, colorque
 Stercore fucatus crocodili, iamque subando
 Tenta cubilia, tectaque rumpit;
 Vel mea quum saevis agitat fastidia verbis:
 Inachia langues minus ac me;
 Inachiam ter nocte potes, mihi semper ad unum 15
 Mollis opus. Pereat male: quae te,
 Lesbia, quaerenti taurum, monstravit inertem,
 Quum mihi Cous adesset Amyntas,
 Cuius in indomito constantior inguine nervus,
 Quam nova collibus arbor inhaeret. 20
 Muricibus Tyriis iteratae vellera lanae
 Cui properabantur? tibi nempe;
 Ne foret aequales inter conviva, magis quem
 Diligeret mulier sua, quam te.
 O ego non felix, quam tu fugis, ut pavet acres 25
 Agna lupos, capreaque leones.

CARMEN XIII.

A D A M I C U M.

Ad compotationes per hibernum tempus habendas et omnino ad
 vitam hilariter transigendam amicos hortatur:

*Metrum Archilochium secundum. Hexametro heroico subiicitur ver-
 sus iambelegus, iambico dimetro cum penthemimeri dactylica
 constans.*

Horrida tempestas coelum contraxit, et imbres
 Nivesque deducunt Iovem; nunc mare, nunc siluae,
 Threicio Aquilone sonant. Rapiamus, amici,
 Occasionem de die; dumque virent genua,

— v. 25. *ego infelix* Codd. quidam. V. Bentl.

XIII, *Ad amicum* Bentl. et Fea inscribunt; alii *Ad amicos*.
 v. 3. *amice* Bentl. contra Codd. Cf. Fea.

Et decet, obducta solvatur fronte senectus.

5

Tu vina Torquato move Consule pressa meo.

Cetera mitte loqui: Deus haec fortasse benigna

Reducet in sedem vice. Nunc et Achaemenio

Perfundi nardo iuvat, et fide Cyllenea

Levaræ diris pectora sollicitudinibus.

10

Nobilis ut grandi cecinit Centaurus alumno:

Invictæ, mortalis Dea nate puer Thetide,

Te manet Assaraci tellus, quam frigida parvi

Findunt Scamandri flumina, lubricus et Simoës;

Unde tibi redditum certo subtemine Parcae

15

Rupere; nec mater domum caerula te revehet.

Illic omne malum vino cantuque levato,

Deformis aegrimoniae dulcibus alloquiis.

CARMEN XIV.

AD MAEGENATEM.

Phrynes amorem obstare, quominus iambos Maecenati promissos absolvat.

Metrum pythiambicum primum, hexametro heroico et versu iambico quaternario constans.

Mollis inertia cur tantam diffuderit imis

Oblivionem sensibus,

Pocula Lethacos ut si ducentia somnos

Arente fauce traxerim,

Candide Maecenas, occidis saepe rogando:

5

Deus, Deus nam me yetat

— v. 8. *Achaemenio* e plurimis Codd. et antiquissimis Edd. revo-
cavit Bentl. eumque sequitur Fea. Vulg. *Achaemenia*. Vid. Bentl.

— v. 15. *curto pro certo* coni. Bentl. *substamine* Coll. Sax.
subtegmine plures Edd. vett. — v. 18. *coniunctionem et ante
dulcibus* plures Codd. apud Bentl. inter linea\$, unde coni. ac *dul-
cibus*. Vid. Bentl. Mitscherl. Fea.

XIV. v. 3. *veluti ducentia aliquot* Codd. Vid. Bentl.

Inceptos, olim promissum carmen, iambos
 Ad umbilicum adducere.
 Non aliter Samio dicunt arsisse Bathyllo
 Anacreonta Teium; 10
 Qui persaepe cava testudine flevit amorem,
 Non elaboratum ad pedem.
 Ureris ipse miser! quod si non pulchrior ignis
 Accedit obsessam Ilion,
 Gaude sorte tua; me libertina, neque uno 15
 Contenta, Phryne macerat.

CARMEN XV.

AD NEAERAM.

Non servatam ab ea fidem conqueritur.

Metrum ut in praecedenti carmine.

Nox erat, et coelo fulgebat Luna sereno
 Inter minora sidera,
 Quum tu magnorum numen laesura Deorum, 5
 In verba iurabas mea,
 Arctius, atque edera procera adstringitur ilex,
 Lentis adhaerens brachiis:
 Dum pecori lupus, et nautis infestus Orion
 Turbaret hibernum mare,
 Intonsosque agitaret Apollinis aura capillos,
 Fore hunc amorem mutuum. 10
 O dolitura mea multum virtute Neaera,
 Nam si quid in Flacco viri est,
 Non feret assiduas potiori te dare noctes,
 Et quaeret iratus parem,
 Nec semel offensae cedet constantia formae, 15

XV, v. 8. 9. *Turbavit*, agitarit plures Codd. et Ed. pr. indeque Bentl. et Fea. quos Vid. — v. 12. *virium* Codd. Vand. — v. 15. *offensi* Bentl. e conjectura. Cf. Fea et Both. Annotatt.

Si certus intrarit dolor.
At tu, quicunque es felicior, atque meo nunc
Superbus incedis malo,
Sis pecore et multa dives tellure licebit,
Tibique Pactolus fluat,
Nec te Pythagorae fallant arcana renati,
Formaque vincas Nirea;
Heu heu! translatos alio mocerebis amores,
Ast ego vicissim risero.

CARMEN XVI.
AD POPULUM ROMANUM.

Desperat Romae ob bella civilia salutem eiusque interitum
vaticinatur et hortatur cives, ut feliores regiones patria relieta
petant. Littora autem piae genti destinata, quae petenda dicit,
nobis, non verentibus ne Baxterianas dilogias somnienus, *ἀλ-ληγοριῶς* accipienda videntur, de poeseos et omnino bonarum
artium studiis communi eorum, qui patriam frustra deplorant,
refugio.

*Metrum Pythianicum secundum, in quo hexametrum excipit
senarius iambicus.*

Altera iam teritur bellis civilibus aetas,
Suis et ipsa Roma viribus ruit.
Quam neque finitimi valuerunt perdere Marsi,
Minacis aut Etrusca Porsenae manus,
Aemula nec virtus Capuae, nec Spartacus acer,
Novisque rebus infidelis Allobrox,
Nec fera caerulea domuit Germania pube,
Parentibusque abominatus Hannibal;
Impia perdemus devoti sanguinis aetas,
Ferisque rursus occupabitur solum.

— v. 17. *Et tu multi* Codd. Cf. Bentl. et Fea. — v. 23. *Ita plures* Codd. Cruq. Torrent. et primae Edd. Vulgo *Eheu*.

XVI, v. 6. *Novisve*, ut v. 8. *parentibusve* Bentl. ex coniectura.
Horat. I.

Barbarus, heu! cineres insistet victor, et Urbem
 Eques sonante verberabit ungula;
 Quaque carent ventis et solibus, ossa Quirini,
 Nefas videre, dissipabit insolens.
 Forte, (quod expediat!) communiter, aut melior pars 15
 Malis carere quaeritis laboribus?
 Nulla sit hac potior sententia: Phocacorum
 Velut profugit exsecrata civitas
 Agros atque Lares patrios, habitandaque fana
 Apris reliquit et rapacibus lupis,
 Ire pedes quounque ferent, quounque per undas 20
 Notus vocabit, aut protervus Africus.
 Si placet? an melius quis habet suadere? secunda
 Ratem occupare quid moramur alite?
 Sed iuremus in haec: Simul imis saxa renarint
 Vadis levata, ne redire sit nefas;
 Neu conversa domum pigeat dare lintea, quando
 Padus Matina laverit cacumina;
 In mare seu celsus proruperit Apenninus;
 Novaque monstra iunxerit libidine 30
 Mirus amor, iuvet ut tigres subsidere cervis,
 Adulteretur et columba miluo,
 Credula nec ravos timeant armenta leones,
 Ametque salsa levis hircus aequora.
 Haec, et quae poterunt redditus abscindere dulces, 35
 Eamus omnis exsecrata civitas,
 Aut pars indocili melior grege; mollis et expes
 Inominata perprimat cubilia.

— v. 15. Ita coni. Rutgersius probante Bentleio, eodemque du-
 cunt duo Codd. Rom. et Ed. Ald. 1501. in quibus est *quod ex-
 pediet*. Vulgo: *quid expediat*. Vid. Bentl. et Both. Annotatt. —
 v. 16. Ita Schol. Cruq. Pleraeque Edd. omittunt signum inter-
 rogandi. — v. 19. *proprios pro patrios* Edd. vett. Mitsch. —
 v. 29. *proruperit* Fea e pluribus Codd. Vulg. *procurrerit*. —
 v. 32. *miluo* meliores Codd. et Edd. vett. Alii *milvio*. Vid.
 Torrent. et Both. Annotatt. — v. 33. *ravos* Bentl. ex aliquot
 Codd. Cruq. Cf. Mitsch. ad Od. III, 27, 3. *fulvos* Codd. ali-
 quot Lambin. et Bersm. *flavos* plerique. Cf. Fea.

- Vos, quibus est virtus, muliebrem tollite luctum,
Etrusea praeter et volate litora. 40
- Nos manet Oceanus circumvagus: arva, beata
Petamus arva, divites et insulas,
Reddit ubi Cererem tellus inarata quotannis,
Et imputata floret usque vinea;
Germinat et nunquam fallentis termes olivae, 45
Suamque pulla ficus ornat arborem,
Mella cava manant ex ilice, montibus altis
Levis crepante lympha desilit pede.
Illic iniussae veniunt ad mulcra capellae,
Refertque tenta grex amicus ubera; 50
Nec vespertinus circumgemit ursus ovile,
Neque intumescit alta viperis humus.
Nulla nocent pecori contagia, nullius astri
Gregem aestuosa torret impotentia.
Pluraque felices mirabimur: ut neque largis 55
Aquosus Eurus arva radat imbribus,
Pingua nec siccis urantur semina glebis;
Utrumque rege temperante Coelitum.
Non huc Argoo contendit remige pinus,
Neque impudica Colchis intulit pedem; 60
Non huc Sidonii torserunt cornua nautae,
Laboriosa nec cohors Ulixei.
Iupiter illa piae secrevit litora genti,
Ut inquinavit aere tempus aureum,
Aerea dehinc ferro duravit saecula; quorum 65
Piis secunda vate me datur fuga.

— v. 39. *animus pro virtus* C6dd. apud Bentl. quem Cf. — v. 41. *circumvagus arva*; interpungit Fea. Sed Cf. Both. Annotatt. — v. 48. *Nympha pro lympha* Codd. aliquot. Vid. Bentl. ad Od. III, 13, 12. — v. 51. *ovili* alii Cod. et Edd. princeps, itemque Fea. Cf. Both. Annotatt. — v. 60. *Ulixei* Bentl. Vulg. *Ulyssei*. — v. 63. *sacravit pro secrevit* Codd. aliquot Torrent. et Bentl. quem V. coll. Fea. — v. 65. Sic Codd. apud Bentl. Feam alios, et vett. Edd. Vulgo: *Aere, dehinc*. Vid. Both. Annotatt. Pro *quorum* Graev. coni. *quorsum*, Bentl. *quo nunc*.

CARMEN XVII.
IN CANIDIAM.

Poeta loquens inducitur atque palinodia ironica se Canidiae
veneficiis superatum fingens, cui venefica non exorata novis di-
ris respondet.

Metrum Iambicum senarium.

Horatius.

Iam iam efficaci do manus scientiae
Supplex, et oro regna per Proserpinæ,
Per et Dianaæ non movenda numina,
Per atque libros carminum valentium
Refixa coelo devocare sidera, 5
Canidia, parce vocibus tandem sacrīs,
Citumque retro solve, solve turbinem.
Movit nepotem Telephus Nereīum
In quem superbus ordinarat agmina
Mysorum, et in quem tela acuta torserat. 10
Luxere matres Iliae addictum feris
Alitibus atque canibus homicidam Hectorem,
Postquam relictis moenibus rex procidit
Heu! pervicacis ad pedes Achillei.
Setosa duris exuere pellibus 15
Laboriosi remiges Úlixeī
Volente Cirea membra; tunc mens et sonus

XVII. Mitscherl. vers. 1 — 52. Horatio ademtos Varo tribuit Canidiae amatori, qui supra nominatur Epod. 5 et vera ille quidem coniectura ductus. Sed. Cf. Doering. — v. 5. *Refixa* multi Codd. et Edd. vett. Alii Codd. non pauciores et Edd. vett. *defixit*. Vid. Bentl. et Both. Annotatt. — v. 7. *volve, volve* Lambin. ex coniectura Aurati Cf. Both. Annotatt. — v. 11. Totidem fere Codd. et vett. Edd. *luxere* habent, quot *unxere*. Nos Bentl. secuti sumus, quem V. coll. Fea. — v. 12. *Hectora* Cod. Bersm. Cf. Bentl. ad v. 17. huius carm. — v. 17. *Circa* Bentl. ex uno suo Cod. et Valerio Probo, itemque duo Codd. Feae. Vulg. *Circe*. Vid. Bentl.

Relapsus, atque notus in vultus honor.
 Dedi satis superque poenarum tibi,
 Amata nautis multum et institoribus. 20
 Fugit iuventas, et verecundus color
 Reliquit ossa pelle amicta lurida,
 Tuis capillus albus est odoribus,
 Nullum ab labore me reclinat otium.
 Urget diem nox, et dies noctem, neque est 25
 Levare tenta spiritu praecordia.
 Ergo negatum vincor ut credam miser,
 Sabella pectus increpare carmina,
 Caputque Marsa dissilire naenia.
 Quid amplius vis? O mare, o terra! ardeo,
 Quantum neque atro delibutus Hercules 30
 Nessi cruento, nec Sicana fervida
 Furens in Aetna flamma. Tu, donec cinis
 Iniuriosis aridus ventis ferar,
 Cales venenis officina Colchicis. 35
 Quae finis? aut quod me manet stipendum?
 Effare: iussas cum fide poenas luam;
 Paratus expiare, seu poposceris
 Centum iuvencos, sive mendaci lyra
 Voles sonari; tu pudica, tu proba,
 Perambulabis astra sidus aureum. 40
 Infamis Helenae Castor offensus vice,
 Fraterque magni Castoris, victi prece,
 Ademta vati reddidere lumina.

— v. 18. *Relatus pro relapsus aliquot Codd. et Edd. vett. Vid. Bentl.* — v. 22. *ossa omnes Codd. ora Bentl. ex coniectura. Cuning. post reliquit comma posuit, ut ad reliquit subaudiatur me et a sequentia verba ossa pelle etc. sunt. Sed Cf. Fea et Iahn.*
 — v. 24. *ab plures Codd. Feae Vand. et Bentl. Vulg. a.* — v. 30. *o terra cum Bentl. e Codd. Fea, quem Vid.* — v. 33. *furens Bentl. dedit e Codd. quibus accedunt Codd. Feae. Alii Codd. urens aut virens Cf. Bentl. et Fea.* — v. *eod. Bentl. cóni. Tua, ... Calet venenis officina.* — v. 39. *iuvincis Bentl. ex aliquot Codd. Cf. Fea.* — v. 42. *vicem Codd. aliquot et Bentl. quem Vid. coll. Fea.*

Et tu, potes nam, solve me dementia,
 O nec paternis obsoleta sordibus,
 Nec in sepuleris pauperum prudens anus
 Novendiales dissipare pulveres.
 Tibi hospitale pectus, et purae manus:
 Tuusque venter Paetumeius; et tuo
 Cruore rubros obstetrix pannos lavit,
 Ut cunque fortis exsilis puerpera.

45

Canidia.

Quid obseratis auribus fundis preces?
 Non saxa nudis surdiora navitis
 Neptunus alto tundit hibernus salo.
 Inultus ut tu riseris Cotyttia
 Vulgata, sacrum liberi Cupidinis?
 Et Esquilini Pontifex venefici
 Impune ut Urbem nomine impleris meo?
 Quid proderat ditasse Pelignas anus
 Velociusve miscuisse toxicum?
 Sed tardiora fata te votis manent:
 Ingrata misero vita ducenda est in hoc,
 Novis ut usque suppetas doloribus.
 Optat quietem Pelopis infidus pater,
 Egens benignae Tantalus semper dapis;

55

60

65

— v. 50. *Pactumeius* plurimi et optimi Codd. cum antiquissimis Edd. *partumeius* Codd. nonnulli Feae et plures post Ald. Edd. Vid. Bentl. Fea. Vanderb. apud Both. Annotatt. — v. 56. *Cocytia* plures Edd. vett. Sed Vid. Fea. — v. 60. *proderat* Bentl. ex Codd. Ante eum *vulgabatur proderit*, quod Fea reduxit. Cf. Both. Annotatt. — v. 62. *Sed plures* Codd. et vetussissimae Edd. itemque Bentl. Olim pleraequa Edd. *Si tardiora* posito interrogandi signo post *manent* eodemque deleto post *toxicum*; eamque lectionem sequitur Fea. Sed Cf. Both. Annotatt. — v. 64. *laboribus* Bentl. ex Codd. et vett. Edd. Alii *doloribus*. Cf. Fea. — v. 65. *infidus* et *infidi* aequas fere Codd. et vett. Edd. auctoritates habent. Cf. Bentl. et Fea.

Optat Prometheus obligatus aliti;
 Optat supremo collocare Sisyphus
 In monte saxum: sed vetant leges Iovis.

Voles modo altis desilire turribus,
 Modo ense pectus Norico recludere;
 Frustraque vincla gutturi nectes tuo,
 Fastidiosa tristis aegrimonia.

Vectabor humeris tunc ego inimicis eques,
 Meaeque terra cedet insolentiae.

An, quae movere cereas imagines,
 Ut ipse nosti curiosus, et polo
 Deripere Lunam vocibus possim meis;
 Possim crematos excitare mortuos,
 Desiderique temperare pocula,
 Plorem artis in te nil agentis exitum?

— v. 72. *innectes* maxima pars Edd. Sed Bentl. e Codd. *nectes*, quem Vid. — v. 78 et 79. *possim* omnes Codd. et vetustissimae Edd. *possum* Ed. Ald. 1501. indeque plurimae aliae. Cf. Fea et Both. Annotatt. — v. 80. Ita Bentl. e Codd. Vulgo: *poculum*. — v. 81. Codd. plurimi aut *agentis* habent, aut *habentis*, nonnulli *valentis*. Edd. vett. pleraque *habentis*. Vid. Fea et Both,

Q. HORATII FLACCI
CARMEN SECULARE
AD APOLLINEM ET DIANAM.

Cum seculares ludos Augustus celebraret, secundum ritum priscae religionis a virginibus puerisque praetextatis in Capitolio cantatum est. *Vet. Schol.*

Metrum Sapphicum.

Phoebe, silvarumque potens Diana,
Lucidum coeli decus, o colendi
Semper et culti, date quae precamur
Tempore sacro,

Quo Sibyllini monuere versus 6
Virgines lectas puerosque castos
Dis, quibus septem placuere colles,
Dicere carmen.

Alme Sol, curru nitido diem qui
Promis et celas, aliasque et idem 10
Nasceris, possis nihil urbe Roma
Visere maius.

Rite maturos aperire partus
Lenis Ilithyia, tuere matres:
Sive tu Lucina probas vocari, 15
Seu Genitalis.

Vers. 4. Unus in Coll. Sax. Codex *tempore prisco*; et ita Baxter et Gesner, — v. 16, *Seu Genetyllos* Bentl, ex coniectura. Cf. Fca,

Diva, producas subolem, Patrumque
Prosperes decreta super iugandis
Feminis, prolisque novae feraci

Lege marita:

20

Certus undenos decies per annos
Orbis ut cantus referatque ludos,
Ter die claro, totiensque grata
Nocte frequentes.

Vosque veraces cecinisse Pareae,
Quod semel dictum, stabilisque rerum
Terminus servat, bona iam peractis
Iungite fata.

25

Fertilis frugum pecorisque Tellus
Spicea donet Cererem corona:
Nutriant fetus et aquae, salubres
Et Iovis aurae.

30

Condito mitis placidusque telo
Suplices audi pueros, Apollo;
Siderum regina bicornis, audi,
Luna, puellas.

35

Roma si vestrum est opus, Iliaeque
Litus Etruscum tenuere turmae,
Iussa pars mutare Lares et urbem
Sospite cursu,

40

Cui per ardentem sine fraude Troiam
Castus Aeneas patriae superstes
Liberum munivit iter, datus
Plura relictis:

— v. 21, *ut denos et seq.*, versu *orbis* et pro *undenos* . . . *orbis*
ut Codd. aliquot Lambini et Edd. quaedam vett. Cf. Fea. —
v. 26. Vulg. *dictum est*, quam posteriorem voculam Fea e plurim Codd. sive expunxit, Bentl. coni. *dictum stabilis per uecum*. Cf. Bentl. Fea, Both. Annotatt. — v. 27, *servat* et *servet* promiscue Codd. et Edd.

Dì, probos mores docili iuventae,
 Dì, senectuti placidae quietem,
 Romulae genti date remque prolemque
 Et decus omne.

45

Quaeque vos bobus veneratur albis,
 Clarus Anchisae Venerisque sanguis,
 Impetret, bellante prior, iacentem
 Lenis in hostem.

50

Iam mari terraque manus potentes
 Medus Albanasque timet secures:
 Iam Scythae responsa petunt, superbi
 Nuper, et Indi.

55

Iam Fides, et Pax, et Honor, Pudorque
 Priscus, et neglecta redire Virtus
 Audet, apparetque beata pleno
 Copia cornu.

60

Augur et fulgente decorus arcu
 Phoebus, acceptusque novem Camenis,
 Qui salutari levat arte fessos
 Corporis artus,

Si Palatinas videt aquus arces,
 Remque Romanam, Latiumque felix
 Alterum in lustrum meliusque semper
 Proroget aevum;

65

Quaeque Aventinum tenet Algidumque,
 Quindecim Diana preces virorum


70

— v. 45. 46. *docilis . . . senectutis* Bentl. ex Codd. *placidam*
 Codd. aliquot Cf. Bentl. — v. 49. *Ita locum dedit* Bentl. ex
 pluribus potioribus Codd. et *vetustissimis* Edd. Multi alii Codd.
 et pleraeque Edd. *Quique . . . imperet.* Vid. Bentl. Fea, Both.
 Annotatt. — v. 65. *arces* pleraeque Edd. sed multi Codd. *aras*,
 quod *praetulit* Fea, quem V. coll. Bentl. — v. 66. *Romanam*
Latiamque coni. Bentl. — v. 68. *Proroget ut mox curet . . . applicet*
 pleraeque Edd. Sed Bentl. ex pluribus Codd. quibus accedunt

Curet, et votis puerorum amicas
Applicet aures.

Haec Iovem sentire, Deoque cunctos,
Spem bonam certamque domum reporto,
Doctus et Phoebi chorus et Diana⁷⁵
Dicere laudes.

Codd. Feae prorogat, curat, applicat, Fea ea interpunctione
utitur, ut protasis per coniunctionem si illata inde a vers. 60.
usque ad v. 73. pertineat, et apodosis incipiat a verbis haec Iovem,
probante Bothio. Sed Cf. Iahn. — v. 75. Phoebo Cod. unus
apud Barth. Adv. 38, 18. Cf Bentl.



Q. HORATII FLACCI
O P E R A O M N I A.

A D

OPTIMORUM LIBRORUM FIDEM EDITA

C U M

VARIARUM LECTIÖNUM DELECTU.

CURAVIT

CAROLUS ZELL,

PHILOSOPHIAE DOCTOR ET ANTIQUARUM LITERARUM
IN UNIVERSITATE FRIBURGENSI PROFESSOR.



TOMUS ALTER.

STUTTGARTIAE,
SUMTIBUS CAROLI HOFFMANN.

MDCCCLXXVIII.

Q. HORATII FLACCI
S E R M O N U M.
LIBER PRIMUS.

SATIRA I.

Si comparaveris hanc satiram, cum plurimis Horatii reliquis, quae, etsi temere fusae videntur, miro tamen ordine et coniunctione partium excellunt: facile apparebit, primum ibi fecisse puetam in hoc genere periculum. Ineunte enim satira totum argumentum iis versibus complecti videtur, quibus quaerit cur nemo sua sorte contentus vivat, aliam optet. V. 1—3. Sed ubi hunc locum pluribus versibus explicuit, et eiusmodi hominum inconstantiam notavit, repente inde desilit, atque ex hoc latiori humanae perversitatis campo ad unum genus separatim tractandum se recipit, V. 28. id est eorum, qui perpetuo dum opes conquirunt, conquisis non fruantur; in iisque exagitandi maxima satirae pars versatur. V. 28—107. Deinde hunc locum abrupta clausula praecedit, V. 108. in qua versibus aliquot, quae adhuc dixerat, arguta interrogatione complectitur. Atque haec ipsa clausula, tum ratio non satis luculenta, qua ad V. 113. transit, et conclusio V. 117. proposita, denique totius sermonis exitus V. 120, qualis cuilibet sermoni assui poterat, haec omnia novitiam Musam et primos in hoc genere conatus produnt, ita quidem, ut quod Epist. I, 1, 1. ad Maecenatem scribit: *Prima dicte mihi summa dicende Camena de hac ipsa satira intelligendum esse videatur.* Ordinem certe callidiore artificio aut occultiori conflatum in hac quidem satira reperire nondum potuimus; atque Horatius etiamsi in his iuvenilis Musae primitiis et ratione et oratione Lucilium superaverit, neque praeflavis versibus haec satira careat: *vix tamen sermones suos omnibus omnium aetatum elegantissimi iudicii hominibus et vitae usu subactis tanto- pere probasset, si omnes eodem hoc stilo conscripsisset.*

Qui fit, Maecenas, ut nemo, quam sibi sortem
 Seu ratio dederit, seu fors obiecerit, illa
 Contentus vivat, laudet diversa sequentes?
 O fortunati mereatores! gravis annis
 Miles ait, multo iam fractus membra labore. 5
 Contra mercator, navim iactantibus austris,
 Militia est potior! Quid enim? concurritur: horae
 Momento aut cita mors venit aut victoria laeta.
 Agricolam laudat iuris legumque peritus,
 Sub galli cantum consultor ubi ostia pulsat. 10
 Ille, datis vadibus qui rure extractus in urbem est,
 Solos felices viventes elamat in urbe.
 Cetera de genere hoc, adeo sunt multa, loquacem
 Delassare valent Fabium. Ne te morer, audi
 Quo rem dedueam. Si quis Deus, En ego, dicat, 15
 Iam faciam quod vultis: eris tu, qui modo miles,
 Mercator; tu, consultus modo, rusticus: hinc vos,
 Vos hinc mutatis discedite partibus. Eia;
 Quid statis? — Nolint. Atqui licet esse beatis.
 Quid causae est, merito quin illis Iupiter ambas 20
 Iratus buccas inflet, neque se fore posthac
 Tam facilem dicat, votis ut praebeat aurem?
 Praeterea, ne sic, ut qui iocularia, ridens
 Percurram: (quamquam ridentem dicere verum
 Quid vetat? ut pueris olim dant crustula blandi 25
 Doctores, elementa velint ut discere prima:)
 Sed tamen amoto quaeramus seria ludo.
 Ille gravem duro terram qui vertit aratro,
 Perfidus hic caupo, miles, nautaeque, per omne

Sat. I, 1, v. 2. *ulla* pro *illa* Fea ex Codd. multis. Cf. Iahn.
 v. 4. *annis* omnes Codd. et vett. Edd. *armis* coni. Buher. in dia-
 rio Trevoltiensi anni 1715. Iun. a pluribus, etiam a F. A. Wolfio
 comprobatum. Cf. Heindorf. Both. Annotatt. Iahn. — v. 7. *Quid-*
ni? Fea. e Codd. Cf. Both. Annott. — v. 8. *aut* *cita* Bentl. ex
 quatuor Codd. Lamb. Reliqui hoc priori *aut* carent. Vid. Hein-
 dorf. — v. 29. Hanc lectionem vulgatam Heindorf. tuctur, pri-
 mum a' Marklando impugnatam. Codd. Fea. plures *campo* pro

Audaces mare qui currunt, hac mente laborem 30
 Sese ferre, senes ut in otia tuta recedant,
 Aiunt, quum sibi sint congesta cibaria: sicut
 Parvula, nam exemplo est, magni formica laboris
 Ore trahit quodcunque potest, atque addit acervo,
 Quem struit, haud ignara ac non incauta futuri. 35
 Quae, simul inversum contristat Aquarius annum,
 Non usquam proreperit, et illis utitur ante
 Quaesitis sapiens; quum te neque fervidus aestus
 Demoveat lucro, neque hiems, ignis, mare, ferrum,
 Nil obstet tibi, dum ne sit te dition alter. 40
 Quid iuvat, immensum te argenti pondus et auri
 Furtim defossa timidum deponere terra? —
 Quod, si cominuas, vilem redigatur ad assem. —
 At, ni id fit, qnid habet pulchri constructus acervus?
 Millia frumenti tua triverit area centum, 45
 Non tuus hoc capiet venter plus ac meus: ut si
 Reticulum panis venales inter onusto
 Forte vehas humero, nihilo plus accipias, quam
 Qui nil portarit. Vel dic, quid referat intra
 Naturae fines viventis, iugera centum an 50
 Mille aret? — At suave est ex magno tollere acervo. —
 Dum ex parvo nobis tantundem haurire relinquas,
 Cur tua plus laudes cumeris granaria nostris?
 Ut tibi si sit opus liquidi non amplius urna
 Vel cyatho, et dicas: Magno de flumine malim, 55
 Quam ex hoc fonticulo tantundem sumere. Eo fit,

caupo, unde Fea *praefidus hic campo*; alii alia coniecerunt, Both.
fervidus in campo. Iahnus *perfidus hic campo* lectionem Codd.
 Feae servavit. Vid. Heindorf. et Both. Annotatt. — v. 38. Codd.
 inter sapiens et patiens fluctuant. Vett. Edd. pleraequo patiens.
 Vid. Bentl. Heindorf. Fea. — v. 43. *in assem* Cod. Bersin. —
 v. 46 ac meus Bentl. e plurimis Codd. quibus accedunt Codd.
 Feae; olim vulgo: *quam meus*. Cf. Bentl. et Heind. — v. 50.
 Ita coni. Cuning. Codd. omnes viventi Vid. Heind. Both. Iahn.
 v. 55. *malim* Bentl. ex Codd. revocavit; pleracque olim Edd.
mallem. Cf. Heind.

Plenior ut si quos delectet copia iusto,
 Cum ripa simul avulsos ferat Ausidus acer.
 At qui tantuli eget, quanto est opus, is neque limo
 Turbatam haurit aquam, neque vitam amittit in undis, 60
 At bona pars hominum decepta cupidine falso,
 Nil satis est, inquit; quia tanti, quantum habeas, sis.
 Quid facias illi? — Iubeas miserum esse, libenter
 Quatenus id facit. Ut quidam memoratur Athenis
 Sordidus ac dives populi contemnere voces 65
 Sic solitus: Populus me sibilat; at mihi plaudo
 Ipse domi, simul ac nummos contemplor in arca. —
 Tantalus a labris sitiens fugientia captat
 Flumina... Quid rides? mutato nomine de te
 Fabula narratur. Congestis undique saccis 70
 Indormis inhians, et tanquam parcere sacris
 Cogeris, aut pietis tanquam gaudere tabellis.
 Nescis quo valeat nummus? quem praebeat usum?
 Panis ematur, olus, vini sextarius; adde,
 Queis humana sibi doleat natura negatis. 75
 An vigilare metu exanimem, noctesque diesque
 Formidare malos fures, incendia, servos,
 Ne te compilent fugientes, hoc invat? Horum
 Semper ego optarim pauperrimus esse bonorum. —
 At si condoluit tentatum frigore corpus, 80
 Aut aliis casus lecto te affixit; habes qui
 Assideat, fomenta paret, medicum roget, ut te
 Suscitet, ac natis reddat, carisque propinquis. —
 Non uxor salvum te vult, non filius; omnes

— v. 59. *quantum* Bentl. e Codd. Sed Cf. Heind. — v. 63. *miseram* Bentl. ex conie. itemque unus Cod. Valart. Cf. Gesner. — v. 73. *Pro quo* Cod. Han. et Gotting. *quid.* — v. 77. *malos,*
fures commate interposito Fea cum aliis editoribus. Sed Vid. Heindorf. Both. Annott. — v. 79. *optarem* Codd. duo Bersm. alii. — v. 81. *Affixit* plures Codd. et vett. Edd. *affixit* pauciores. Vid. Bentl. et Gesner. — v. 83. In plurimis Edd. signum interrogandi in fine vers. additur. Sed Cf. Heind. *An pro At coni.*
Doering.

- Vicini oderunt, noti, pueri atque puellae. 85
 Miraris, quum tu argento post omnia ponas,
 Si nemo praestet, quem non merearisi, amorem?
 An si cognatos, nullo natura labore
 Quos tibi dat, retinere velis, servareque amicos,
 Infelix operam perdas: ut si quis asellum 90
 In campo doceat parentem currere frenis?
 Denique sit finis quaerendi; quoque habeas plus,
 Pauperiem metuas minus, et finire laborem
 Incipias, parto quod avebas, ne facias quod
 Ummidius quidam; non longa est fabula. Dives, 95
 Ut metiretur nummos; ita sordidus, ut se
 Non unquam servo melius vestiret, ad usque
 Supremum tempus, ne se penuria victus
 Opprimeret, metuebat. At hunc liberta securi
 Divisit medium, fortissima Tyndaridarum. — 100
 Quid mi igitur suades? ut vivam Maenius aut sic
 Ut Nomentanus? — Pergis pugnantia secum
 Frontibus adversis componere? Non ego, avarum
 Quum veto te fieri, vappam iubeo ac nebulonem.
 Est inter Tanain quiddam socerumque Viselli. 105
 Est modus in rebus, sunt certi denique fines,
 Quos ultra citraque nequit consistere rectum.
 Illuc, unde abii, redeo. Nemon' ut avarus
 Se probet, ac potius laudet diversa sequentes;
 Quodque aliena capella gerat distentius uber, 110

— v. 88. *An si* Bentl. e vetere Schol. et pluribus Codd. *At si* plurimae Edd. vett. *amorem*, *Ac si* Heind. ex coni. *An sic* — *amicos?* Cod. Valart. Vid. Bentl. et Heind. — v. 92. *cumque* vel *quumque* pro *quoque* Bentl. e Codd. et vett. Edd. Cf. Heind. — v. 95. In nomine proprio valde in Codd. variatum est: *Vindius*, *Numidius*, *Umidius*, aliter Vid. Bentl. et Fea. — Bentl. coni. qui tam pro *quidam* Cf. Heind. et Both. Annott. — v. 100. *Tyndaridarum* coni. Cuning. Sed. V. Bentl. — v. 101. *Naevius* plurimi Codd. *Mevius* Edd. vett. pleraeque. Sed Ed. Ven. Lambin. Bentl. cum plerisque recentiorum *Maenius* V. Heind. — Cod. Bentl. *an sic*, duo alii apud eundem ac *sic*.

Tabescat! neque se maiori pauperiorum
 Turbae comparet; hunc atque hunc superare laboret!
 Sic festinanti semper locupletior obstat:
 Ut, quum carceribus missos rapit ungula currus,
 Instat equis auriga suos vincentibus, illum 115
 Praeteritum temnens extremos inter euntem.
 Inde fit, ut raro, qui se vixisse beatum
 Dicat, et exacto contentus tempore, vita
 Cedat, uti conviva satur, reperire queamus.
 Iam satis est. Ne me Crispini scrinia lippi 120
 Compilasse putas, verbum non amplius addam.

SATIRA II.

Opinionem vulgarem, qua tota haec satira in moechos conscripta putatur, tum denum admiserimus, si omnino in quovis poemate totius operis consilium et ratio ex longissima quaque parte apparere statuendum erit; quod secus esse videtur. Atqui haec quidem satira duabus partibus constat. Incipit poeta a describenda et pluribus exemplis explicanda communī quadam hominū perversitate, quae V. 24. his verbis significatur: *Dum vitant stulti vitia, in contraria currunt.* Ob oculos igitur ponit ab altera parte eos, qui ne in prodigalitatis vitium incurvant, avari evadant et nimis adstricti, et sic porro. Eodem modo etiam in amore peccari subiungit, dum alteri nimis fastidiosi nonnisi matronas, alteri contra nonnisi vilissima quaeque scorta venentur. — V. 36. Iam inde sequitur altera satirae pars, qua moechorum insania exagitatur, qui quamvis facilem Venerem spernunt, atque pericula omnis generis et taedia in matronis alienisque uxoribus sectandis caeci subeunt. Posset utique tota pars prior (V. 1—36.) proocium totius sermonis haberi, nisi v. 48. denuo alterum in amore et contrarium vitium eorum, qui in libertinis solis insaniunt, uberiori tractatione describeretur. V. 48—63. Inde efficitur commune totius satirae consilium et rationem omnino multiplicem illam et variam hominum stultitiam spectare, qui sapientia carentes dum vitant vitia in contraria incurvant. In cuius quidem argumenti tractatione unum aliquod genus seligit poeta plenius explicandum, quod aper-

— v. 118. *vita* multi Codd. etiam *Feae*. Alii *vitae*. Cf. Heind. —
 v. 120. *lippum* pro *lippi* coni. Bentl. Sed V. Heind.

tissime ostendat, quam sit grave et periculosum ab aurea illa
inmediocritate utravis parte recedere. *Heindorf.*

Ambubaiarum collegia, pharmacopole,
Mendici, mimae, balatrones, hoc genus omne
Moestum ac sollicitum est cantoris morte Tigellì.
Quippe benignus erat. Contra hic, ne prodigus esse
Dicatur metuens, inopi dare nolit amico, 5
Frigus quo duramque famem depellere possit.
Hunc si perconteris, avi cur atque parentis
Praeclaram ingrata stringat malus ingluvie rem,
Omnia conductis coëmens obsonia nummis:
Sordidus atque animi quod parvi nolit haberi, 10
Respondet. Laudatur ab his, culpatur ab illis.
Fusidius vappae famam timet ac nebulonis,
Dives agris, dives positis in fenore nummis,
Quinas hic capiti mercedes exsecat, atque
Quanto perditior quisque est, tanto acrius urget; 15
Nomina sectatur, modo sumta veste virili,
Sub patribus duris, tironum. Maxime, quis non,
Iupiter, exclamat, simulatque audavit? — At in se
Pro quaestu sumtum facit hic. — Vix credere possis
Quam sibi non sit amicus: ita ut pater ille, Terentii 20
Fabula quem miserum nato vixisse fugato
Inducit, non se peius cruciaverit atque hic.
Si quis nunc quaerat, Quo res haec pertinet? Illuc:
Dum vitant stulti vitia, in contraria currunt.
Malthinus tunicis demissis ambulat; est qui 25
Inguen ad obseoenum subductis usque facetus.
Pastillos Rusillus olet, Gargonius hircum.
Nil medium est. Sunt qui nolint tetigisse nisi illas,

II, v. 6. *propellere* longe plurimi Codd. Alii cum maxima
parte editionum *depellere*. Cf. Bentl. et Heind. — v. 14. *mercedes*
exigit. Ed. Glarean. — v. 18. *at ipse* Ed. Ven. et Glarean. pro *in*
se. — v. 25. Codd. et Edd. veteres varie *Malthinus*, *Maltinus*,
Malchimus, quod quidem Bentl. *praetulit*, et *Malchimus*. Cf. Bentl.
et Heind. — v. 27. *Gargonius* Bentl. e Codd. Vulg. *Gorgonius*.

Quarum subsuta talos tegat instita veste :
 Contra alias nullam , nisi olente in fornice stantem. 30
 Quidam notus homo quum exiret fornice , Macte
 Virtute esto , inquit sententia dia Catonis :
 Nam simulac venas inflavit tetra libido ,
 Huc iuvenes aequum est descendere , non alienas
 Per molere uxores. Nolim laudarier , inquit , 35
 Sic me , mirator cunni Cupiennius albi.
 Audire est operae pretium , procedere recte
 Qui moechos non vultis , ut omni parte laborent ;
 Utque illis multo corrupta dolore voluptas ,
 Atque haec rara cadat dura inter saepe pericla. 40
 Hic se praecipitem tecto dedit ; ille flagellis
 Ad mortem caesus ; fugiens hic decidit acrem
 Praedonum in turbam ; dedit hic pro corpore nummos ;
 Hunc per minxerunt calones ; quin etiam illud
 Accidit , ut quidam testes caudamque salacem 45
 Demeteret ferro. Iure omnes : Galba negabat.
 Tuitior at quanto merx est in classe secunda !
 Libertinarum dico , Sallustius in quas
 Non minus insanit , quam qui moechatur. At hic si ,
 Qua res , qua ratio suaderet , quaque modeste 50
 Munifico esse licet , vellet bonus atque benignus
 Esse : daret quantum satis esset ; nec sibi damno
 Dede corique foret ; verum hoc se amplectitur uno ,
 Hoc amat , hoc laudat : Matronam nullam ego tango.
 Ut quondam Marsaeus , amator Originis ille , 55
 Qui patrium mimae donat fundumque laremque ,

— v. 30. *olenti* quidam Codd. et servat Fea. Sed Vid. Bentl. ad Od. I, 25, 17. — v. 38. *moechos* Bentl. ex Codd. et loco Ennii a Scholiasta laudato. Vulg. *moechis*. Cf. Heind. — v. 45. Sic omnes fere Codd. et vett. Edd. Duo Codd. Lambin. et unus Cruq. *cuidam*; unus Cod. Feae *demeterent*. Unde vel *cuidam* *demeteret ferrum*, vel *cuidam* . . . *demeterent ferro* ediderunt. Vid. Bentl. et Heind. — v. 48. *in qua* Bentl. ex uno Cod. Sed Cf. Heind. — v. 56. *mimae censum donavit avarae* Codd. quidam quos laudat Fea et Coll. Sax.

Nil fuerit mi, inquit, cum uxoribus unquam alienis.
 Verum est cum mimis, est cum meretricibus, unde
 Fama malum gravius, quam res, trahit. An tibi abunde
 Personam satis est, non illud, quidquid ubique 60
 Officit, evitare? Bonam deperdere famam,
 Rem patris oblimare, malum est ubicunque. Quid inter-
 Est in matrona, ancilla peccesne togata?
 Villius in Fausta Sullae gener, hoc miser uno
 Nomine deceptus, poenas dedit usque superque 65
 Quam satis est: pugnis caesus, ferroque petitus;
 Exclusus fore, quum Longarenus foret intus.
 Huic si mutonis verbis mala tanta videntis
 Diceret haec animus: Quid vis tibi? numquid ego a te
 Magno prognatum deposco Consule cunnum, 70
 Velatumque stola, mea quum conferbuit ira?
 Quid responderet? Magno patre nata puella est.
 At quanto meliora monet, pugnantiaque istis,
 Dives opis natura suae, tu si modo recte
 Dispensare velis, ac non fugienda petendis 75
 Immiscere! Tuo vitio rerumne labores,
 Nil referre putas? Quare, ne poeniteat te,
 Desine matronas sectarier, unde laboris
 Plus haurire mali est, quam ex re decerpere fructus.
 Nec magis huic, niveos inter viridesque lapillos 80
 Sit licet, o Cerinthe, tuo tenerum est femur aut crus
 Rectius, atque etiam melius persaepe togata est.
 Adde hue, quod mercem sine fucis gestat; aperte,
 Quod venale habet, ostendit; nec, si quid honesti est,
 Iactat habetque palam, quaerit quo turpia celet. 85
 Regibus hic mos est, ubi equos mereantur, opertos

— v. 63. *peccesue* Lambin. et Bentl. ex Codd. Olim plurimae
 Edd. *peccesve*. Vid. Bentl. — Comma post *ancilla* delevimus
 auctore Heindorf. quem Cf. — v. 68. *videnti* Bentl. e pluribus
 Codd. et vett. Edd. Cf. Heind. — v. 80. Ita locum ex Codd.
 constituit Bentl. quem V. Lectio vulgaris erat: (*Sit licet hoc*
Cerinthe tuum), a Fea servata. Cf. Iahn. *Scilicet, o Cerinthe,*
tuo tenerum etc. coni. Both. — v. 86. *apertos* plures Codd. et
 vett. Edd. Cf. Bentl.

Inspiciunt; ne, si facies, ut saepe, deo^ra
 Molli fulta pede est, emtorem inducat hiantem;
 Quod pulehrae elunes, breve quod caput, ardua cervix.
 Hoc illi recte: ne corporis optima Lyncei 90
 Contemplere oculis, Hypsaea eaecior illa
 Quae mala sunt spectes. — O erus! O brachia! — Verum
 Depygis, nasuta, brevi latere ac pede longo est.
 Matronae, praeter faciem, nil cernere possis,
 Cetera, ni Catia est, demissa veste tegentis. 95
 Si interdicta petes, vallo circumdata, (nam te
 Hoe facit insanum): multae tibi tum officient res,
 Custodes, lectica, einislones, parasitae,
 Ad talos stola demissa, et circumdata palla;
 Plurima, quae invideant pure apparere tibi rem. 100
 Altera, nil obstat: Cois tibi paene videre est
 Ut nudam, ne erure malo, ne sit pede turpi;
 Metiri possis oculo latus. An tibi mavis
 Insidias fieri, pretiumque avellier, ante
 Quam mereem ostendi? — Leporem vénator ut alta 105
 In nive sectetur, positum sic tangere nolit:
 Cantat, et apponit, Meus est amor huic similis; nam
 Transvolat in medio posita, et fugientia captat.
 Hisine versieulis speras tibi posse dolores,
 Atque aestus, eurasque graves e pectore pelli? 110
 Nonne, cupidinibus statuat natura modum quem,
 Quid latura, sibi quid sit dolitura negatum,
 Quaerere plus prodest, et inane abscindere soldo?
 Num, tibi quum fauees urit sitis, aurea quaeris
 Poeula? num esuriens fastidis omnia practer 115

— v. 90. *Lyncei* pro *vulgato Lynceis* Bentl. e Codd. Itemque
 coni. *Tu corporis optima Lyncei Contemplare oculis . . . spectas*
 Sed Cf. Heind. — v. 106. *sectetur* Codd. aliquot. Sed Vid. Bentl.
 et Heind. — v. 110. *tolli* Bentl. ex Codd. *Vulg. pectore pelli.*
 Cod. Bentl. et Feae. *velli.* — v. 111. *statuat* plures Codd. et
 Schol. Olim *vulgata lectio statuit.* Cf. Bentl. Gesner. Heind. —
 v. 113. *abscidere* Fea ex aliquot Codd.

Pavonem rhombumque? tument tibi quum inguina,
num, si

Ancilla aut verna est praesto puér, impetus in quem
Continuo fiat, malis tentigine rumpi?

Non ego: namque parabilem amo Venerem facilemque.
Illam, »Post paulo:« »Sed pluris:« »Si exierit vir,« 120
Gallis; hanc Philodemus ait sibi, quae neque magno
Stet pretio, neque cunctetur, quum est iussa venire.
Candida rectaque sit; munda hactenus, ut neque longa
Nec magis alba velit, quam det natura, videri.

Haec ubi supposuit dextro corpus mihi laeyum, 125
Ilia et Egeria est; do nomen quodlibet illi,
Nec vereor, ne, dum futuo, vir rure recurrat,
Ianua frangatur, latret canis, undique magno
Pulsa domus strepitu resonet, vepallida lecto
Desiliat mulier, miseram se conscientia clamet; 130
Cruribus haec metuat, doti deprensa, egomet mi.
Discincta tunica fugiendum est ac pede nudo,
Ne nummi pereant, aut pyga, aut denique fama.
Deprendi miserum est; Fabio vel iudice vincam.

SATIRA III.

Horatius neque invidiam, quam sibi apud multos satiris suis
contraxerat diluere, neque metum eorum tollere efficacius po-
tuit, qui a poeta, Maecenatis potentissimi viri amico homines
tam libere et diserte notari aegre ferrent, quam hoc ipso ser-
mone, in quo dum praecipit, qua ratione aliorum errores et
vitia ferenda et diiudicanda sint, animi sui candorem, et huma-
nitatem lueulentissime prodit. Atque huius satirae conscribendae
hoc nobis consilium, haec occasio esse videtur. Ceterum ibi

— v. 121. Olim male Edd. *Gallis hanc*; coniungebant; veram
interpunctionem instituit Bentl. — v. 129. Codd. et vett. Edd.
vepallida, *veh pallida*, *vae pallida*. Bentl. ex coni. *ne pallida*.
Vid. Heind. et Fea. — v. 131. *doti haec deprena* Bentl. ex Nic.
Heinsii coni. Sed Cf. Heind.

primum communis illa hominum perversitas exagitatur, qua nostra vita aut plane ignoramus aut summa indulgentia sovemus, aliorum contra, vel amicorum, sedulo inquirimus et acerbissima severitate notamus. Deinde V. 76. transit poeta ad Stoicorum philosophorum sententiam omnia vita aequalia habentium; qua quidem cum obtrectatores abuti possint, contrariae Epicureorum sententiae adhibentur V. 98—112. Sequitur postremum aliud Stoicorum παράδοξον V. 126. quod poeta deridet, ita ut vivida et alacri clausula sermo finiatur. *Heindorf.*

Omnibus hoc vitium est cantoribus, inter amicos
 Ut nunquam inducant animum cantare rogati,
 Iniussi nunquam desistant. Sardus habebat
 Ille Tigellius hoc. Caesar, qui cogere posset,
 Si peteret per amicitiam patris atque suam non 5
 Quidquam proficeret: si collibuisset, ab ovo
 Usque ad mala citaret, Io Bacche! modo summa
 Voce, modo hac, resonat quae chordis quatuor ima.
 Nil aequale homini fuit illi. Saepe velut qui
 Currebat fugiens hostem, persaepe velut qui 10
 Iunonis sacra ferret; habebat saepe ducentos,
 Saepe decem servos; modo reges atque tetrarchas,
 Omnia magna, loquens; modo, Sit mihi mensa triples et
 Concha salis puri et toga, quae defendere frigus,
 Quamvis crassa, queat. Decies centena dedisses 15
 Huic parco paucis contento, quinque diebus
 Nil erat in loculis. Noctes vigilabat ad ipsum
 Mane; diem totum stertebat. Nil fuit unquam
 Sic impar sibi. Nunc aliquis dicat mihi, Quid tu?
 Nullane habes vitia? Imo alia, haud fortasse minora. 20
 Maenius absentem Novium quum carperet, Heus tu,

III, v. 7. iteraret pro citaret Bentl. ex coni. Vid. Heind. —
Ibid. *Io Bacchae* Codd. aliquot. et Ed. Mediolan. 1477. Cf. Bentl. et Heind. — v. 11. alebat Bentl. ex scriptura Cod. Vossian. Halebat. Cf. Heind. — v. 20. haud in uno Feae Cod. et Ed. Ald. Unus Cod. aut, reliqui omnes et Edd. vett. ante Aldinam et. Baxter. coni. at. Vid. Bentl. qui lectionem et probat, et Heind. qui probat haud.

Quidam ait, ignoras te? an ut ignotum dare nobis
 Verba putas? Egomet mi ignosco, Maenius inquit.
 Stultus et improbus hic amor est dignusque notari.
 Quum tua pvideas oculis mala lippus inunctis, 25
 Cur in amicorum vitiis tam cernis acutum,
 Quam aut aquila aut serpens Epidaurius? At tibi contra
 Evenit, inquirant vitia ut rursus et illi.
 Iracundior est paulo; minus aptus acutis
 Naribus horum hominum; rideri possit, eo quod 30
 Rusticus tonso toga defluit, et male laxus
 In pede calceus haeret: at est bonus, ut melior vir
 Non aliis quisquam; at tibi amicus; at ingenium ingens
 Inculto latet hoc sub corpore: denique te ipsum
 Concute, num qua tibi vitiorum inseverit olim 35
 Natura aut etiam consuetudo mala: namque
 Neglectis urenda filix innascitur agris.
 Illuc praevertamur: amatorem quod amicae
 Turpia decipiunt caecum vitia, aut etiam ipsa haec
 Delectant, veluti Balbinum polypus Hagnae. 40
 Velle in amicitia sic erraremus, et isti
 Errori nomen virtus posuisse honestum.
 At pater ut gnati, sic nos debemus amici,
 Si quod sit vitium, non fastidire: strabonem
 Appellat Paetum pater; et Pullum, male parvus 45
 Si cui filius est, ut abortivus fuit olim
 Sisyphus: hunc Varum, distortis cruribus; illum
 Balbutit Scaurum, pravis fultum male talis.
 Parcius hic vivit? frugi dicatur. Ineptus
 Et iactantior hic paulo est? concinnus amicis 50

— v. 25. Unus Cod. *praevideas*, pauci *provideas*, reliqui *pvideas* Bentl. coni. *Cum tua tu videas*. Both. *pro videas oculis* ut *praepositio pro cum oculis coniungatur*. Vid. Henr. Stephan. apud Both. Annotatt. Heind. et Fea. — vers. eod. Bentl. *male* e Codd. probante Heind. — v. 29. *aduncis* pro *acutis* coni. Bentl. Cf. Heind. — v. 34. *pectore* Codd. aliquot pro *corpore* Cf. Bentl. — v. 40. *Agnae* Codd. Sed V. Bentl. et Fea. — v. 43. Alii Codd. *ac pro at* Both. coni. *aut.* Cf. Heind. —

Postulat ut videatur. At est truculentior atque
Plus aequo liber? simplex fortisque habeatur.
Caldior est? aeres inter numeretur. Opinor,
Haec res et iungit, iunctos et servat amicos.
At nos virtutes ipsas invertimus atque 55
Sincerum cupimus vas incrustare. Probus quis
Nobiscum vivit multum demissus homo? Illi
Tardo cognomen, pingui, damus. Hic fugit omnes
Insidias, nullique malo latus obdit apertum,
Quum genus hoc inter vitae versetur, ubi acris 60
Invidia atque vigent ubi crimina: pro bene sano
Ac non ineauto fictum astutumque vocamus.
Simplicior quis, et est, qualem me saepe libenter
Obtulerim tibi, Maeccenas, ut forte legentem
Aut tacitum impellat quovis sermone molestus? 65
Communi sensu plane caret, inquimus. Heu, heu,
Quam temere in nosmet legem sancimus infiam!
Nam vitiis nemo sine nascitur: optimus ille est,
Qui minimis urgetur. Amicus dulcis, ut aequum est,
Cum mea compenset vitiis bona, pluribus hisce, 70
Si modo plura mihi bona sunt, inclinet. Amari
Si volet hac lege, in trutina ponetur eadem.
Qui, ne tuberibus propriis offendat amicum,
Postulat, ignoscet verrucis illius; aequum est,
Peccatis veniam poscentem reddere rursus. 75
Denique, quatenus excidi penitus vitium irae,

— 57. Olim vulgo: *multum est demissus homo*; Bentl. *multum demissus homo ille*, *Tardo ac cognomen pingui damus*. Heind. *multum et demissus homo: illi Tardo cognomen pingui et damus*. In utraque lectione *ac* et post *pingui* copula *et* mera coniectura nituntur. Cf. *utrumque et de nostra lectione* Both. Annotatt. — v. 58. *pinguis* Codd. Bersm. Feae et vett. aliquot Edd. — v. 60. *versemur* Bentl. ex uno Cod. Cruquii. — v. 63. *quis at est qual.* Lambin. e Codd. — v. 65. *appellet* Lambin. ex Codd. et vett. Schol. *impedit* Bentl. ex coni. pro *impellat*. Cf. Heind. — v. 74. *ignoscet e plurimis* Codd. et vett. Edd. Bentl. quem V. Alii *ignoscat*. —

Cetera item nequeunt stultis haerentia: cur non
Ponderibus modulisque suis ratio utitur? ac res
Ut quaeque est, ita suppliciis delicta coērcet?
Si quis eum servum, patinam qui tollere iussus 80
Semeson piscis tepidumque ligurrierit ius,
In cruce sufligat, Labeone insanior inter
Sanos dicatur. Quanto hoc furiosius atque
Maius peccatum est! Paulum deliquit amicus;
Quod nisi concedas, habeare insuavis; acerbis 85
Odisti, et fugis, ut Rusonem debitor aeris,
Qui nisi, quum tristes misero venere Calendae,
Mercedem aut nummos unde unde extricat, amaras
Porrecto iugulo historias, captivus ut, audit.
Cominxit lectum potus, mensave catillum 90
Evandri manibus tritum deiecit: ob hanc rem,
Aut positum ante mea quia pullum in parte catini
Sustulit esuriens, minus hoc incundus amicus
Sit mihi? Quid faciam, si furtum fecerit? aut si
Prodiderit commissa fide? sponsumve negarit? 95
Queis paria esse fere placuit peccata, laborant,
Quum ventum ad verum est: sensus moresque repug-
nant,
Atque ipsa utilitas, iusti prope mater et aequi.
Quum prorepserunt primis animalia terris,
Mutum et turpe pecus, glandem atque cubilia propter 100
Ungibus et pugnis, dein fustibus, atque ita porro
Pugnabant armis, quae post fabricaverat usus;
Donec verba, quibus voces sensusque notarent,
Nominaque invenere: dehinc absistere bello,
Oppida coeperunt munire, et ponere leges, 105
Ne quis fur esset, neu latro, neu quis adulter.
Nam fuit ante Helenam cunnus teterrima belli

v. 82. *Labieno* coni. Bentl. quem V. coll. Wieland. et Heind.
Labione unus Feae. Cod. — v. 86. *Rusonem* omnes fere Codd.
 Olim pleraque Edd. *Drusonem* V. Bentl. — v. 91. *tortum* pro
tritum Bentlei unus Cod. ipsi probatum. Sed. Cf. Heind. — v. 99.
animalia glebis. Ed. Ven. 1509.

Causa; sed ignotis perierunt mortibus illi,
 Quos, Venerem incertam rapientes, more ferarum,
 Viribus editior caedebit, ut in grege taurus. 110
 Iura inventa metu iniusti fateare necesse est,
 Tempora si fastosque velis evolvere mundi.
 Nec natura potest iusto secernere iniquum,
 Dividit ut bona diversis, fugienda petendis:
 Nec vincet ratio hoc, tantundem ut peccet idemque, 115
 Qui teneros caules alieni fregerit horti,
 Et qui nocturnus sacra Divum legerit. Adsit
 Regula, peccatis quae poenas irroget aequas,
 Ne scutica dignum horribili sectere flagello.
 Nam ut ferula caedas meritum maiora subire 120
 Verbera, non vereor, quum dieas esse pares res
 Furta latrociniis, et magnis parva mineris
 Falce reeisurum simili te, si tibi regnum
 Permittant homines. Si dives, qui sapiens est,
 Et sutor bonus, et solus formosus, et est rex: 125
 Cur optas quod habes? — Non nosti, quid pater, inquit,
 Chrysippus dicat. Sapiens crepidas sibi nunquam
 Nec soleas fecit; sutor tamen est sapiens. — Qui? —
 Ut, quamvis tacet Hermogenes, cantor tamen alque
 Optimus est modulator; ut Alfenus vafer, omni 130
 Abieeto instrumento artis clausaque taberna,
 Sutor erat: sapiens operis sic optimus omnis
 Est opifex solus, sic rex. — Vellunt tibi barbam
 Lascivi pueri, quos tu nisi fuste coerces,
 Urgeris turba circum te stante, miserque 135

— v. 117. *sacra deum nocturnus* Cod. unus Bentl. quem Cf. —
 v. 120. *Nam ferula caedas sine ut* Cod. Feae; sed a secunda
 manu ibidem. *Nam ferula ut caed.* Inde Both. *Nam ferula ut*
caedas . . . Verbera? Non ver. Idemque coni . . . flagello. *Ne*
ferula caedas etc. Cf. Heind. et Iahn. — v. 128. *qui* Bentl. e
 Codd. Olim vulg. *quo.* — v. 130. Plures Edd. *Alphenus.* Cf. Fea.
 — v. 132. *tonson* pro *sutor* Bentl. e Cod. raso et secundum
 Aeronis Cod. in quo erat *tonstrina*, Vid. Heind. — *Protinus*
 pro *optimus* Cuning. e Codd.

Rumperis , et latras , magnorum maxime regum.
 Ne longum faciam , dum tu quadrante lavatum
 Rex ibis , neque te quisquam stipator , ineptum
 Praeter Crispinum , seetabitur : et mihi dulees
 Ignoscent , si quid peccaro stultus , amici ; 140
 Inque vicem illorum patiar delicta libenter ,
 Privatusque magis vivam te rege beatus .

SATIRA IV.

Octoginta circiter ante Horatium annis Lucilius , ingeniosissimus poeta , veterem illam et inconditam Romanorum satiram instauraverat , adstrinxerat certo versuum genere , plerunque epicis carminis , et novo decoro ornauerat , cum suae aetatis vitam moresque salse describeret . Neque ullum impedimentum diviti venae et salibus eius offecit , florente populari rei publicae statu et summa loquendi scribendique libertate . Etsi igitur veteres comoediae Atticae auctores aemulatus nemini ne principibus quidem in civitate viris parcebat , tamen neque apud cives suos invidiam sibi conflavit , neque nobilium amicorum gratiam perdidit . (Cf. Sat. II , 1 , 62.) Post Lucilium nemo in hoc genere elaboravit , donec Horatius existeret novus satiricae poeseos auctor , sed tempore a Luciliano illo aevo multum diverso . Sublata enim erat una cum vetere re publica felicissima illa dicendi , iocandi , deridendi libertas ; simul morum perditorum pestis et omnis generis vitia , iam prius illata per bella civilia , ita nunc omnem civitatem inquinaverant , ut perquam pauci reperirentur ab hac seculi labe immunes et qui hanc satirarum candidam libertatem non reformidarent . Neque minus iam tota poeseos Romanae ratio erat immutata , in qua patrius color et vernacula antiquitatis Romanae indeoles ita evanisset , ut omnis laus ex artificiosa Graecorum imitatione peteretur . Non igitur mirum nobis videri potest , ab aliis ea aetate nativam Horatianae satirae simplicitatem et gratam sermonis negligentiam prae magis artificiosa illa carminum pangendorum ratione fastiditam esse , ab aliis poetam ut acerbum , lividum , perniciosum esse vituperatum . Iam contra hos sinistros rumores et prava iudicia ut se

— v. 140. *peccaro* e plurimis Codd. Bentl. quem Cf. Olim pleraequae Edd. *peccavero*.

defenderet poeta hanc satiram conscripsit. Atque ut iam in sermonis exordio hoc consilium significatur, ita propria argumenti tractatio inde a V. 48. instituitur. *Heindorf.*

Eupolis atque Cratinus Aristophanesque, poëtae,
Atque alii, quorum Comoedia prisca virorum est,
Si quis erat dignus describi, quod malus, aut fur,
Quod moechus foret, aut sicarius, aut alioqui
Famosus, multa cum libertate notabant. 5

Hinc omnis pendet Lucilius, hosce secutus,
Mutatis tantum pedibus numerisque, facetus,
Emunctae naris, durns componere versus.
Nam fuit hoc vitiosus, in hora saepe ducentos,
Ut magnum, versus dictabat stans pede in uno. 10

Quum flueret lutulentus, erat quod tollere velles:
Garrulus, atque piger scribendi ferre laborem,
Scribendi recte: nam ut multum, nil moror. Ecce,
Crispinus minimo me provocat. — Accipe, si vis,
Accipiam tabulas; detur nobis locus, hora, 15
Custodes; videamus, uter plus scribere possit. —
Di bene fecerunt, inopis me quodque pusilli
Finixerunt animi, raro et perpaucia loquentis;
At tu conclusas hircinis follibus auras,
Usque laborantes, dum ferrum molliat ignis, 20
Ut mavis, imitare. Beatus Fannius, ultro
Delatis capsis et imagine! quum mea nemo
Scripta legat, vulgo recitare timentis, ob hanc rem,
Quod sunt quos genus hoe minime iuvat, utpote plures
Culpari dignos. Quemvis media elige turba; 25

— v. 3. ac *fur* Bentl. e Codd. Sed Vid. Heind. et Fea. —
v. 11. Both. verba: *scribendi recte . . . moror* parentheseos uncinis includens, commate tantum interpungit, ut *garrulus* etc. ad *Crispinum* referatur. Cf. Iahn. — v. 15. *Accipe iam* Bentl. e Codd. et vett. aliquot Edd. Cf. Gesner. et Heind. — v. 18. *loquentem* Bentl. ex coni. Cf. Heindorf. — v. 25. *Pro elige* alii Codd. iique plurimi *erue*, alii *eripe* unde coni. *arripe* Bentl. Cf. Heind.

Aut ab avaritia aut misera ambitione laborat.
 Hic nuptarum insanit amoribus, hic puerorum;
 Hunc capit argenti splendor; stupet Albius aere;
 Hie mutat merces surgente a sole ad eum, quo
 Vespertina tepet regio; quin per mala praeceps 30
 Fertur, uti pulvis collectus turbine, ne quid
 Sunma deperdat metuens, aut ampliet ut rem.
 Omnes hi metuunt versus, odere poëtas. —
 Fenum habet in cornu, longe fuge; dummodo risum
 Excutiat sibi, non hic cuiquam pareet amico; 35
 Et, quodcunque semel chartis illeverit, omnes
 Gestiet a furno redeuntes scire lacuque,
 Et pueros et anus. — Agedum, pauca accipe contra..
 Primum ego me illorum, dederim quibus esse poëtis,
 Excerpam numero. Neque enim concludere versum 40
 Dixeris esse satis, neque, si qui scribat, uti nos,
 Sermoni propiora, putas hunc esse poëtam.
 Ingenium cui sit, cui mens divinior, atque os
 Magna sonaturum, des nominis huius honorem.
 Idei reo quidam, Comoedia necne poëma 45
 Esset, quaesivere; quod acer spiritus ac vis
 Nec verbis nec rebus inest, nisi quod pede certo
 Differt sermoni sermo merus. — At pater ardens
 Saevit, quod meretrice nepos insanus amica
 Filius uxorem grandi cum dote recuset, 50
 Ebrius et, magnum quod dedecus, ambulet ante
 Noctem cum facibus. — Numquid Pomponius istis
 Audiret leviora, pater si viveret? Ergo
 Non satis est puris versum perscribere verbis,
 Quem si dissolvas, quivis stomachetur eodem 55

— v. 26. Plures Codd. miser. Sed Cf. Fea. — Plurimi Codd. ob
 avaritiam. Vid. Iahn. — v. 28. aera coni. Burmann. V. Heind. —
 v. 35. tibi pro sibi coni. Rutgers, probante Heind. quem V. —
 v. 39. poetis Bentl. secundum Acronem ad Sat. I, 6, 25. Codd.
 omnes poetas. — v. 41. si qui Bentl. c Codd. Alii si quis. Cf.
 Heind. et Iahn. — v. 50. recusat et vers. seq. ambulat Fea e
 pluribus Codd. Cf. Both. Annotatt.

Quo personatus pacto pater. His, ego quae nunc,
 Olim quae seripsit Lucilius, cripias si
 Tempora certa modosque, et quod prius ordine ver-
 bum est,

Posterius facias, praeponens ultima primis:

Non, ut si solvas, »Postquam discordia tetra 60

Belli ferratos postes portasque refregit:»

Invenias etiam disiecti membra poëtae.

Hactenus haec: alias, iustum sit neene poëma,

Nunc illud tantum quaeram, meritone tibi sit

Suspectum genus hoc scribendi. Sulcius acer 65

Ambulat et Caprius, rauci male cumque libellis,

Magnus uterque timor latronibus; at bene si quis

Et vivat puris manibus, contemnat utrumque.

Ut sis tu similis Caeli Birrique, latronum,

Non ego sum, Capri neque Sulli; cur metuas me? 70

Nulla taberna meos habeat neque pila libellos,

Queis manus insudet vulgi Hermogenisque Tigelli,

Nec recito cuiquam, nisi amicis, idque coactus,

Non ubivis, coramve quibuslibet. In medio qui

Scripta foro recitent, sunt multi, quique lavantes; 75

Suave locus voci resonat conclusus. Inanes

Hoc iuvat, haud illud quaerentes, num sine sensu,

Tempore num faciant alieno. — Laedere gaudes,

Inquit, et hoc studio prayus facis. — Unde petitum

Hoc in me iacis? est auctor quis denique eorum, 80

Vixi cum quibus? Absentem qui rodit amicum,

Qui non defendit alio culpante, solutos

Qui captat risus hominum famamque dicacis,

Fingere qui non visa potest, commissa tacere

Qui nequit: hic niger est, hunc tu, Romane, caveto. 85

— v. 70. *Caprii* e pluribus Codd. Bentl. Sed Vid. Heind. — *sum*
 plures Codd. Torrentii probante Heind. quem Cf. Vulg. *sim.* —
 v. 73. *recitem* Codd. aliquot Lambin. *quicquam pro cuiquam*
 unus Cod. Bentlei, quem V. coll. Heind. — v. 79. *inquit* Bentl.
 • Codd. revocavit, quem V. coll. Heind. Olim vulg. *inquis.*

Saepe tribus lectis videoas coenare quaternos,
E quibus unus amet quavis adspergere cunctos,
Praeter eum, qui praebet aquam; post, hunc quoque
potus,
Condita quum verax aperit praecordia Liber:
Hic tibi comis et urbanus liberque videtur 90
Infesto nigris: ego si risi, quod ineptus
Pastillos Rufillus olet, Gargonius hircum,
Lividus et mordax videor tibi? Mentio si qua
De Capitolini furtis iniecta Petilli
Te eoram fuerit, defendas, ut tuus est mos: — 95
Me Capitolinus convictore usus amicoque
A puero est, causaque mea permulta rogatus
Fecit, et incolumis laetor quod vivit in urbe,
Sed tamen admiror, quo paeto iudicium illud
Fugerit. — Hic nigrae succus loliginis, haec est 100
Aerugo mera, quod vitium procul afore chartis,
Atque animo prius, ut si quid promittere de me
Possum aliud vere, promitto. Liberius si
Dixero quid, si forte iocosius, hoc mihi iuris
Cum venia dabis. Insuevit pater optimus hoc me, 105
Ut fugerem, exemplis vitiorum quaeque notando.
Quum me hortaretur, parce, frugaliter, atque
Viverem uti contentus eo, quod mihi ipse parasset:
Nonne vides, Albî ut male vivat filius? utque
Barris inops? magnum documentum, ne patriam rem 110
Perdere quis velit. A turpi meretricis amore
Quum deterreret: Scetani dissimilis sis.

— v. 87. *intus* pro *unus* Fea ex aliquot Codd. — *amet* Bentl. ex Codd. *pro avet*, quod olim pleraque Edd. habuerunt. — v. 88. *aqua* coniecerunt Brodæus et Muret. Cf. Heind. — v. 100. *sucus* pro *succus* Fea ex uno Cod. et vet. Schol. — v. 102. *ut si qui promittere de me Possum aliquid, vere promitto* Fea ex Codd. Sed Cf. Heind. et Both. Annotatt. — v. 105. *Insevit coni.* Lambin. et duo Codd. confirmant. Sed Vid. Bentl. et Heind. — v. 108. *parassem* Cod. Bentl. quem Cf. — v. 109 et 110. *ut qui Panis inops?* vel: *Farris inops* coni. Bentl. Cf. Heind. — v. 112.

Ne sequerer moechas, concessa quum Venere uti
 Possem : Deprensi non bella est fama Treboni,
 Aiebat. Sapiens , vitatu quidque petitu 115
 Sit melius , causas reddet tibi; mi satis est, si
 Traditum ab antiquis morem servare, tuamque,
 Dum custodis eges , vitam famamque tueri
 Incolumem possum; simulac duraverit aetas
 Membra animumque tuum, nabis sine cortice. Sic me 120
 Formabat puerum dictis , et sive iubebat
 Ut facerem quid , Habes auctorem, quo facias hoc;
 Unum ex iudicibus selectis obiiciebat:
 Sive vetabat, An hoc in honestum et inutile factum
 Neene sit, addubites, flagret rumore malo quum 125
 Hic atque ille? Avidos vicinum funus ut aegros
 Exanimat, mortisque metu sibi parcere cogit:
 Sic teneros animos aliena opprobria saepe
 Absterrent vitiis. Ex hoc ego sanus ab illis,
 Perniciem quaecunque ferunt, mediocribus, et queis 130
 Ignoscas, vitiis teneor. Fortassis et istine
 Largiter abstulerit longa aetas, liber amicus,
 Consilium proprium; neque enim, quum lectulus aut me
 Porticus exceptit, desum mihi. Rectius hoc est;
 Hoc faciens vivam melius; sic dulcis amicis 135
 Occurram; hoc quidam non belle; numquid ego illi
 Imprudens olim faciam simile? Haec ego mecum
 Compressis agito labris; ubi quid datur otii,
 Illudo chartis. Hoc est mediocribus illis
 Ex vitiis unum, cui si concedere nolis, 140
 Multa poëtarum veniet manus, auxilio quae
 Sit mihi, nam multo plures sumus, ac veluti te
 Iudei cogenitus in hanc concedere turbam.

Scetani omnes fere Codd. excepto uno, qui Sectani. Cf. Bentl.
 et Iahn. — v. 115. *vitatum*, .. *petitum* Coll. Sax. — v. 119.
possim plurimae Edd. vett. Sed Vid. Bentl. — v. 124. *factum*
longe plurimi Codd. *factu* Lambin. et Bentl. Cf. Heind. —
 v. 140. *nolis* Codd. *serunt*. Bentl. *noles* ... *veniet*. Sed Vid. Heind.
 — v. 141. *auxilioque* Lambin. cum Codd. aliquot et vett. Edd.

SATIRA V.

Schol: Porphyr. *Lucilium hac satira aemulatur Horatius iter suum a Roma usque Brundusium describens, quod et ille in tertio libro fecit, primum a Roma Capuam usque et inde fretum Siciliense.* Dubitari non potest, quin poeta hanc satiram, quae itineris Roma Brundusium quasi diarium continet, Lucilianae illi ut geminam addere voluerit; in qua quidem quantopere vestigiorem poetam et arte et elegantia superaverit, e Luciliani carminis fragmentis adhuc reliquis (in collectione Dousae), etsi non multis illis quidem coniicere quodammodo possumus. Quaerit tamen potest, an non haec lepida narratio onines omnino Romanos lectores et ab omni parte ita teneret, ut nos nunc tenet. Plures enim loci ut vers. 30. 38. 48. 49. 95. 96, tum id quod significatur v. 36, atque quod v. 82-85. narratur, haec omnia adducere nos debent, ut credamus, hunc sermonem non fuisse ab auctore destinatum, qui publici iuris fieret, sed tantum cum paucis amicis una profectis ut ludicum huius itineris monimentum communicaretur. Qua de causa autem Maeccenas et Cocceius, quibus Horatius se coinitem applicuit, hoc iter suscep- rint, ipse indicat vers. 28: conciliaturi enim erant Octavianum et Antonium tum temporis inter se dissentientes. Massonius in *Vita Horat.* p. 81 seqq. hoc iter anni 717 auctumno assignat secundum *Dion. Cass.* 48, 54; sed Wesselingius *Observatt.* II, 15. certioribus rationibus utens praecedentis anni tempori verno, cum Antonius Brundusium veniret. *Appian.* V, 78 sq. ed. Schweigh. p. 815 sq. Iter fecerunt primum pedibus, tum navi, deinde mulis (v. 47.) postremum rhedis (v. 86.) vecti. *Heindorf.*

Egressum magna me exceptit Aricia Roma
Hospitio modico; rhetor comes Heliodorus,
Graceorum longe doctissimus. Inde Forum Appi,
Differtum nautis, cauponibus atque malignis.
Hoc iter ignavi divisimus, altius ac nos
Praecinetis unum; minus est gravis Appia tardis.

5

V. v. 1. accepit Lambin. e Codd. Cf. Fea. — v. 3. *linguae*
pro *longe* multi Codd. Cf. Heind. et Fea. — v. 5. *Hinc iter*
coni. Both. Annotatt. Sed Cf. Iahn. — v. 6. *nimir pro minus*
dedit Fea e pluribus Codd. Bothio et Doeringio sequentibus.
Sed V. Iahn.

Hic ego propter aquam, quod erat teterrima, ventri
 Indico bellum, coenantes haud animo aequo
 Exspectans comites. Iam nox inducere terris
 Umbras et coelo diffundere signa parabat: 10
 Tum pueri nautis, pueris convicia nautae
 Ingerere. — Hue appelle!... Trecentos inseris; ohe!
 Iam satis est. — Dum aes exigitur, dum mula ligatur,
 Tota abit hora. Mali culices ranaeque palustres
 Avertunt somnos. Absentem ut cantat amicam 15
 Multa prolatus vappa nauta atque viator
 Certatim: tandem fessus dormire viator
 Incipit, ac missae pastum retinacula mulae
 Nauta piger saxo religat, stertitque supinus.
 Iamque dies aderat, nil quum procedere lintrem 20
 Sentimus, donee cerebrosus prosilit unus,
 Ac mulae nautaeque caput lumbosque saligno
 Fuste dolat. Quarta vix demum exponimur hora.
 Ora manusque tua lavimus, Feronia, lympha.
 Millia tum pransi tria repimus, atque subimus 25
 Impositum saxis late eandardibus Anxur.
 Huc venturus erat Maeccenas optimus atque
 Cocceius, missi magnis de rebus uterque
 Legati, aversos soliti componere amicos.
 Hie oculis ego nigra meis collyria lippus 30
 Illinere. Interea Maeccenas advenit atque
 Cocceius Capitoque simul Fonteius, ad unguem
 Factus homo, Antoni, non ut magis alter, amicus.
 Fundos Aufidio Luseo praetore libenter
 Linquimus, insani ridentes praemia scribae, 35
 Practextam et latum clavum prunaeque vatillum.

— v. 7. *teterrima* aliquot Codd. sed plurimi *deterrima* Cf. Bentl. Heind. Fea, qui quidem praefert *deterri*. — v. 12. *ingeris* pro *inseris* Codd. Lambin. Cf. Fea. — v. 15. *ut cantat e multis* Codd. Bentl. Olim vulgo sine *nt.* — v. 23. *exponimus* Coll. Sax. — v. 24. *lavimus* Bentl. ex coni. Nic. Heinsii. Cf. Heind. — v. 27. *optimus* Bentl. commate a praecedente nomine divellit et ad *Cocceium* refert. — v. 36. *prunaeque batillum* multi Codd.

In Mamurrarum lassi deinde urbe manemus,
 Murena praebente domum, Capitone culinam.
 Postera lux oritur multo gratissima, namque
 Plotius et Varius Sinuessa Virgiliusque 40
 Occurrunt, animae, quales neque candidiores
 Terra tulit, neque queis me sit devinctior alter.
 O qui complexus et gaudia quanta fuerunt!
 Nil ego contulerim iucundo sanus amico.
 Proxima Campano ponti quae villula, tectum 45
 Praebuit, et parochi, quae debent ligna salemque.
 Hinc muli Capuac clitellas tempore ponunt.
 Lusum it Maecenas, dormitum ego Virgiliusque:
 Namque pila lippis inimicum et ludere crudis.
 Hinc nos Cocceii recipit plenissima villa, 50
 Quae super est Caudi cauponas. Nunc mihi paucis
 Sarmenti scurrae pugnam Messique Cicirri,
 Musa, velim memores, et quo patre natus uterque
 Contulerit lites. Messi clarum genus Osci;
 Sarmenti domina exstat. Ab his maioribus orti 55
 Ad pugnam venere. Prior Sarmentus: Equi te
 Esse feri similem dico. Ridemus; et ipse
 Messius, Accipio; caput et movet. O, tua cornu
 Ni foret exsecto frons, inquit, quid faceres, quum
 Sic mutilus miniteris? At illi foeda cicatrix 60
 Setosam laevi frontem turpaverat oris.
 Campanum in morbum, in faciem permulta iocatus,
 Pastorem saltaret uti Cyclopa, rogabat;
 Nil illi larva aut tragicis opus esse cothurnis.

bacillum vel catillum Edd. quaedam veteres; prunique *bacillum*
 auctore Baruffaldo Opusc. scient. et philol. Tom. 29. p. 141.
 scribendum censet Both. quem V. in Annotatt. coll. Fea et
 Heind. — v. 37. *Dein pro deinde* dedit Both. ad insuavem sonum
 vitandum. — v. 50. *Cocceii* cum Iahnio scripsimus, quem V. pro
 vulg. *Coccei*. — v. 51. *Claudi* plures Codd. Cf. Heind. et Fea.
 — v. 54. *Contulerint* Both. e Coll. Sax. et Ed. Mediolan. 1477.
 — v. 60. *miniteris* Bentl. e plurimis Codd. et antiquissimis Edd.
 revocavit; olim vulgo: *minitaris*. Cf. Heind.

Multa Cicirrus ad haec: Donasset iamne catenam 65
 Ex voto Laribus, quaerebat; scriba quod esset,
 Nihilo deterius dominae ius esse. Rogabat
 Denique, cur unquam fugisset? cui satis una
 Farris libra foret, gracili sic tamque pusillo.
 Prorsus iucunde coenam produximus illam. 70
 Tendimus hinc recta Beneventum, ubi sedulus hospes
 Paene macros arsit dum turdos versat in igni.
 Nam vagā per veterem dilapsō flamma culinam
 Vulcano summum properabat lambērē tectum.
 Convivas avidos coenam servosque timentes 75
 Tum rapere, atque omnes restinguere velle videres.
 Incipit ex illo montes Appulia notos
 Ostentare mihi, quos torret Atabulus, et quos
 Numquam erepsemus, nisi nos vicina Trivici
 Villa recepisset, lacrimoso non sine fumo, 80
 Udos cum foliis ramos urente camino.
 Hic ego mendacem stultissimus usque puellam
 Ad mediam noctem exspecto: somnus tamen aufert
 Intentum Veneri; tum immundo somnia visu
 Nocturnam vestem maculant ventremque supinum. 85
 Quatuor hinc rapimur viginti et millia rhedis,
 Mansuri oppidulo, quod versu dicere non est,
 Signis perfacile est: venit vilissima rerum
 Hic aqua, sed panis longe pulcherrimus, ultra
 Callidus ut soleat humeris portare viator; 90
 Nam Canusī lapidosus, aquae non ditior urna
 Qui locus a forti Diomede est conditus olim.
 Flentibus hic Varius discedit moestus amicis.
 Inde Rubos fessi pervenimus, ultote longum

— v. 67. Ita Bentl. e multis Codd. quem Vid. Alii Codd. et Edd.
Deterius nihil; *Nullo deterius*. Cf. Fea. — v. 70. *producimus*
 Bentl. e Codd. assentiente Heind. — v. 72. *Paene arsit macros*
 Lambini Cod. et alter Bentl. Sed V. Both. Annotatt. — *igni*
 Bentl. e Codd. pro *igne*. — v. 89. *ultra* plures Edd. post Aldi-
 nam. Cf. Heind. — v. 92. Hunc versum Bentl. pro spurio habet.
 Sed Cf. Heind.

Carpentes iter et factum corruptius imbri. 95
 Postera tempestas melior, via peior adusque
 Bari moenia piscosi. Dein Gnatia Lymphis
 Iratis exstructa dedit risusque iocosque,
 Dum flamma sine thura liquecere limine sacro
 Persuadere cupit. Credat Iudaeus Apella, 100
 Non ego; namque Deos didici securum agere aevum,
 Nec, si quid miri faciat natura, Deos id
 Tristes ex alto coeli demittere tecto.
 Brundusium longae finis chartaeque viaeque.

SATIRA VI.

Poeta noster postquam et familiaritate, quam cum Maecenate
 habuit et Luciliano satirarum genere denuo a se instaurato multitudinis in se oculos converterat, fieri non potuit, quin, cum
 nonnisi perquam pauci aut ipsum aut Maecenatis in eum animum
 accuratius introspicerent, a plurimis unus ex istis vulgaribus for-
 tunae filiis haberetur, quales post civilium conversionum turbas
 et in hac nobilissimarum familiarum ruina a civitatis dominis aut
 oppressarum aut derelictarum larga copia pullulaverant, atque
 qui prava ambitione et mala sedilitate in familiaritatem Maecenatis
 irrepsisset, ut honores et opes venaretur. Atqui adversus hanc
 ipsam sinistram de se suspicionem et hominum aut ignorantiam aut
 malevolentiam hic sermo conscriptus esse nobis videtur. Generosus
 enim poeta virtutis suae sibi conscientius et sapientium praeceptis
 iam a teneris annis honorum et divitiarum inanem gloriam sper-
 nere edocetus hoc et Maecenati suo et sibi ipsi debuit, ut civi-
 bus suis demonstraret, qua ratione Maecenatis sibi amicitiam
 conciliaverit, et quam parum ea ad splendida in re publica
 munera quaerenda abuti vellet. Inde igitur hic sermo natus est,
 in quo nescias utrum magis admiranda sit dicendi libertas et
 generosus poetae coram patrono candor, an pietatis erga paren-
 tem et grati animi sensus mira vi et veritate expressus. Etiam
 hoc prudentissime noster fecit, quod ad Maecenatem potissimum
 hanc satiram scripsit. Ita enim et omnibus quae narrat eo cer-
 tiorem fidem conciliat, et nimiam summi amici laudationem, in
 quam alioquin aberrare poterat, felicissime effugit. Accedit, quod
 Maecenati procul dubio pergratum accidit, ut de vera nobili-

tate populus a poeta nostro tam luculenter et graviter edoceretur. Nam ut et ipse Maecenas, quanquam potentia et gratia validissimus, intra equestrem ordinem substituit, ita in amicis quoque eligendis, modo sibi constare vellet, magis virtutem et ingenii dotes, quam generis splendorem spectare debuit. Neque id quidem, ut Wielandius acutissime observat, a rationibus rei publicae conversae et secundum Maecenatis potissimum consilia ab Augusto temperatae erat alienum, in qua cum iam summa rerum unius esse coepisset, necesse quodammodo erat, quo facilius nobilium familiarum superbia et auctoritas imminueretur, ut ubique cum in vitae usu, tum in re publica administranda, ab iis qui civitatem regerent, non ex generis nobilitate et decore imaginum, sed ex sua ipsius virtute et ingenii praestantia unusquisque tractaretur.

Non, quia, Maecenas, Lydorum quidquid Etruscos
Incoluit fines, nemo generosior est te,
Nec, quod avus tibi maternus fuit atque paternus,
Olim qui magnis legionibus imperitarent,
Ut plerique solent, naso suspendis adunco 5
Ignotos, ut me libertino patre natum.

Quum referre negas, quali sit quisque parente
Natus, dum ingenuus: persuades hoc tibi vere,
Ante potestatem Tulli atque ignobile regnum
Multos saepe viros nullis maioribus ortos 10
Et vixisse probos, amplis et honoribus auctos;
Contra Laevinum, Valerii genus, unde Superbus
Tarquinius regno pulsus fugit, unius assis
Non unquam pretio pluris licuisse, notante
Iudice, quo nosti, populo, qui stultus honores 15
Saepe dat indignis, et famae servit ineptus,

VI. v. 4. *regionibus* ex uno suo Cod. Cf. Heind. Both. Iahn.
— *imperitarent* multi Codd. Alii Codd. et Edd. *imperitarint*, vel
imperitarunt. Vid. Bentl. Heind. Both. Annotatt. — v. 13. *fugit*
Bentl. e multis Codd. revocavit. Vulg. *fuit*, quod tuetur Heind.
Cf. Both. Annotatt. — v. 15. *quo* Bentl. e Codd. et vetustissimis
Edd. quem Vid. coll. Heind. *quem* pleraque Edd. inde ab Aldin.

Qui stupet in titulis et imaginibus. Quid oportet
Nos facere, a vulgo longe longeque remotos?
Namque esto, populus Laevino mallet honorem
Quam Decio mandare novo, censorque moveret 20
Appius, ingenuo si non essem patre natus;
Vel merito, quoniam in propria non pelle quiessem.
Sed fulgente trahit constrictos gloria currus
Non minus ignotos generosis. Quo tibi, Tilli,
Sumere depositum clavum, fierique tribuno? 25
Invidia accrexit, privato quae minor esset.
Nam ut quisque insanus nigris medium impediit crus
Pellibus et latum demisit pectore clavum,
Audit continuo: Quis homo hic est? quo patre natus?
Ut si qui aegrotet, quo morbo Barrus, haberi 30
Ut cupiat formosus; cat quacunque, puellis
Iniicierat curam quaerendi singula, quali
Sit facie, sura, quali pede, dente, capillo:
Sic qui promittit, cives, Urbem sibi curae,
Imperium fore, et Italiam, et delubra Deorum; 35
Quo patre sit natus, num ignota matre dishonestus,
Omnes mortales curare et quaerere cogit. —
Tune Syri, Damae, aut Dionysi filius, audes
Deiicere e saxo cives, aut tradere Cadmo? —
At Novius collega gradu post me sedet uno; 40
Namque est ille, pater quod erat meus. — Hoc tibi
Paulus
Et Messala videris? At hic, si plostra ducenta
Coneurrantque foro tria funera, magna sonabit
Cornua quod vineatque tubas: saltem tenet hoc nos. —
Nunc ad me redeo, libertino patre natum, 45

— v. 18. *Vos pro nos* Bentl. ex coniect. Sed Cf. Heind. — *longe longeque* Bentl. e Codd. Olim vulg. *longe lateque*. — v. 24. *Tilli* e pluribus Codd. Bentl. quem V. Ante eum vulg. *Tulli*. — v. 25. *tribunum plures* Edd. Cf. Heind. — v. 29. Ita Lambin. e multis Codd. Alii: *quis homo hic et quo patr.* alii: *quis homo hic aut quio p.* quam postremam lectionem Bentl. sequitur.

Quem rodunt omnes libertino patre natum;
 Nunc quia sim tibi, Maeccenas, convictor, at olim,
 Quod mihi pareret legio Romana tribuno.
 Dissimile hoc illi est, quia non, ut forsitan honorem
 Iure mihi invideat quivis, ita te quoque amicum, 50
 Praesertim eautum dignos assumere prava
 Ambitione procul. Felicem dicere non hoc
 Me possum, casu quod te sortitus amicum;
 Nulla etenim mihi te fors obtulit; optimus olim
 Virgilius, post hunc Varius, dixere quid essem. 55
 Ut veni coram, singultim pauca locutus,
 Infans namque pudor prohibebat plura profari,
 Non ego me claro natum patre, non ego circum
 Me Satureiano vectari rura caballo,
 Sed quod eram, narro: respondes, ut tuus est mos, 60
 Pauca: abeo; et revocas nono post mense, iubesque
 Esse in amicorum numero. Magnum hoc ego duco,
 Quod placui tibi, qui turpi secessum honestum,
 Non patre praeclaro, sed vita et pectore puro.
 Atqui si vitiis mediocribus ac mea paucis 65
 Mendosa est natura, alioqui recta, velut si
 Egregio inspersos reprendas corpore naevos,
 Si neque avaritiam neque sordes aut mala lustra
 Obiiciet vere quisquam mihi; purus et insonis,
 Ut me collaudem, si et vivo carus amicis 70
 Causa fuit pater his, qui macro pauper agello
 Noluit in Flavi ludum me mittere, magni
 Quo pueri magnis e centurionibus orti,
 Laevo suspensi loculos tabulamque lacerto,

— v. 47. *sum* plures Codd. Feae, aliorum. Cf. Heind. — v. 53.
possim Codd. Feae, aliorum; recepit Iahn. *possunt* Bentl. ex
 Schol. itemque plures Edd. Vid. Heind. et Bo h. Annotatt. —
 v. 54. *tibi* me Bentl. ex Schol. Cruq. et uno Cod. Sed Vid. Ges-
 ner. et Heind. — v. 55. Torrentii aliquot Codd. *Varus*. Cf. Heind.
 — v. 68. Ita Bentl. ex Acerone et Ed. Ven. 1490. Olim vulg. ac
 mala. Cod. Cruq. *nec mala*, — v. 70. *si vivo et carus* Lambin.
 cum veteribus aliquot Edd.

Ibant octonis referentes Idibus aera; 75

Sed puerum est ausus Romam portare, docendum
Artes, quas doceat quivis eques atque senator
Seinet prognatos. Vestem servosque sequentes,
In magno ut populo, si qui vidisset, avita
Ex re praebeti sumtus mihi crederet illos. 80

Ipse mihi custos incorruptissimus omnes
Circum doctores aderat. Quid multa? pudicum,
Qui primus virtutis honos, servavit ab omni
Non solum facto, verum opprobrio quoque turpi,
Nec timuit, sibi ne vitio quis verteret olim, 85
Si praeco parvas, aut, ut fuit ipse, coactor
Mercedes sequerer; neque ego essem questus. At hoc
nunc

Laus illi debetur et a me gratia maior.

Nil me poeniteat sanum patris huius, eoque
Non, ut magna dolo factum negat esse suo pars, 90
Quod non ingenuos habeat clarosque parentes,
Sic me defendam. Longe mea discrepat istis
Et vox et ratio. Nam si natura iuberet
A certis annis aevum remeare peractum,
Atque alios legere ad fastum quoscunque parentes: 95
Optaret sibi quisque; meis contentus honestos
Fascibus et sellis nollem mihi sumere, demens
Iudicio vulgi, sanus fortasse tuo, quod
Nollem onus haud unquam solitus portare molestum.
Nam mihi continuo maior quaerenda foret res, 100
Atque salutandi plures; ducendus et unus
Et comes alter, uti ne solus rusve peregreve
Exirem; plures calones atque caballi
Pascendi; ducenda petorrita. Nunc mihi curto.
Ire licet mulo vel, si libet, usque Tarentum, 105

— v. 79. si qui Bentl. ex optimis et veterissimis Codd. Alii si quis Cf. Iahn. ad Sat. I, 4, 41. — v. 87. Codd. varie: ad hoc, ad haec, at hoc, ob hoc. Bentl. praeferit ad haec. Cf. Heind. — v. 96. onustos pro honestos e Codd. Lambin. Cf. Heind. — v. 102. peregre aut Cod. Gott. et Edd. aliquot vett. Sed V. Heind.

Mantica cui lumbos onere ulceret atque eques armos.
 Obiiciet nemo sordes mihi, quas tibi, Tulli,
 Quum Tiburte via praetorem quinque sequuntur
 Te pueri, lasanum portantes oenophorumque.
 Hoc ego commodius quam tu, praedclare senator, 110
 Multis atque aliis vivo. Quaecunque libido est,
 Incedo solus; percontor quanti olus ac far;
 Fallacem Circum vespertinumque pererro
 Saepe forum; adsisto divinis; inde domum me
 Ad porri et cicceris refero laganiique catinum. 115
 Coena ministratur pueris tribus, et lapis albus
 Pocula cum cyatho duo sustinet; adstat echinus
 Vilis, cum patera guttus, Campana supellex.
 Deinde eo dormitum, non sollicitus, mihi quod cras
 Surgendum sit mane, obeundus Marsya, qui se 120
 Vultum ferre negat Noviorum posse minoris.
 Ad quartam iaceo; post hanc vagor, aut ego, lecto
 Aut scripto quod me tacitum invet, ungor olivo,
 Non quo fraudatis immundus Natta lucernis.
 Ast ubi me fessum Sol acrior ire lavatum 125
 Admonuit, fugio Campum lusumque trigonem.
 Pransus non avide, quantum interpellet inani
 Ventre diem durare, domesticus otior. Haec est
 Vita solutorum misera ambitione gravique.
 His me consolor victurum suavius, ac si 130
 Quaestor avus, pater atque meus, patruusque fuisset.

— v. 107. *Tilli* Bentl. ut supra v. 24. itemque Fea. Cf. Heind.
 — v. 113. *vespertinusque* Zurek. in variis lectt. — v. 126. Ita
 versum restituit Bentl. e Cod. Cruq. Olim vulgabatur: *fugio*
rabiosi tempora signi. Pro *lusum* Bentl. coni. *nudum*. Cf. Heind.
 — v. 131. *fuisset* Bentl. e Codd. quem Vid. Alii *fuissept.*

SATIRA VII.

Massonius in *Vita Horat.* p. 69. anno U. C. 713, cum Horatius post proelium Philippense Romam rediisset, hanc satiram conscriptam esse censet. Sed quam brevi aut longo tempore interposito hoc certamen seurile eius narratio subsecuta sit, quis certo hoc demonstraverit? P. Rupilius Rex Romanus ex cohorte Bruti (v. 23—25.) tunc temporis Asiam provinciam a senatu sibi demandatam administrantis cum Persio quodam Clazomenis, Ionica urbe, negotiatore litem habebat, quae erat coram Bruto praetore (711 U. C.) dirimenda. Litigabant igitur utrius acerrima contentione, Rupilius insuper acerbissimis conviciis, Persius vilissima utens erga Brutum adulacione. Tandem Persius salse aliquod dictum in adversarium expromit, quod totius historiolae acumen et quasi medullam continet, vers. 33 seqq. atque narratiunculae finem imponit. De hoc P. Rupilio Rege afferrunt Scholia Cruquii: *Publius Rupilius Rex Praenestinus, postquam a Praenestinus in exilium missus esset, in Attica militavit sub Attio Varo; deinde cum praeturam gereret, in triumviratu proscriptus ab Augusto confugit ad Brutum, in cuius castris cum Horatio comilito tulit aegre tribunum eum esse militum, generis ignobilitatem ei saepius exprobrans. Quare Horatius, ut se ulcisceretur, describit infacetum et arrogans in iurgando cum Persio ingenium.* Idem narrant Acro et Porphy. Qui tandem igitur Wielandus omnia, quae non ex ipsa satira petita sint, Scholiastas in hac narratione commentos esse affirmare sustinuit?

Proscripti Regis Rupili pus atque venenum
Hybrida quo pacto sit Persius ultus, opinor
Omnibus et lippis notum et tonsoribus esse.
Persius hic permagna negotia dives habebat
Clazomenis, etiam lites cum Rege molestas; 5
Durus homo, atque odio qui posset vincere Regem,
Confidens, tumidusque, adeo sermonis amari,
Sisennas, Barros ut equis praecurreret albis.
Ad Regem redeo. Postquam nihil inter utrumque
Convenit: (hoc etenim sunt omnes iure molesti, 10

VII, v. 2. *Ibrida* Both. Alii *Hibrida*. Cf. Heind. — v. 5. *haud lippis* coni. Faber. Vid. Bentl. et Heind.

Quo fortis, quibus adversum bellum incidit: inter
 Hectora Priamiden, animosum atque inter Achillem
 Ira fuit capitalis ut ultima divideret mors,
 Non aliam ob causam nisi quod virtus in utroque
 Summa fuit; duo si discordia vexet inertes, 15
 Aut si disparibus bellum incidat, ut Diomedi
 Cum Lycio Glauco: discedat pigrior, ultro
 Mnneribus missis.) Bruto Praetore tenente
 Ditem Asiam, Rupili et Persi par pugnat, uti non
 Compositum melius cum Bitho Bacchius. In ius 20
 Acres procurrunt, magnum spectaculum uterque.
 Persius exponit causam; ridetur ab omni
 Conventu: laudat Brutum laudatque cohortem;
 Solem Asiae Brutum appellat, stellasque salubres
 Appellat comites, excepto Rege; canem illum, 25
 Invisum agricolis sidus, venisse: ruebat,
 Flumen ut hibernum, fertur quo rara securis.
 Tum Praenestinus salso multoque fluenti
 Expressa arbusto regerit convicia durus
 Vindemiator et invictus, cui saepe viator 30
 Cessisset, magna compellans voce euenium.
 At Graecus, postquam est Italo perfusus aceto,
 Persius exclamat: Per magnos, Brute, Deos te
 Oro, qui reges consueris tollere; cur non
 Hunc Regem iugulas? operum hoc, mihi crede, tuo-
 rum est. 35

— v. 11. olim pro *inter coni.* Bentl. Sed Cf. Heind. — v. 15.
verset inver. Codd. aliquot Lambin. idque praefert Bentl. Cf.
 Heind. — v. 20. *Compositus* maxima Edd. pars; *compositum*
 permulti Codd. *compositi* duo Codd. Vid. Bentl. qui dedit *com-*
positi, Cf. Heind. Feā. — v. 28. *multumque* Edd. vett. et maior
 pars Codd. Cf. Bentl. — v. 34. *coisuesti* ex uno Cod. et vetere
 quadam Ed. Bentl. Sed Cf. Heind.

SATIRA VIII.

Neutquam haec Satira omnino contra superstitiones, ut Bax-
terus autumat, conscripta est, sed certani quandam personam
petit, id est, Canidiam veneficam, eandem quae epodi 5 et 17
argumentum praebuit. Scholia Acronis et Cruquii adnotant ad
v. 24. *Canidiam pro Gratidia Neapolitana unguentaria, quam*
semper ut veneficam carpit Horatius, maxime in V et XVII
Epodo, et Schol. Cruquii ad Od. I, 16. Cantat palinodiam, i. e.
cantanulo revocat, quae scripserat in amicam Gratidiām. Itemque
Schol. Acron. et Cruq. ad Sat. II, 1, 48. Canidia posita est pro
Gratidia. Ad huius Satirae VIII, vers. 25. Porphyr. addit:
Memini me legere apud Helenum Acronem, Sagana fuisse no-
mine libertam Pomponii senatoris, qui a triumviris est proscrip-
tus. Quae quidem omnia ex antiquis fontibus, in primis ex scrip-
*tis illis *De personis Horatianis*, quae saepius Scholiastae laudant,*
derivata esse videntur. Criminosū autem illi iambi, quorum Carm. I,
16, 2. *mentio iniicitur procul dubio sunt ii ipsi bini Epodi, nisi*
temere de aliis desperditis carminibus cogitare malimus. Canidia
igitur sive Gratidia, ut ex iis locis appareat, meretrix erat, quam
olim iuvenis poeta amaverat ut Cinaram, Lydiam, Barinen, alias,
quae quidem res ex eorum temporum moribus nihil in se habe-
bat turpe nec quidquam flagitosi. Vid. Od. I, 16. in fin. Sed
dissensione oborta Horatius amicam, quo malam eius fidem ul-
cisceretur, omnibus ob oculos in hoc sermone ponit veneficio-
rum et incantationum laboribus occupatam, indeque ridiculo
casu fugatam. Inducit igitur Priapum, cuius simulacrum ut om-
nino in hortis ita in Maecenatis hortis Exquilinis esset colloca-
tum, narrantem, ut veneficia et magicas artes a Canidia eiusque
socia Sagana in sepulcris exerceri viderit, easque subito fuga-
verit. Tota res procul dubio non vera sed callide ficta. De ri-
tibus magicis Cf. Epod. V et XVII. Theocrit. Idyll. II. Virgil.
Eclog. VIII. Propert. V, 4, 25 seqq. Lucan. VI, 430—830.

Olim truncus eram fieulnus, inutile lignum,
Quum faber, incertus scannum faceretne Priapum,
Maluit esse Deum. Deus inde ego, furum aviumque
Maxima formido; nam fures dextra coërcet
Obscoenoque ruber porrectus ad inguine palus, 5
Ast importunas volucres in vertice arundo

Terret fixa, vetatque novis considere in hortis.
 Huc prius angustis eiecta cadavera cellis
 Conservus vili portanda locabat in arca.
 Hoē miserae plebi stabat commune sepulcrum, 10
 Pantolabo scurrae Nomentanoque nepoti.
 Mille pedes in fronte, trecentos eippus in agrum
 Hie dabat; heredes monumentum ne sequeretur.
 Nunc licet Exquiliis habitare salubribus, atque 15
 Aggere in aprico spatiari, qua modo tristes
 Albis informem spectabant ossibus agrum,
 Quum mihi non tantum furesque feraeque, suetae
 Hunc vexare locum, curae sunt atque labori,
 Quantum carminibus quae versant atque venenis 20
 Humanos animos. Has nullo perdere possum
 Nec prohibere modo, simulac vaga Luna decorum
 Protulit os, quin ossa legant herbasque nocentes.
 Vidi egomet nigra succinetam vadere palla
 Canidiam, pedibus nudis, passoque capillo, 25
 Cum Sagana maiore ululantem. Pallor utrasque
 Feerat horrendas adspectu. Scalpere terram
 Unguibus, et pullam divellere mordicus agnam
 Cooperunt; crux in fossam confusus, ut inde
 Manes elicerent, animas responsa daturas.
 Lanea et effigies erat, altera cerea; maior 30
 Lanea, quae poenis compesceret inferiorem.
 Cerea suppliciter stabat, servilibus ut quae
 Iam peritura modis. Heaten vocat altera, saevam
 Altera Tisiphonen; serpentes atque videres
 Infernas errare canes, lunamque rubentem, 35

VIII, v. 7. *fissa* pro *fixa* Fea ex conjectura. Cf. Both. Annotatt. — v. 14. *Exquiliis* Fea quem Vid. Vulg. *Esquiliis*; aliquot Edd. *Aesquiliis*. — v. 15. *quo* omnes Codd. *qua* Bentl. ex conjectura, plurimis Edd. sequentibus Cf. Iahn. — v. 19. *vexant* Codd. aliquot Feae, aliorum. — v. 29. Comma post verbum *elicerent* tollunt Fea et Both. Annotat. quos Vid. — v. 32. *ut* *quae* e Codd. Bentl. Vulg. *utque*. Iahnius cum Wakef. *servilibus modis* ad *stabat* referens post *servilibus* et *peritura* incidit.

Ne foret his testis, post magna latere sepulera.
 Mentior at si quid, merdis caput inquier albis
 Corvorum, atque in me veniat mietum atque eacatum
 Iulus, et fragilis Pediatio, furque Voramus.
 Singula quid memorem? quo paeto alterna loquentes 40
 Umbrae cum Sagana resonarent triste et acutum,
 Utque lupi barbam variae cum dente colubrae
 Abdiderint furtim terris, et imagine cerea
 Largior arserit ignis, et ut non testis inultus
 Horruerim voes Furiarum et facta duarum. 45
 Nam, displosa sonat quantum vesica, pepedi
 Diffissa nate sicus: at illae currere in urbem.
 Canidiae dentes, altum Saganae caliendum
 Excidere, atque herbas, atque incantata lacertis
 Vincula, cum magno risuque iocoque videres. 50

SATIRA IX.

Vulgaris opinio, qua haec satira garruli descriptionem continere putatur, procul dubio e male intellecto versu 33. orta est. Nam lectori integro et nullis praeiudicatis opinionibus corrupto continuo patebit, hic neque garruli charactera depingi, qualis, ut hoc utar, apud Theophrastum (Charact. III.) describitur, neque omnino generalis characteris ullius descriptionem proponi, quales, ut garruli, ubique et semper reperiantur; sed potius hoc sibi poetam in hac satira proposuisse, sive veram rem narrat sive fictam, ut certos quosdam homines derideret, qui iudicii elegantiam et ingenium amoenum affectantes atque exemplum Virgilii Horatiique aemulati in Maecenatis familiaritatem se intrudere satagerent, et quo certius id assequerentur sine ullo pudore et nihil verentes ne vilem suum et abiectum animum proderent, omnibus modis poetae nostri amicitiam expugnare contenderent. Utut hoc sit multo aptius certe haec satira *male seduli* quam *garruli* inscriptionem prae se ferret. Denique et hoc facile apparebit, quam callide hac quoque occasione Horatius utatur, ut civibus suis demonstret, qualis sibi

— v. 41. resonarint Bentl. e coniect. Cf. Heind. — v. 45. Ob-
 ruerim voces ex uno Cod. Fea, Both. Iahn,

familiaritas cum Maecenate intercedat a plurimis ignorata aut
male iudicata, atque qui mores et qualis vivendi ratio Maecenati
placeat. *Heindorf.*

Ibam forte Via sacra, sicut meus est mos,
Nescio quid meditans nugarum, et totus in illis:
Accurrit quidam notus mihi nomine tantum,
Arreptaque manu, Quid agis, dulcissime rerum?
Suaviter, ut nunc est, inquam, et cupio omnia quae
vis. 5

Quum assectaretur, Num quid vis? occupo: at ille,
Noris nos, inquit; docti sumus. Hic ego, Pluris
Hoc, inquam, mihi eris. Misere discedere quaerens,
Ire modo ocios, interdum consistere, in aurem
Dicere nescio quid puero; quum sudor ad imos 10
Manaret talos. O te, Bolane, cerebri
Felicem! aiebam tacitus, quum quidlibet ille
Garriret, vicos, urbem laudaret. Ut illi
Nil respondebam, Misere cupis, inquit, abire,
Iamdudum video, sed nil agis, usque tenebo, 15
Prosequar. Hinc quo nunc iter est tibi? — Nil opus est te
Circumagi; quendam volo visere non tibi notum;
Trans Tiberim longe cubat is, prope Caesaris hortos.—
Nil habeo quod agam, et non sum piger; usque sequar
te. —

Demitto auriculas ut iniquae mentis asellus, 20
Quum gravius dorso subiit onus. Incipit ille:
Si bene me novi, non Viscum pluris amicum,
Non Varium facies; nam quis me scribere plures
Aut citius possit versus? quis membra movere
Mollius? invideat quod et Hermogenes, ego canto. 25
Interpellandi locus hic erat. — Est tibi mater?

IX, v. 1. *Ibam ut forte Benfl. ex mera coni. Cf. Heind. et Both. Annotatt.* — v. 3. *Occurrit plures Codd. et Edd. V. Fea.* — v. 16. *Prosequar Bentl. e pluribus Codd. probante Heind. Vulg. persequar, quod Fea tuetur.*

Cognati, queis te salvo est opus? — Haud mihi quisquam;

Omnes composui. — Felices! Nunc ego resto;
Confice, namque instat fatum mihi triste, Sabella
Quod puerο cecinit, divina mota anus urna: 30

„Hunc neque dira venena nec hosticus auferet ensis,
„Nec laterum dolor aut tussis nec tarda podagra;
„Garrulus hunc quando consumet cunque; loquaces,
„Si sapiat, vitet, simulatque adoleverit aetas.“

Ventum erat ad Vestae, quarta iam parte diei 35

Praeterita, et casu tunc respondere vadato

Debebat: quod ni fecisset, perdere litem.

Si me amas, inquit, paulum hic ades. — Inteream, si
Aut valeo stare, aut novi civilia iura;

Et propero quo scis. — Dubius sum quid faciam,
inquit; 40

Tene relinquam an rem. — Me, sodes. — Non faciam,
ille,

Et praecedere coepit. Ego, ut contendere durum est
Cum victore, sequor. — Maecenas quomodo tecum?

Hinc repetit. Paucorum hominum et mentis bene sanae;
Nemo dexterius fortuna est usus. Haberes 45

Magnum adiutorem, posset qui ferre secundas,
Hunc hominem velles si tradere; dispeream ni

Summosse omnes. — Non isto vivitur illie,
Quo tu rere, modo; domus hae nec purior ulla est,
Nec magis his aliena malis; nil mi officit unquam, 50

Ditior hic aut est quia doctior; est locus uni-

— v. 30. *mota divina anus urna* Bentl. ex coni. Sed Cf. Heind. —
v. 36. *vadatus coni*. Bentl. Sed Vid. Heind. — v. 38. *huc pro hic* Both. e paucis Feae Codd. — *Si tu me, inquit, amas* Cod. Cruq. Sed Cf. Heind. — v. 42. *est* omittit Bentl. secundum Codd. Cf. Both. Annotatt. — v. 44. *hominum; mentis sine copula* ex uno Codd. Feae Both. cuius Vid. Annotatt. — v. 48. *vivitur* e Codd. Bentl. quem Cf. Olim vulg. *vivimus*. — v. 49. *hac non* Cod. Comb. idque praferendum videtur Both. Annotatt. — v. 50. *officit inquam* Bentl. e Codd. Cf. Heind.

Cuique suus. — Magnum narras , vix credibile. — Atqui
 Sic habet. — Accendis , quare cupiam magis illi
 Proximus esse. — Velis tantummodo ; quae tua virtus ,
 Expugnabis , et est qui vinei possit , eoque 55
 Difficiles aditus primos habet. — Haud mihi deero ;
 Muneribus servos corrumpam ; non , hodie si
 Exclusus fuero , desistam ; tempora quaeram ;
 Occurram in triviis , deducam . Nil sine magno
 Vita labore dedit mortalibus. — Haec dum agit , ecce , 60
 Fuseus Aristius occurrit , mihi carus et illum
 Qui pulehre nosset . Consistimus . Unde venis ? et ,
 Quo tendis ? rogat et respondet . Vellere coepi ,
 Et prensare manu lentissima bracchia , nutans ,
 Distorquens oculos , ut me eriperet . Male salsus 65
 Ridens dissimulare . Meum iecur urecere bilis .
 Certe nescio quid secreto velle loqui te
 Aiebas mecum . Memini bene , sed meliore
 Tempore dieam ; hodie trieesima sabbata ; vin' tu
 Curtis Iudaeis oppedere ? — Nulla mihi , inquam , 70
 Relligio est . — At mi ; sum paulo infirmior , unus
 Multorum ; ignoscet , alias loquar . — Hunccine solem
 Tam nigrum surrexe mihi ! Fugit improbus ac me
 Sub eultro linquit . Casu venit obvius illi
 Adversarius , et , Quo tu turpissime ? magna 75
 Inclamat voce , et , Licet antestari ? Ego vero
 Oppono auriculam . Rapit in ius . Clamor utrinque ,
 Undique concursus . Sic me servavit Apollo .

— v. 60. *dum ait* Both. ex aliquot Codd. Sed Cf. Iahn. — v. 64.
pressare e pluribus Codd. Fea quem V. — v. 69. *vis tu* Benil.
 Sed Vid. Heind. — v. 76. *Inclamat* e meliorib s Codd. Bentl.
 quem V. Alii *exclamat* vel *Adclamat*. — v. 77. *Appono* e duo-
 bus Codd. Fea quem Cf. sequentibus Both. et Iahn.

SATIRA X.

Octo versus huic satirae praemissi et diversis formis typorum a reliquis distincti desiderabantur in Editionibus Horatii, ex quo Landinus eos in sua editione anni 1482 e textu in adnotationes relegaverat. Secuti sunt eum Aldus, Ascensius, Lambinus, Cruquius, Torrentius, Bentleius alii. Atque Lambinus quidem *Hos versus*, inquit, *si quis non videt non esse Horatianos, in his litteris parum videt*; provocans ad Mureti, Aurati, aliorum iudicium. Plures, ut Bentleius, ne mentionem quidem horum versuum secerunt. Gesnerus demum ex antiquissimis Editionibus denuo eos protraxit, quod et editores primi, etiam Lambinus et Torrentius eos in Codicibus reperissent et sibi ipsi si non ab Horatio tamen et ingenioso et antiquo poeta profecti esse viderentur. Genuinos esse peculiari scriptione demonstrare studuit lac. Fried. Heusingerus (*De versibus Horatianis, quibus eques importunus Luciliū defensor facete reprehenditur, causa parum manifesta ab Horatio abiudiçatis Wolfenb. 1759.*) rationibus partim ex iis ipsis partim extra petitis, quae tamen incredulis vix persuadeant. Nos certe quidem, cum statuit aut Horatium hos versus satirae iam prius publici iuris factae postea addidisse, postquam comperisset Catonem Grammaticum Lucilianas satiras emendare, aut Librarii negligētia in uno exemplo esse omissos, sententiae eius non magis quam aliorum hariolationibus accedere possumus. Ut ut hoc sit, id certe quidem facile patebit, totam horum versuum rationem et indolem neque cum verbis *Nempe incomposito* etc. apte coire, neque omnino cum subsequentे satira eos uno filo esse deductos. Qualis enim tandem haec est coniunctio et orationis progressus, ubi sic habet: *Quam meudosa, Lucili, tua carmina sint, probabo Cutone teste, qui versus tuos emendaturus est, et certe melius ille quidem quam iste Grammaticus, qui puer nonnisi loris et funibus ad antiquorum poetarum studium cogi poterat. Sed ut illuc redeam* (quo tandem?), *nempe hoc dixi, Luciliū versus incomposito pede currere* etc. Quo tandem hanc in exordio satirae aliorum hominum derisionem, ubi Horatius hoc egit, ut serio iudicium de Lucilio suum in Satira IV. prolatum tueretur? Nam graviter et serio se defendere incipit, cum dicit: *Nempe incompositio* etc. atque hoc serium dicendi genus ad vers. 18 usque, imo per totam satiram dominatur. Attamen hos versus, etsi a satira segregandos, orationis color antiquos esse ostendit, multum diversus ille quidem ab illis versibus Aeneidos exordio praepositis *Ille ego qui quondam* etc. His enim versibus continetur deriso aequalium, lenior Catonis, qui defensor Lucilii, carmina eius emendaturus, hoc ipso munere

veteris satirici vitia argueret; acerbior callosi Grammatici, quem non nisi verbera in ludo pueri inficta Grammaticum et veterum poetarum admiratorem effingere possent. Ut igitur hi versus ingenium non vile produnt, ita orationem prae se ferunt Horatio non indignam; atque Catonis mentio ut viventis, *qui emendare parat versus Luciliū* arguit, esse eos aetati poetae nostri assignandos. Nam, ut Georg. Fabricius iam observavit, procul dubio *Cato Valerius* Grammaticus significatur, qui apud Suetonium De Grammat. illustr. 11. nominatur *Latina Siren*, *qui solus legit ac facit poetas*; qui quidem per Sullam admodum iuvenis bonis exutus, auctore Suetonio ad summam senectutem pervenit, ut Horatii esset adhuc aequalis. Sed quae res adducere potuerit quemquam inter Horatii aequales, ut satirae, quae tam belle et apte incipit, hoc exordium assueret? Neque magis cogitare licet, Horatium ipsum satirae a se ad umbilicum deductae postea hunc pannum addidisse. Nobis utique hi versus a manu Horatii profecti esse videntur, destinati primum huius satirae exordio, sed postea reiecti, cum aliud sermonis initium placuisse; aut inventi post poetae obitum ut imperfectum cuiuscunque satirae eordium et ab aliquo ante hanc satiram collocati, cum qua commode coniungi posse viderentur. Neque tamen hoc fragmentum in omnia exempla assumebatur, cum neque in omnibus, qui nunc habentur, codicibus reperiatur, neque ullum eius scholion vetus extet. Ceterum haec satira X defensionem continet iudicii, quod Horatius satira huius libri quarta de Lucilio tulerat a nonnullis reprehensi (Vid. vers. 78--80.) Excipit igitur haec satira satiram quartam; sed quominus eidem subiungeremus impedivit nos satirarum ordo, qui ut omnino ab omnibus observatur, ita non temere institutus esse videtur. *Heindorf.*

*Lucili, quam sis mendosus, teste Catone
Defensore tuo pervincam, qui male factos
Emendare parat versus. Hoc lenius ille,
Quo melior vir adest; longe subtilior illo,
Qui multum puer est loris et funibus uidis
Exoratus, ut esset, opem qui ferre poëtis
Antiquis posset contra fastidia nostra,
Grammaticorum equitum doctissimus. Ut redeam illuc.*

X, v. 4. Ita Cod. Berolin. Vulg. *Est quo vir melior.* Both. coni. in Annotatt. *Quo melior vir et est longe subtilior isto.* — v. 6. Ita plures Codd. Berolin. et Feae. Vulg. *Exhortatus.* Cf. Heind. et Both. Annotatt. —

Nempe imcomposito dixi pede currere versus
 Lucili. Quis tam Lucili fautor inepte est,
 Ut non hoc fateatur? At idem, quod sale multo
 Urbem defricuit, charta landatur eadem.
 Nec tamen hoc tribuens dederim quoque cetera; nam
 sic 5

Et Laberî mimos ut pulchra poëmata mirer.
 Ergo non satis est risu diducere rictum
 Auditoris: (et est quaedam tamen hic quoque virtus:) 10
 Est brevitate opus, ut currat sententia, neu se
 Impediat verbis lassas onerantibus aures:
 Et sermone opus est modo tristi, saepe iocoso,
 Defendantे vicem modo rhetoris atque poëtae,
 Interdum urbani, parcentis viribus, atque
 Extenuantis eas consulto. Ridiculum acri
 Fortius et melius magnas plerumque secat res. 15
 Illi, scripta quibus Comoedia prisca viris est,
 Hoc stabant, hoc sunt imitandi; quos neque pulcher
 Hermogenes unquam legit, neque simius iste,
 Nil praeter Calvum et doctus cantare Catullum. —
 At magnum fecit, quod verbis Graeca Latinis 20
 Miscuit. — O seri studiorum! quine putetis
 Difficile et mirum, Rhodio quod Pitholeonti
 Contigit? — At sermo lingua concinnus ultraque
 Suavior, ut Chio nota si commixta Falerni est.
 Quum versus facias, te ipsum percontor, an et quum 25
 Dura tibi peragenda rei sit causa Petilli?
 Scilicet oblitus patriaeque patrisque, Latine
 Quum Pedius causas exsudet Publicola, atque
 Corvinus, patriis intermiscere petita
 Verba foris malis, Canusini more bilinguis? 30
 Atqui ego quum Gracos facerem, natus mare citra,

— v. 8. *haec quoque* Cod. Feae. — v. 21. *putatis* plures Codd.
 Vid. Bentl. et Both. Annotatt. — v. 27. *Latine* aliquot Lambin.
 idque tuentur Fea et Iahn. quos Vid. Plurimi Codd. *Latinī*. Pro
oblitus Bentl. ex coni. *oblitos*, probantibus Heind. et Both. quos
 Cf. — v. 31. *Atqui* Bentl. e Codd. Alii *atque* Cf. Heind.

Versiculos, vetuit tale me voce Quirinus,
 Post medianam noctem visus, quum somnia vera:
 In silvam non ligna feras insanius, ac si
 Magnas Graecorum malis implere catervas. 35

Turgidus Alpinus iugulat dum Memnona, dumque
 Defingit Rheni luteum caput: haec ego ludo,
 Quae neque in aede sonent certantia iudice Tarpa,
 Nec redeant iterum atque iterum spectanda theatris.

Arguta meretrice potes, Da quoque Chremeta 40
 Eludente senem, comis garrire libellos,
 Unus vivorum, Fundani: Pollio regum
 Facta canit pede ter percusso: forte epos acer,
 Ut nemo, Varius dicit: molle atque facetum
 Virgilio annuerunt gaudentes rure Camenae. 45

Hoc erat, experto frustra Varrone Atacino
 Atque quibusdam aliis, melius quod scribere possem,
 Inventore minor; neque ego illi detrahere ausim
 Haerentem capiti cum multa laude coronam.

At dixi fluere hunc lutulentum, saepe ferentem 50
 Plura quidem tollenda relinquendis. Age, quaeso,
 Tu nihil in magno doctus reprendis Homero?
 Nil comis, tragicci mutat Lucilius Atti?

Non ridet versus Enni gravitate minores?
 Quum de se loquitur, non ut maiore repressis? 55
 Quid vetat et nosmet Lucili scripta legentes
 Quaerere, num illius, num rerum dura negarit
 Versiculos natura magis factos et euntes
 Mollius, ac si quis pedibus quid elaudere senis,
 Hoc tantum contentus, amet scripsisse ducentos 60
 Ante cibum versus, totidem coenatus? Etrusci
 Quale fuit Cassi rapido ferventius amni
 Ingenium, capsis quem fama est esse librisque
 Ambustum propriis. Fuerit Lucilius, inquam,

— v. 37. Codd. varic: *defingit*, *disfigit*, *defigit*, *depingit*. Vid. Bentl. et Heind. — v. 49. *cum multa* Bentl. e Codd. et vett. Edd. quem Cf. Alii *multa cum*. Cf. Both. Annotatt.

- Comis et urbanus; fuerit limatior idem, 65
 Quam rudis et Graecis intaeti carminis auctor,
 Quamque poëtarum seniorum turba: sed ille,
 Si foret hoc nostrum fato delatus in aevum,
 Detereret sibi multa, recideret omne, quod ultra
 Perfectum traheretur, et in versu faciendo 70
 Saepe caput scaberet, vivos et roderet ungnes.
 Saepe stilum vertas, iterum quae digna legi sint,
 Scripturus; neque, te ut miretur turba, labores,
 Contentus paucis lectoribus. An tua demens
 Vilibus in ludis dictari carmina malis? 75
 Non ego; nam satis est equitem mihi plaudere, ut audax,
 Contemtis aliis, explosa Arbuscula dixit.
 Men' moveat eimex Pantilius? aut cruciet quod
 Vellicet absentem Demetrius? aut quod ineptus
 Fannius Hermogenis laedat conviá Tigellī? 80
 Plotius et Varius, Maecenas Virgiliusque,
 Valgius, et probet haec Oetavius optimus, atque
 Fuseus, et haec utinam Viscorum laudet uterque!
 Ambitione relegata, te dicere possum,
 Pollio, te, Messala, tuo cum fratre, simulque 85
 Vos, Bibule et Servi; simul his te, candide Furni,
 Compluresque alios, doctos ego quos et amicos
 Prudens praetereo, quibus haec, sunt qualiacunque,
 Airridere velim; doliturus, si placeant spe
 Deterius nostra. Demetri, teque, Tigelli, 90
 Discipularum inter iubeo plorare cathedras.
 I, puer, atque meo citus haec subscribe libello.

— v. 66. *Quam Rudius Graecis* etc. coni. Casaubon. De Rom. Sat. p. 255. Sed Cf. Heind. — v. 68. Alii Codd. *delatus, delapsus, dilapsus*. Cf. Heind. et Fea. — v. 78. *cruicier* Lambin. Bentleius orationem inde a verbis *Men' moveat*, continuat nullo interrogacionis signo iuterposito usque ad *Demetrius?* Cf. Heind. — v. 86. *Bibule* ex emendatione Nic. Heinsii. Codd. et Edd. vett. *Bibuli*. Cf. Heind. — v. 88. *sunt* ex antiquissimis Edd. Bentl. quem v. coll. Heind. Alii *sint*. — v. 91. *discipularum* Edd. aliquot vett. post Aldinam. Vid. Fea et Heind.

Q. HORATII FLACCI
S E R M O N U M.
LIBER SECUNDUS.

SATIRA I.

Carminum Horatii ordo et in singulos libros distributio poetam ipsum, ut a Bentleio in praefatione sua edocti sumus, auctorem habet. Horatius, ex Bentlei computatione, satiras aetatis anno 26 usque ad 28 a se conscriptas uno volumine collectas ediderat; nunc pluribus annis post, alterum hoc volumen publici iuris fecit anno aetatis 31 usque ad 33 confectum. Quam parum autem hae satirae separatim primum editae placuerint, quam aspera iam tum iudicia pars lectorum de poetae consilio et voluntate, alia pars de horum carminum pretio tulerit, satirae libri primi, 3, 4 et 10 satis clare ostendunt; neque integro volumine edito hominum favorem continuo sibi poeta conciliaverit. Hactenus non mirum nobis videbitur, hoc alterum satirarum volumen ab iterata satirici generis defensione incipere; at quam longe huius quidem defensionis ratio et stilus ab illis prioribus recedit! Poeta enim dum simplici et candido sermone uti videtur, per totam hanc satiram adversarios suos salsissime nobis deridendos propinat, ut non amplius hoc carminum genus serio et iustis argumentis defendere, sed potius hac data occasione de aliis quibusdam rebus huc pertinentibus cum lectoribus communicare eum voluisse appareat. Nam Horatius, cum in priore satirarum volumine poetam satis ingeniosum atque adeo praestantissimum se praebuisset, nonne exspectationem excitare de se debebat, fore, ut ipse, Maecenatis et Augusti familiaris, ingenium suum et artem ad huius principis gloriam celebrandam conferret, quod quidem omnes fere poetae hac aetate satagerent? Augustum certe quidem ipsum hoc exoptasse et Horatii de se silentium male accepisse *Suetonius* diserte narrat in

Vita Horatii, his verbis: *Scripta quidem eius usque adeo probavit mansuraque perpetuo opinatus est* (Augustus), *ut — post sermones quoque lectos nullam sui mentionem habitam ita sit questus: Irisci me tibi scito, quod non in plerisque eiusmodi scriptis mecum potissimum loquaris. An vereris ne apud posteros tibi infame sit, quod videris familiaris nobis esse?* In priore autem satirarum libro nusquam Augusti honorifica mentio iniicitur; semel tantum aliud agens poeta eum nominat III, 4: at contra in hac prima alterius libri satira bis egregia cum laude nomen eius carinice includitur: *vers.* 10 seqq. et *vers.* 84, tum subtili artificio et elegantissima orationis conversione *vers.* 62 seqq. Sat. V. huius libri. Quapropter Augusti querela nullam sui mentionem a poeta factam nonnisi priorem Satirarum librum tangere potest. Iam prior huius primae libri secundi Satirae pars ad hanc ipsam de se exspectationem pertinet *vers.* 10—20. Aliud quiddam eorum, quae poeta in hoc sermone quasi aliud agens attingit, significatur *vers.* 60. Trebatii verbis: *O puer ut sis Vitalis metuo, et maiorum ne quis amicus Frigore te feriat.* Poeta enim non satis securus et verens, ne hoc satiricum genus sensim sensimque etiam potentioribus suis amicis molestiam creet et moveat stomachum, consulto ibi heroes illos Scipiones, Laelios commemorat Lucilio, familiari suo, non succentes quamvis mordaci libertate principes in civitate viros et omnino omnes cives notaret. In fine Satirae adversariorum praeoccupat consilia, qui, ut videtur, vel in ius poetam se vocaturos esse minati erant, atque ad Augusti de his Satiris iudicium provocans impetum eorum contundit. Neque minus haec Satira in alterius libri limine posita ut orationis stilo ita toto genere et conformatione a praecedentibus differt. Est enim genus dramaticum: colloquuntur inter se Horatius et senex iuris consultus C. Trebatius Testa, Ciceronis familiaris, ad quem Topica scripsit, ex eiusque litteris ad familiares (Lib. VII.) satis notus. Cicero Trebatium his verbis Iulio Caesari, Galliae Proconsuli, commendaverat (Epp. VII, 5.): *de quo tibi homine hoc spondeo — more Romano — probiorem hominem, meliorem virum, prudentiorem esse neminem. Accedit etiam, quod familiam dicit in iure civili, singularis memoria, summa scientia;* quo factum est, ut Caesar eum in amicorum cohortem reciperet. Orto bello civili partes Pompeii cum Cicerone secutus, postea veniam impetravit ab Augusto et totum se iurisprudentiae studio dedit, nisi quod 706 U. C. Tribunus plebis fuit. Augustus eum de iure consulere solebat, eiusque auditor fuit magnus ille Iuris consultus Q. Antistius Labeo. Vid. N. H. Gundlingii *Dissertatio C. Trebatius Testa Ictus ab iniuriis veterum et recentiorum liberatus.* Hal, 1710. et Menag. *Amoenitatt. Iur. Civ. cap. 14.* Magnam ej

cum Horatio intercessisse familiaritatem, ex hoc colloquio satis
apparet, in quo senex Iuris consultus iuniori amico benevole, sed
breviter et praecisis verbis, ut de iure respondens, consilium dat.
Heindorf.

Horatius.

Sunt quibus in Satira videor nimis acer, et ultra
Legem tendere opus; sine nervis altera, quidquid
Composui, pars esse putat, similesque meorum
Mille die versus deduci posse. Trebatii,
Quid faciam, praescribe.

Trebatus.

Quiescas.

Horatius.

Ne faciam, inquis, 5

Omnino versus?

Trebatus.

Aio.

Horatius.

Peream male, si non
Optimum erat; verum nequeo dormire.

Trebatus.

Ter uncti

Transnanto Tiberim, somno quibus est opus alto,
Irriguumque mero sub noctem corpus habento.
Aut si tantus amor scribendi te rapit, aude
Caesaris invicti res dicere, multa laborum
Praemia laturus.

Horatius.

Cupidum, pater optime, vires
Deficiunt; neque enim quivis horrentia pilis

I, v. 1. Codd. plurimi *videor*; haud pauci *videar*. Vid. Bentl.
et Heind. — v. 2. *intendere opus* Codd. aliquot, Vid. Fea et Heind.
— v. 10. *te capit* Bentl. ex uno Cod. Cf. Heind.

Agmina, nec fracta pereuntes euspide Gallos,
Aut labentis equo describit vulnera Parthi.

15

Trebatus.

Attamen et iustum poteras et scribere fortem,
Scipiadam ut sapiens Lucilius.

Horatius.

Haud mihi deero,
Quum res ipsa feret: nisi dextro tempore Flacci
Verba per attentam non ibunt Caesaris aurem;
Cui male si palpere, recalcitrat undique tutus.

20

Trebatus.

Quanto rectius hoc, quam tristi laedere versu
Pantolabum seurram Nomentanumque nepotem!
Quum sibi quisque timet, quamquam est intactus, et
odit.

Horatius.

Quid faciam? Saltat Milonius, ut semel icto
Accessit fervor capiti numerusque lucernis.
Castor gaudet equis; ovo prognattis eodem,
Pugnis; quot capitum vivunt, totidem studiorum
Millia: me pedibus delectat elaudere verba,
Lucili ritu, nostrum melioris utroque.

25

Ille velut fidis arcana sodalibus olim
Credebat libris; neque, si male cesserat, usquam
Decurrens alio; neque si bene: quo fit, ut omnis
Votiva pateat veluti descripta tabella
Vita senis. Sequor hunc, Lucanus an Appulus, anceps:
Nam Venusinus arat finem sub utrumque, colonus

30

35

— v. 15. *describat* pleraeque Edd. vett. et plures Codd. Reliqui Codd. aut *describet* aut *describit*. Vid. Bentl. et Fea. — v. 20. *re-
calcitret* Bentl. e Codd. Cf. Heind. — v. 24. *ut simul* Fea ex Cod.
Cf. Both. Annotatt. — v. 31. *cesserat* Codd. aliquot Feae; *gesse-
rat* longe plurimi Codd. et pleraeque ante Lambin. Edd. Cf. Bentl.
et Heindorf. — *umquam* cum Fea scripsimus e pluribus Codd. et
vett. Edd. Alii *usquam*. Cf. Fea.

Missus ad hoc , pulsis , vetus est ut fama , Sabellis ,
 Quo ne per vacuum Romano incurreret hostis ,
 Sive quod Appula gens , seu quod Lucania bellum
 Incuteret violenta . Sed hic stilus haud petet ultro
 Quemquam animantem ; et me veluti custodict ensis 40
 Vagina tectus , quem cur destringere coner ,
 Tutus ab infestis latronibus ? O pater et rex
 Iupiter , ut pereat positum robigine telum ,
 Nec quisquam noceat cupido mihi pacis ! at ille ,
 Qui me commorit , (melius non tangere , clam) 45
 Flebit , et insignis tota cantabitur urbe .
 Cervius iratus leges minitatur et urnam :
 Canidia Albuti , quibus est imimica , venenum :
 Grande malum Turius , si quid se iudice certes .
 Ut , quo quisque valet , suspectos terreat , utque 50
 Imperet hoc natura potens , sic collige mecum :
 Dente lupus , cornu taurus petit ; unde , nisi intus
 Monstratum ? Scaevae vivacem crede nepoti
 Matrem : nil faciet sceleris pia dextera ; — mirum ,
 Ut neque calce lupus quemquam , neque dente petit
 bos ; — 55
 Sed mala tollet anum vitiato melle cicuta .
 Ne longum faciam , seu me tranquilla senectus
 Exspectat , seu mors atris circumvolat alis ,
 Dives , inops , Romae , seu fors ita iusserit , exsul ,
 Quisquis erit vitae , scribam , color .

Trebatus.

O puer , ut sis 60

Vitalis , metuo , et maiorum ne quis amicus
 Frigore te feriat .

— v. 37. *qua ne* aliquot Codd. Lambin. Cf. Bentl. — v. 41. *dis-*
tringere Edd. aliquot , quas Heindorf. sequitur , quem Vid. collat.
 Doering. — v. 45. *commordit* unus Cod. apud Bentleium , quem
 Cf. — v. 55. *petat* Codd. aliquot apud Bentl. qui coni. *mirum ni-*
aut si. De interpunctione loci Cf. Iahn. — v. 58: *ita luserit* Fea
 & pluribus Codd.

Horatius.

Quid? quum est Lucilius ausus
 Primus in hunc operis componere carmina morem,
 Detrahere et pellem, nitidus qua quisque per ora
 Cederet, introrsum turpis; num Laelius, et qui 65
 Duxit ab oppressa meritum Carthagine nomen,
 Ingenio offensi? aut laeso doluere Metello,
 Famosisque Lupo cooperto versibus? Atqui
 Primores populi arripuit, populumque tributum;
 Scilicet uni aequus virtuti atque eius amicis. 70
 Quin ubi se a vulgo et scena in secreta remorant
 Virtus Scipiadae et mitis sapientia Laeli,
 Nugari cum illo et discincti ludere, donec
 Decoqueretur olus, soliti. Quidquid sum ego, quamvis
 Infra Lucili censum ingeniumque, tamen me 75
 Cum magnis vixisse invita fatebitur usque
 Invidia, et fragili quaerens illidere dentem
 Offendet solidō; nisi quid tu, docte Trebatī,
 Dissentis.

Trebatus.

Equidem nihil hic diffingere possum,
 Sed tamen ut monitus caveas, ne forte negoti 80
 Incutiat tibi quid sanctarum inscitia legum:
 Si mala condiderit in quem quis carmina, ius est
 Iudiciumque.

Horatius.

Esto, si quis mala; sed bona si quis
 Indice condiderit laudatus Caesare? si quis
 Opprobriis dignum laceraverit, integer ipse? 85

— v. 64. *ora in-cederet* Coll. Sax. Cf. Bentl. — v. 65. *et qui*
 Bentl. e Codd. et vetustis Edd. Olim vulgo: *aut qui*. Cf. Bentl. —
 v. 69. *tributum* Lambin. e Codd. Cf. Heind. — v. 79. Magna
 hoc loco Codd. et Edd. veterum varietas; habent enim primum
hic vel hinc, deinde *diffundere*, *diffidere*, *desingere*, *desindere*,
diffingere, *diffigere*, *defringere*. Vid. Bentl. Heind. Fea. — v. 85.
laceraverit Bentl. quem Vid. e Codd. Lambin. Vulgo *latraverit*.
 Cf. Bentl. Fea, Both. Annotatt.

Trebatius.

Solventur risu tabulae; tu missus abibis.

SATIRA II.

Tenuis et simplex victus, quo veteres illi Romani heroes inde ab urbe condita per quinque secula usi erant, poetae nostri aetate in his corruptis civium suorum moribus plane evanuerat. *Potentiae Romanorum*, Velleio auctore II, 1, prior *Scipio* viam aperuerat, *luxuriae posterior* aperuit; quippe remoto *Carthaginis metu* sublataque *imperii aemula*, non gradu, sed praecipi cursu a virtute descitum, ad vitia transcursum; *vetus disciplina* deserta, *nova inducta*; in somnum a vigiliis, ab armis ad voluptates, a negotiis in otium conversa civitas. Carthaginis excidium, Graecia voluptatum omnis generis magistra et Asia opulentissima subactae, orientis gazae Romanis deportatae incredibilem luxuriam et mollietatem apud Romanos pepererant. Sed ut plerumque contrariis vitiis genus humanum ab utraque parte simul urgeri solet, ita in hac communi fere prodigentia non desuerunt, qui nimiam parsimoniam atque adeo sordidam avaritiam consectarentur. Nulla res magis poetae, seculi vitia emendaturo, cordi esse debuit, quam haec ipsa labes. Sed cum Maecenatis et talium virorum convictorem parum deceret, censoria severitate in hoc genere uti, sub Ofelli, rustici cuiusdam, persona praecepta tradit, qui nullius philosophi doctrinae addictus, perversis aetatis suac hominibus veterem illam abstinentiam et frugalitatem liberrimo gravissimoque sermone commendat, quam ipse optimam expertus erat ad beate vivendum et vel totius rei familiaris iacturam aequo animo ferendam. Per totam igitur hanc Satiram Ofellus, loquens inducit, vir simplex et candidus; sed Ofellum dum audimus, poetae ipsius animum et sententiam cognoscimus. *Heindorf.*

Quae virtus, et quanta, boni, sit vivere parvo,
(Nec meus hic sermo est, sed quem praecepit Ofellus
Rusticus, abnormis sapiens, crassaque Minerva)

II, v. 1. *bonis* Codd. aliquot et ve Edd. Cf. Heind, Fea. et Both. Annotatt. — v. 2. *quae pro quem* Bentl. e Codd. Cf. Heind. — v. 3. *abnormi* plures Codd. Cf. Bentl.

Discite, non inter lances mensasque nitentes,
 Quum stupet insanis acies fulgoribus, et quum 5
 Acclinis falsis animus meliora recusat;
 Verum hic impransi mecum disquirite. — Cur hoc? —
 Dicam, si potero. Male verum examinat omnis
 Corruptus index. Leporem sectatus, equove
 Lassus ab indomito, vel, si Romana fatigat 10
 Militia assuetum graecari, seu pila velox,
 Molliter austерum studio fallente labore,
 Seu te discus agit; (pete cedentem aëra disco:)
 Quum labor extuderit fastidia, siccus, inanis
 Sperne cibum vilem; nisi Hymettia mella Falerno 15
 Ne biberis diluta. Foris est promus, et atrum
 Defendens pisces hiemat mare; cum sale panis
 Latrantem stomachum bene leniet. Unde putas? aut
 Qui partum? Non in caro nidore voluptas
 Summa, sed in te ipso est. Tu pulmentaria quaere 20
 Sudando: pinguem vitiis albumque neque ostrea
 Nec scarus aut poterit peregrina iuvare lagois.
 Vix tamen eripiam, posito pavone, velis quin
 Hoc potius, quam gallina, tergere palatum,
 Corruptus vanis rerum, quia veneat auro 25
 Rara avis et picta pandat spectacula cauda;
 Tanquam ad rem attineat quidquam. Num vesceris ista,
 Quam laudas, pluma? cocto num adest honor idem?
 Carne tamen quamvis distat nihil hac magis illa,
 Imparibus formis deceptum te patet: esto. 30
 Unde datum sentis, lupus hic Tiberinus an alto
 Captus hiet? pontesne inter iactatus an annis
 Ostia sub Tusci? laudas insane trilibrem
 Nullum, in singula quem minuas pulmenta necessc est.

— v. 14. *labor extulerit* plures Codd. *expulerit* Bentl. ex uno
 Cod. Cf. Heind. Fea, Iahn. — v. 29. *nihil hac avis illa coni.*
 Heind. *haec magis illa* Fea. Cf. Bentl. Heind. et in primis Both.
 Annotatt. cum Iahn.

Dicit te species, video: quo pertinet ergo 35
 Proceros odisse lupos? quia scilicet illis
 Maiores natura modum dedit, his breve pondus:
 Ieiunus raro stomachus vulgaria temnit.
 Porrectum magno magnum spectare catino
 Velle, ait Harpyiis gula digna rapacibus: at vos 40
 Praesentes Austri coquite horum opsonia. Quamquam
 Putet aper rhombusque recens, mala copia quando
 Aegrum sollicitat stomachum, quum rapula plenus
 Atque acidus mavult inulas. Necdum omnis abacta
 Pauperies epulis regum: nam vilibus ovis 45
 Nigrisque est oleis hodie locus. Haud ita pridem
 Galloni paeconis erat acipensere mensa
 Infamis: quid? tum rhombos minus aequora alebant?
 Tutus erat rhombus, tutoque ciconia nido,
 Donec vos auctor docuit praetorius. Ergo 50
 Si quis nunc mergos suaves edixerit assos,
 Parebit pravi docilis Romana iuventus.
 Sordidus a tenui vietu distabit, Ofello
 Iudice; nam frustra vitium vitaveris illud,
 Si te alio pravus detorseris. Avidenus, 55
 Cui Canis ex vero dictum cognomen adhaeret,
 Quinquennes oleas est et silvestria corna,
 Ac nisi mutatum pareat defundere vinum, et
 Cuius odorem olei nequeas perferre, (licebit
 Ille repotia, natales, aliosve dierum 60
 Festos albatus celebret) cornu ipse bilibri
 Caulibus instillat, veteris non parcus acetii.

— v. 38. Bentleius hunc versum pro spurio habuit ad A. P.
 v. 337. rari pro raro ex Acrone Heind. Cf. Doering, et Iahn. —
 v. 40. Velle ait pro Velle coni. Heind. Cf. Both. Annotatt. —
 v. 41. Pleraque olim Codd. quamvis pro quamquam Cf. Heind. —
 v. 53. distabat Codd. aliquot. Vid. Bentl. — v. 55. pravus e Codd.
 Bentl. quem Vid. Vulg. pravum. — v. 56. ductum plures Codd.
 et vett. Edd. Vid. Bentl. Heind. et Fea. — v. 58. diffundere Codd.
 aliquot et vett. Edd. Cf. Heind. — v. 62. targus pro parcus Codd.
 Feae et Ed. princ. Cf. Heind.

Quali igitur victu sapiens utetur? et horum
 Utrum imitabitur? Hac urget lupus, hac canis, aiunt.
 Mundus erit, qui non offendat sordibus, atque 65
 In neutram partem cultus miser. Hic neque servis,
 Albuci senis exemplo, dum munia didit,
 Saevus erit; neque sic ut simplex Naevius unctam
 Convivis praebebit aquam; vitium hoc quoque magnum.
 Accipe nunc, vicius tenuis quae quantaque secum 70
 Afferat. In primis valeas bene: nam variae res
 Ut noceant homini, eridas, memor illius escae,
 Quae simplex olim tibi sederit. At simul assis
 Miscueris elixa, simul conchylia turdis:
 Dulcia se in bilem vertent, stomachoque tumultum 75
 Lenta feret pituita. Vides, ut pallidus omnis
 Coena desurgat dubia? Quin corpus onustum
 Hesternis vitiis animum quoque praegravat una,
 Atque affigit humo divinae particulam aureae.
 Alter, ubi dicto citius curata sopori 80
 Membra dedit, vegetus praescripta ad munia surgit,
 Hic tamen ad melius poterit transcurrere quondam,
 Sive diem festum rediens advexerit annus,
 Seu recreare volet tenuatum corpus, ubi
 Accedent anni, et tractari mollius aetas 85
 Imbecilla volet. Tibi quidnam accedet ad istam,
 Quam puer et validus praesumis, mollitem, seu
 Dura valetudo inciderit seu tarda senectus?
 Rancidum aprum antiqui laudabant, non quia nasus
 Illis nullus erat, sed, credo, hac mente, quod hospes 90
 Tardius adveniens vitiatum cominodius, quam
 Integrum edax dominus consumeret. Hos utinam inter
 Heroas natum tellus me prima tulisset!

— v. 64. *angit* plurimi Codd. et Edd. ante Lambinum, qui primus e Codd. dedit *aiunt*. Cf. Heind. et Fea. — v. 65. *qua non offendat* Bentl. e Codd. Sed Vid. Heind. — v. 77. *desurgit* Collat. Sax. — v. 79. *affigit* Plures Codd. Lambin. et Feae. Practulit Bentl. quem Vid. coll. Heind. et Fea. — v. 84. *ubive* Bentl. ex coni. Cf. Heind. et Iahn.

Das aliquid famae, quae carmine gratiō aurem
 Occupat humanam? grandes rhombi patinaeque 95
 Grande ferunt una cum damno dedecus. Adde
 Iratum patruum, vicinos, te tibi iniquum,
 Et frustra mortis cupidum, quum deerit egenti
 As, laquei pretium. Iure, inquit, Trausius istis
 Iurgatur verbis; ego veetigalia magna 100
 Divitiasque habeo tribus amplas regibus. Ergo,
 Quod superat, non est melius quo insumere possis?
 Cur eget indignus quisquam, te divite? quare
 Templa ruunt antiqua Deum? cur, improbe, earae
 Non aliquid patriae tanto emetiris acervo? 105
 Uni nimirū tibi recte semper erunt res.
O magnus posthae inimicis risus! Uterne
 Ad casus dubios fidet sibi certius? hic, qui
 Pluribus assuerit mentem corpusque superbū,
 An qui, contentus parvo metuensque futuri 110
 In pace, ut sapiens, aptarit idonea bello?
 Quo magis his credas; puer hunc ego parvus Ofellum
 Integris opibus novi non latius usum,
 Quam nunc accisis. Videas metato in agello
 Cum pecore et gnatis fortem mercede colonum, 115
 Non ego, narrantem, temere edi luce profesta
 Quidquam praeter olis, fumosae cum pede perpae;
 Ac mihi seu longum post tempus venerat hospes,
 Sive operum vacuo gratus conviva per imbrem
 Vicinus, bene erat, non piscibus urbe petitis, 120
 Sed pullo atque haedo: tum pensilis uva secundas
 Et nux ornabat mensas, cum duplice fici.
 Post hoc ludus erat, culpa potare magistra;

— v. 95. *occupet* plures Codd. eosque sequitur Heind. quem Vid. coll. Bentl. et Both. Annotatt. — v. 99. *aes plurimi* Codd. et vett. Edd. Vid. Bentl. et Fea. — v. 99. *inquit* Bentl. e Codd. quem Vid. coll. Heindorf. et Both. quibus aliorum Codd. lectio *inquis* praeplaceat. — v. 106. *rectae* Codd. aliquot Lambin. et, ut videtur, omnes Feac. — *eunt* Bentl. ex coni. Nic. Heinsii. Sed Cf. Heind. — v. 123. *cuppa* Lambin. *cupa* Bentl. uterque ex coni. Sed Vid.

Ac venerata Ceres, ita culmo surgeret alto,
 Explicuit vino contractae seria frontis. 125
 Saeviat atque novos moveat fortuna tumultus;
 Quantum hinc imminuet? quanto aut ego parcus, aut
 vos,
 O pueri, nituistis, ut huc novus incola venit?
 Nam proprie telluris herum natura neque illum,
 Nec me, nec quemquam statuit: nos expulit ille; 130
 Illum aut nequities aut vafri inscitia iuris,
 Postremum expellet certe vivacior heres.
 Nunc ager Umbreni sub nomine, nuper Ofelli
 Dictus erat, nulli proprius, sed cedet in usum
 Nunc mihi, nunc alii. Quocirca vivite fortes, 135
 Fortiaque adversis opponite pectora rebus.

SATIRA III.

Aedilitatis Agrippae cum mentio in hac Satira (v. 185.) fiat, inde sequitur eam non ante annum 721 U. C. quo Agrippa hoc munus gessit, id est, ante annum aetatis 33. poetae nostri esse conscriptam. Quodsi igitur prioris Satirarum libri confectione annis 715—717 U. C. assignanda est, Horatius post hoc tempus, quo illum librum edidit, per tres, quatuor annos paucas tantummodo Satiras, fortasse nullam nisi primam et secundam huius libri publici iuris fecit. Eo pertinet, quod sibi ineunte hoc Satira desidiam ipse obiicit, quae quidem desidia ingenium et conditionem poetae introspectivebus non tam mira videbitur. Cum enim iam a teneris annis hoc in votis haberet, ut sibi vivere posset, nec unquam inani carminum pangendorum pruritu laboraret, nunc tandem opes et praesidia vitae ita instituendae Maecenatis liberalitate nactus erat: nam in hac primum Satira villae Sabinæ a Maecenate sibi donatae mentionem facit. Cf. Sat. II, 6. et quod etsi per iocum de se narrat Epist. II, 2, 49—54. Utrum id quod vers. 14 huius Satiræ dicatur serio accipiendum sit, et adversarii hanc desidiam poetae in medio quasi curriculo cessanti vere criminis dederint, an amice fortasse eum hoc nomine familiares carp-

Heind. — v. 124. *ut culmo surgeret multae* Edd. Sed Cf. Bentl.
 et Heind. — v. 129. *proprie* e Codd. Fea. Vulg. *propriae* Cf. Iahn.

serint, haec omnia hariolationibus quidem, quibus Wielandii introductiones abundant, locum dare, neque vero ullis certioribus rationibus diiudicari possunt. Post longiorem igitur intercapelinem hic sermo a poeta nostro editus est, qui cum Epistolis libri secundi multo post et alio orationis genere conscriptis, inter longissima eademque perfectissima eius carmina numerandus est. Etiam huius Satirae ut plurimam secundi libri genus est dramaticum. Colloquium enim continet poetacum Dainasippo, maxime ridiculo eius aetatis homine, qui cum per mercatum rem familiarem consumisset, nihil iam aliud ageret, quam ut Stoica barba et pallio superbiens circumforaneus philosophus ubique sectae suae formulas, a Stertinio importuno aretalago sibi traditas, decantaret. Hunc igitur Damasippum inducit poeta in villam suam Sabinam irruentem et acerbissima sua vel potius Stertinii oratione totum genus humanum, Stoicis sapientibus exceptis, stultitiae atque adeo ex Stoicae philosophiae rationibus, insaniae arguentem. Quam callide poeta hoc commento usus sit, quam salse Stoicus personatus Stoicos ipsos, tum etiam cives suos, denique se ipsum derideat, quam mirifico artificio sapientiae ludibrium et seria ludo miscuerit, haec omnia lectori intelligenti sua sponte perspicienda relinquere, quam disputatione nostra praeoccupare maluimus. *Heindorf.*

Damasippus.

Sic raro scribis, ut toto non quater anno
Membranam poseas, scriptorum quaeque retexens,
Iratuſ tibi, quod vini ſomniq[ue] benignus
Nil dignum ſermone canas. Quid fiet? At ipſis 5
Saturnalibus hue fugiſti. Sobriuſ ergo
Dic aliquid dignum promiſſi: incipe.. Nil eſt.
Culpantur fruſtra calami, immeritusque laborat
Iratiſ natus paries Dis atque poētiſ.
Atqui vultuſ erat multa et praeclara minantiſ,
Si vacuum tepido cepiſſet villula tecto. 10
Quorū pertinuit ſtipare Platona Menandro?

III, v. 1. Bentl. e Codd. *Si raro scribis, ut canas: quid fiet?* Cf. Heind. *Sic raro scribes* Both. e Codd. metri causa. Sed Vid. Lahn. — v. 4. *ab ipſis* fere Codd. *quod tuentur* Fea et Lahn. *at ipſis* Bentl. e Codd. aliquot et Edd. vett.

Eupolin, Archilochum, comites educere tantos?
 Invidiam placare paras, virtute reicta?
 Contemnere miser. Vitanda est improba Siren
 Desidia; aut quidquid vita meliore parasti,
 Ponendum aequo animo. 15

Horatius.

Dì te, Damasippe, Deaque
 Verum ob consilium donent tonsore. Sed unde
 Tam bene me nosti?

Damasippus.

Postquam omnis res mea Ianum
 Ad medium fracta est, aliena negotia curo,
 Excussus propriis. Olim nam quaerere amabam, 20
 Quo vafer ille pedes lavisset Sisyphus aere,
 Quid sculptum infabre, quid fusum durius esset:
 Callidus huic signo ponebam millia centum:
 Hortos egregiasque domos mercarier unus
 Cum lucro noram; unde frequentia Mercuriale 25
 Imposuere mihi cognomen compita.

Horatius.

Novi,

Et miror morbi purgatum te illius.

Damasippus.

Atqui

Emovit veterem mire novus, ut solet, in cor
 Traiecto lateris miseri capitise dolore,
 Ut lethargicus hic, quum fit pugil, et medicum urget. 30

Horatius.

Dum ne quid simile huic, esto ut libet.

Damasippus.

O bone, ne te

Frustrere; insanis et tu stultique prope omnes, -

— v. 22. *sculptum* plures Codd. et Edd. Vid. Heind. — v. 25. *Mercuriali* coni. Cuning. Sed Cf. Heind. et Iahn. — v. 29. *capitisve* Bentl. e Codd. et vett. Edd. quem Cf. Olim *vulg.* *capitisque*.

Si quid Stertinus veri crepat; unde ego mira
 Descripsi docilis praecepta haec, tempore quo me
 Solatus iussit sapientem pascere barbam, 35
 Atque a Fabricio non tristem ponte reverti.
 Nam male re gesta quum vellem mittere opero
 Me capite in flumen, dexter stetit, et Cave faxis
 Te quidquam indignum: pudor, inquit, te malus angit,
 Insanos qui inter vercare insanus haberi. 40
 Primum nam inquiram, quid sit furere: hoc si erit in te
 Solo, nil verbi, pereas quin fortiter, addam.
 Quem mala stultitia, et quemcunque inscitia veri
 Caecum agit, insanum Chrysippi porticus et grex
 Autumat. Haec populos, haec magnos formula reges, 45
 Excepto sapiente, tenet. Nunc accipe, quare
 Desipiant omnes aequa ac tu, qui tibi nomen
 Insano posuere. Velut silvis, ubi passim
 Palantes error certo de tramite pellit,
 Ille sinistrorum, hic dextrorum abit; unus utrisque 50
 Error, sed variis illudit partibus: hoc te
 Crede modo insanum; nihil ut sapientior ille,
 Qui te deridet, caudam trahat. Est genus unum
 Stultitiae nihilum metuenda timentis, ut ignes,
 Ut rupes, fluviosque in campo obstare queratur: 55
 Alterum et huic varum et nihilo sapientius, ignes
 Per medios fluviosque ruentis; clamet amica
 Mater, honesta soror, cum cognatis pater, uxor;
 Hic fossa est ingens, hic rupes maxima, serva!
 Non magis audierit, quam Fufius ebrius olim, 60
 Quum Ilionam edormit, Catenis mille ducentis,
 Mater, te appello, clamantibus. Huic ego vulgus
 Errori similem cunctum insanire docebo.
 Insanit veteres statuas Damasippus emendo:
 Integer est mentis Damasippi creditor? esto. 65

— v. 48. *insani* Codd. aliquot Lamb. alii. — v. 56. *varium* plures Edd. etiam Bentl. Vid. Heind. — v. 60. *Fufius* Bentl. e Codd. revocavit; olim pleraque Edd. *Fafius* Cf. Bentl.

Accipe quod nunquam reddas mihi, si tibi dicam,
 Tunc insanus eris, si acceperis, an magis excors,
 Reiecta praeda, quam praesens Mercurius fert?
 Scribe decem a Nerio: non est satis; adde Cicutae
 Nodosi tabulas centum; mille adde catenas: 70
 Effugiet tamen haec sceleratus vincula Proteus
 Quum rapies in ius malis ridentem alienis,
 Fiet aper, modo avis, modo saxum, et, quum volet,
 arbor.

Si male rem gerere insani, contra bene sani est,
 Putidius multo cerebrum est mihi crede, Perillî 75
 Dictantis, quod tu nunquam rescribere possis.
 Audire atque togam iubeo componere, quisquis
 Ambitione mala aut argenti pallet amore;
 Quisquis luxuria tristique superstitione,
 Aut alio mentis morbo calet; huc propius me, 80
 Dum doceo insanire omnes vos, ordine adite.
 Danda est ellebore multo pars maxima avaris:
 Nescio an Anticyram ratio illis destinet omnem.
 Heredes Staberî summam incidere sepulcro;
 Ni sic fecissent, gladiotorum dare centum 85
 Damnati populo paria, atque epulum arbitrio Arri,
 Frumenti quantum metit Africa. Sive ego prave
 Seu recte hoc volui, ne sis patruus mihi. Credo,
 Hoc Staberî prudentem animum vidiisse. Quid ergo
 Sensit, quum summam patrimonî insculpere saxo 90
 Heredes voluit? Quoad vixit, ereditus ingens
 Pauperiem vitium, et cavit nihil aerius; ut si
 Forte minus locuples uno quadrante perisset,
 Ipse videretur sibi nequior. Omnis enim res,
 Virtus, fama, decus, divina humanaque pulchris 95
 Divitiis parent, quas qui construxerit, ille

— v. 72. *in iura malis* Codd. Torrent. Vid. Heind. — v. 89.
iussisse pro vidiisse Lambin. Sed Cf. Both. Annotatt. — v. 93. *per-*
iret plurimae Edd. Sed Vid. Bentl. — v. 96. *qui contraxerit*
multi Codd. Cf. Bentl.

Clarus erit, fortis, iustus. Sapiensne? Etiam; et rex,
 Et quidquid volet. Hoc, veluti virtute paratum,
 Speravit magnae laudi fore. Quid simile isti
 Graecus Aristippus, qui servos proiicere aurum 100
 In media iussit Libya, quia tardius irent
 Propter onus segnes? Uter est insanior horum?
 Nil agit exemplum, item quod lite resolvit.
 Si quis emat citharas, emtas comportet in unum,
 Nec studio citharae nec Musae deditus ulli; 105
 Si scalpra et formas non sutor; nautica vela
 Ayversus mercaturis: delirus et amens
 Undique dicatur merito. Qui discrepat istis,
 Qui nummos aurumque recondit, nescius uti
 Compositis, metuensque velut contingere sacrum? 110
 Si quis ad ingentem frumenti semper accervum
 Porrectus vigilet cum longo fuste, neque illinc
 Audeat esuriens dominus contingere granum,
 Ac potius foliis parcus vescatur amaris;
 Si positis intus Chii veterisque Falerni 115
 Mille cadis, nihil est, tercentum millibus, acre
 Potet acetum; age, si et stramentis incubet unde
 Octoginta annos natus, cui stragula vestis,
 Blattarum ac tinearum epulac, putrescat in arca:
 Nimirum insanus paucis videatur, eo quod 120
 Maxima pars hominum morbo iactatur eodem.
 Filius aut etiam haec libertus ut ebibat heres,
 Dis inimice senex, custodis? Ne tibi desit?
 Quantulum enim summae curtabit quisque dierum,
 Ungere si caules oleo meliore, caputque 125
 Cooperis impexa foedum porrigine? Quare,
 Si quidvis satis est, periuras, surripis, aufers
 Undique? tun' sanus? Populum si caedere saxis
 Incipias servosque tuos, quos aere pararis,

— v. 127. *Si quodvis unus* Codd. Bentl. quem Cf. — v. 129. *tuo*
 Bentl. ex coni. Ian. Fabri Codicibus Feae firmata Cf. Both. Vulg.
tuos Cf. Heind.

Insanum te omnes pueri clamentque puellae: 130
 Quum laqueo uxorem interimis, matremque veneno,
 Incolnmi capite es? Quid enim? Neque tu hoc facis
 Argis,

Nec ferro ut demens genitricem occidis Orestes.
 An tu reris cum occisa insanisse parente,
 Ac non ante malis dementem actum Furiis, quam 135
 In matris iugulo ferrum tepefecit acutum?
 Quin ex quo habitus male tutae mentis Orestes,
 Nil sane fecit, quod tu reprendere possis:
 Non Pyladen ferro violare aususve sororem est
 Electram: tantum maledicit utrique, vocando 140
 Hanc Furiam, hunc aliud, iussit quod splendida bilis.
 Pauper Opimius argenti positi intus et auri,
 Qui Veientanum festis potare diebus
 Campana solitus trulla, vappamque profestis,
 Quondam lethargo grandi est oppressus, ut heres 145
 Iam circum loculos et claves laetus ovansque
 Curreret. Hunc medicus multum celer atque fidelis'
 Excitat hoc pacto: mensam poni iubet, atque
 Effundi saccos nummorum, accedere plures
 Ad numerandum: hominem sic erigit; addit et
 illud: 150

Ni tua custodis, avidus iam haec auferet heres. —
 Men' vivo? — Ut vivas igitur, vigila: hoc age. — Quid
 vis? —

Deficient inopem venae te, ni cibus atque
 Ingens accedit stomacho fultura ruenti.
 Tu cessas? agedum, sume hoc ptisanarium oryzae. — 155
 Quanti emtae? — Parvo. — Quanti ergo? — Octussi-
 bus. — Eheu!
 Quid refert, morbo an furtis pereamque rapinis?

— v. 154. *accedit* Bentl. e Codd. Vulg. *accedat* Cf. Heind. et Both.
 Annotatt. — v. 157. Plurimi libri *pereamque*, multi *pereamve*,
 pauci *pereamne*. Bentl. *pereamve*. Sed Vid. Heind. et praincipue
 Lahn.

Quisnam igitur sanus? — Qui non stultus. — Quid
avarus? —

Stultus et insanus. — Quid? si quis non sit avarus,
Continuo sanus? — Minime. — Cur, Stoice? —
Dicam. 160

Non est cardiacus, Craterum dixisse putato,
Hic aeger. Reete est igitur, surgetque? Negabit,
Quod latus aut renes morbo tententur acuto.
Non est periurus neque sordidus; immolet aequis
Hic porecum Laribus; verum ambitiosus et audax: 165
Naviget Antieyram. Quid enim differt, barathrone
Dones quidquid habes, an nunquam utare paratis?
Servius Oppidius Canusî duo praedia, dives
Antiquo censu, gnatis divisso duobus

Fertur, et haec moriens pueris dixisse vocatis 170
Ad lectum: Postquam te talos, Aule, nucesque
Ferre sinu laxo, donare et ludere vidi,
Te, Tiberi, numerare, eavis abscondere tristem:
Extimui, ne vos ageret vesania discors,
Tu Nomentanum, tu ne sequerere Cicutam. 175

Quare per Divos oratus uterque Penates,
Tu eave ne minuas, tu, ne maius facias id,
Quod satis esse putat pater, et natura coërcet.
Praeterea ne vos titillet gloria, iure-
Iurando obstringam ambo: uter Aedilis fueritve 180
Vestrum Praetor, is intestabilis et sacer esto.
In cicere atque faba bona tu perdasque lupinis,
Latus ut in Circœ spatiere, et aëneus ut stes,
Nudus agris, nudus nummis, insane, paternis?
Scilicet ut plausus, quos fert Agrippa, feras tu, 185
Astuta ingenuum vulpes imitata leonem?

— v. 163. *tentantur* Bentl. e multis Codd. et vett. Edd. Sed Cf. Heind. — v. 166. *balatrónē* Bentl. e pluribus Codd. *balatroni* Fea e duobus Codd. Bersm. Cf. Heind. — v. 172. *Pro ludere* Bentl. e *coni. perdere.* Cf. Heind. — v. 183. *et aëneus* Bentl. e Codd. quem Vid. Vulg. *aut aeneus.*

Ne quis humasse velit Aiacem, Atrida, vetas cur? —
 Rex sum. — Nil ultra quaero Plebeius. — Et aequam
 Rem imperito; at si cui videor non iustus, inulto
 Dicere, quod sentit, permitto. — Maxima regum, 190
 Di tibi dent capta classem reducere Troia!
 Ergo consulere et mox respondere licebit? —
 Consule. — Cur Aiax, heros ab Achille secundus,
 Putrescit, toties servatis clarus Achivis,
 Gaudeat ut populus Priami Priamusque inhumato, 195
 Per quem tot iuvenes patrio caruere sepulcro? —
 Mille ovium insanus morti dedit, inclytum Ulixen
 Et Menelaum una mecum se occidere clamans. —
 Tu quum pro vitula statuis dulcem Aulide natam
 Ante aras, spargisque mola caput, improbe, salsa, 200
 Rectum animi servas? — Quorsum? — Insanus quid
 enim Aiax
 Fecit? Quum stravit ferro pecus: abstinuit vim
 Uxore et gnato; mala multa precatus Atridis
 Non ille aut Teucerum aut ipsum violavit Ulixen. —
 Verum ego, ut haerentes adverso litorâ naves 205
 Eriperem, prudens placavi sanguine Divos. —
 Nempe tuo, furiose. — Meo, sed non furiosus. —
 Qui species alias veri, scelerisque tumultu
 Permixtas capiet, commotus habebitur, atque
 Stultitiane erret, nihilum distabit, an ira. 210
 Aiax quum immeritos occidit, desipit, agnos;
 Quum prudens scelus ob titulos admittis inanes,
 Stas animo? et purum est vitio tibi, quum tumidum
 est, cor?

v. 188. *quaere* Bentl. ex uno Cod. Cf. Heind. — v. 191. *deducere*
 Codd. aliquot et vett. Edd. quod praetulit Bentl. Cf. Heind. et Iahn.
 — v. 194. *putescit* multi Codd. et vett. Edd. probantque Fea et
 Both. quos Cf. Sed *putrescit* tuerit Bentl. — v. 201. Ita locus auct-
 ore Schol. Cruq. constituendus. Alii, ut Bentl. et Heind. Acronem
 sequentes: *Quorsum insanus quid enim Aiax Fecit?* Both. *Quor-*
sum insanus? Vid. Heind. Both. Annotatt. Iahn. — v. 208. *veris*
 unus Cod. Cruq. a prima manu, alter a secunda *vero*. Vid. Bentl.
 et Heind.

Si quis lectica nitidam gestare amet agnam,
 Huic vestem ut gnatae, parét ancillas, paret aurum, 215
 Rufam aut Pusillam appelle, fortique marito
 Destinet uxorem: interdicto huic omne adimat ius
 Praetor, et ad sanos abeat tutela propinquos.
 Quid? si qui gnatam pro muta devovet agna,
 Integer est animi? Ne dixeris. Ergo ubi prava 220
 Stultitia, hic summa est insania: qui sceleratus,
 Et furiosus erit; quem cepit vitrea fama,
 Hunc circumtonuit gaudens Bellona cruentis.
 Nunc age, luxuriam et Nomentanum arripe mecum.
 Vincet enim stultos ratio insanire nepotes. 225
 Hic simul accepit patrimonî mille talenta,
 Edicit, piscator uti, pomarius, auceps,
 Unguentarius ac Tusci turba impia vici,
 Cum scurris fartner, cum Velabro omne Macellum
 Mane domum veniant. Quid tum? Venere frequentes. 230
 Verba facit leno: Quidquid mihi, quidquid et horum
 Cuique domi est, id crede tuum et vel nunc pete, vel
 cras.
 Accipe, quid contra iuvenis responderit aequus:
 In nive Lucana dormis ocreatus, ut aprum
 Coenem ego; tu pisces hiberno ex aequore verris; 235
 Segnis ego, indignus qui tantum possideam: aufer!
 Sume tibi decies; tibi tantundem; tibi triplex,
 Unde uxor media currit de nocte vocata.
 Filius Aesopi detractam ex aure Metellae,
 Scilicet ut decies solidum absorberet, aceto 240
 Diluit insignem baccam; qui sanior, ac si
 Illud idem in rapidum flumen iaceretve cloacam?
 Quinti progenies Arrî, par nobile fratrum,
 Nequitia et nugis, pravorum et amore gemellum,

v. 230. *Quid enim?* Codd. Torrent. *qui cum* Bentl. coni. itemque
 Codd. aliquot Feae. Cf. Bentl. Heind. Iahn. — v. 235. *verris* tuen-
 tur Bentl. et Heind. Sed eadem Codd. et Edd. vett. auctoritate est
vellit, quod defendit Fea. — v. 238. *currat* plures Edd. veteres.
 Cf. Heind.

Luscinias soliti impenso prandere coquuntas. 245
 Quorsum abeant? sani ut creta, an carbone notandi?
 Aedificare casas, plostello adiungere mures,
 Ludere par impar, equitare in arundine longa,
 Si quem delectet barbatum, amentia verset.
 Si puerilius his ratio esse evincet amare, 250
 Nec quidquam differre, utrumne in pulvere, trimus
 Quale prius, ludas opus, an meretricis amore
 Sollicitus plores: quaero, faciasne quod olim
 Mutatus Polemo? ponas insignia morbi,
 Fasciolas, cubital, focalia, potus ut illo 255
 Dicitur ex collo furtim carpsisse coronas,
 Postquam est impransi correptus voce magistri?
 Porrigis irato puero quum poma, recusat:
 Sume, catelle: negat; si non des, optat. Amator
 Exclusus qui distat, agit ubi secum, eat, an non, 260
 Quo redditurus erat non arcessitus, et haeret
 Invisis foribus? Ne nunc, quum me vocet ultro,
 Accedam? an potius mediter finire dolores?
 Exclusit, revocat: redeam? Non, si obsecret. Ecce
 Servus, non paulo sapientior: O here, quae res 265
 Nec modum habet neque consilium, ratione modoque
 Tractari non vult. In amore haec sunt mala: bellum,
 Pax rursum. Haec si quis tempestatis prope ritu
 Mobilia, et caeca fluitantia forte, laboret
 Reddere certa sibi, nihilo plus explicet, ac si 270
 Insanire paret certa ratione modoque.
 Quid? Quum Picenis excerpens semina pomis
 Gaudes, si cameram percusti forte, penes te es?

— v. 246. *sani ut plurimi* Codd. alii *sani creta*, *sani an creta*,
sanine creta. Bentleius, eumque secutus Fea, alii *sanin creta*. —
notati Bentl. e Codd. Cf. Heind. — v. 254. *Polemo* Lambin. et
Cruq. Vulg. *Polemon* Cf. Heind. — v. 262. *ne nunc* Bentl. e Codd.
pro nec nunc, quod vett. Edd. ferunt. Cf. Heind. et Doering. —
v. eod. vocet omnes Codd. tuetur Heind. Sed Bentl. *vocat*, quod
omnes fere post eum Edd. habent. — v. 272. *camaram* Heind.
 Cf. Fea.

Quid? quum balba feris annoso verba palato,
 Aedificante casas quî sanior? Adde cruorem 275
 Stultitiae, atque ignem gladio scrutare modo, inquam.
 Hellade percussa, Marius quum praecipitat se,
 Cerritus fuit? an commotae crimine mentis
 Absolves hominem, et seeleris damnabis eundem,
 Ex more imponens cognata vocabula rebus? 280
 Libertinus erat, qui circum compita siccus
 Lautis mane senex manibus currebat, et, Unum,
 (Quiddam magnum addens,) unum me surpite morti,
 Dis etenim facile est, orabat; sanus utrisque
 Auribus atque oculis; mentem, nisi litigiosus, 285
 Exciperet dominus, quum venderet. Hoc quoque vulgus
 Chrysippus ponit fecunda in gente Menenî.
 Iupiter, ingentes qui das adimisque dolores,
 Mater ait pueri menses iam quinque cubantis,
 Frigida si puerum quartana reliquerit, illo 290
 Mane die, quo tu indicis ieunia, nudus
 In Tiberi stabit. Casus medicusve levarit
 Aegrum ex praecipiti, mater delira necabit
 In gelida fixum ripa, febrimque reducet.
 Quone malo mentem concussa? timore Deorum. 295
 Haec mihi Stertinus, sapientium octavus, amico
 Arma dedit, posthac ne compellarer inultus.
 Dixerit insanum qui me, totidem audiet, atque
 Respicere ignoto disceit pendentia tergo.

Horatius.

Stoice, post damnum sic vendas omnia pluris; 300
 Qua me stylitia, quoniam non est genus unum,
 Insanire putas? ego nam videor mihi sanus.

— v. 274. *seris* Codd. aliquot apud Lambin. Cf. Doering. —
 v. 283. Ita plures Codd. et antiquissimae quaeque Editiones; eamque lectionem tuentur Heind. et Doering. In aliis Codd. *Quid tam magnum?* addens; quod probant cum Bentleio Fea et Both. in Annotatt. — v. 301. *quam... stultitiam* unus Cod. Cruq. indeque Bentl. Cf. Heind.

Damasippus.

Quid? caput abscissum manibus quum portat Agave
Gnati infeliciis, sibi tum furiosa videtur?

Horatius.

Stultum me fateor, licet concedere veris, 305
Atque etiam insanum: tantum hoc edissere, quo i.^{us}
Aegrotare putes animi vitio.

Damasippus.

Accipe: primum

Aedifieas, hoc est, longos imitaris, ab imo
Ad summum totus moduli bipedalis; et idem
Corpore maiorem rides Turbonis in armis 310
Spiritum et incessum: qui ridiculus minus illo?
An quodcunque facit Maecenas, te quoque verum est
Tantum dissimilem et tanto certare minorem?
Absentis ranae pullis vituli pede pressis,
Unus ubi effugit, matri denarrat, ut ingens 315
Bellua cognatos eliserit. Illa rogare,
Quantane? num tantum, sufflans se, magna fuisset? —
Maior dimidio. — Num tanto? — Quum magis atque
Se magis inflaret; Non, si te ruperis, inquit,
Par eris. Haec a te non multum abludit imago. 320
Adde poëmata nunc, hoc est, oleum adde camino;
Quae si quis sanus fecit, sanus facis et tu.
Non dico horrendam rabiem.

Horatius.

Iam desine.

— v. 303. *abscisum* plures Codd. Feae, quem Vid. — *manibus* Bentl. e pluribus Codd. Olim vulg. *demens* Cf. Heind. — v. 313. *Tantum* Bentl. e Codd. quem Vid. Olim vulg. *tunto*. — v. 317. Ita cum Cruquio Bentleius, quem V. Olim vulg. *num tandem*, quod denuo tnetur Fea. *in tantum* coni. Doering. Cf. Both. Annotatt. et Iahh. — v. 318. Tuetur lectionem vulgatam Heind. *num tantum* Bentl. e Codd. idemque coni. *Maior per nimio*. Both. *Maior*. — *Dimidio?* — *Num tanto*.

Damasippus.

Cultum

Maiorem censu,

Horatius.

Teneas, Damasippe, tuis te.

Damasippus.

Mille puellarum, puerorum mille furores.

325

Horatius.

O maior tandem parcas, insane, minori.

SATIRA IV.

De Catio, quem sibi Horatius singit artis culinariae et mensae struendae praecpta summa cum gravitate et tanquam ex tripode tradentem, Cruquii Scholia haec nobis reserunt: *Sub persona Catii risurus est poeta Epicureos, ut in proxima (risit) Stoicos.* Fuit autem M. Catius Epicureus, qui quatuor libros scripsit de rerum natura et de summo bono, quod cum Epicurei in voluptate posuerent, h. e., in gulae et corporis libidine, contra Stoicos, qui summum bonum dicebant esse voluntatem rerum honestarum, rogat Catium Horatius, ut sibi dicat coenae parandae et ordinandae magistrum eiusque praecpta. Catium Epicureum Insubria oriundum ut scriptorem nuper admodum mortuum commemorat Cicero *Epist. ad Familiar. XV, 16. Cf. Quintilian. X, 1. in fine.* Sed difficile est ad intelligendum, cur Horatius, si vere consilium habuit Epicureos deridendi, hunc potissimum Catium iam diu mortuum et cuius memoria iam certe esset oblitterata, quasi ex inferis ad hunc sermonem habendum resuscitaverit. Procul dubio nomen Catii et locus huius Satirae Stoicum Damasippi philosophi sermonem excipientis veteres Scholiastas ad singularem hanc opinionem adduxit. Praecpta quidem in hoc sermone tradita neutiquam luxuriam et gulae intemperantiam, sed potius victum elegantem et cum elegantia valetudini non adversantem commendant. Praeterea certam quandam personam omnia produnt, ut liquido Romanus quidam Horatii aequalis a poeta derideatur sub Catii nomine latens. Quapropter nobis non mera hariolatione sed certioribus rationibus Wielandii sententia niti videtur, totum hoc carmen conscriptum esse statuentis in gratiam Maecenatis et reliquorum eius convictorum, atque id potissimum poetam nostrum agere,

ut certum quendam e numero horum convictorum iocose, sed non sine salsa acrimonia tangeret, qui reconditam suam sapientiae culinariae peritiam iactando nonnunquam sodalibus molestiam crearet. Sed quis tandem ille fuit? In Satira quidem octava, qua convivium Nasidiensi Rusi describitur, nonnulla similia praecepta occurunt, sed tractationem tamen multum diversam referunt. Wielandius, in coniectando audacior, eum, cuius hic delicatula in cibis eligendis elegantia, callida artifacia et in curta re familiariter magnificum fastidium ab Horatio deridetur, neminem alium esse putat quam Horatium ipsum, qui ultro se lectoribus hoc quidem nomine deridendum propinet. Sed ubi tandem ulla parsimoniae vestigia apparent, aut ratio curiae rei familiaris habetur? Imo praestantissima et pretiosissima quaeque commendantur. (Cf. v. 32--34, v. 58, 66, 68, 69, 77.) Quam parvum quoque Wielandius poetam in hoc quidem genere novit, qui haud semel conviviorum luxuriam notat, tenuemque victum suum commendat. Vid. *Sat.* II, 2. Cf. *Od.* I, 20. I, 31, 15 seqq. III, 1. III, 6. III, 29. *Sat.* I, 6, 115 seqq. II, 6, 63 seqq. *Epist.* I, 5. init. I, 14, 35. I, 25. Nobis quidem, modo in re tam incerta coniecturam proferre liceat, is, qui hac Satira tecto nomine illuditur, nemo aliis, nisi *Maecenas* videtur esse. Quodsi enim Maecenas, homo delicatus et valetudinarius, de cibis et ad saporem et ad valetudinem optime parandis inter convivas disserere, atque omnino singularem in hoc genere et subtilem intelligentiam profiteri amabat, quid iocosius esse poterat hoc sermone, quid callidius hac nominis reticentia? Hoc si verum est, non modo tota orationis conformatio ad huius personae similitudinem facta erit, sed etiam singula praecepta procul dubio aut commemorationem cibi a Maecenate in deliciis habitu, aut observationem ab eodem cum convictoribus communicatam continebunt, ita quidem ut Maecenas hanc satiram legens ubique ea deprehenderet, quae ambiciose convivas docere soleret, varie et iocosa derisione inversa et immutata. Fortasse etiam Catius non est persona plane ficta, sed unus e convictoribus Maecenatis, simile nomen habens, sed quod ex poetae nostri consuetudine paullum immutatum sit, qui quidem haec patroni praecepta imprimis observare et repetere soleret, ut simul binae personae in hoc sermone tantummodo sodalibus proprie destinato sinul significantur. Singulare tamen et mirum est, in praeceptis ibi traditis falsas res veris et a communi usu alienas usitatis misceri. *Heindorf.* (Cf. *Both. Annotatt.*)

Horatius.

Unde, et quo Catius?

Catius.

Non est mihi tempus aventi
Ponere signa novis praexceptis, qualia vincant
Pythagoran Anytique reum doctumque Platona.

Horatius.

Peccatum fateor, quum te sic tempore laevo
Interpellarim: sed des veniam bonus, oro. 5
Quod si intercederit tibi nunc aliquid, repetes mox,
Sive est naturae hoc, sive artis, mirus utroque.

Catius.

Quin id erat curae, quo pacto cuncta tenerem,
Utpote res tenues, tenui sermone peractas,

Horatius.

Ede hominis nomen; simul et, Romanus an hospes. 10

Catius.

Ipsa memor praeepta canam, celabitur auctor,
Longa quibus facies ovis erit, illa memento
Ut succi melioris et ut magis alba rotundis
Ponere; namque marem cohibent callosa vitellum.
Caule suburbano, qui siccis crevit in agris, 15
Dulcior; irriguo nihil est elutius horto.
Si vespertinus subito te oppresserit hospes,
Ne gallina malum responset dura palato,
Doctus eris vivam musto mersare Falerno;
Hoc teneram faciet. Pratensisibus optima fungis 20

IV, v. 2. *vincant* e Codd. Bentl. Alii Codd. *vincunt*, aut *vincent*. — v. 10. Ita Bentl. e Codd. Olim vulg. *simul an Rom.* Cf. Heind. — v. 13. *alba* omnes Codd. et vett. Edd. quam lectionem tuerunt Fea, Both. Iahn. Bentl. e conjectura *alma*, quod recentiores Edd. plerumque receperunt. — v. 15. *cole* pro *caule* plures Codd. Cf. Heind. — v. 19. *musto* ex conjectura Bentl. quem Vid. Codd. *misto vel mixto*.

Natura est; aliis male creditur. Ille salubres
 Aestates peraget, qui nigris prandia moris
 Finiet, ante gravem quae legerit arbore solem.
 Aufidius fortis miscebat mella Falerno,
 Mendose, quoniam vacuis committere venis
 Nil nisi lene decet; leni praecordia mulso
 Prolueris melius. Si dura morabitur alvus,
 Mitulus et viles pellent obstantia conchae,
 Et lapathi brevis herba, sed albo non sine Coo.
 Lubrica nascentes implent conchylia lunae;
 Sed non omne mare est generosae fertile testae.
 Murice Baiano melior Lucrina peloris;
 Ostrea Circeiis, Miseno oriuntur echini;
 Pectinibus patulis iactat se molle Tarentum.
 Nec sibi coenarum quivis temere arroget artem,
 Non prius exacta tenui ratione saporum.
 Nec satis est cara pisces avertere mensa,
 Iguarum quibus est ius aptius, et quibus assis
 Languidus in cubitum iam se conviva reponet.
 Umber et ligna nutritus glande rotundas
 Gurvet aper lances carnem vitantis inertem:
 Nam Laurens malus est, ulvis et arundine pinguis.
 Vinea summittit capreas non semper edules.
 Fecundae leporis sapiens sectabitur armos.
 Piscibus atque avibus quae natura et foret aetas,
 Ante meum nulli patuit quaesita palatum.
 Sunt quorum ingenium nova tantum crustula promit.
 Nequaquam satis in re una consumere curam;
 Ut si quis solum hoc, mala ne sint vina, laboret,
 Quali perfundat pisces securus olivo.
 Massica si coelo suppones vina sereno,
 Nocturna, si quid crassi est, tenuabitur aura,
 Et decedet odor nervis inimicus; at illa
 Integrum perdunt lino vitiata saporem.

— v. 37. Codd. *avertere* et *averrere* pari fere auctoritate Cf.
 Bentl. Heind. Fea, Doering.

Surrentina vafer qui miscet faece Falerna	55
Vina, columbino limum bene colligit ovo,	
Quatenus ima petit volvens aliena vitellus.	
Tostis marcentem squillis recreabis et Afra	
Potorem cochlea; nam lactuca innatat acri	
Post vinum stomacho; perna magis ac magis hillis	60
Flagitat immorsus refici, quin omnia malit,	
Quaecunque immundis fervent allata popinis.	
Est operaे pretium duplicis pernoscere iuris	
Naturam. Simplex e dulci constat olivo,	
Quod pingui miscere mero muriaque decebit,	65
Non alia quam qua Byzantia putuit orca.	
Hoc ubi confusum sectis inferbuit herbis,	
Corycioque croco sparsum stetit, insuper addes	
Pressa Venafranae quod bacca remisit olivae.	
Picenis cedunt pomis Tiburtia succo;	70
Nam facie praestant. Venucula convenit ollis;	
Rectius Albanam fumo duraveris uvam.	
Hanc ego cum malis, ego faecem primus et halec,	
Primus et invenior piper album, cum sale nigro	
Incretum, puris circumposuisse catillis.	75
Immane est vitium, dare millia terna macello,	
Angustoque vagos pisces urgere catino.	
Magna movet stomacho fastidia, seu puer unctis	
Tractavit calieem manibus, dum furta ligurrit,	
Sive gravis veteri craterae limus adhaesit.	80
Vilibus in scopis, in mappis, in scobe, quantus	
Consistit sumtus? neglectis, flagitium ingens.	
Ten' lapides varios lutulenta radere palma,	
Et Tyrias dare circum illota toralia vestes,	
Oblitum, quanto curam sumtumque minorem	85

— v. 61. *immorsus* Bentl. e Codd. et vett. Edd. *Plures* Codd. et pleraequo olim Edd. *in morsus*. Cf. Heind. *immersus* coni. Both. in Annotatt. — *mavult* Codd. aliquot et ita Bentl. Cf. Heind. — v. 62. *in mundis* Codd. Cruq. Sed Vid. Bentl. — v. 78. *movet* Bentl. e Codd. quem Vid. Sed vett. Edd. plerumque *movent*.

Haec habeant, tanto reprendi iustius illis,
Quae nisi divitibus nequeant contingere mensis?

Horatius.

Docte Cati, per amicitiam Divosque rogatus,
Ducere me auditum, perges quoquaque, memento.
Nam quamvis memori referas mihi pectore cuncta, 90
Non tamen interpres tantundem iuveris. Adde
Vultum habitumque hominis; quem tu vidiisse beatus
Non magni pendis, quia contigit; at mihi cura
Non medioeris inest, fontes ut adire remotos,
Atque haurire queam vitae praecepta beatae. 95

SATIRA V.

In eo populo, apud quem ingentes opes per plura secula coa-
cervatae, neque eae per mercatum aut opificiorum et artium in-
dustria laboriose conquisitae, sed ex toto terrarum orbe bellorum
rapinis coactae summam avaritiam et, Livio teste, *desiderium per*
luxum atque libidinem pereundi perdendique omnia peperissent;
apud quem vel puerorum educandorum ratio nihil aliud fere spec-
taret, quam ut teneris iam annis iuventus *hac aerugine et cura*
peculii imbueretur (Horat. A. P. 325 seqq.), ut omnes uno quasi
ore hoc praeceptum decantarent, *quaerenda pecunia primum*
est, Virtus post nummos; in eo igitur populo ea ars rem augendi,
quae in hac Satira describitur, plurimis utique innoxia atque adeo
honesta videri debuit. Per bellorum enim civilium turbas maxima
civium pars omnem fere honestatis et decoris sensum perdiderat;
atque cum satis exemplorum apud poetam nostrum et alios scrip-
tores occurrant, Romanos eius aetatis, ut divitias conquerirerent,
nullum legibus vetitum crimen neque senoris, neque periurii, aut
parricidii detrectasse: quanto minus hoc artificium reformidaver-
int, quod neque leges vetarent, et quod nunc tam proclive esset,
quoniam in his perditis moribus caelibes et orbi avari indies auge-
rentur, atque consuetudo Romanis frequentata, maiores amicos
et potentiores cives omni genere officiorum prosequendi, eo faci-
liorem aditum ad eiusmodi homines praeberet? Ita tandem factum
est, ut fortasse in nullo alio unquam populo magis, quam apud
Romanos hoc testamentorum captandorum studium a heredipetis
tanquam peculiaris quaedam ars et proprius quaestus exerceceretur.
Atque quo magis imperatoria tempora vilescerent, eo latius haec

pestis manare coepit. Horat. Epist. I, 1, 77. *Pars hominum gestit conducere publica: sunt qui Crustis et pomis viduas venentur avaras* *Excipiantque senes, quos in vivaria mittant: Multis occulto crescit res senore.* Seneca De Benef. VI, 38. *An tu Arruntium et Aterium et ceteros, qui captandorum testamentorum artem professi sunt, non putas eadem habere, quae designatores et libitinarios, vota?* Cf. Epist. 68. et Iuvenal. Sat. XII. Plin. Hist. Nat. XIV, prooem. *Postquam coepere orbitas in auctoritate summa et potentia esse, captatio in quaestu fertilissimo ac sola gaudia in possidente, pessum iere vitae pretia.* Petron. Satir. 124. *Crotona intravimus, ubi — incidimus in turbam heredipetarum.* Quid quod iam Cicero dicit Paradox. V, 2. *An eorum servitus dubia est, qui cupiditate peculii nullam conditionem recusant durissimae servitutis? Hereditatis spes quid iniquitatis in serviendo non suscipit? quem nutum locupletis orbi senis non observat? Loquitur ad voluntatem: quicquid denunciatum sit, facit: assectatur, assidet muneratur.* *Quid horum est liberi? quid non denique servi inertis?* Cf. Lips. ad Senec. De constant. cap. 5. Contra hos igitur, qui vocabantur, captatores haec Satira conscripta est, omnes dolos, artificia, insidias describens, quibus homines isti uterentur. Commentus est poeta in hunc finem colloquium Tiresiam inter et Ulyssēm apud inferos habitum, tam salibus conditum et amara derisione insignem, ut haec Satira cum libri prioris Satira nona nostrae aetatis lectoribus maxime placuerit. *Heindorf.*

Ulysses.

Hoc quoque, Tiresia, praeter narrata petenti
Responde, quibus amissas reparare queam res
Artibus atque modis. Quid rides?

Tiresias.

Iamne doloso
Non satis est Ithacam revchi, patriosque penates
Adspicere?

Ulysses.

O nulli quidquam mentite, vides ut 5
Nudus inopsque domum redeam, te vate, neque illic

Aut apotheca procis intacta est, aut pecus. Atqui
Et genus et virtus, nisi cum re, vilior alga est.

Tiresias.

Quando pauperiem, missis ambagibus, horres;
Accipe, qua ratione queas ditescere. Turdus 10
Sive aliud privum dabitur tibi, devolet illuc,
Res ubi magna nitet, domino sene; dulcia poma,
Et quoscunque feret cultus tibi fundus honores,
Ante Larem gustet venerabilior Lare dives;
Qui quamvis periurus erit, sine gente, cruentus 15
Sanguine fraterno, fugitivus: ne tamen illi
Tu comes exterior, si postulet, ire recuses.

Ulysses.

Utne tegam spurco Damae latus? haud ita Troiae
Me gessi, certans semper melioribus.

Tiresias.

Ergo

Pa per eris.

Ulysses.

Fortem hoc animum tolerare iubeho; 20
Et quondam maiora tuli. Tu protinus, unde
Divitias aerisque ruam, dic Augur, acervos.

Tiresias.

Dixi equidem et dico. Captes astutus ulique
Testamenta senum, neu, si vafer unus et alter
Insidiatorem praeroso fugerit hamo, 25
Aut spem deponas aut artem illusus omittas.
Magna minorve foro si res certabitur olim,
Vivet uter locuples sine gnatis, improbus, ultro
Qui meliorem audax vocet in ius, illius esto
Defensor: fama civem causaque priorem 30
Sperne, domi si gnatus erit fecundave coniux.

— v. 11. *primum* plures Codd. Cf. Heind.

Quinte, puta, aut Publi (gaudent praenomine molles
 Auriculae) tibi me virtus tua fecit amicum;
 Ius anceps novi, causas defendere possum;
 Eripiet quivis oculos citius mihi, quam te 35
 Contemum cassa nuce pauperet: haec mea cura est,
 Ne quid tu perdas, neu sis iocus. Ire domum atque
 Pellieulam curare iube: si cognitor ipse,
 Persta atque obdura seu rubra Canicula findet
 Infantes statuas, seu pingui tentus omaso 40
 Furius hibernas cana nive conspuet Alpes.
 Nonne vides, aliquis cubito stantem prope tangens
 Inquiet, ut patiens, ut amicis aptus, ut acer?
 Plures annabunt thunni, et cetaria crescent.
 Si cui praeterea validus male filius in re 45
 Praeclara sublatuſ aletur; ne manifestum
 Caelibis obsequium nudet te, leniter in spem
 Arrepe officiosus, ut et scribare secundus
 Heres, et, si quis casus puerum egerit Orco,
 In vacuum venias: perraro haec alea fallit. 50
 Qui testamentum tradet tibi cunque legendum,
 Abnuere et tabulas a te removere memento,
 Sic tamen ut limis rapias, quid prima secundo
 Cera velit versu; solus multisne coheres,
 Veloci pereurre oculo. Plerumque recoctus 55
 Seriba ex Quinqueviro corvum deludet hiantem,
 Captatorque dabit risus Nasica Corano.

Ulysses.

Num furis an prudens ludis me, obseura canendo?

Tiresias.

O Laertiade, quidquid dicam, aut erit aut non:
 Divinare etenim magnus mihi donat Apollo. 60

— v. 36. *quassa nuce* plures Codd. et vett. Edd. Servat Fea. —
 v. 38, *sis cognit.* plurimae Edd. Cf. Bentl. — v. 53. *lūmus* Coll.
 Sax. — v. 59. *dico* Both. e Codd. — v. 60. Bentleius in uno Cod.
mihi donat, in alio *donavit* invenit, unde Haberfeldus correxit:

Ulysses.

Quid tamen ista velit sibi fabula, si licet, ede.

Tiresias.

Tempore quo iuvenis Parthis horrendus, ab alto
Demissum genus Aenea, tellure marique
Magnus erit, forti nubet procera Corano
Filia Nasicae, metuentis reddere soldum. 65

Tun gener hoc faciet: tabulas socero dabit, atque
Ut legat orabit. Multum Nasica negatas
Accipiet tandem, et tacitus leget, invenietque
Nil sibi legatum, praeter plorare, suisque.

Illud ad haec iubeo: mulier si forte dolosa
Libertusve senem delirum temperet, illis
Accedas socius, laudes, lauderis ut absens.

Adiuvat hoc quoque, sed vincit longe prius, ipsum
Expugnare caput. Scribet mala carmina vecors:
Landato. Scortator erit: cave te roget; 70 ultro
Penelopam facilis potiori trade. 75

Ulysses.

Putasne,

Perduci poterit tam frugi tamque pudica,
Quam nequiere proci recto depellere cursu?

Tiresias.

Venit enim magnum donandi parea iuventus,
Nec tantum Veneris, quantum studiosa culinae.
Sic tibi Penelope frugi est: quae si semel uno
De sene gustarit, teeum partita lucellum,
Ut canis a corio nunquam absterrebitur uncto.

Me sene, quod dicam, factum est. Anus improba Thebis
Ex testamento sic est elata: cadaver 85
Unctum oleo largo nudis humeris tulit heres,

Quidquid dicam aut erit, aut non Divinare mihi magnus donavit Apollo, Vossio, Heindorfio, Bothio probantibus. — v. 76. Penelope alii Codd. et pleraeque Edd. yett. Vid. Bentl.

Scilicet elabi si possset mortua; credo,
 Quod nimium institerat viventi. Cautus adito,
 Neu desis operae neve immoderatus abundes.
 Difficilem et morosum offendet garrulus, ultro 90.
 Non etiam sileas. Davus sis comicus, atque
 Stes capite obstipo, multum similis metuenti.
 Obsequio grassare: mone, si inerebuit aura,
 Cautus uti velet carum caput; extrahe turba
 Oppositis humeris; aurem substringe loquaci. 95
 Importunus amat laudari: donec, Ohe iam!
 Ad coelum manibus sublatis dixerit, urge, et
 Crescentem tumidis infla sermonibus utrem.
 Quum te servitio longo curaque levarit,
 Et certum vigilans, Quartae esto partis Ulixes, 100
 Audieris, heres: Ergo nunc Dama sodalis
 Nusquam est? unde mihi tam fortem tamque fidelem?
 Sparge subinde, et, si paulum potes, illacrimare. Est
 Gaudia prudentem vultum celare. Sepulerum
 Permissum arbitrio sine sordibus exstrue: funus 105
 Egregie factum laudet vicinia. Si quis
 Forte coheredum senior male tussiet, huie tu
 Dic, ex parte tua, seu fundi sive domus sit
 Emotor, gaudentem nummo te addicere. Sed me
 Imperiosa trahit Proserpina; vive valeque. 110

SATIRA VI.

Quod maxime in votis habuerat Horatius, ut liber aliquando ab omni negotiorum cura et impedimentis vitae sibi ipsi rure viveret et otio suo frueretur, id iam villae Sabinae erat possessione assecutus; neque tamen tam assidue quam vellet ibi degere

— v. 90. offendes Bentl. ex conjectura; recepit etiam Heind. Sed Cf. Both. Annotatt. — ultra multi Codd. et Edd. Servat Fea. Cf. Heind. — Bentl. post ultro punctum collocat. — v. 103. Cod. a Barthio inspectus: et, si paulum potes, illacrimare est Gaudia prudentum vultu celare. Inde Bentl. coni. et, sic paulum potes illacrimare, et Gaudia prudenter vultu celare. Cf. Heind. Iahn.

ei licuit et nunc veterum libris nunc somno et inertibus horis
Ducere sollicitae iucunda oblivia vitae. Consuetudo enim et familiaritas Maeceenatis, cui omnia sua deberet, fortasse etiam aliae rationes (Vid. vers. 36.) saepius eum Romae et in his urbanae vitae turbis detinebant, ubi quidem nulla alia res maiores ei molestiam creabat, quam eorum importunitas, qui Maeceenatis non minus quam poetae nostri animum et mores ignorantes, ut se resque suas validissimo Augusti amico commendaret, pertinaci sedulitate Horatium rogare nunquam desinerent. (Vers. 38 seqq.) Itaque fortunati illius otii desiderium in hac satira describit, quae proprium poetae animum, sensus, ingenium tam graphicē ob oculos ponit, ut plane hoc carminum genus a Lucilio inventum, instauratum ab Horatio, siqua alia, referat; derisio enim et ioci non insunt. Atqui in hoc ipso genere, quod totum in eo positum est, ut libere et sponte quasi erumpentes animi sensus exprimat, omnino necesse non est, ut quaeramus, an praeterea proprium et peculiare aliquid poeta in scribendo sibi proposuerit. Sed si conjecturis indulgere libet, suspicari possumus, Horatium excusare se Maeceenati voluisse, quod tam raro in urbem veniret, aut civibus suis denuo explicare, qualis sibi cum Maeceenate familiaritas intercederet, aut denique huic ipse significare, quid ab eo impetrare optaret. Eiusmodi certe quidem conjecturae alios poetae locos (Epist. I, 7. Sat. I, 6. I, 9.) conferentibus multo propius a vero abesse nobis videntur, quam singularis Wielandii opinio autumantis, Horatium vicinorum villae suae Sabinae in gratiam hunc sermonem confecisse, quos sibi conciliaret, cum boni rustici hominem e media urbe et ex sinu quasi Augusti atque Maeceenatis ad se delatum subtimidi aspicerent, eique non satis considerent. Sed vix credideris, rusticos Sabinos poetae vicinos unquam ullum eius carmen oculis usurpasse, neque Horatius pro ingenio suo, quale ex versibus eius elucet, hac commendatione indigere putandus est. *Heindorf.*

Hoc erat in votis: modus agri non ita magnus,
 Hortus ubi, et tecto vicinus iugis aquae fons,
 Et paulum silvae super his foret. Auctius atque
 Di melius fecere: bene est; nil amplius oro,
 Maia nate, nisi ut propria haec mihi munera faxis. 5
 Si neque maiorem feci ratione mala rem,
 Nec sum facturus vitio culpave minorem;
 Si veneror stultus horum nihil, O si angulus ille

Proximus accedat, qui nunc denormat agellum!
 O si urnam argenti fors quae mihi monstret, ut illi, 10
 Thesauro invento qui mercenarius agrum
 Illum ipsum mercatus aravit, dives amico
 Hercule! Si, quod adest, gratum iuvat: hac prece te
 oro,

Pingue pecus domino facias, et cetera, praeter
 Ingenium; utque soles, custos mihi maximus adsis. 15
 Ergo ubi me in montes et in arcem ex Urbe removi,
 Quid prius illustrēni Satiris Musaque pedestri?

Nec mala me ambitio perdit, nec plumbens Auster,
 Auctumnusque gravis, Libitinae quaestus acerbac.
 Matutine pater, seu Iane libentius audis, 20
 Unde hominis operum primos vitaeque labores
 Instituit, (sic Dis placitum,) tu carminis esto
 Principium. Romae sponsorem me rapis. — Eia,
 Ne prior officio quisquam respondeat, urge.

Sive Aquilo radit terras, seu bruma nivalem 25
 Interiore diem gyro trahit, ire necesse est. —
 Postmodo, quod mi obsit, clare certumque locuto,
 Luctandum in turba et facienda iniuria tardis. —
 Quid tibi vis, insane? et quam rem agis improbus?
 urget

Iratis precibus; tu pulses omne quod obstat, 30
 Ad Maeccenatem memori si mente recursas. —
 Hoc iuvat et melli est, non mentiar. At simul atras

VI, v. 9. deformat plures Codd. et vett. Edd. Sed Cf. Fea. —
 v. 10. que Bentl. e multis Codd. et vetustissimis Edd. Olim vulg.
 qua Cf. Fea et Both. Annotatt. — v. 16. Gesner. hunc versum
 parenthesi includit, Heindorfio probante. Sed Cf. Iahn. — v. 24.
 urges Codd. aliquot Lambini, aliorum. — v. 29. Ita ex emenda-
 tione Bentl. cum plurimi Codd. ferant: *Quid tibi vis insane et*
quas res agis? improbus urget. Fea e suis Codd. *Quid vis insane?*
et quas res agis? improbus urget. Sed Cf. Both. Omnes Editores
 praeter Gesnerum, et qui eum sequuntur, *improbus* non cum
agis, sed cum *urget* coniungunt. Cf. Heind. — v. 30. pulsas
 Cod. Bersm. et aliquot Feae Cf. Heind. — v. 32. mentior Coll.
 Sax. et Cod. Bersm. Vid. Bentl.

Ventum est Esquilias, aliena negotia centum
 Per caput et circa saliunt latus. Ante secundam 35
 Roscius orabat sibi adesses ad Putcal eras.
 De re communi scribae magna atque nova te
 Orabant hodie meminisses, Quinte, reverti.
 Imprimat his, cura, Maecenas signa tabellis.
 Dixeris, Experiar: Si vis, potes, addit et instat.
 Septimus octavo propior iam fugerit annus, . 40
 Ex quo Maecenas me coepit habere suorum
 In numero, duntaxat ad hoc, quem tollere rheda
 Velle iter faciens, et cui concredere nugas
 Hoc genus, Hora quota est? Threx est Gallina Syro
 par?
 Matutina parum cautos iam frigora mordent: 45
 Et quae rimosa bene deponuntur in aure.
 Per totum hoc tempus subiectior in diem et horam
 Invidiae noster. Ludos spectaverit una,
 Luserit in campo: Fortunae filius, omnes.
 Frigidus a Rostris manat per compita rumor: 50
 Quicunque obvius est, me consultit: O bone, nam te
 Scire, Deos quoniam proprius contingis, oportet,
 Num quid de Daeis audisti? — Nil equidem. — Ut tu
 Semper eris derisor! — At omnes Di exagitent me,
 Si quidquam. — Quid? militibus promissa Triquetra 55
 Praedia Caesar an est Itala tellure daturus?
 Iurantem me scire nihil mirantur ut unum
 Scilicet egregii mortalem altique silenti.
 Perditur haec inter misero lux, non sine votis:
 O rus, quando ego te adspiciam? quandoque licebit, 60
 Nunc veterum libris, nunc somno et inertibus horis
 Ducere sollicitae iucunda oblivia vitac?

— v. 44. *Thrax* Lambin. — v. 48. Ita Bentl. locum interpunxit,
 idemque pro vulg. *spectaverat*, *luserat*, dedit e Codd. *spectaverit*,
luserit. Sed Fea, ut olim vulgabatur retinuit: *Invidiae: noster*
ludos spectaverat una, Luserat etc. Cf. Heind. — v. 57. *miratur*
 Bentl. ex uno Cod. Sed Cf. Heind.

O quando faba Pythagorae cognata, simulque
Uncta satis pingui ponentur oluscula lardo?

O noctes coenaeque Deûm! quibus ipse, meique, 65

Ante larem proprium vescor, vernasque procaces

Pasco libatis dapibus. Prout cuique libido est,

Siccat inaequales calices conviva solutus

Legibus insanis, seu quis capit acria fortis

Pocula, seu modicis uescit laetius. Ergo 70

Sermo oritur non de villis domibusve alienis,

Nec, male necne Lepos saltet, sed, quod magis ad nos

Pertinet et nescire malum est, agitamus: utrumne

Divitiis homines an sint virtute beati;

Quidve ad amicitias, usus rectumne, trahat nos; 75

Et quae sit natura boni summumque quid eius.

Cervius haec inter vicinus garrit aniles

Ex re fabellas. Si quis nam laudat Arellî

Sollicitas ignarus ôpes, sic incipit: Olim

Rusticus urbanum murem mus paupere fertur 80

Accepisse cavo, veterem vetus hospes amicum;

Asper et attentus quaesitis, ut tamen arctuni

Solveret hospitiis aniimum. Quid multa? neque ille

Sepositi ciceris nec longae invidit avenae;

Aridum et ore ferens acinum semesaque lardi 85

Frusta dedit, cupiens varia fastidia coena

Vincere tangentis male singula dente superbo:

Quum pater ipse domus palea porrectus in horna

Esset ador loliumque, dapis meliora relinquens.

Tandem urbanus ad hunc: Quid te iuvat, inquit, amice, 90

Praerupti nemoris patientem vivere dorso?

Vis tu homines urbemque seris praeponere silvis?

Carpe viam, mihi crede, comes, terrestria quando

— v. 67. *dapibus*: cum, ut cuique lib. Bentl. ex uno Cod. Vid. Heind. — v. 70. *humescit* Ed. Glareani, aliquot aliae. — v. 78. Ita longe plurimi Codd. Sed plurimae Edd. vett. *nam si quis*. Vid. Bentl. et Fea. — v. 83. *ille* Bentl. e plurimis Codd. quem Vid. Olim vulg. *illi*. Cf. Heind. — v. 92. *vis tu* e Codd. Bentl. quem Vid. Olim vulgo: *'vin' tu*.

Mortales animas vivunt sortita, neque ulla est 95
 Aut magno aut parvo leti fuga; quo, bone, circa,
 Dum licet, in rebus iucundis vive beatus;
 Vive memor, quam sis aevi brevis. Haec ubi dicta
 Agrestem pepulere, domo levis exsilit; inde
 Ambo propositum peragunt iter, urbis aentes
 Moenia nocturni subrepere. Iamque tenebat 100
 Nox medium coeli spatium, quum ponit uterque
 In locuplete domo vestigia, rubro ubi cocco
 Tincta super lectos canderet vestis eburnos,
 Multaque de magna superessent fercula coena,
 Quae procul exstructis merant hesterna canistris. 105
 Ergo ubi purpurea porrectum in veste locavit
 Agrestem, veluti succinctus cursitat hospes,
 Continuatque dapes; nec non vernaliter ipsis
 Fungitur officiis, praelambens omne quod affert.
 Ille cubans gaudet mutata sorte, bonisque 110
 Rebus agit laetum convivam, quum subito ingens
 Valvarum strepitus lectis excussit utrumque.
 Currere per totum pavidi conclave, magisque
 Exanimes trepidare, simul domus alta Molossis
 Personuit canibus. Tum rusticus, Haud mihi vita 115
 Est opus hac, ait, et valeas, me silva cavusque
 Tutus ab insidiis tenui solabitur ervo.

SATIRA VII.

Servus Horatii libertate Saturnalium utens severa oratione,
 quae tota est ad Stoicorum rationem composita, dominum castigat;
 neque vero quae dicit suo ingenio excogitavit, sed a Crispini
 Aretalogi ianitore, qui ex domini sui sermonibus arripuerat, ac-
 cepta tradit. Gestiens igitur quae didicerat effutire, ubi primum
 loquendi veniam impetravit, perversitatem hominum admodum

— v. 108. *vernaliter* maxima pars Codd. et olim plurimae Edd.
 Sed Vid. Bentl. et Heind. — v. 109. *praelibans* omne Bentl. o
 duobus Codd.

communem exagitare incipit, qua ne in vitiis quidem sibi constare consueverint, eandemque etiam in dominum suum cadere ostendit. Atque ea quidem, quae servus Horatio obiicit *vers.* 23—35 non plane a vero abesse facile credas, etiam si ipsius confessio non accedat *Epist. I*, 8, 11 *seqq.* et *I*, 1, 97 *seqq.*; sed ne ea quoque quae *vers.* 46 sequuntur, ubi contra mocchos servus invehitur, serio a lectore accipientur aut verum inde crimen contra poetae mores et ingenium petatur, satis cavetur *versu* 45. tum *versu* 72, qui clare ostendit, quomodo servi accusatio intelligenda sit. Neque ea quidem, quae *vers.* 95—101 proferuntur poetae personam spectare, sequentia docent, in primis *vers.* 110. Sed quid sibi voluit Horatius hac satira conscribenda? Nobis quidem sibi plane idem proposuisse videtur, quod in Satira III huius septimae per quam simili, nimirum ut languidam, putidam et inertem garrulitatem derideret, qua Stoicorum eius aetatis, ut Stertinii, ut Crispini, scripta laborabant. Contrarium igitur in his satiris exemplum proponit, qua tandem ratione haec Stoicorum celebrata παραδοξα tractanda sint, quod quidem tam luculenter, tam graviter et ingeniose facere instituit, ut nobis et germanam germanorum Stoicorum sententiam repraesentet, et optima vitae regendae praecepta impertiat. Nihil igitur est nisi amara derisio, quod hi sermones, alter Stertinio, alter Crispino auctoribus tribuntur. — Casu aut falsa versus 1 interpretatione factum est, ut in pluribus codicibus haec satira cum antecedente continuata coauerit. Sed qua tandem ratione adductus Bentleius hanc coniunctionem probare aut statuere potuerit, hanc satiram ad superiorem referri debere? Initum enim huius sermonis ita explicat: „Iamdudum ausculo, ait Davus; tibi nempe sermonem superiorem tecum recitanti: si pace tua liecat pauca habeo, quae contra reponam. Id modo dixisti tibi in votis esse, ut rure procul a negotiis et turbis degas. Recte quidem, si in eodem voto constanter ac perpetuo manere possis. Sed Laudas Fortunam et mores antiquae plebis; et idem Si quis ad illa Deus subito te agat usque recuses. — Romae rus optas; absentem rusticus urbem Tollis ad astra levis etc.“ Neque vero necesse erat hanc sermonis coniungendi occasionem communisci; imo servus sapientiae, quam a Crispini ianitore in rem suam converterat, iactandae impatiens, coram domino disputare properat. Tum superior satira (VI.) si quae alia in se ipsa tota est teres atque rotunda, et aperte narrata fabula clauditur. Qui tandem eadem tam abrupte dramaticam formam inducere et colloquium illud murium inter se, servi cum Horatio colloquium continuo subsequi possit? Quo consilio hoc factum esse dicamus? Seilicet ut Sermonis VI. elegantia et nativa simplicitas corrumperetur. *Heindorf.*

Davus.

Iamdudum ans culto et cupiens tibi dicere servus
Pauca, reformido.

Horatius.

Davusne?

Davus.

Ita, Davus, amicum
Mancipium domino, et frugi quod sit satis, hoc est,
Ut vitale putes.

Horatius.

Age, libertate Decembri,
Quando ita maiores voluerunt, utere, narrā.

Davus.

Pars hominum vitiis gaudet constanter, et urget
Propositum; pars multa natat, modo recta capessens,
Interdum pravis obnoxia. Saepe notatus
Cum tribus anellis, modo laeva Priscus inani,
Vixit inaequalis, clavum ut mutaret in horas; 10
Aedibus ex magnis subito se conderet, unde
Mundior exiret vix libertinus honeste;
Iam moechus Romae, iam mallet doctus Athenis
Vivere, Vertumnis, quotquot sunt, natus iniquis.
Scurra Volanerius, postquam illi iusta cheragra 15
Contudit articulos, qui pr̄ se tolleret atque
Mitteret in phimum talos, mercede diurna
Conductum pavit: quanto constantior idem
In vitiis, tanto levius miser ac prior illo,
Qui iam contento, iam laxo fune laborat. 20

— v. 13. Pars fere dimidia Codd. *doctor Athen*; eamque lectio-
nem servat Fea. Sed Cf. Heind. — v. 19. *ille* alii Codd. et Edd,
probatum Bentleio, Heindorfio, quem Vid. aliis. Plures Codd.
Cruq. et Torrentii *acrior ille vel illo*.

Horatins.

Non dices hodie, quorsum haec tam putida tendant,
Furcifer?

Davus.

Ad te inquam.

Horatius.

Quo pacto pessime?

Davus.

Laudas

Fortunam et mores antiquae plebis, et idem,
Si quis ad illa Deus subito te agat, usque recuses,
Aut quia non sentis, quod clamas, rectius esse, 25
Aut quia non firmus rectum defendis, et haeres,
Nequidquam coeno cupiens evellere plantam.
Romae rus optas, absentem rusticus Urbem
Tollis ad astra levis. Si nusquam es forte vocatus
Ad coenam, laudas securum olus, ac, velut usquam 30
Vinctus eas, ita te felicem dicis, amasque,
Quod nusquam tibi sit potandum. Iusserit ad se
Maccenas serum sub lumina prima venire
Convivam: Nemon' oleum fert ocius? equeis
Audit? cum magno blateras clamore furisque. 35
Mulvius et scurrae tibi non refereuda precati
Discedunt. Etenim fateor me, dixerit ille,
Duci ventre levet; nasum nidore supinor,
Imbecillus, iners; si quid vis, adde, popino:
Tu, quum sis quod ego, et fortassis nequior, ultro 40
Insectere velut melior, verbisque decoris
Obvolvas vitium? Quid, si me stultior ipso
Quingentis emto drachmis deprenderis? Aufer
Me vultu terrere; manum stomachumque teneto,
Dum, quae Crispini docuit me ianitor, edo. 45

— v. 34. *feret* plures Codd. et Edd. vett. Cf. Bentl. — v. 35. *su-*
gisque plurimi Codd. idque tuerit cum Fea Both. quem Vid. in
Annotatt. — v. 45. *Chrysippi* pro *Crispini* Cod. Feae.

Te coniux aliena capit, meretricula Davum:
 Peccat ute nostrum cruce dignius? Acris ubi me
 Natura incendit, sub clara nuda lucerna
 Quaecunque exceptit turgentis verbera candae,
 Clunibus aut agitavit equum lasciva supinum: 50
 Dimittit neque famosum, neque sollicitum, ne
 Ditior aut formae melioris meiat codem.
 Tu, quum proiectis insignibus, annulo equestri
 Romanoque habitu, prodis ex iudice Dama
 Turpis, odoratum caput obscurante lacerna,
 Non es quod simulas? Metuens induceris, atque 55
 Altercante libidinibus tremis ossa pavore.
 Quid refert, uri, virgis ferroque necari
 Auctoratus eas, an turpi clausus in arca,
 Quo te demisit peccati conscientia herilis,
 Contractum genibus tangas caput? Estne marito 60
 Matronae peccantis in ambo iusta potestas?
 In corruptorem vel iustior: illa tamen se
 Non habitu mutative loco, peccative superne,
 Quum te formidet mulier, neque credat amanti: 65
 Ibis sub furcam prudens, dominoque furenti
 Committens rem omnem et vitam et cum corpore famam.
 Evasti: metues, credo, doctusque cavebis.
 Quaeres, quando iterum paveas iterumque perire
 Possis, o toties servus! Quae bellua ruptis,
 Quum semel effugit, reddit se prava catenis? 70
 Non sum moechus, ais. Neque ego hercule fur, ubi vasa
 Praetereo sapiens argentea. Tolle periculum:
 Iam vaga prosiliet frenis natura remotis.
 Tune mihi dominus, rerum imperiis hominumque
 Tot tantisque minor, quem ter vindicta quaterque 75
 Imposita haud unquam misera formidine privet?
 Adde super, dictis quod non levius valeat: nam

— v. 64. *supine* coniicit pro *superne* Petr. Nannius Miscell. lib. IV.
 probante Both. Annotatt. — v. 78. Ita e pluribus Codd. Bentl.
 quem Vid. Olim *vulg. supra dictis.*

Sive vicarius est qui servo paret, uti mos
 Vester ait, seu conservus: tibi quid sum ego? Nempe 80
 Tu, mihi qui imperitas, aliis servis miser, atque
 Dueeris ut nervis alienis mobile lignum.
 Quisnam igitur liber? Sapiens, sibi qui imperiosus,
 Quem neque pauperies neque mors neque vincula terrent,
 Responsare cupidinibus, contemnere honores 85
 Fortis, et in se ipse totus, teres atque rotundus,
 Externi ne quid valeat per leve morari,
 In quem manca ruit semper fortuna. Potesne
 Ex his ut proprium quid noscere? Quinque talenta
 Poscit te mulier, vexat, foribusque repulsum 90
 Perfundit gelida; rursus vocat; eripe turpi
 Colla iugo, Liber, liber sum, dic age. Non quis.
 Urget enim dominus mentem non lenis, et acres
 Subiectat lasso stimulos, versatque negantem.
 Vel quum Pausiaca torpes, insane, tabella, 95
 Qui peccas minus atque ego, quum Fulvî Rutubaeque
 Aut Placideiani contento poplite miror
 Proelia, rubrica pieta aut carbone, velut si
 Re vera pugnant, feriant, vitentque moventes
 Arma viri? Nequam et cessator Davus; at ipse 100
 Subtilis veterum iudex et callidus audis.
 Nil ego, si ducor libo fumante: tibi ingens
 Virtus atque animus coenis responsat opinis?
 Obsequium ventris mihi perniciosius est cur?
 Tergo plector enim: qui tu impunitior illa, 105
 Quae parvo sumi nequeunt, obsonia captas?
 Nempe inamarescunt epulæ sine fine petitæ,
 Illusique pedes vitiosum ferre recusant
 Corpus. An hie peccat, sub noctem qui puer uvam
 Furtiva mutat strigili? qui praedia vendit, 110
 Nil servile, gulæ parens, habet? Adde, quod idem

— v. 82. *signum pro lignum* Bentl. ex conjectura. — v. 107. *im-*
marcescunt Cod. Gotting. et aliquot Feae, quem Cf. — v. 109. *uva*
Furtivam mutat strigilem Lambin. e Codd. Sed Vid. Heind.

Non horam tecum esse potes, non otia recte
 Ponere; teque ipsum vitas fugilivus et erro,
 Iam vino quaerens, iam somno fallere curam;
 Frustra: nam comes atra premit sequiturque fugacem. 115

Horatius.

Unde mihi lapidem?

Davus.

Quorsum est opus?

Horatius.

Unde sagittas?

Davus.

Aut insanit homo, aut versus facit.

Horatius.

Ocius hinc te

Ni rapis, accedes opera agro nona Sabino.

SATIRA VIII.

Satis patet, quantum huic satirae commendationis accedat, si statuerimus, Horatium ut alias facere solet ita etiam hoc loco *Nasidiensi* appellatione certum quendam hominem vero nomine paulum immutato significare, quem quidem bona lectorum pars ex cognomine *Rufi* versu 58 addito, atque adeo ex tota narracione faciliter coniectura assequeretur. Nihil autem vero similius est, quam derideri hoc sermone, ut iam Lambinus coniecit, *Salvidienum Rufum* apud *Suetonium in Aug. cap. 66.* commemoratum, ubi hacc leguntur: *Neque... temere ex omni numero in amicitia eius (Augusti) afflicti reperientur praeter Salvidienum Rufum, quem ad consulatum usque, et Cornelium Gallum, quem ad praefecturam Aegypti, ex infima utrumque fortuna, provexerat. Quorum alterum (Gallum) res novas molientem damnandum Senatui tradidit: alteri (Nasidieno) ob ingratum et malevolum animum domo et provinciis suis interdixit.* Id autem quamvis summo studio ageret huius convivii dominus, quod Fundanius, poeta comicus apud Horatium Sat. I, 10, 42 collaudatus narrat, ut coram Maecenate, in cuius honorem convivium haberet, divitias suas, magnificentiam et elegans iudicium ostentaret, tamen operam tam misere perdi-

dit, ut vix quidquam ineptius, agrestius et magis ridiculum cogitari posset, quam haec ipsa coena et qui eam praebuit Nasidenus, *ex infima fortuna*, ut omnia arguunt, *proiectus*, homo, ut Wielandii verbis utamur, avare prodigus, superbe submissus, arroganter credulus, elegantiam et urbanitatem ridicule affectans, sed idem ineptus, taedii plenus, stolidus, omni sensu, liberaliore educatione et vitae usu destitutus. Vel hodieque lector Horatii vix in ulla alia eius satira tam multa ridicula et deridenda in unum collecta inveniet: quanto plus romanus lector invenerit? Praesertim enim in iis, quae de ciborum ordine et apparatu narrantur, vix nunc nobis derisionis vim vel conjectura assequi licet; neque Salmasii aut Boettigeri eruditio suppetat ad omnes ineptias demonstrandas, quibus haec coena laboraverit. *Heindorf.*

Horatius.

Ut Nasidieni iuvit te coena beati?
Nam mihi convivam quaerenti dictus here illic
De medio potare die.

Fundanius.

Sic, ut mihi nunquam

In vita fuerit melius.

Horatius.

Da, si grave non est,
Quae prima iratum ventrem placaverit esca.

Fundanius.

In primis Lucanus aper: leni fuit Austro
Captus, ut aiebat coenae pater; aeria circum
Rapula, lactucae, radices, qualia lassum
Pervellunt stomachum, sicer, halec, faccula Coa.
His ubi sublatis puer alte cinctus acernam
Gausape purpureo mensam pertersit, et alter

5

10

VIII, v. 1. Fea e Codd. *Nasidieni qui iuvit* etc. unde Lahn. conii.
Qui Nasidieni etc. Cf. Bentl. et Both. Annotatt. — v. 4. *da* Codd.
Feae; sed plurimi Codd. et antiquissimae Edd. *dic.* Cf. Bentl. Heind.
et Fea.

Sublegit quodcunque iaceret inutile, quodque
 Posset coenantes offendere: ut Attica virgo
 Cum sacris Cereris, procedit fuscus Hydaspes
 Caecuba vina ferens, Alcon Chium maris expers. 15
 Hic herus, Albanum, Maecenas, sive Falernum
 Te magis appositis delectat, habemus utrumque.

Horatius.

Divitias miseras! Sed queis coenantibus una,
 Fundani, pulchre fuerit tibi, nosse laboreo.

Fundanius.

Summus ego, et prope me Viscus Thurinus, et infra, 20
 Si memini, Varius; cum Servilio Balatrone.
 Vibidius, quos Maecenas adduxerat umbras.
 Nomentanus erat super ipsum, Porcius infra.
 Ridiculus totas simul absorbere placentas.
 Nomentanus ad hoc, qui, si quid forte lateret, 25
 Indice monstraret digito: nam cetera turba,
 Nos, inquam, coenamus aves, conchylia, pisces,
 Longe dissimilem noto celantia succum;
 Ut vel continuo patuit, quum passeris assi et
 Ingustata mihi porrexerat ilia rhombi. 30
 Post hoc me docuit, melimela rubere minorem
 Ad lunam delecta. Quid hoc intersit, ab ipso
 Audieris melius. Tum Vibidius Balatroni:
 Nos nisi damnose bibimus, moriemur inulti;
 Et calices poscit maiores. Vertere pallor 35
 Tum parochi faciem, nil sic metuentis ut acres
 Potores, vel quod maledicunt liberius, vel
 Fervida quod subtile exsurdant vina palatum.

— v. 17. Bothius cum Heindorfio ita interpungit: *habemus utrumque*, *Divitias miseras*. Cf. Bentl. et Heind. — v. 23. *supra* Coll. Sax. Cf. Heind. — v. 24. *semel* plures Codd. Vid. Bentl. et Heind. — *absorbere* plures Codd. Cf. Heind. — v. 29. Ita Bentl. e Codd. Lambini. Olim vulg. *passeris atque Ingust.* Idem Codd. Lamb. *porrexerat*; plurimi alii *porrexerit* Cf. Bentl.

Invertunt Allifanis vinaria tota
 Vibidius Balatroque, secutis omnibus: imi 40
 Convivae lecti nihilum noeuerre lagenis.
 Affertur squillas inter muraena natantes
 In patina porrecta. Sub hoc herus, Haec gravida, inquit,
 Capta est, deterior post partum carne futura.
 His mixtum ius est: oleo, quod prima Venafri 45
 Pressit cella; garo de succis piscis Iberi;
 Vino quinquenni, verum citra mare nato,
 Dum coquitur; cocto Chium sic convenit, ut non
 Hoc magis ullum aliud; pipere albo, non sine aceto,
 Quod Methymnaeum vitio mutaverit uvam. 50
 Erucas virides, inulas ego primus amaras
 Monstravi incoquere; illotos Curtillus echinos,
 Ut melius muria, quam testa marina remittit.
 Interea suspensa graves aulaea ruinas
 In patinam fecere, trahentia pulveris atri 55
 Quantum non Aquilo Campanis excitat agris.
 Nos maius veriti, postquam nihil esse pericli
 Sensimus, erigimur. Rufus posito capite, ut si
 Filius immaturus obisset, flere. Quis esset
 Finis, ni sapiens sic Nomentanus amicum 60
 Tolleret? Heu, Fortuna, quis est crudelior in nos
 Te Deus? ut semper gaudes illudere rebus
 Humanis! Varius mappa compescere risum
 Vix poterat. Balatro suspendens omnia naso,
 Haec est conditio vivendi, aiebat, eoque 65
 Responsura tuo nunquam est par fama labori.
 Tene, ut ego accipiar laute, torquerier omni
 Sollicitudine districtum? ne panis adustus;
 Ne male conditum ius apponatur? ut omnes
 Praecincti recte pueri comique ministrent? 70
 Adde hos praeterea casus, aulaea ruant si,
 Ut modo; si patinam pede lapsus frangat agaso.
 Sed convivatoris, uti ducis, ingenium res

Adversae nudare solent, celare secundae.

Nasidienus ad haec: Tibi Dī, quaecunque preceris, 75
 Commoda dent; ita vir bonus es convivaque comis.
 Et soleas poscit. Tum in leeto quoque videres
 Stridere secreta divisos aure susurros.

Horatius.

Nullos his mallem ludos spectasse; sed illa
 Redde, age, quae deinceps risisti.

Fundanius.

Vibidius dum. 80

Quaerit de pueris, num sit quoque fracta lagenā,
 Quod sibi poscenti non dentur pocula, dumque
 Ridetur fictis rerum, Balatrone secundo:
 Nasidiene, redis mutatae frontis, ut arte
 Enmendaturus fortunam; deinde secuti
 Mazonomo pueri magno discerpta ferentes 85
 Membra gruis, sparsi sale multo non sine farre,
 Pinguibus et ficiis pastum iecur anseris albae,
 Et leporum avulsos, ut multo suavius, armos,
 Quam si cum lumbis quis edit. Tum pectore adusto 90
 Vidimus et merulas poni, et sine clune palumbes;
 Suaves res, si non causas narraret earum et
 Naturas Dominus, quem nos sic fugimus ulti,
 Ut nihil omnino gustaremus, velut illis
 Canidia afflasset peior serpentibus Afris. 95

— v. 75. *precaris* Codd. aliquot. et priscae Edd. Cf. Bentl. —
 v. 82. *dantur* plures Codd. Feae. Cf. Iahn. — v. 88. *albae* Heind.
 e pluribus Codd. apud Bentl. quem Vid. coll. Fea. et Iahn. Alii
albi. — v. 94. Bentleius, cui *afflare* hic accusativum requirere
 videretur ex coniectura: *veluti si Canidia*. Cf. Heind. et Both. An-
 notatt. — v. 95. *serpentibus atris* Bentl. e Codd.

Q. HORATII FLACCI
EPISTOLARUM
LIBER PRIMUS.

EPISTOLA I.
AD MAECENATEM.

Horatius, cum post Satiras, Epodos et Odas compositas tam diu cessavisset, ut Musarum castra plane deseruisse videretur; atque a Maecenate ut stilum repeteret esset provocatus: rationem reddit hac epistola cur nunc minus iam ad versus scribendos caleat. Excusat enim primum aetatem ingravescentem et a iuvenilibus ludis alienam, *vers. 1—9.* (agebat autem hoc tempore e Bentleii rationibus annum quadragesimum sextum, aut septimum); deinde mutatum animi propositum, quo nunc unice sapientiae studio omissis ludicris vacet, non scholasticae illius quidem, sed quae sectarum formulis spretis, serio et vere id tantum quaerat, ut vitam ratione regamus, neque malis cupidinibus abrepti, neque languore lenti et incuriosi. (*Vers. 10—25.*) Quod ubi dixit, continuo huius sanae rationis et verae sapientiae aliquot quasi specimen amico proponit, in quibus ut omnino contra humani generis inconstantiam et vitae vere beatae ignorationem disputat, (*Vers 25—93.*) ita vel Maecenatem ipsum, etsi leniter et amicis verbis hoc nomine tangere pro sua libertate dicendi non veretur. (*Vers. 94—104.*) Postremum ne nimia severitate supercilium philosophicum assumisse videatur, Iudibunda clausula epistolam praecidit. (*Vers. 105—108.*)

Prima dicte mihi, summa dicende Camena,
Spectatum satis, et donatum iam rude, quaeris,
Maecenas, iterum antiquo me includere ludo.
Non eadem est aetas, non mens. Veianius, armis
Herculis ad postem fixis, latet abditus agro,
Ne populum extrema toties exoret arena.
Est mihi purgatam crebro qui personet aurem:
Solve senescentem mature sanus equum, ne
Peccet ad extremum ridendus, et ilia ducat.
Nune itaque et versus et cetera ludicra pono; 10
Quid verum atque decens euro et rogo, et omnis in
hoc sum;
Condo et compono, quae mox depromere possim.
Ac ne forte roges, quo me duce, quo lare tuter:
Nullius addictus iurare in verba magistri,
Quo me cunque rapit tempestas, deferor hospes. 15
Nunc agilis fio et messor civilibus undis,
Virtutis verae custos rigidusque satelles;
Nunc in Aristippi furtim praecepta relabor,
Et mihi res, non me rebus subiungere conor.
Ut nox longa, quibus mentitur amica, diesque 20
Lenta videtur opus debentibus; ut piger annus
Pupillis, quos dura premit custodia matrum:
Sie mihi tarda fluunt ingrataque tempora, quae spem
Consiliumque morantur agendi gnaviter id, quod
Aequa pauperibus prodest, locupletibus aequa,
Aequa neglectum pueris senibusque nocebit. 25
Restat, ut his ego me ipse regam solerque elementis:
Non possis oculos quantum contendere Lyneeus,
Non tamen ideirco contemnas lippus inungi;
Nec, quia desperes invicti membra Glyconis, 30

I. v. 3. *inducere ludo* Codd. Bersm. *reddere ludo* Cod. Feae. Eiusdem Cod. unus cum interrogatione versum profert. — v. 16. *versor e* Codd. et vett. Edd. Lambinus. Cf. Fea. — v. 19. *submittere conor plures* Codd. et vett. Edd. Vid. Fea. — v. 21. *lenta ex uno* Cod. Bentl. Vulg. *longa*, quod tuentur Fea et Obbarius (*in peculiari huius epist. editione. Rudolstadt. 1822.*). — v. 28. *oculos* Lambin. unus Cod. *oculis* alias Feae. Vid. Bentl. et Fea.

Nodosa corpus nolis prohibere cheragra.
 Est quadam prodire tenus, si non datur ultra.
 Fervet avaritia miseroque cupidine pectus:
 Sunt verba et voces, quibus hunc lenire dolorem
 Possis, et magnam morbi deponere partem. 35
 Laudis amore tunes: sunt certa piacula, quae te
 Ter pure lecto poterunt recreare libello.
 Invidus, iracundus, iners, vinosus, amator,
 Nemo adeo ferus est, ut non mitescere possit,
 Si modo culturae patientem commonet aurem. 40
 Virtus est vitium fugere, et sapientia prima
 Stultitia caruisse. Vides, quae maxima credis
 Esse mala, exiguum censum turpemque repulsam
 Quanto devites animo capitisque labore:
 Impiger extremos curris mercator ad Indos, 45
 Per mare pauperiem fugiens, per saxa, per ignes:
 Ne cures ea, quae stulte miraris et optas,
 Discere et audire et meliori credere non vis?
 Quis circum pagos et circum compita pugnax
 Magna coronari contemnat Olympia, cui spes, 50
 Cui sit conditio dulcis sine pulvere palmae?
 Vilius argentum est auro, virtutibus aurum.
 O cives, cives, quaerenda pecunia primum est,
 Virtus post nummos. Haec Ianus summus ab imo
 Prodocet; hacc recinunt iuvenes dictata senesque, 55
 Laevo suspensi loculos tabulamque lacerto.
 Est animus tibi, sunt mores, est lingua fidesque;
 Sed quadringtonitis sex septem millia desunt:

— v. 31. prohibere podagra Codd. aliquot Feae. — v. 32. quodam plerique Codd. et Edd. quadam duo Codd. Cruq. et Schol. quoddam Codd. aliquot Feae et vett. Edd. Vid. Bentl. et Fea. — v. 33. miseraque Cod. Bersm. et Ed. Ven. — v. 40. accomonet Coll. Sav. et Cod. Bersm. — v. 44. animo Codd. aliquot Cruq. Alii animi. — Ibid. labore? Cod. Feae. Cf. Iahn. — v. 48. audere Ed. prima Cf. Gesner. — v. 55. Prodocet plurimi Codd. Alii eum vett. Edd. prae docet aut per docet Cf. Bentl. et Fea. — Ibid. senesque et Markland coni. Cf. Gesner et Iahn. — v. 57 et 58. Locum ita constituit Cruq. e Cod. probante Bentl. quem Vid. Vulgata lectio olim erat:

Plebs eris. At pueri ludentes, Rex eris, aiunt,
 Si recte facies. Hic murus aeneus esto, 60
 Nil concire sibi, nulla pallescere culpa.
 Roscia, dic sodes, melior lex, an puerorum est
 Naenia, quae regnum recte facientibus affert,
 Et maribus Curiis et deoantata Camillis?
 Isne tibi melius suadet, qui, rem facias; rem, 65
 Si possis, recte; si non, quoconque modo rem,
 Ut proprius speetes lacrimosa poëmata Pupi:
 An qui, fortunae te responsare superbae
 Liberum et erectum; praesens hortatur et aptat?
 Quod si me populus Romanus forte roget, eur 70
 Non, ut portieibus, sie iudiciis fruar isdem,
 Nec sequar aut fugiam, quae diligit ipse vel odit:
 Olim quod vulpes aegroto eauta leoni
 Respondit, referam: Quia me vestigia terrent
 Omnia te adversum spectantia, nulla retrorsum. 75
 Bellua multorum es capitum. Nam quid sequar? aut
 quem?
 Pars hominum gestit conducere publica; sunt qui
 Crustis et pomis viduas venentur avaras,
 Exeipiantque senes, quos in vivaria mittant;
 Multis occulto crescit res fenore. Verum 80
 Esto, aliis alias rebus studiisque teneri:
 Idem eadem possunt horam durare probantes?
 Nullus in orbe sinus Baiis praelucet amoenis,
 Si dixit dives, lacus et mare sentit amorem
 Festinantis beri; cui si vitiosa libido 85
 Feerit auspicium, eras ferramenta Teanum
 Tolletis, fabri. Lectus genialis in aula est:
 Nil ait esse prius, melius nil caelibe vita;

Si quadringtonitis sex etc.... desunt, Est animus tibi... fidesque,
Plebs eris. — v. 67. Pupi Bentl. e Codd. Vulg. Puppi. Cf. Bentl.
et Fea. — v. 69. optat Cod. Feae, Ed. princeps multaeque aliae.
Vid. Bentl. et Fea. — v. 76. est pro es Bentl. ex coni. Cf. Gesner.
— v. 78. frustis pro crustis Codd. aliquot Feae, alii et Ed. princ.

Si non est, iurat bene solis esse maritis.
 Quo teneam vultus mutantem Protea nodo? 90
 Quid pauper? Ride, ut mutat coenacula, lectos,
 Balnea, tonsores; conducto navigio aequa
 Nauseat ac locuples, quem dicit priva triremis.
 Si curatus inaequali tonsore capillos
 Occurro, rides: si forte subucula pexae 95
 Trita subest tunicae, vel si toga dissidet impar,
 Rides: quid? mea quum pugnat sententia secum;
 Quod petiit, spernit; repetit quod nuper omisit;
 Aestuat et vitaे disconvenit ordine toto;
 Diruit, aedificat, mutat quadrata rotundis: 100
 Insanire putas solennia me, neque rides?
 Nec medici credis nec curatoris egere.
 A praetore dati; rerum tutela mearum
 Quum sis, et prave sectum stomacheris ob unguem
 De te pendentis, te respicientis amici. 105
 Ad summam, sapiens uno minor est Iove, dives,
 Liber, honoratus, pulcher, rex denique regum;
 Præcipue sanus, nisi quum pituita molesta est.

EPISTOLA II.

AD LOLLIUM.

Lollius, ad quem haec epistola data est, filius fuit natu maximus M. Lolpii Palicanii, ad quem scripsit Horatius carmen 9 libri IV. nobili loco natus, dives, iuvenis generosae indolis et elegantis ingenii, quantum quidem ex hac epistola et huius libri epistola XVIII coniicere licet. Ei igitur poeta hac epistola saluberrimis consiliis viam, qua pervenitur ad honestaten[et] felicitatem, indigitat, et

— v. 91. *rides* aliquot Codd. *'viden'* ut mutat Bentl. ex coni. Cf. Lahn. — v. 94. *curatus* omnes Codd. excepto uno Cruq. qui habet *curtatus*, idemque Ed. Loscheriana, unde in plurimas alias transiit Vid. Bentl. et Fea. — v. 95. *Occurro* Bentl. e Codd. itemque plures Feae. Vulg. *occurri*. — v. 105. *suspicientis* Bentl. ex coni. Nic. Heins. Cf. Fea.

ut alaci animo ingrediatur iuvenem monet. Atque cum hoc ipso tempore Horatius Praeneste degens Homeri carmina relegisset hac scribendi occasione utens primum ostendit inde tanquam e vita ipsa posse aptissima in utramque partem exempla a nobis peti. Post hanc egregiam de Homero sententiam pluribus versibus explicatam (*vers. 1—31.*), tradit potissima praeceptorum capita, quibus vita iuveni regenda sit, tam vere, tam nervose, tam ad persuadendum apte, ut quemlibet adolescentem, nisi plane abiecto animo sit, non excitare et ad optima quaeque incendere non possint. (*Vers. 32 usque ad fin.*)

Troiani belli scriptorem, maxime Lolli,
Dum tu declamas Romae, Praeneste relegi;
Qui, quid sit pulchrum, quid turpe, quid utile, quid
non,
Planius ac melius Chrysippo et Crantore dicit. 5
Cur ita crediderim, nisi quid te detinet, audi.
Fabula, qua Paridis propter narratur amorem
Graecia barbariae lento collisa duello,
Stultorum regum et populorum continet aestus.
Antenor censet belli praecidere causam.
Quid Paris? ut salvus regnet vivatque beatus, 10
Cogi posse negat. Nestor componere lites
Inter Peliden festinat et inter Atriden:
Hunc amor, ira quidem communiter urit utrumque.
Quidquid delirant reges, plectuntur Achivi.
Seditione, dolis, scelere, atque libidine et ira 15
Iliacos intra muros peccatur et extra.
Rursum, quid virtus et quid sapientia possit,
Utile proposuit nobis exemplar Ulixem,
Qui domitor Troiae multorum providus urbes
Et mores hominum inspexit, latumque per aequor, 20
Dum sibi, dum sociis redditum parat, aspera multa

II, v. 4. *planius* ex Edd. principibus et plurimis Codd. revo-
cavit Bentl. quem Vid. Olim vulg. *pleniū*. — v. 10. *Quod Paris*
sine interrogatione Bentl. ex Codd. — v. 17. *rursum* ex uno
Cod. Bentl. quem Vid. collato Both. Annotatt. Reliqui *rursus*. —

Pertulit, adversis rerum immersabilis undis.
 Sirenum voces et Circae pocula nosti;
 Quae si cum sociis stultis cupidusque bibisset,
 Sub domina meretrice fuisse turpis et excors,
 Vixisset canis immundus, vel amica luto sus. 25
 Nos numerus sumus, et fruges consumere nati,
 Sponsi Penelopae, nebulones, Aleinoique
 In cute curanda plus aequo operata iuventus,
 Cui pulchrum fuit in medios dormire dies, et 30
 Ad strepitum citharae cessatum ducere curam.
 Ut iugulent homines, surgunt de nocte latrones:
 Ut te ipsum serves, non expurgisceris? atqui
 Si noles sanus, cures hydropicus; et ni
 Posces ante diem librum cum lumine, si non 35
 Intendes animum studiis et rebus honestis:
 Invidia vel amore vigil torquebere. Nam cur,
 Quae laedunt oculum, festinas demere: si quid
 Est aninum, differs curandi tempus in annum?
 Dimidium facti, qui coepit, habet; sapere aude, 40
 Incipe. Qui recte vivendi prorogat horam,
 Rusticus exspectat dum defluat annis; at ille
 Labitur, et labetur in omne volubilis aevum.
 Quaeritur argentum, puerisque beata creandis
 Uxor et incoltae pacantur vomere silvae; 45
 Quod satis est cui contigit, hic nihil amplius optet.
 Non domus et fundus, non aeris acervus et auri
 Aegroto domini deduxit corpore febres,
 Non animo curas. Valeat possessor oportet,
 Si comportatis rebus bene cogitat uti. 50

— v. 23. *Circes* et mox *Penelopes* aliquot Codd. et Edd. Sed Cf. Bentl. — v. 31. *cessantem ducere somnum* Bentl. e Codd. quem Vid. coll. Gesner. et Iahn. — v. 32. *hominem* Bentl. e Codd. Cf. Fea. — v. 34. *nolis . . . cures* plures Codd. *cures* etiam primae Edd. Vid. Bentl. et Iahn. — v. 38. *oculum* Bentl. e melioribus Codd. Alii *oculos*. — v. 41. Ita Bentl. ex aliquot Codd. cum quibus conspirant plures apud Feam; sed plerique: *Vivendi qui recte prorog. hor.* alii *vivendi recte qui.* V. Bentl.

Qui cupit aut metuit, invat illum sic domus et res,
 Ut lippum pictae tabulae, fomenta podagram,
 Auriculas citharae collecta sorde dolentes.
 Sincerum est nisi vas, quodcunque infundis, acescit.
 Sperne voluptates; nocet emta dolore voluptas. 55
 Semper avarus eget; certum voto pete finem.
 Invidus alterius macrescit rebus opimis;
 Invidia Siculi non invenere tyranni
 Maius tormentum. Qui non moderabitur irae,
 Infectum volet esse, dolor quod suaserit et mens, 60
 Dum poenas odio per vim festinat inulto.
 Ira furor brevis est; animum rege, qui nisi paret,
 Imperat; hunc frenis, hunc tu compesce catena.
 Fingit equum tenera docilem cervice magister
 Ire, viam qua monstret eques. Venaticus, ex quo 65
 Tempore cervinam pellem latravit in aula,
 Militat in silvis catulus. Nunc adbibe puro
 Pectore verba puer, nunc te melioribus offer.
 Quo semel est imbuta recens, servabit odorem
 Testa diu. Quod si cessas aut strenuus anteis,
 Nec tardum opperior nec praecedentibus insto. 70

EPISTOLA III.

AD IULIUM FLORUM.

Iulium Florum familiarem suum, tunc temporis inter comites Tiberii Neronis anno U. C. 734 in Orientem ab Augusto missi, ut Tigrani Armeniae restitueret regnum, pereontatur, quid Tiberius, quid communes amici, quid ipse agat, (*vers. 1—25.*) ad sapientiae studium excitat (v. 25—30.), postremum ut cum Munatio, communī amico, in gratiam redeat amice hortatur, (v. 30—35.)

— v. 52. *podagrum* Bentl. — *tomenta* coni. Buher. Antholog. lat. Burmanni Tom. II. p. 485. Cf. Doering. et Iahn. — v. 65. Ita Bentl. e Codd. quem Vid. Olim vulg. *Ire viam quam monstrat.* — v. 66. *laceravit in aula* Codd. aliquot Feae.

Iuli Flore, quibus terrarrum militet oris
 Clandius Augusti privignus, scire labore.
 Thracane vos, Hebrusque nivali compede vinctus,
 An freta vicinas inter currentia tresses,
 An pingues Asiae campi collesque morantur? 5
 Quid studiosa cohors operum struit? Hoc quoque curo.
 Quis sibi res gestas Augusti scribere sumit?
 Bella quis et paces longum diffundit in aevum?
 Quid Titius, Romana brevi venturus in ora,
 Pindarici fontis qui non expalluit haustus, 10
 Fastidire lacus et rivos ausus apertos?
 Ut valet? ut meminit nostri? fidibusne Latinis
 Thebanos aptare modos studet, auspice Musa?
 An tragica desaevit et ampullatur in arte?
 Quid mihi Celsus agit? monitus multumque monen-
 dus, 15

Privatas ut quaerat opes, et tangere vitet
 Scripta, Palatinus quaecunque recepit Apollo;
 Ne, si forte suas repetitum venerit olim
 Grex avium plumas, moveat cornicula risum
 Furtivis nudata coloribus. Ipse quid andes? 20
 Quac circumvolitas agilis thyma? non tibi parvum
 Ingenium non incultum est et turpiter hirtum.
 Seu linguam causis acuis, seu civica iura
 Respondere paras, seu condis amabile carmen;
 Prima feres ederae victricis praemia. Quod si 25
 Frigida curarum fomenta relinquere posses,
 Quo te coelestis sapientia duceret, ires.
 Hoc opus, hoc studium parvi properemus et ampli,
 Si patriae volumus, si nobis vivere cari.
 Debes hoc etiam rescribere, si tibi curae, 30

III, v. 4. *terras pro tresses* Bentl. ex aliquot Codd. in primis Blandiniano veterinimo. Cf. Fea et Iahn. — v. 6. *hoc* Bentl. e plurimis Codd. quibus accedunt Codd. Feae. Sed antiquissimae Edd. *haec*. Cf. Bentl. — v. 22. Ita Bentl. et Fea e plurimis Codd. *nec turpiter* plurimae Edd. *non turp.* Both. e Codd. Torrent. — v. 30. Codd. et vett. Edd. *si tibi aut sit tibi*. Bentl. quem Cf. *si tibi curae est*.

Quantae conveniat, Munatius, an male sarta
 Gratia nequidquam coit et rescinditur? At, vos
 Seu calidus sanguis seu rerum inscitia vexat
 Indomita cervice feros, ubicunque locorum
 Vivitis, indigni fraternum rumpere foedus,
 Pascitur in vestrum redditum votiva iuvenca.

35

EPISTOLA IV.

AD ALBIUM TIBULLUM.

Scire avet, quid amicus agat, ad hilarem vitae usum hortatur,
 invitat denique, ut se visat. Commendatur elegans epistolium
 praesertim hoc nomine, quod summi elegiarum scriptoris inge-
 nium et vitae conditio tam belle ibi significatur (*vers. 6—11.*). Ad
 eundem scripta est Lib. IV. Od. 33.

Albi, nostrorum sermonum candide index,
 Quid nunc te dicam facere in regione Pedana?
 Scribere quod Cassî Parmensis opuscula vincat,
 An tacitum silvas inter reptare salubres,
 Curantem quidquid dignum sapiente bonoque est? 5
 Non tu corpus eras sine pectore. Di tibi formam,
 Di tibi divitias dederunt, artemque fruendi.
 Quid voveat dulci nutricula maius alumno,
 Qui sapere et fari possit quae sentiat, et cui
 Gratia, fama, valetudo contingat abunde,
 Et mundus victus, non deficiente crumena? 10
 Inter spem curamque, timores inter et iras,

— v. 32. ac vos Bentl. e Codd. — v. 33. versat Codd. aliquot Feae et antiquissimae Edd.

IV, v. 9. Hanc lectionem Bentl. ex optimis Codd. revocavit. Olim vulg. *Quam sapere et fari ut possit.* Plures Codd. Torrent. *Quin sap.* etc. Vid. Bentl. — v. 11. Ita omnes Edd. cum maiore parte Codd. Aliquot tamen Codd. *Modus et victus*, unde Bentl. coni, *Domus et victus*.

Omnem crede diem tibi diluxisse supremum:
 Grata superveniet, quae non sperabitur, hora.
 Me pinguem et nitidum bene curata eute vises,
 Quum ridere voles Epicuri de grege poreum.

15

EPISTOLA V.

AD TORQUATUM.

Invitat poeta amicum ad coenam frugalem et genialem, quo Iulii Caesaris natalem diem celebraturus erat, simulque ad hilarem et laetum vitae usum excitat, quod etiam in Od. 7 Libri IV. ad eundem scripta a poeta fieri videmus.

Si potes Archiacis conviva recumbere lectis,
 Nec modica coenare times olus omne patella,
 Supremo te sole domi, Torquate, manebo.
 Vina bibes iterum Tauro diffusa, palustres
 Inter Minturnas Sinuissanumque Petrinum. 5
 Sin melius quid habes, arcesse, vel imperium fer.
 Iamdudum splendet focus, et tibi munda supellex.
 Mitte leves spes, et certamina divitiarum,
 Et Moschi causam. Cras nato Caesare festus
 Dat veniam somnumque dies; impune licebit
 Aestivam sermone benigno tendere noctem.
 Quo mihi fortunam, si non conceditur uti?
 Parcus ob heredis curam nimiumque severus
 Assidet insano. Potare et spargere flores

10

10

— v. 13. *deluxisse antiquissimae* Edd. Sed Vid. Fea.

V, v. 1. *Archiacis* plurimi Codd. atque etiam Porphyrio; *Achaicis* aliquot Codd. Lambin. Torrent. Feae; aliorum, et omnes fere Edd. antiquiores Cf. Bentl. et Fea. — v. 11. *extendere* Codd. aliquot Feae et vetustissimae Edd. Vid. Bentl. — v. 12. *fortunam* Bentl. ex aliquot Codd. *fortunae* Fea ex duabus MSS. Sed longe plurimi Codd. *fortuna*, quam lectionem Doeringius posita post *mihi* distinctione minori, servavit.

Incipiam, patiarque vel inconsultus haberi. 15
 Quid non ebrietas designat? opera recludit,
 Spes iubet esse ratas, in proelia trudit inertem,
 Sollicitis animis onus eximit, addocet artes.
 Fecundi calices quem non fecere disertum?
 Contracta quem non in paupertate solutum? 20
 Haec ego procurare et idoneus imperor, et non
 Invitus, ne turpe toral, ne sordida mappa
 Corruget nares; ne non et cantharus et lanx
 Ostendat tibi te; ne fidos inter amicos
 Sit, qui dicta foras eliminet; ut coeat par 25
 Iungaturque pari. Butram tibi Septiciumque,
 Et nisi coena prior potiorque puella Sabinum
 Detinet, assumam. Locus est et pluribus umbris;
 Sed nimis arcta premunt olidae convivia caprae.
 Tu, quotus esse velis, rescribe, et rebus omissis 30
 Atria servantem postico falle clientem.

EPISTOLA VI.

AD NUMICIUM.

Gentem Numiciam Romae floruisse certum est, cum Titus Numicius Priscus anni U. C. 285 Consul et Numicius Thermus sub Nerone praetor memorentur. Sed quis hic Numicius fuerit, ad quem Horatius hanc epistolam scripsit, nisi fortasse nomen fictum est, ignoratur. Quae poeta ibi praecipit, eo fere redeunt: Primum et maximum vitae beatae praesidium eo continetur, ut plane nulla re, nedum his humanarum rerum ludibriis et sordibus, perturbemur (*vers. 1—30*); alterum est, ut caveamus, ne inconstans misere fluctuemus. Ubi primum igitur videris, virtutem solam posse nobis animi tranquillitatem et vitam vere beatam praebere, hanc ipsam unice sequere (*v. 30*); sin autem secus senseris, praestat vel divitias (*v. 32—48*), vel populi favorem et honores

— v. 17. *inertem* multi Codd. Sed olim vulg. *inermem*. Cf. Fea.
 — v. 26. Ita Codd. Sed olim per Edd. vulgabatur *Brutum tibi Septimumque*. Cf. Bentl. Fea, Lahn.

(— v. 58), adeoque luxuriam et voluptates (— v. 66) strenue
sectari, quam trepidare in vitae rationibus, titubare, alia sentire
et loqui, alia factitare.

Nil admirari prope res est una, Numici,
Solaque, quae possit facere et servare beatum.
Hunc solem, et stellas, et decadentia certis
Tempora momentis, sunt qui formidine nulla
Imbuti spectent. Quid censes munera terrae? 5
Quid maris extremos Arabas ditantis et Indos?
Ludicra quid, plausus, et amici dona Quiritis?
Quo spectanda modo, quo sensu credis et ore?
Qui timet his adversa, fere miratur eodem
Quo cupiens pacto; pavor est utrobique molestus, 10
Improvisa simul species exterret utrumque.
Gaudeat an doleat, cupiat metuatne, quid ad rem,
Si, quidquid vidit melius peiusve sua spe,
Defixis oculis, animoque et corpore torpet?
Insani sapiens nomen ferat, aequus iniqui, 15
Ultra quam satis est virtutem si petat ipsam.
I nunc, argentum et marmor vetus aeraque et artes
Suspice, cum gemmis Tyrios mirare colores,
Gaude quod spectant oculi te mille loquentem,
Gnavus mane forum, et vespertinus pete tectum, 20
Ne plus frumenti dotalibus emetat agris
Mutus; et (indignum, quod sit peioribus ortus)
Hic tibi sit potius, quam tu mirabilis illi.
Quidquid sub terra est, in apricum proferet aetas,
Defodiet condetque nitentia. Quum bene notum 25
Porticus Agrippae et via te conspexerit Appi,
Ire tamen restat, Numa quo devenit et Ancus.
Si latus aut renes morbo tentatur acuto,

VI, v. 5. *spectant* Fea e paucis Codd. Sed Vid. Iahn. — v. 12.
metuatne multae antiquissimae Edd, apud Feam. — v. 22. *Mutus*
Bentl. e plurimis Codd. et binis Edd. principibus Loscheriana et
Veneta restituit. Olim vulgabatur *Mucius* sine et. Vid. Bentl.

Quaere fugam morbi. Vis recte vivere? quis non?
 Si virtus hoc una potest dare, fortis omissis 30
 Hoc age deliciis. Virtutem verba putas, ut
 Lucum ligna? cāye ne portus occupet alter;
 Ne Cibyratica, ne Bithyna negotia perdas.
 Mille talenta rotundentur; totidem altera porro, et
 Tertia succedant, et quae pars quadret acervum. 35
 Scilicet uxorem cum dote, fidemque et amicos,
 Et genus et formam regina pecunia donat,
 Ac bene nummatum decorat Suadela Venusque.
 Mancipiūs locuples eget aeris Cappadocum rex;
 Ne fueris hic tu. Chlamydes Lucullus, ut aiunt, 40
 Si posset centum scenae praebere rogatus,
 Qui possum tot? ait; tamen et quaeram, et quot habebo
 Mittam. Post paulo scribit, sibi millia quinque
 Esse domi chlamydum; partem, vel tolleret omnes.
 Exilis domus est, ubi non et multa supersunt, 45
 Et dominum fallunt, et prosunt furibus. Ergo
 Si res sola potest facere et servare beatum,
 Hoc primus repetas opus, hoc postremus omittas.
 Si fortunatum species et gratia praestat,
 Mercemur servum, qui dictet nomina, laevum 50
 Qui fodicebat latus, et cogat trans pondera dextram
 Porrigere. Hic multum in Fabia valet, ille Velina;
 Cui libet is fasces dabit, eripietque curule
 Cui volet importunus ebur; Frater, Pater, adde;
 Ut cuique est aetas, ita quemque facetus adopta. 55
 Si, bene qui coenat, bene vivit: lucet, eamus

— v. 31. Sic Codd. recentiores et Edd. principes Bentleio teste,
 qui ipse ex optimis suis Codd. dedit *putes*, et; Fea ex suis Codd.
 et aliorum *putas*, et. Vid. Bentl. et Fea. — v. 42. *quod habebo*
 Codd. Lambin. — v. 50. *saevum* pro *laevum* Codd. Torrentii et
 pleraeque Edd. vett. Cf. Fea. — v. 51. *fodicebat* Bentl. revocavit
 ex membranis vetustioribus; alii Codd. et plurimae Edd. vett.
fodiet aut *fodiat*. Cf. Bentl. et Fea. — v. 53. *is fasces* Bentl. e
 suis Codd. quibus accedunt Feae. Olim plurimae Edd. *hic fasc.*
 Vid. Bentl. et Iahn.

Quo ducit gula; piscemur, venemur; ut olim
Gargilius, qui mane plagas, venabula, servos
Differtum transire forum populumque iubebat,
Unus ut e multis populo spectante referret 60
Emtum mulus aprum. Crudi tumidique lavemur,
Quid deceat, quid non, oblixi, Caerite cera
Digni, remigium vitiosum Ithacensis Ulixei,
Cui potior patria fuit interdicta voluptas.
Si, Mimnermus uti censet, sine amore iocisque 65
Nil est incundum: vivas in amore iocisque.
Vive, vale; si quid novisti rectius istis,
Candidus imperti; si non, his utere mecum.

EPISTOLA VII.

AD MAECENATEM.

Est haec epistola ex iis Horatii carminibus, unde egregium eius ingenium, candor incorruptus et ingenua libertas non minus quam amicitiae et grati animi sensus in primis eluceat. Maecenas enim, qui poetae consuetudine nunquam non admodum delectaretur et invitus semper a se dimitteret, cum aliquando Horatius etsi pollicitus intra paucos dies se redditum, diutius urbe abasset, id aegre tulisse et subiratus esse videtur. Iam igitur poeta hanc epistolam scripsit, qua et hanc absentiam excusaret et omnino libere eloqueretur, qua ratione ab maiori amico se tractari vellet. Primum certiorem ibi facit Maecenatem, se non nisi sequentis anni tempore verno ob valetudinis periculum Romam posse reverti (v. 1—12.). Tum ubi lepide significavit, se probe intelligere, quanti generosus Maecenatis animus et in beneficiis largiendis humanitas facienda sit (v. 12—24), diserte aetatem suam provectiorem et incertam valetudinem excusat, quod omnino non amplius in urbe tam assidue se detineri pateretur (v. 25—28.); atque fabula (v. 29—34.) et narratiuncula (v. 46—94) significat, adeoque aperto profitetur (v. 34—39), se omnia quae Maecenati deberet, reddere malle, quam liberum otii usum serviendo amittere. Cum hac epistola conferes Sat. I, 6. Od. III, 29, 53.

— v. 59. *forum campumque* mera conjectura Bentleius quem V. coll. Gesner.

Quinque dies tibi pollicitus me rure futurum,
 Sextilem totum mendax desideror. Atqui
 Si me vivere vis, recteque videre valentem:
 Quam mihi das aegro, dabis aegrotare timenti,
 Maecenas, veniam, dum ficus prima calorque 5
 Designatorem decorat lictoribus atris,
 Dum pueris omnis pater et matrecula pallet,
 Officiosaque sedulitas et opella forensis
 Adducit febres et testamenta resignat.
 Quod si bruma nives Albanis illinet agris, 10
 Ad mare descendet vates tuus, et sibi parcer,
 Contractusque leget; te, dulcis amice, reviset
 Cum Zephyris, si concedes, et hirundine prima.
 Non, quo more pyris vesci Calaber iubet hospes,
 Tu me fecisti locupletem. — Vescere sodes. — 15
 Iam satis est. — At tu quantumvis tolle. — Benigne. —
 Non invisa feres pueris munuscula parvis. —
 Tam teneor dono, quam si dimittar onustus. —
 Ut libet, haec porcis hodie comedenda relinquis. —
 Prodigus et stultus donat, quae spernit et odit. 20
 Haec seges ingratos tulit, et feret omnibus annis.
 Vir bonus et sapiens dignis ait esse paratus,
 Nec tamen ignorat quid distent aera lupinis.
 Dignum praestabo me etiam pro laude merentis.
 Quod si me noles usquam discedere, reddes 25
 Forte latus, nigros angusta fronte capillos,
 Reddes dulce loqui, reddes ridere decorum, et
 Inter vina fugam Cinarae moerere protervae.
 Forte per angustum tenuis nitedula rimam
 Repserat in cumeram frumenti, pastaque rursus 30

VII, v. 13. Alii Codd. et Edd. quas Fea laudat *concedis* aut
concedas. — v. 19. *relinquas* et *relinques* Edd. aliquot vett. Vid.
 Fea. — v. 22. *paratus* cum Cruquio revocavit ex optimis Codd.
 Bentleius, quem Vid. Plurimae Edd. veteres *paratum*. — v. 29.
 Omnes Codd. et vett. Edd. *vulpecula*, quod omnibus assentienti-
 bus mutavit in *nitedula* Bentl. quem Vid. — v. 30. *camerum*
 Codd. plures Feae Cf. Bentl. ad antecedentem versum.

Ire foras pleno tendebat corpore frustra.
 Cui mustela procul, Si vis, ait, effugere istinc,
 Maera cavum repetes arctum, quem macra subisti.
 Hac ego si compellor imagine, cuncta resigno.
 Nec somnum plebis laudo, satur altilium, nec 35
 Otia divitiis Arabum liberrima muto.
 Saepe verecundum laudasti; Rexque Paterque
 Audisti coram, nec verbo parcus absens.
 Inspice, si possum donata reponere laetus.
 Haud male Telemachus, proles patientis Ulixei: 40
 Non est aptus equis Ithace locus, ut neque planis
 Porrectus spatiis, neque multae prodigis herbae:
 Atride, magis apta tibi tua dona relinquam.
 Parvum parva decent. Mihi iam non regia Roma,
 Sed vacuum Tibur placet, aut imbelli Tarentum. 45
 Stremius et fortis, causisque Philippus agendis
 Clarus, ab officiis octavam circiter horam
 Dumi redit, atque Foro nimium distare Carinas
 Iam grandis natu queritur, conspexit, ut aiunt,
 Adrasum quendam vacua tonsoris in umbra, 50
 Cultello proprios purgantem leniter unguis.
 Demetri, (puer hic non laeve iussa Philippi
 Accipiebat,) abi, quaere et refer, unde domo; quis;
 Cuius fortunae; quo sit patre quove patrono.
 It, redit, et narrat: Vulteum nomine Menam, 55
 Praeconem, tenui censu, sine crimine notum;
 Et properare loco et cessare, et quaerere et uti,
 Gaudentem parvisque sodalibus, et lare certo,
 Et ludis, et post decisa negotia Campo.
 Scitari libet ex ipso quaccunque refers dic 60
 Ad coenam veniat. Non sane credere Mena;
 Mirari secum tacitus. Quid multa? Benigne,

— v. 41. *Ithace* Bentl. e *Porphyrione*. Olim vulg. *Ithacae*. Cf. Bentl. — v. 50. *Adrasum* Fea e Codd. suis et pluribus Edd. *vetus-tis*. Cf. Gesner. — v. 56. *natum* Bentl. ex duobus Codd. — v. 58. *lare curto* Bentl. e duobus Codd. Cruq.

Respondet. — Neget ille mihi? — Negat improbus, et
te

Negligit aut horret. — Vulteum mane Philippus
Vilia vendentem tunicato scruta popello 65
Occupat, et salvere iubet prior. Ille Philippo
Excusare laborem et mercenaria vincla,
Quod non mane domum venisset; denique, quod non
Providisset eum. — Sic ignorisse putato
Me tibi, si coenas hodie mecum. — Ut libet. — Ergo 70
Post nonam venies; nunc i, rem strenuus auge.
Ut ventum ad coenam est, dicenda tacenda locutus,
Tandem dormitum dimittitur. Hic ubi saepe
Occultum visus decurrere piscis ad hamum,
Mane cliens et iam certus conviva, iubetur 75
Rura suburbana indictis comes ire Latinis.
Impositus mannis arvum coelunque Sabinum
Non cessat laudare. Videt ridetque Philippus,
Et sibi dum requiem, dum risus undique quaerit,
Dum septem donat sestertia, mutua septem 80
Promittit, persuadet uti mercetur agellum.
Mercatur. Ne te longis ambagibus ultra
Quam satis est morer, ex nitido fit rusticus, atque
Sulcos et vineta crepat mera, praeparat ulmos,
Immoritur studiis, et amore senescit habendi. 85
Verum ubi oves furto, morbo periere capellae,
Spem mentita seges, bos est enectus arando:
Offensus damnis, media de nocte eaballum
Arripit, iratusque Philippi tendit ad aedes.
Quem simul adspergit seabrum intonsumque Philippus, 90
Durus, ait, Vultei, nimis attentusque videris
Esse mihi. Pol, me miserum, patrone, vocares,
Si velles, inquit, verum mihi ponere nomen.
Quod te per Genium dextramque Deosque Penates

— v. 63. *neget* Bentl. ex optimis suis Codd. Olim vulg. *negat*
quod servat Fea. — v. 69. *praevidisset* Ed. Glarean. Cf. Gesner.

— v. 93. *dicere nomen* Ed. Ven. et Glarean. aliae Cf. Fea. —

Obsecro et obtestor, vitae me redde priori. 95
 Qui semel adspexit, quantum dimissa petitis
 Praestent, mature redeat repetatque relicita.
 Metiri se quemque suo modulo ac pede verum est.

EPISTOLA VIII.

AD CELSUM ALBINOVANUM.

Certiorem facit Celsum Albinovanum comitibus Tiberii adscriptum (Cf. Epist. I, 3.), quomodo se habeat, et invicem quid ipse agat ex eo quaerit; postremum qua ratione se gerere debeat brevi admonitione significat.

Celsò gaudere et bene rem gerere Albinovano,
 Musa rogata refer, comiti scribaeque Neronis.
 Si quaerét quid agam, die, multa et pulchra minantem
 Vivere nec recte nec suaviter; haud quia grando
 Contuderit vites, oleamve momorderit aestus, 5
 Nec quia longinquis armentum aegrotet in agris,
 Sed quia mente minus validus quam corpore toto
 Nil audire velim, nil discere, quod levet aegrum,
 Fidis offendar medicis, irascer amicis,
 Cur me funesto properent arcere veterno; 10
 Quae nocuere sequar, fugiam quae profore credam,
 Romae Tibur amem, ventosus Tibure Romam.
 Post haec, ut valeat, quo pacto rem gerat et se,
 Ut placeat iuveni, percontare, utque cohorti.
 Si dicet, Recte: primum gaudere, subinde 15
 Praeceptum auriculis hoe instillare memento:
 Ut tu fortunam, sic nos te, Celse, feremus.

— v. 96. *semel* restituit Bentl. e Codd. aliquot; olim vulg. *simul*.

VIII, v. 5. *oleamque* a Bentleio e Cod. in *oleamve* mutatum denuo tuetur Iahn. quem Cf. — v. 12. *venturus Tibure* plures Codd. *Cruquii*, Bentleii, Feac. Vid. Bentl. et Iahn.

C^{ons} EPISTOLA IX.

AD CLAUDIUM NERONEM.

Elegantissimo epistolio perquam callide conscripto Septimum commendat.

Septimus, Claudi, nimirum intelligit unus,
 Quanti me facias. Nam quum rogat et prece cogit,
 Scilicet ut tibi se laudare et tradere coner,
 Dignum mente domoque legentis honesta Neronis;
 Munere qium fungi propioris censem amici: 5
 Quid possim videt ac novit me valdius ipso,
 Multa quidem dixi, cur excusatus abirem:
 Sed timui, mea ne finxisse minora putarer,
 Dissimulator opis propriae, mihi commodus uni.
 Sic ego, maioris fugiens opprobria culpae,
 Frontis ad urbanae descendit praemia. Quod si 10
 Depositum laudas ob amici iussa pudorem,
 Scribe tui gregis hunc, et fortē crede bonumque.

EPISTOLA X.

AD FUSCUM ARISTIUM.

Amico urbis amantiori vitae rusticæ amoenitates, commoda,
 et, quae inde peti possit, animi tranquillitatem commendat. Cf.
 Sat. II, 6. Epist. I, 14.

Urbis amatorem Fuscum salvere iubemus
 Ruris amatores, hac in re scilicet una
 Multum dissimiles, at cetera paene gemelli,

IX, v. 2. *nam me rogat Fea e duobus Codd. et Edd. vett.*
Ibiden Bothius ita coniungit et prece cogit Scilicet, Vid. Anno-
tatt. coll. Iahn.

X, v. 3. *at cetera, ex pluribus Codd. Bentl. Olim vulg. ad*
cetera, quod denuo etiam suis Codd. confirmatum revocavit Fea,
quem sequuntur Doering. et Iahn. ob cetera Ed. Zarott. Med. 1477.

Fraternis animis, quidquid negat alter, et alter,
 Annuimus pariter vetuli notique columbi. 5
 Tu nidum servas, ego laudo ruris amoeni
 Rivos, et musco circumlita saxa, nemusque.
 Quid quaeris? vivo et regno, simul ista reliqui,
 Quae vos ad coelum effertis rumore secundo;
 Utque sacerdotis fugitivus, liba recuso; 10
 Pane egeo iam mellitis potiore placentis.
 Vivere naturae si convenienter oportet,
 Ponendaeque domo quaerenda est area primum:
 Novistine locum potiorem rure beato?
 Est ubi plus tepeant hiemes? ubi gratiior aura 15
 Leniat et rabiem Canis, et momenta Leonis,
 Quum semel accepit solem furibundus acutum?
 Est ubi divellat somnos minus invida cura?
 Deterius Libycis olet aut nitet herba, lapillis?
 Purior in vicis aqua tendit rumpere plumbum, 20
 Quam quae per pronum trepidat cum murmure rivum?
 Nempe inter varias nutritur silva columnas,
 Laudaturque domus, longos quae prospicit agros.
 Naturam expelles furea, tamen usque recurret,
 Et mala perrumpet furtim fastidia vietrix. 25
 Non, qui Sidonio contendere callidus ostro
 Nescit Aquinatem potentia vellera fucum,
 Certius accipiet damnum propiusve medullis,
 Quam qui non poterit vero distinguere falsum.
 Quem res plus nimio delectavere secundae, 30
 Mutatae quatent. Si quid mirabere, pones
 Invitus. Fuge magna; licet sub paupere tecto
 Reges et regum vita praecurrere amicos.

— v. 18. *depellat* Fea. c multis suis et aliorum Codicibus. Sed Cf. Torrent. — v. 19. *tapetis* pro *lapillis* coniecit Bentl. Cf. Fea.
 — v. 24. *expelles* Bentl. ex antiquissimis Edd. et longe plurimis Codd. Vulg. *expellas* etiam a Fea servatum. Cf. utrumque.
 — v. 25. *vestigia* Med. 1477. *fastigia* Codd. Cruq. Bos. Sax. Feae, idque Torrentius tuerit. — v. 27. Codices variant: *fucum*, *succum*, *sucum*. Vid. Fea. — v. 30. *plus aequo* Collatio Sax.

Cervus equum pugna melior communibus herbis
Pellebat, donec minor in certamine longo 35
Imploravit opes hominis, frenumque recepit.
Sed postquam victor violens discessit ab hoste,
Non equitem dorso, non frenum depulit ore.
Sic, qui pauperiem veritus, potiore metallis
Libertate caret, dominum vehet improbus, atque 40
Serviet aeternum, quia parvo nesciet uti.
Cui non conveniet sua res, ut caleeus olim,
Si pede maior erit, subvertet; si minor, uret.
Laetus sorte tua vives sapienter, Aristi;
Nec me dimittes incautum, ubi plura 45
Cogere, quam satis est, ac non cessare videbor.
Imperat aut servit collecta pecunia cuique
Tortum digna sequi potius quam ducere funem.
Haec tibi dietabam post fanum putre Vacunae,
Excepto quod non simul esses, cetera lactus. 50

EPISTOLA XI.

AD BULLATIUM.

Bullatum curarum abigendarum causa, ut videtur, peregrinantem de itinere instituto percontatur, addit aurea praecepta de animi tranquillitate et felicitate non foris sed intus ratione et prudentia quaerenda.

Quid tibi visa Chios, Bullati, notaque Lesbos?
Quid concinna Samos? quid Croesi regia Sardis?
Smyrna quid, et Colophon? maiora minorane fama?
Cunctane prae Campo et Tiberino flumine sordent?
An venit in votum Attalicis ex urbibus una? 5

— v. 37. *violens victo* Coll. Sax. itemque Bentl. e conjectura;
postq. victor victo discessit Editio Epistol. Horat. Cadomensis
1480. Cf. Bentl. et Fea. — v. 40. *vehit* Bentl. e Codd. Cf. Doe-
ring. — v. 41. *nesciat* Lambin. e Codd. *nesciit* Bothio in Annotatt.
rectius videtur Cf. Iahn.

XI, v. 3. *minorave* Codd. aliquot Crnq. et Torrent.

An Lebedum laudas, odio maris atque viarum?
 Scis, Lebedus quid sit; Gabiis desertior atque
 Fidenis vicus: tamen illic vivere vellem,
 Oblitusque meorum, obliviscendus et illis,
 Neptunum procul e terra spectare furentem. 10
 Sed neque qui Capua Romam petit, imbre lutoque
 Adspersus, volet in caupona vivere, nec qui
 Frigus collegit, furnos et balnea laudat,
 Ut fortunatam plene praestantia vitam.
 Nec, si te validus iactaverit Auster in alto, 15
 Idcirco navem trans Aegaeum mare vendas.
 Incolumi Rhodos et Mitylene pulchra facit, quod
 Paenula solstitio, campestre nivalibus auris,
 Per brumam Tiberis, Sextili mense caminus.
 Dum licet, ac vultum servat Fortuna benignum, 20
 Romae laudetur Samos et Chios et Rhodos absens.
 Tu, quamcunque Deus tibi fortunaverit horam,
 Grata sume manu, neu dulcia differ in annum,
 Ut, quoecunque loco fueris, vixisse libenter
 Te dicas. Nam si ratio et prudentia euras, 25
 Non locus effusi late maris arbiter, aufert:
 Coelum, non animum mutant, qui trans mare currunt.
 Sternua nos exercet inertia; navibus atque
 Quadrigis petimus bene vivere. Quod petis, hic est,
 Est Ulubris, animus si te non deficit aequus. 30

EPISTOLA XII.

AD ICCIUM.

Iccium, hominem avarum et de sorte sua querulum, etsi philosophiae studium affectaret, satis libere ut iam iis quae habeat contentus vivat hortatur; deinde Grosphum ei commendat; postremum de rebus in urbe actis certiorem facit. De Iccio Cf. Od. I, 29.

— v. 18. *nivalibus austris* Collat. Sax. et Feae aliquot Codd.—
 v. 23. *neu dulc.* Bentl. e Codd. restituit Vulg. *nec.*

Fructibus Agrippae Siculis, quos colligis, Iccī,
 Si recte frueris, non est ut copia maior
 Ab Iove donari possit tibi. Tolle querelas;
 Pauper enim non est, cui rerum suppetit usus.
 Si ventri bene, si lateri est pedibusque tuis, nil . . . 5
 Divitiae poterunt regales addere maius.
 Si forte in medio positorum abstemius herbis
 Vivis et urtica: sic vives protinus, ut te
 Confestim liquidus Fortunae rivus inauret;
 Vel quia naturam mutare pecunia nescit, 10
 Vel quia cuncta putas una virtute minora.
 Miramur si Democriti pecus edit agellos
 Cultaque, dum peregre est animus sine corpore velox:
 Quum tu inter scabiem tantam et contagia lucri
 Nil parvum sapias, et adhuc sublimia cures; 15
 Quae mare compescant causae; quid temperet annum;
 Stellae sponte sua, iussaene vagentur et errant;
 Quid premat obscurum Lunae, quid proferat orbem;
 Quid velit et possit rerum concordia discors;
 Empedocles, an Stertinium deliret acumen? 20
 Verum seu pisces, seu porrum et caepe trucidās,
 Utē Pompeio Gropho; et, si quid petet, ultro
 Deſer; nil Grosphus nisi verum orabit et aequum.
 Vilis amicorum est annona, bonis ubi quid deest.
 Ne tamen ignores, quo sit Romana loco res: 25
 Cantaber Agrippae, Claudi virtute Neronis
 Armenius eecidit, ius imperiumque Phraates
 Caesaris accepit genibus minor; aurea fruges
 Italiae pleno defundit Copia cornu.

XII, v. 8. *sic vivis* Cod. Feae probante Both. Annotatt. —
 v. 20. *Stertinii* Ed. Glarean. Cf. Fea et Both. Annotatt. — v. 22.
petet ultro, *Deſer* Marklandius interpungit Cf. Both. — v. 27.
Phrahates Both. e Codd. Torrent. *Tigranes* prò *Phraates* coni.
 Bentl. infra ad Epist. XVIII, v. 56. — v. 29. Codd. varie: *diſſudit*, *diſſundit*, *deſudit*, *deſfundit*. Vid. Bentl. et Fea.

EPISTOLA XIII.

AD VINIUM ASELLAM.

Vinio Asellae tabellario, et, ut Wielandio videtur, rustico Sabino, cui carminum volumina ad Augustum perferenda tradiderat, iocose praecipit, quomodo satis belle et urbane hoc munere sibi mandato fungatur.

Ut profieiscentem docui te saepe diuque,
Augusto reddes signata volumina, Vini,
Si validus, si laetus erit, si denique poscet;
Ne studio nostri preees, odiumque libellis
Sedulus importes, opera vehementer minister.
Si te forte meae gravis uret sareina chartae,
Abiicito potius, quam quo perferre iuberis
Clitellas ferus impingas, Asinaeque paternum
Cognomen vertas in risum, et fabula fias.
Viribus uteris per clivos, flumina, lamas.
Victor propositi simul ac perveneris illue,
Sie positum servabis onus, ne forte sub ala
Fasciculum portes librorum, ut rusticus agnum;
Ut vinosa glomus furtivae Pyrrhia lanac;
Ut cum pileolo soleas conviva tribulis.
Ne vulgo narres te sudavisse ferendo
Carmina, quae possint oculos auresque morari
Caesaris; oratus multa preee, nitere porro.
Vade, vale, cave ne titubes mandataque frangas.

EPISTOLA XIV.

AD VILLICUM SUUM.

Villicum suum, rei rusticae pertaesum, vitae rusticae commoda cum urbana vita comparatae docet. Sed vix credideris hanc epis-

XIII, v. 2. Olim plurimae Edd. *Vinni*, male. Vid. Bentl. — v. 14. Codices varie: *glomos*, *globos*, *glomus* unus Fabricii *glo-men*. Vid. Bentl. et Fea. — v. 16. Neu ex uno suo Cod. Bentl.

tolam vere ad villicum scriptam esse, ut potius Horatius hoc commento ad ruris et urbis comparationem instituendam usus esse videatur.

Villice silvarum et mihi me reddentis agelli,
Quem tu fastidis, habitatum quinque focis, et
Quinque bonos solitum Variam dimittere patres,
Certemus, spinas animone ego fortius; an tu
Evellas agro, et melior sit Horatius an res. 5

Me quamvis Lamiae pietas et cura moratur,
Fratrem moerentis, rapto de fratre dolentis
Insolabiliter: tamen istuc mens animusque
Fert, et amat spatiis obstantia rumpere claustra.

Rure ego viventem, tu dicis in urbe beatum. 10
Cui placet alterius, sua nimirum est odio sors.

Stultus uterque locum immeritum causatur inique;
In culpa est animus, qui se non effugit unquam.

Tu mediastinus tacita prece rura petebas,
Nunc urbem et ludos et balnea villicus optas. 15

Me constare mihi scis, et discedere tristem,
Quandocunque trahunt invisa negotia Romam.

Non eadem miramur; eo disconvenit inter
Meque et te; nam, quae deserta et inhospita tesqua
Credis, amoena vocat mecum qui sentit, et odit 20
Quae tu pulchra putas. Fornix tibi et uncta popina
Incutiunt urbis desiderium, video, et quod

Angulus iste feret piper et thus ocius uva,
Nec vicina subest vinum praebere taberna

Quae possit tibi, nec meretrix tibicina, cuius 25
Ad strepitum salias terrae gravis: et tamen urges.
Iampridem non tacta ligonibus arva, bovemque

Disiunctum curas, et strictis frondibus exples.

XIV, v. 1. *mihi me redimentis* Cod. Barthii. Sed Vid. Bentl.
— v. 2. *an rus coni.* Dan. Heins. Cf. Bentl. — v. 6. *moretur*
Cod. Lambini, Feae, aliorum. — v. 7. *mirantis pro moerentis*
coni. Both. — v. 9. *avet pro amat* Bentl. dedit conjectura. —
v. 28. *deiunctum* Lambin. ex quatuor Codd.

Addit opus pigro rivus, si decidit imber,
 Multa mole docendus aprico parcere prato. 30
 Nunc, age, quid nostrum concentum dividat, audi.
 Quem tenues decuere togae nitidique capilli,
 Quem scis^t immunem Cinarae placuisse rapaci,
 Quem bibulum liquidi media de luce Falerni,
 Coena brevis iuvat, et prope rivum somnus in herba; 35
 Nec lusisse pudet, sed non incidere ludum.
 Non istic obliquo oculo mea commoda quisquam
 Limat; non odio obscuro morsuque venenat:
 Rident vicini glebas et saxa moventem.
 Cum servis urbana diaria rodere mavis; 40
 Horum tu in numerum voto ruis. Invidet usum
 Lignorum et pecoris tibi calo argutus, et horti.
 Optat ephippia bos piger, optat arare caballus.
 Quam scit uterque, libens, censebo, exerceat artem.

EPISTOLA XV.

AD NUMONIUM VALAM.

Horatius Baiis, ubi valetudinis causa commorabatur, Veliam et Salernum iturus, ex amico de utriusque regionis coelo, copia, aqua, curiose quaerit, cum ibi genio indulgere et cutem bene curare sibi proposuisset. (*Vers. 1 — 25.*) Atque cum alias tenuem victum semper commendare et in villa sua etiam usurpare soleret, se ispe ridet, qui nunc has delicias captet. (*Vers. 26 usque ad fin.*)

Quae sit hiems Veliae, quod coelum, Vala Salerni,
 Quorum hominum regio, et qualis via; (nam mihi Baias
 Musa supervacuas Antonius, et tamen illis
 Me facit invisum, gelida quam perluor unda

— v. 34. Hunc versum post vers. 32 collocandum censet Both.
 Cf. Iahn. — v. 43. *bos, piger* interpungit Bentl. Cf. Fea.

XV, v. 4. *pervehor unda* Codd. duo Torrent. Cf. Fea.

Per medium frigus. Sane murteta relinqui, 5
 Dictaque cessantem nervis elidere morbum
 Sulfura contemni, vicus gemit, invidus aegris,
 Qui caput et stomachum supponere fontibus audent
 Clusinis, Gabiosque petunt et frigida rura.
 Mutandus locus est, et deversoria nota 10
 Praeteragendus equus. Quo tendis? non mihi Cumas.
 Est iter aut Baias, laeva stomachosus habena
 Dicit eques: sed equis frenato est auris in ore;) 15
 Maior utrum populum frumenti copia pascat;
 Collectosne bibant imbræ, puteosne perennes
 Dulcis aquæ; (nam vina nihil mordr illius orae.
 Rure meo possum quidvis perferre patique:
 Ad mare quum veni, generosum et lene requiro,
 Quod curas abigat, quod cum spe divite manet
 In venas animumque meum, quod verba ministret, 20
 Quod me Lucanae iuvenem commendet amicae;) 25
 Tractus uter plures lepores, uter educet apros;
 Utra magis pisces et echinos aequora celent,
 Pinguis ut inde domum possim Phœaxque reverti;
 Scribere te nobis, tibi nos accredere, par est.
 Maenius, ut rebus maternis atque paternis
 Fortiter absuntis urbanus coepit haberri,
 Scurra vagus, non qui certum praesepe teneret,
 Impransus non qui civem dignosceret hoste,
 Quaelibet in quemvis opprobria fingere saevus, 30
 Pernicies et tempestas barathrumque macelli,
 Quidquid quaesierat, ventri donabat avaro.
 Hic, ubi nequitiae fautoribus et timidis nil

— v. 5. *murteta* vetustiores Codd. Vid. Bentl. — v. 12. *stomachatus* Codd. aliquot Feae, quem Cf. — v. 13. *equis* Bentl. et Fea e Codd. suis. Vulg. *equi*. — v. 16. *iugis aquae* Edd. vett. Sed Codd. partim *iugis* partim *dulcis*. Vid. Fea. — v. 17. *quodvis* coni. Heinsius. Sed Cf. Bentl. — v. 30. *opprobria* stringere coni. Heins. Sed Cf. Bentl. — v. 32. *donarat* plures Codd. Bentl. Feae, aliorum. *donaret* Editio Cadomensis 1480 et Bentl. *coniectura*.

Aut paulum abstulerat, patinas coenabat omasi
 Vilis et agninae, tribus ursis quod satis esset; 35
 Scilicet ut ventres lamna candente nepotum
 Diceret urendos, corrector Bestius. Idem
 Quidquid erat nactus praedae maioris, ubi omne
 Verterat in fumum et cinerem, Non hercule miror,
 Aiebat, si qui comedunt bona, quum sit obeso 40
 Nil melius turdo, nil vulva pulchrius ampla.
 Nimirum hic ego sum: nam tuta et parvula laudo,
 Quum res deficiunt, satis inter vilia fortis;
 Verum, ubi quid melius contingit et unctius, idem
 Vos sapere et solos aio bene vivere, quorum 45
 Conspicitur nitidis fundata pecunia villis.

EPISTOLA XVI.

AD QUINCTIUM.

Videtur epistola esse responsoria. Horatius enim, quem Quintius Hirpinus, ut e primis epistolae versibus coniicere licet, paulo curiosius de villae suae redditibus interrogasset, de hac quidem re nihil respondet, sed formam et situm villae describit (*Vers. 1 — 17*); deinde praecepta verae virtutis subiungit, neque ex rumore vulgi pendens, neque in externa quadam actionum specie positae, sed in pectoris penetralibus a viro vere honesto, vere sapiente bonoque colendae. (*Vers. 18 usque ad fin.*). Addidit autem haec quidem praecepta, sive ut omnino hac opportunitate uteretur cum amico de re gravissima colloquendi, sive quod Quintius Hirpinus fortasse hoc ipso vitio laboraret, ut videri bonus quam esse mallet.

Ne perconteris, fundus meus, optime Quinti,
 Arvo pascat herum, an baceis opulentet olivae,

— v. 34. Comma post *omasi* delevimus cum Bothio, quem Cf.
 — v. 35. *agninū* multi Codd. Vid. Fea. — v. 37. Edd. vett. et
 Codd. aliquot *correptus* *Bestius*; sed plures et meliores *correc-*
tus. Bentleius ex uno Cod. Lambini *corrector*. Fea locum ita
 constituit: *Scilicet, ut ventres lamna candente nepotum Diceret*
urendos, correptus. Bestius etc. Vid. Bentl. Both. Iahn. — v. 38.
Siquid erat Bentl. e Codd. Torent.

Pomisne, an pratis, an amicta vitibus ulmo:
 Scribetur tibi forma loquaciter, et situs agri.
 Continui montes, nisi dissocientur opaca 5
 Valle; sed ut veniens dextrum latus adspiciat Sol,
 Laevum discedens curru fugiente vaporet.
 Temperiem laudes. Quid, si rubicunda benigni
 Corna vepres et pruna ferunt? si quercus et ilex
 Multa fruge pecus, multa dominum iuvat umbra? 10
 Dicas adductum propius frondere Tarentum.
 Fons etiam rivo dare nomen idoneus, ut nec
 Frigidior Thracam nec purior ambiat Hebrus,
 Infirmo capiti fluit utilis, utilis alvo.
 Hae latebrae dulces, et iam, si credis, amoenae, 15
 Incolumem tibi me praestant Septembribus horis.
 Tu recte vivis, si curas esse quod audis;
 Iactamus iampridem omnis te Roma beatum.
 Sed vereor, ne cui de te plus, quam tibi credas,
 Neve putes alium sapiente bonoque beatum, 20
 Neu, si te populus sanum recteque valentem
 Dictitet, occultam febrem sub tempus edendi
 Dissimules, donec manibus tremor incidat unctis.
 Stultorum incurata pudor malus ulcerata celat.
 Si quis bella tibi terra pugnata marique 25
 Dicat, et his verbis vacuas permulecat aures:
 Tene magis salvum populus velit, an populum tu,
 Servet in ambiguo, qui consultit et tibi et urbi,
 Iupiter: Augusti laudes agnoscere possis.

XVI, v. 3. *Pomisve tres Codd. Martin. Silv. et Blandin. pomisque coni.* Both. in Annotatt. — *an pratis e Codd. restituit Bentl. quem Vid. cum olim plurimae Edd. vulgassent et pratis.* — v. 7. Ita plerique Codd. et vett. Edd. Alii Codd. quos enumerat Fea *descendens*. Bentleius conjectura *decedens*. Cf. Bentl. et Fea. — v. 9. *ferunt* emendavit Bentl. quem Vid. Codd. et Edd. vett. *ferant*, et aliquot Feae *ferent*. — v. 10. *iuvat* Codd. aliquot Pulmann. Bentl. Feae; reliqui *iuvet*. — v. 14. *fluit aptus, et utilis* Fea e multis Codd. et vett. Edd. Sequitur Iahn. — v. 15. et (iam si credis) Bentl. — v. 30. *Cum cupias Cod. Bos. Gotting. Collat. Sax.*

Quum pateris sapiens emendatusque vocari, 30
 Respondesne tuo, dic sodes, nomine? — Nempe
 Vir bonus et prudens dici delector ego ac tu, —
 Qui dedit hoc hodie, cras, si volet, auferet; ut si
 Detulerit fasces indigno, detrahet idem.
 Pone, meum est, inquit; pono, tristisque recedo. 35
 Idem si clamet furem, neget esse pudicum,
 Contendat laqueo collum pressisse paternum:
 Mordear opprobriis falsis, mutemque colorem?
 Falsus honor iuvat, et mendax infamia terret,
 Quem, nisi mendosum et medicandum? Vir bonus est
 quis? — 40

Qui consulta patrum, qui leges iuraque servat;
 Quo multae magnaueque secantur iudice lites;
 Quo res sponsore, et quo causae teste tenentur. —
 Sed videt hunc omnis domus et vicinia tota
 Introrsus turpem, speciosum pelle decora. 45
 Nec furtum feci, nec fugi, si mihi dicat
 Servus: Habes pretium, loris non ureris, aio. —
 Non hominem occidi. — Non pasces in cruce corvos. —
 Sum bonus et frugi. — Renuit negitatque Sabellus.
 Cautus enim metuit foveam lupus, accipiterque 50
 Suspectos laqueos, et opertum milius hamum.
 Oderunt peccare boni virtutis amore:
 Tu nihil admittes in te formidine poenae;
 Sit spes fallendi, miscebis sacra profanis.
 Nam de mille fabae modiis quum surripis unum, 55
 Damnnum est, non facinus mihi pacto lenius isto.
 Vir bonus, omne forum quem spectat et omne tribunal,
 Quandoeunque Deos vel porco vel bove placat,
 Iane pater, clare, clare quum dixit, Apollo:

— v. 38. Signum interrongan*dī* tollit Bentl. quem Cf. — v. 40. *medicandum* e plurimis Codd. restituit Bentleius, quibus accedunt Codd. Feae. In vett. Edd. vulgo *mendacem*. — v. 43. Ita Bentl. e Codice uno Blandinio; olim vulgo *Quo responsore*. Vid. Bentl. et Fea. — v. 46. *dicit* Bentl. e Codd. quem Cf.

Labra movet metuens audiri: Pulchra Laverna, 60
 Da mihi fallere, da iusto sanctoque videri;
 Noctem peccatis, et fraudibus obiice nuhem.
 Qui melior servo, qui liberior sit avarus,
 In triviis fixum quum se demittit ob assem,
 Non video. Nam qui cupiet, metuet quoque; porro 65
 Qui metuens vivet, liber mihi non erit unquam.
 Perdidit arma, locum virtutis deseruit, qui
 Semper in augenda festinat et obruitur re.
 Vendere quum possis captivum, occidere noli;
 Serviet utiliter; sine pascat durus, aretque; 70
 Naviget ac mediis hiemet mercator in undis;
 Annonae prosit; portet frumenta penusque.
 Vir bonus et sapiens audebit dicere: Pentheu,
 Rector Thebarum, quid me perferre patique
 Indignum coges? — Adimam bona. — Nempe pecus,
 rem, 75
 Lectos, argentum; tollas licet. — In manicis et
 Compeditibus saevo te sub custode tenebo. —
 Ipse Deu, simul atque volam, me solvet. — Opinor,
 Hoc sentit: Moriar; mors ultima linea rerum est.

EPISTOLA XVII.

AD SCAEVAM.

Populari rei publicae Romanae statu vigente, honores, opes,
 totius denique vitae praesidia et ornamenta a liberi populi suf-
 fragiis erant petenda. Sed iam conversis rei publicae rationibus,
 haec omnia pauci divites cives aut potentia validi dispensabant,
 atque adeo unus princeps. Qui igitur rem augere et laute vivere
 vellent, nec ipsi opibus valerent, ad eiusmodi maiores amicos se
 applicare solebant. Quod cum etiam Scaeva facere instituisset,

— v. 61. Ita Cruquius e Codd. Pleraeque vett. Edd. *iustum sanctumque*. Vid. Bentl. — v. 72. *penumque* Fea ex aliquot Codd.
suis et Combii. Pleraeque Edd. *penusque*. Vid. Fea.

Horatius cum eo de hoc genere consilia hac epistola communiciat. Atque primum duplicem hanc vivendi rationem proponit, quarum utraque habeat quo se commendet, id est, liberum sed pauper otium et fructuosam principum amicitiam. (*Vers. 1—12.*) Deinde posterius hoc vitae genus quomodo salvo honore atque adeo cum decore aliquo sustineri possit, Aristippi exemplo ostendit. (*Vers. 13—42.*) Postremum monet amicum, ne ita peccet, ut plurimi ditorum comites soleant, qui nimis rei augendae avidi importunis et impudentibus precibus pecuniam regibus suis extorquere non crubescant. (*Vers. 43 ad fin.*)

Quamvis, Scaeva, satis per te tibi consulis, et scis
 Quo tandem pacto deceat maioribus uti,
 Disce, docendus adhuc quae censet amiculus; ut si
 Caecus iter monstrare velit: tamen adspice, si quid
 Et nos, quod cures proprium fecisse, loquamur. 5
 Si te grata quies et primam somnus in horam
 Delectat; si te pulvis strepitusque rotarum,
 Si laedit caupona: Ferentinum ire iubebo.
 Nam neque divitibus contingunt gaudia solis,
 Nec vixit male, qui natus moriensque fefellit. 10
 Si prodesse tuis pauloque benignius ipsum
 Te tractare voles, accedes siccus ad unctum.—
 Si pranderet olus patienter, regibus uti
 Nollet Aristippus. — Si sciret regibus uti,
 Fastidiret olus, qui me notat. — Utrius horum
 Verba probes et facta, doce, vel iunior audi,
 Cur sit Aristippi potior sententia. Namque
 Mordacem Cynicum sic eludebat, ut aiunt:
 Scurror ego ipse mihi, populo tu: rectius hoc et
 Splendidius multo est. Equus ut me portet, alat rex, 20
 Officium facio: tu poscis vilia rerum

XVII, v. 2. *liceat* pro *deceat* Codd. aliquot Feae. — v. 3. De interpunctione Cf. Bentl. — v. 8. *laedat* Codd. aliquot Feae; *laedet* Codd. Torrent. — v. 18. *illudebat* Schol. Cruq. — v. 19. Bothius locum ita interpungit in Annottat. ut post *populo tu* punctum ponat, itemque post *rex*. Sed Cf. Iahn. — v. 21. Ita Lambinus dedit e Codd. eumque omnes fere sequuntur. Sed Fea lectionem aliorum Codd. et omnium fere ante Lambinum Editio-
 num revocavit: *vilia: verum es.* Sed Cf. Both. Annotatt.

Dante minor, quamvis fers te nullius egentem.
 Omnis Aristippum decuit color et status et res,
 Tentantem maiora, fere praesentibus aequum.
 Contra, quem duplici panno patientia velat, 25
 Mirabor, vitae via si conversa decebit.
 Alter purpureum non exspectabit amictum,
 Quidlibet induitus celeberrima per loca vadet,
 Personamque feret non inconcinnus utramque:
 Alter Miletii textam cane peius et angui 30
 Vitabit chlamydem; morietur frigore, si non
 Retuleris pannum: refer, et sine vivat ineptus.
 Res gerere et captos ostendere civibus hostes
 Attingit solium Iovis et coelestia tentat.
 Principibus placuisse viris non ultima laus est. 35
 Non cuivis homini contingit adire Corinthum.
 Sedit, qui timuit ne non succederet: esto:
 Quid, qui pervenit, fecitne viriliter? Atqui
 Hic est aut nusquam, quod quaerimus: hic onus horret,
 Ut parvis animis et parvo corpore maius; 40
 Hic subit et perfert. Aut virtus nomen inane est,
 Aut decus et pretium recte petit experiens vir.
 Coram rege sua de paupertate tacentes
 Plus poscente ferent. Distat, sumasne pudenter,
 An rapias: atqui rerum caput hoc erat, hic fons. 45
 Indotata mihi soror est, paupercula mater,
 Et fundus nec vendibilis nec pascere firmus,
 Qui dicit, clamat: Victum date. Succinit alter,
 Et mihi dividuo findetur munere quadra.
 Sed tacitus pasci si posset corvus, haberet 50
 Plus dapis et rixae multo minus invidiaeque.
 Brundusium comes aut Surrentum ductus amoenum,
 Qui queritur salebras et acerbum frigus et imbres,

— v. 30. *angui* restituit Bentl. e Codd. quem Vid. Vulg. *angue*.
 — v. 43. *sua* Bentl. ex uno Cod. cui accedit Cod. Feae et Valart. Vulg. *suo*, quod tuetur Fea. — v. 49. *quadrans* Tres Codd. Pulman. Cruq. Comb.

Aut cistam effractam aut subducta viatica plorat,
 Nota refert meretricis acumina, saepe catellam, 55
 Saepe periscelidem raptam sibi flentis; uti mox
 Nulla fides damnis verisque doloribus adsit.
 Nec semel irrisus triviis attollere curat
 Fracto crure planum; licet illi plurima manet
 Lacrima; per sanctum iuratus dicat Osirin, 60
 Credite, non ludo; crudeles tollite claudum! —
 Quaere peregrinum, vicinia rauca reclamat.

EPISTOLA XVIII.

AD LOLLIUM.

Est huius epistolae ad Lollium (de quo Cf. Od. IV, 9. Epist. I, 2.) idem fere quod proxime praecedentis argumentum. Nam hic quoque disputat de ratione, quae in potentiorum amicorum usu sequenda sit, cum omnino omnibus, tum praeceps Lollo, qui ad Tiberium se applicuerat. Monet igitur amicum, ut viam teneat inter scurrilem assentationem et nimiam asperitatem medium (vers. 1 — 20); deinde ut a pravis moribus sibi caveat, quos divites ut ipsi non reformideant, ita in minoribus amicis reprehendant (vers. 21 — 36); ut arcana amici ne scrutetur (vers. 37); ut studiis maioris amici aliquantum cedat (v. 39 — 66.), aliaque similia (vers. 67 — 96.). Postremum ad sapientiae et virtutis studium in nulla vitae conditione unquam deponendum hortatur (vers. 96 usque ad fin.).

Si beue te novi, metues, liberrime Lolli,
 Scurrantis speciem praebere, professus amicum.
 Ut matrona meretrici dispar erit atque
 Discolor, insido scurrac distabit amicus.
 Est huic diversum vitio vitium prope mains, 5
 Asperitas agrestis et inconcinna gravisque,
 Quae se commendat tonsa cute, dentibus atris;
 Dum vult libertas dici mera, veraque virtus.

— v. 62. *vicinia cauta* coni. Markland. Cf. Fea.

XVIII, v. 8. Ita restituit Bentl. cum Edd. ante eum ferunt *mera dici*.

Virtus est medium vitiorum, et utrinque reductum.
 Alter in obsequium plus aequo pronus, et imi 10
 Derisor lecti, sic nutum divitis horret,
 Sic iterat voces, et verba cadentia tollit,
 Ut puerum saevo credas dictata magistro
 Reddere, vel partes minum tractare secundas:
 Alter rixatur, de lana saepe caprina 15
 Propugnat nugis armatus, scilicet ut non
 Sit mihi prima fides, et vere quod placet ut non
 Acrier elatrem, pretium aetas altera sordet.
 Ambigitur quid enim? Castor sciatis an Dolichos plus;
 Brundusium Minucii melius via ducat, an Appi. 20
 Quem damnosa Venus, quem praeecepis alea nudat,
 Gloria quem supra vires et vestit et ungit,
 Quem tenet argenti sitis importuna famesque,
 Quem paupertatis pudor et fuga, dives amicus,
 Saepe decem vitiis instructior, odit et horret: 25
 Aut, si non odit, regit; ac, veluti pia mater,
 Plus quam se sapere et virtutibus esse priorem
 Vult, et ait prope vera: Meae (contendere noli)
 Stultitiam patiuntur opes; tibi parvula res est:
 Arcta decet sanum comitem toga; desine mecum 30
 Certare. Entrapetus, cuicunque nocere yolebat,
 Vestimenta dabat pretiosa: beatus enim iam
 Cum pulchris tunicis sumet nova consilia et spes;
 Dormiet in lucem; scorto postponet honestum
 Officium; nummos alienos pascet; ad ium 35
 Threx erit, aut olitoris aget mercede eaballum.
 Arcanum neque tu scrutaberis illius unquam;
 Commissumque teges, et vino tortus et ira.
 Nec tua laudabis studia, aut aliena reprendes;
 Nec, quum venari volet ille, poëmata panges. 40

— v. 9. *redactum aliquot Codd. et antiquissimae Edd.* — v. 15.
 Ita cum Iahnio interponxi. Cruquius e duobus Codd. *rixatus*;
 Muretus coni. *rixcator*, idque ascivit Fea; Bentleius in fine versus
 addidit *et*. — v. 37. *illius* restituit Bentl. e Codd. Olim vulg.
ullius.

Gratia sic fratrum geminorum, Amphionis atque
 Zethi, dissiluit, donec suspecta severo
 Conticuit lyra. Fraternis cessisse putatur
 Moribus Amphion: tu cede potentis amici
 Lenibus imperiis; quotiesque educet in agros 45
 Aetolis onerata plagis iumenta canesque,
 Surge, et inhumanae senium depone Camenae,
 Coenes ut pariter pulmenta laboribus emta;
 Romanis solenne viris opus, utile famae,
 Vitaeque et membris; praecepsim quum valeas, et 50
 Vel cursu superare canem vel viribus aprum
 Possis. Adde, virilia quod speciosius arma
 Non est qui tractet; scis quo clamore coronae
 Proelia sustineas campestria: denique saevam
 Militiam puer et Cantabrica bella tulisti 55
 Sub duce, qui templis Parthorum signa refigit
 Nunc, et si quid abest, Italis adiudicat armis.
 Ac, ne te retrahas, et inexcusabilis absis,
 Quamvis nil extra numerum fecisse modumque
 Curas, interdum nugaris rure paterno: 60
 Partitur linctres exercitus; Actia pugna
 Te duce per pueros hostili more refertur;
 Adversarius est frater; lacus, Hadria; donec
 Alterutrum velox Victoria fronde coronet.
 Consentire suis studiis qui crediderit te, 65
 Fautor utroque tuum laudabit pollice ludum.
 Protinus ut moneam (si quid monitoris eges tu)
 Quid, de quoque viro, et cui dieas, saepe videto.
 Percontatorem fugito: nam garrulus idem est,
 Nec retinent patulae commissa fideliter aures; 70
 Et semel emissum volat irrevocabile verbum.
 Non ancilla tuum iecur uleeret ulla, puerve,

— v. 46. *Aetoliis* plurimi Codd. *Aeoliis* Cod. Bos. Vid. Bentl. et Fea. — v. 56. *refigit* Bentl. e Codd. Olim vulg. *refixit*. Cf. Fea. Pro *armis* Bentl. coni. *arvis*; quem Vid. — v. 58, *abstes* Bentl. conjectura. Sed Cf. Fea.

Intra marmoreum venerandi limen amici;
 Ne dominus pueri pulchri caraeve puellae
 Munere te parvo beet, aut incommodus angat. 75
 Qualem commendes, etiam atque etiam adspice; ne mox
 Incutiant aliena tibi peccata pudorem.
 Fallimur, et quondam non dignum tradimus: ergo
 Quem sua culpa premet, deceptus omittre tueri;
 Ut penitus notum, si tentent crima, serves, 80
 Tuterisque tuo fidentem praesidio: qui
 Dente Theonino quum circumroditur, ecquid
 Ad te post paulo ventura pericula sentis?
 Nam tua res agitur, paries quum proximus ardet;
 Et neglecta solent incendia sumere vires. 85
 Dulcis inexpertis cultura potentis amici,
 Expertus metuit. Tu, dum tua navis in alto est,
 Hoc age, ne mutata retrorsum te ferat aura.
 Oderunt hilarem tristes, tristemque iocosi;
 Sedatum celeres, agilem gnavumque remissi; 90
 Potores bibuli media de nocte Falerni.
 Oderunt porrecta negantem pocula, quamvis
 Nocturnos iures te formidare vapores.
 Deme supercilio nubem: plerumque modestus
 Occupat obscuri speciem, taciturnus acerbi.
 Inter cuncta leges et percontabere doctos,
 Qua ratione queas traducere leniter aevum,
 Ne te semper inops agitet vexetque cupido,
 Ne pavor, et rerum mediocriter utilium spes; 95
 Virtutem doctrina paret, naturane donet;
 Quid minuat curas, quid te tibi reddat amicum;
 Quid pure tranquillet, honos, an dulce lucellum,
 An secretum iter, et fallentis semita vitae.
 Me quoties reficit gelidus Digentia rivus,
 Quem Mandela bibt, rugosus frigore pagus, 105

— v. 80. At penitus Bentl. conjectura; Ac Cuning. Cf. Iahn.
 — v. 91. Bentleius liquidi pro bibuli e Codd. Fabricii et ex uno
 suo Codice luce pro nocte. Cf. Gesner et Fea.

Quid sentire putas? quid credis, amice, precari?
 Sit mihi, quod nunc est, etiam minus; et mihi vivam
 Quod superest aevi, si quid superesse volunt Di;
 Sit bona librorum et provisae frugis in annum
 Copia; neu fluitem dubiae spe pendulus horae. 110
 Sed satis est orare Iovem quae donat et aufert:
 Det vitam, det opes; aequum mi animum ipse parabo.

EPISTOLA XIX.

AD MAECENATEM.

Duplex hominum genus, ut omnino egregiis scriptoribus accidere solet, Horatio importunum exstitit, id est, imitatorum et invidorum. Contra utrosque coram Maecenate, optimo earum rerum indice, hac epistola causam suam agit. Primum igitur imitatores, servum pecus, graviter et acerba cum derisione exagit (ver. 1 — 20), simulque nou sine generoso praestantiae suae sensu sua carmina proprio et Romanis antea incognito artificio facta cum istorum ineptiis contendit (vers. 21 — 34). Deinde de malevolorum in se invidentia, eiusque causis exponit (ver. 35 ad fin.).

Prisco si eredis, Maecenas docte, Cratino,
 Nulla placere diu nec vivere carmina possunt,
 Quae scribuntur aquae potoribus. Ut male sanos
 Adseripsit Liber Satyris Faunistique poëtas,
 Vina fere dulces oluerunt mane Camenae. 5
 Laudibus arguitur vini vinosus Homerus;
 Ennius ipse pater nunquam nisi potus ad arma.
 Prosiluit dicenda. Forum putealque Libonis

— v. 107. et mihi emendavit Bentl. e Codd. Olim vulg. ut mihi.
 — v. 110. neu Bentl. e Codd. Vulg. ne. — v. 111. ponit et auf. Bentl. e Codd. Cf. Fea. — v. 112. det opes: animum mihi ego ipse parobo Cod. Bentl. quem Cf. et Ioannes Sarisberiensis Pol. III, 9.

XIX, v. 4. Adscribit Codd. aliquot Pulf. et Feae, atque plures Edd. vett.

Mandabo siccis, adimam cantare severis.
 Hoe simul edixi, non cessavere poëtae 10
 Nocturno certare mero, putere diurno.
 Quid? si quis vultu torvo ferus, et pede nudo,
 Exiguaeque togae simulet textore Catonem,
 Virtutemque repraesentet moresque Catonis?
 Rupit Iarbitam Timagenis aemula lingua, 15
 Dum studet urbanus, tenditque disertus haberi.
 Decipit exemplar virtiis imitabile: quod si
 Pallerem casu, biberent exsangue euminum.
 O imitatores, servum pecus, ut mihi saepe
 Bilem, saepe iocum vestri movere tumultus! 20
 Libera per vacuum posui vestigia princeps;
 Non aliena meo pressi pede. Qui sibi fudit,
 Dux regit examen. Parios ego primus iambos
 Ostendi Latio, numeros animosque secutus
 Archilochi, non res et agentia verba Lycamben. 25
 Ac, ne me foliis ideo brevioribus ornes,
 Quod timui mutare modos et carminis artem:
 Temperat Archilochi musam pede mascula Sappho,
 Temperat Alcaeus, sed rebus et ordine dispar,
 Nec sacerum quaerit, quem versibus oblinat atris, 30
 Nec sponsae laqueum famoso carmine nectit.
 Hunc ego, non alio dictum prius ore, Latinus
 Vulgavi fidicen: iuvat immemorata ferenrem
 Ingenuis oculisque legi manibusque teneri.
 Scire velis, mea cur ingratus opuscula lector 35
 Laudet ametque domi, premat extra limen iniquus?
 Non ego ventosae plebis suffragia venor
 Impensis coenarum et tritae munere vestis;

— v. 10. *edici* Bentleius emendavit e Codd. Bersmanni, Torrent. Lambin. atque uno suo, quibus accedunt plures Feae. Olim vulg. *edixit*. Feae Cod. unus et Heinsius ex conjectura *editi*. Vid. Bentl. — v. 15. *aemula coena* Codd. apud Torrent. Cf. Fea. — v. 19. *bilem* Ut mihi saepe iocum Cod. Bentl. quem Cf. — v. 32. *Latinis* pleraequa veteres Editiones. Vid. Fea.

Non ego, nobilium scriptorum auditor et ulti,
Grammaticas ambire tribus et pulpita dignor: 40
Hinc illae lacrimae. Spissis indigna theatris
Scripta pudet recitare, et nugis addere pondus,
Si dixi: Rides, ait, et Iovis auribus ista
Servas; fidis enim manare poëtica mella
Te solum, tibi pulcher. Ad haec ego naribus uti 45
Formido; et luctantis acuto ne secer ungui,
Displacet iste locus, clamo, et diludia posco.
Ludus ènim genuit trepidum certamen et iram,
Ira truces inimicitias et funebre bellum.

EPISTOLA XX.

AD LIBRUM SUUM.

Quod nunc fere poetæ facere solent, ut carminibus suis in vulgus prodituris praeludant, eaque peculiaribus versibus agmen ducentibus cominent lecturis, id Horatium in epistolarum volumine priori edendo hac extrema epistola facere videimus. Alloquitur ibi liberum, et, ut Gesneri verbis utar, sub satirica et humili specie dicit hic non minora, quam Carm. III, 30.

Vertumnus Ianumque, liber, spectare videris,
Scilicet ut prostes Sosiorum pumice mundus.
Odisti claves, et grata sigilla pudico;
Paucis ostendi gemis, et communia laudas,
Non ita nutritus. Fuge quo descendere gestis, 5
Non erit emisso redditus tibi. Quid miser egi?
Quid volui? dices, ubi quis te laeserit; et scis
In breve te cogi, quum plenus languet amator.

— v. 39. *adiutor et ulti* Codd. aliquot Feae et Coll. Sat. *actor pro ulti* Cod. Lambin. Vid. Bentl.

XX, v. 5. *descendere* correxit Bentleius, quem Vid. e Codd. et Ed. principe. Vulgata lectio erat *discedere*. — v. 7. *quis te omnes* fere Edd. vett. et multi Codd. quos enumerat Fea; *quid te* Bentl. cum magna parte Codd. — v. 8. *plenus cum* Bentl. ex uno Cod. itemque duo Codd. Feac. Sed Cf. Iahn.

Quod si non odio peccantis desipit augur,
 Carus eris Romae, donec te deserat aetas. 10
 Contrectatus ubi manibus sordescere vulgi
 Coeperis, aut tineas pasces taciturnus inertes,
 Aut fugies Uticam, aut vinetus mitteris Ilerdam.
 Ridebit monitor non exauditus; ut ille,
 Qui male parentem in rupes protrusit asellum 15
 Iratus: quis enim invitum servare laboret?
 Hoc quoque te manet, ut pueros elementa docentem
 Oecupet extremis in vicis balba senectus.
 Quum tibi sol tepidus plures admoverit aures,
 Me libertino natum patre, et in tenui re 20
 Maiores pennas nido extendisse loqueris,
 Ut, quantum generi demas, virtutibus addas;
 Me primis Urbis belli placuisse domique,
 Corporis exigui, praeeanum, solibus aptum,
 Irasci celerem, tamen ut placabilis essem. 25
 Forte meum si quis te percontabitur aevum,
 Me quater undenos sciat implevisse Decembres,
 Collegam Lepidum quo duxit Lollius anno.

— v. 10. *deserit* Codd. Feae et Valart. plures antiquiores Edd.
 Bentl. *deseret* Codd. Feae et Valart. Ed. Mediol. 1477. — v. 13.
unctus mitteris plurimae olim Editiones; sed Codd. plerumque
vincutus. Vid. Bentl. et Fea. — v. 15. *detrusit* Ed. Glarean. Cf.
 Fea. — v. 19. *annos pro aures* Codd. aliquot Combii et Feae.

Q. HORATII FLACCI
E P I S T O L A R U M
LIBER SECUNDUS.

—
EPISTOLA I.

AD AUGUSTUM.

Tres libri huius secundi epistolae consimilis quodammodo sunt argumenti, cum singulae ad poeseos studia pertineant. In prima enim antiquiores poetae Romani cum recentioribus aevi Augustei, atque omnino græcae poeseos historia et indoles cum romanae conferuntur; in altera narrat Horatius de suis poeseos studiis nunc quidem a se depositis atque de multorum suaæ aetatis poetarum perversitate et ineptiis; in tertia denique artis præcepta tradit. Atque huius quidem primæ epistolæ occasio, Suetonio teste (in Vita Horatii pag. 7.) inde nata est, quod Augustus disertis verbis hoc ab Horatio petivisset, ut ad se sermonem aliquem scriberet. Optime autem hoc potissimum argumentum poeta sibi suinsit, utpote ad principem scribens et elegantis iudicij et poetas egregios soventem et omnibus præsidiis ad romanæ Musas excitandas et alendas instructum. Post splendidum exordium (*vers. 1 — 17.*), nimiam veterum poetarum admirationem exagitat, et ostendit, quam parum firmum et rectum sit eorum iudicium, qui poemata tantum ex vetustate aestiment. (*— vers. 49.*) Tum ubi hos ipsos antiquissimos Romanorum poetas enumeravit, de iisque breviter sententiam tulit (*— vers. 89.*), extremis quasi lineamentis descriptam, sed perquam ingeniose, Graecorum et Romanorum indolem vitaeque rationes inter se comparat (*— vers. 106.*), eo quidem consilio, ut démonstret, si Graecorum vetustissima quaeque carmina sint optima, hoc idem iudicium in Romanorum carminibus locum habere non posse. Deinde

cum antiquiorum Romanorum ingenio a subtilioribus Musarum artibus alieno non sine aliqua derisione servidum studium componit, quo suae aetatis homines ad versus scribendos rapiantur, additque poeseos laudationem, in qua a iocosa et submissa tractatione usque ad sublimem gravitatem assurgit (— vers. 138.). Postea Augusto poeseos conditionem et rationem, qualis tunc Romae fuit, scenicae inprinmis exponit (— vers. 213.), atque etiam reliquos poetas praeter scenicos principi commendat, eo potissimum nomine non negligendos, quia generosi et populi et principis intersit, praeclaros praeclare factorum praecones nancisci; (— vers. 250.) quod dum dicit sponte quasi et ipsa sermonis via ad eam excusationem desertur, quam haud semel in carminibus suis usurpat, se quidem tantis tamque splendidis rebus ab Augusto gestis imparem esse celebrandis.

Quum tot sustineas et tanta negotia solus,
 Res Italas armis tuteris, moribus ornes,
 Legibus emendas; in publica commoda peccem,
 Si longo sermone morer tua tempora, Caesar.
 Romulus, et Liber pater, et eum Castore Pollux, 5
 Post ingentia faeta Deorum in templa recepti,
 Dum terras hominumque colunt genus, aspera bella
 Componunt, agros assignant, oppida condunt,
 Ploravere suis non respondere favorem
 Speratum meritis. Diram qui contudit hydram, 10
 Notaque fatali portenta labore subegit,
 Comperit invidiam supremo fine domari.
 Urit enim fulgore suo, qui praegravat artes
 Infra se positas: exstinctus amabitur idem.
 Praesenti tibi maturos largimur honores, 15
 Iurandasque tuum per nomen ponimus aras,
 Nil oriturum alias, nil ortum tale fatentes.
 Sed tuus hic populus, sapiens et iustus in uno,
 Te nostris ducibus, te Graiis anteferendo,

I, v. 2. moenibus pro moribus coni. Bentl. — v. 6. fata Bentl. ex coni. — v. 8. oppida formant ex uno Cod. Cuning. Sanad. Both. — v. 14. positos Fea ex duobus Codd. Sed Cf. Both. Annotatt. — v. 16. numen Bentl. et Fea ex pluribus Codd. Cf. utrumque et Doering. — v. 18. hoc pro hic Bentl. ex uno Cod. Cf. Iahn.

Cetera nequaquam simili ratione modoque 20
 Aestimat, et, nisi quae terris semota suisque
 Temporibus defuncta videt, fastidit et odit,
 Sic fautor veterum, ut tabulas peccare vetantes,
 Quas bis quinque viri sanxerunt, foedera regum
 Vél Gabiis vel cum rigidis aequata Sabinis, 25
 Pontificum libros, annosa volumina vatum,
 Dictitet Albano Musas in monte locutas.
 Si, quia Graecorum sunt antiquissima quaeque
 Scripta vel optima, Romani pensantur eadem
 Scriptores trutina, non est quod multa loquamus: 30
 Nil intra est oleam, nil extra est in nuce duri.
 Venimus ad summum fortunae, pingimus atque
 Psallimus, et luctamur Achivis doctius unctis.
 Si meliora dies, ut vina, poëmata reddit,
 Scire velim, pretium chartis quotus arroget annus. 35
 Scriptor abhinc annos centum qui decidit, inter
 Perfectos veteresque referri debet, an inter
 Viles atque novos? excludat iurgia finis. —
 Est vetus atque probus, centum qui perficit annos. —
 Quid? qui deperiit minor uno mense vel anno, 40
 Inter quos referendus erit? veteresne poëtas?
 An quos et praesens et postera respuet actas? —
 Iste quidem veteres inter ponetur honeste,
 Qui vel mense brevi vel toto est iunior anno. —
 Utor permisso, caudaeque pilos ut equinae 45
 Paulatim vello, et demo unum, demo et item unum,
 Dum cadat elusus ratione ruentis acervi,
 Qui reddit in fastos, et virtutem aestimat annis,

— v. 28. *Graiorum* Bentl. ex trihus Codd. Cf. Fea et Both. Annott.
 — v. 29. *pensantur* Codd. duo Bersm. — v. 31. *olea* Bentleius
 conjectura, quem Cf. — v. 32. *summam* Codd. aliquot Bersm.
 et Feae. — v. 33. *scitius pro doctius* Fea ex Eutychie apud Putsch.
 p. 2179. — v. 39. *quia perficit* Both. cum Torrent. e Codd. —
 v. 46. Ita longe plurimi Codd. ferunt. *Vetustae* Edd. *demo etium unum*.
 Vid. Bentl. et Fea. Duo Codd. Feae *demo itidem unum*
 quod probat Both. in Annotatt. et recepit Iahn. — v. 48. *in fas-*

Miraturque nihil, nisi quod Libitina sacravit.
 Ennius, et sapiens et fortis, et alter Homerus, 50
 Ut eritici dicunt, leviter eurare videtur,
 Quo promissa eadant et somnia Pythagorea.
 Naevius in manibus non est, et mentibus haeret
 Paene recens? adeo sanctum est vetus omne poëma.
 Ambigitur quoties uter utro sit prior, aufert 55
 Paeuvius docti famam senis, Accius alti:
 Dicitur Afranî toga convenisse Menandro;
 Plautus ad exemplar Siculi properare Epicharmi;
 Vincere Caecilius gravitate, Terentius arte.
 Hos ediseit, et hos arcto stipata theatro 60
 Spectat Roma potens, habet hos numeratque poëtas
 Ad nostrum tempus, Livi scriptoris ab aevo.
 Interdum vulgus rectum videt; est ubi peccat.
 Si veteres ita miratur laudatque poëtas,
 Ut nihil anteferat, nihil illis comparet, errat: 65
 Si quaedam nimis antique, si pleraque dure
 Dicere credit eos, ignave multa fatetur;
 Et sapit, et mecum facit, et Iove iudicat aequo.
 Non equidem insector delendave carmina Livi
 Esse reor, memini quae plagosum mihi parvo 70
 Orbilium dictare: sed emendata videri
 Pulchraque et exactis minimum distantia miror.
 Inter quae verbum emicuit si forte decorum,
 Si versus paulo concinnior unus et alter,
 Iniuste totum dicit venditque poëma. 75
 Indignor quidquām reprehendi, non quia crasse
 Compositum illepedeve putetur, sed quia nuper;
 Nec veniam antiquis sed honorem et præmia posci.

tos Bentl. e plurimis Codd. quibus accedunt Codd. Feae. Vulg. *ad fastos*. Vid. Bentl. — *v. 54.* Signum interrogationis a Bentleio additum, delet Fea. Sed Cf. Bothii. Annotatt. et Bentl. — *v. 63.* *peccet*. Ed. Glarean. — *v. 67.* *cedit* Bentl. ex uno Cod. *credat* Ed. Ven. et Glarean. — *v. 69.* *Laevi* Bentleius ex uno suo Cod. Itemque Coll. Saxian. et Porphyrio MS. apud Feam. — *v. 75.* *venitque* Bentl. ex uno suo Cod.

Recte necne crocum floresque perambulet Attae
 Fabula si dubitem, clament periisse pudorem 80
 Cuneti paene patres, ea quum reprehendere coner,
 Quae gravis Aesopus, quae doctus Roseius egit:
 Vel quia nil rectum, nisi quod placuit sibi, ducunt;
 Vel quia turpe putant parere minoribus, et, quae
 Imberbi didicere, senes perdenda fateri. 85
 Iam Saliare Numae carmen qui laudat, et illud,
 Quod mecum ignorat, solus vult scire videri:
 Ingeniis non ille favet plauditque sepultis,
 Nostra sed impugnat, nos nostraqua lividus odit.
 Quod si tam Graecis novitas invisa fuisset, 90
 Quam nobis, quid nunc esset vetus? aut quid haberet,
 Quod legeret tereretque viritim publicus usus?
 Ut primum positis nugari Graecia bellis
 Coepit, et in vitium fortuna labier aqua,
 Nunc athletarum studiis, nunc arsit equorum, 95
 Marmoris aut eboris fabros aut aeris amavit,
 Suspendit pieta vultum mentemque tabella,
 Nunc tibicinibus nunc est gavisa tragoeidis;
 Sub nutrice puella velut si luderet infans,
 Quod cupide petiit, mature plena reliquit. 100
 Quid placet aut odio est, quod non mutabile credas?
 Hoc paces habuere bonaे ventique secundi.
 Romae dulce diu fuit et solenne, reclusa
 Mane domo vigilare, clienti promere iura,
 Cautos nominibus rectis expendere nummos, 105
 Maiores audire, minori dicere per quae
 Crescere res posset, minui damnosa libido.
 Mutavit mentem populus levis, et calet uno
 Scribendi studio: pueri patresque severi

— v. 85. Ita Bentl. e Codd. Vulg. *imberbes* quod retinuit Fea.
 — v. 90. *Graii* Bentl. conjectura. — v. 92. *Quiritum* pro *viritim* Fea ex uno Cod. Fulv. Ursini. Cf. Iahn. — v. 105. *rectis* e Codd. Bentleius correxit, quem V. Alii Codd. et pleraque olim Edd. *nominibus certis*. Codex Barthii (Advers. XXXVII, 18) *scriptas* habet pro *cautos*, idque practulit Bentl. — v. 109. Ita fere

Fronde comas vinci coenant, et carmina dictant. 110
 Ipse ego, qui nullos me affirmo scribere versus,
 Invenior Parthis mendacior, et, prius orto
 Sole vigil, calamum et chartas et scrinia posco.
 Navim agere ignarus navis timet, abrotonum aegro
 Non audet, nisi qui didicit, dare; quod medicorum
 est, 115

Promittunt medici tractant fabrilia fabri:
 Scribimns indocti doctique poëmata passim.
 Hic error tamen, et levis haec insania, quantas
 Virtutes habeat, sic collige: vatis avarus
 Non temere est animus; versus amat, hoc studet
 unum; 120

Detrimenta, fugas servorum, incendia ridet;
 Non fraudem socio, puerove incogitat ullam
 Pupillo; vivit siliquis et pane secundo.
 Militiae quamquam piger et malus, utilis urbi,
 Si das hoc, parvis quoque rebus magna iuvari. 125

Os tenerum pueri balbumque poëta figurat;
 Torquet ab obscoenis iam nunc sermonibus aurem,
 Mox etiam pectus praeceptis format amicis,
 Asperitatis et invidiae corrector et irae;
 Recete facta refert; orientia tempora notis
 Instructi exemplis; inopem solatur et aegrum. 130

Castis cum pueris ignara puella mariti
 Disceret unde preces, vatem ni Musa dedisset?
 Poscit opem chorus, et praesentia numina sentit,
 Coelestes implorat aquas docta prece blandus, 135
 Avertit morbos, metuenda pericula pellit,
 Impetrat et pacem, et locupletem frugibus annum.
 Carmine Dì superi placantur, carmine manes.
 Agricolae prisci, fortes, parvoque beati,

Codd. Sed Edd. veteres aliquot *puerique*. Vid. Bentl. et Fea. —
 v. 111. *me* omittit Sax. quod placet Bothio. — v. 115. *melicorum*
 et vers. seq. *melici* Bentl. conjectura. Cf. Both. Annott et Iahn.
 — v. 124. *urbi est* Iahn. e Coda. Feae et Comb. — v. 129. *cor-
 reptor* plures Codd. Vid. Fea.

Condita post frumenta, levantes tempore festo 140
 Corpus, et ipsum animum spe finis dura ferentem,
 Cum sociis operum et pueris, et coniuge fida,
 Tellurem poreo, Silvanum lacte piabant,
 Floribus et vino Genium, memorem brevis aevi.
 Fescennina per hunc inventa licentia morem, 145
 Versibus alternis opprobria rustica fudit;
 Libertasque recurrentes accepta per annos
 Lusit amabiliter, donec iam saevus apertam
 In rabiem coepit verti iocus, et per honestas
 Ire domos impnne minax. Doluere cruento 150
 Dente lacestisti; fuit intactis quoque cura.
 Conditione super communi: quin etiam lex
 Poenaque lata, malo quae nollet carmine quemquam
 Describi. Vertere modum, formidine fustis
 Ad bene dicendum delectandumque redacti. 155
 Graecia capta ferum vietorem cepit, et artes
 Intulit agresti Latio: sic horridus ille.
 Defluxit numerus Saturnius; et grave virus
 Munditiae pepulere; sed in longum tamen aeyum
 Manserunt hodieque manent vestigia ruris. 160
 Serus enim Graecis admovit acumina chartis;
 Et post Puniea bella quietus, quaerere coepit,
 Quid Sophocles et Thespis et Aeschylus utile ferrent.
 Tentavit quoque rem, si digne vertere posset,
 Et placuit sibi, natura sublimis et acer: 165
 Nam spirat tragicum satis, et feliciter audet;
 Sed turpem putat inscite metuitque lituram.
 Creditur, ex medio quia res arcessit, habere
 Sudoris minimum, sed habet Comoedia tanto
 Plus oneris, quanto veniae minus. Adspice, Plautus 170

— v. 142. Haec est vulgata lectio pluribus Codd. Pulmann. et Feae confirmata. Alii Codd. et Edd. vett. omittunt *et ante pueris* Vid. Bentl. et Fea. — v. 145. *invecta licentia* Bentl. conjectura. Cf. Fea. — v. 167. Plurimae olim Edd. *putat in scriptis*, sed Codd. fere omnes *inscite*. Vid. Bentleyus qui dedit *inscitus* conjecta. et Fea.

Quo pacto partes tutetur amantis ephebi,
 Ut patris attenti, lenonis ut insidiosi;
 Quantus sit Dossennus edacibus in parasitis;
 Quam non adstricto percurrat pulpita soceo.
 Gestit enim nummum in loculos demittere, post hoc 175
 Securus, cadat an recto stet fabula talo.
 Quem tulit ad scenam ventoso Gloria curru,
 Exanimat latus spectator, sedulus inflat.
 Sie leve, sic parvum est, animum quod laudis avarum
 Subruit aut reficit. Valeat res ludiera, si me 180
 Palma negata macrum, donata reducit opimum.
 Saepe etiam audacem fugat hoc terretque poëtam,
 Quod numero plures, virtute et honore minores,
 Indocti stolidique, et depugnare parati,
 Si discordet eques, media inter carmina poscunt 185
 Aut ursum aut pugiles: his nam plebecula gaudet.
 Verum equiti quoque iam migravit ab aure voluptas
 Omnis ad incertos oculos et gaudia vana.
 Quatuor aut plures aulaea premuntur in horas,
 Dum fugiunt equitum turmae peditumque catervae; 190
 Mox trahitur manibus regum fortuna retortis;
 Esseda festinant, pilenta, petorrita, naves;
 Captivum portatur ebur, captiva Corinthus.
 Si foret in terris, rideret Demoeritus, seu
 Diversum confusa genus panthera camelio, 195
 Sive elephas albus vulgi converteret ora:
 Spectaret populum ludis attentius ipsis,
 Ut sibi praebentem mimo spectacula plura.
 Scriptores autem narrare putaret asello.

— v. 173. *Dorsennus* plures Edd. Vid. Both. — v. 178. *sedulus*
instat Coll. Sax. Cf. Gesner. Fea, Both. — v. 180. *ac reficit*
 Bentl. ex aliquot Codd. Cf. Fea. — v. 186. *plebecula* *plaudit*
 haud pauci Codd. Lambini, Feae, aliorum; recepit cum Fea
 Iahnus. — v. 187. *equiti* Bentl. conjectura. — v. 188. *ingratos*
oculos Bentl. conjectura Cf. Fea. — v. 196. *converterit* Bentl. e
 Prisciani Cod. Cf. Both. et Iahn.

Fabellam surdo. Nam quae pvincere voees 200
 Evaluere sonum, referunt quem nostra theatra?
 Garganum mugire putas nemius, aut mare Tuseum:
 Tanto cum strepitu ludi spectantur, et artes,
 Divitiaeque peregrinae; quibus oblitus actor
 Quum stetit in scena, concurrit dextera laevae. 205
 Dixit adhuc aliquid? — Nil sane. — Quid placet ergo? —
 Lana Tarentino violas imitata veneno.
 Ac ne forte putas, me, quae facere ipse recusem,
 Quum recte tractent alii, laudare maligne;
 Ille per extenum funem mihi posse videtur 210
 Ire poëta, meum qui pectus inaniter angit,
 Irritat, mulcet, falsis terroribus implet,
 Ut magus, et modo me Thebis, modo ponit Athenis.
 Verum age, et his, qui se lectori credere malunt,
 Quam spectatoris fastidia ferre superbi, 215
 Curam redde brevem, si munus Apolline dignum
 Vis complere libris, et vatibus addere calcar,
 Ut studio maiore petant Helicona virentem.
 Multa quidem nobis facimus mala saepe poëtae,
 (Ut vineta egomet caedam mea) quum tibi librum 220
 Sollicito damus aut fesso; quum laedimur, unum
 Si quis amicorum est ausus reprehendere versum;
 Quum loca iam recitata revolvimus irrevocati;
 Quum lamentamur, non apparere labores
 Nostros, et tenui deducta poëmata filo; 225
 Quum speramus eo rem venturam, ut simul atque
 Carnina rescieris nos fingere, commodus ultro
 Arcessas, et egere vetes, et scribere cegas.
 Sed tamen est operae pretium cognoscere, quales
 Aedituos habeat belli spectata domique 230
 Virtus, indigno non committenda poëtae.
 Gratus Alexandro regi Magno fuit ille.

— v. 210. Codd. aliquot *extensem* Vid. Fea. — v. 216. *curam impende brev.* Bentl. ex uno Cod. Sed Cf. Fea et Doering. — v. 223. *inrevocati libri veteres*, teste Torrentio.

Choerilus, incultis qui versibus et male natis
 Retulit acceptos, regale nomisma, Philippos. 235
 Sed veluti tractata notam labemque remittunt
 Atramenta, fere scriptores carmine foedo
 Splendida facta linunt. Idem rex ille, poëma
 Qui tam ridiculum tam care prodigus emit,
 Edicto vetuit, ne quis se, praeter Apellem,
 Pingeret, aut alius Lysippo duceret aera 240
 Fortis Alexandri vultum simulantia. Quod si
 Iudicium subtile videndis artibus illud
 Ad libros et ad haec Musarum dona vocares,
 Boeotum in crasso iurares aëre natum.
 At neque dedecorant tua de se iudicia, atque 245
 Munera, quae multa dantis cum laude tulerunt,
 Dilecti tibi Virgilius Variusque poëtae:
 Nec magis expressi vultus per aënea signa,
 Quam per vatis opus mores animique virorum
 Clarorum apparent. Nec sermones ego mallem 250
 Repentes per humum, quam res componere gestas;
 Terrarumque situs et flumina dicere, et arces
 Montibus impositas, et barbara regna, tuisque
 Auspiciis totum confecta duella per orbem,
 Claustraque custodem pacis cohibentia Ianum, 255
 Et formidatam Parthis te principe Romam;
 Si, quantum cuperem, possem quoque. Sed neque
 parvum

Carmen maiestas recipit tua, nec meus audet
 Rem tentare pudor, quam vires ferre recusent.
 Sedulitas autem, stulte quem diligit, urget; 260
 Praecipue quum se numeris commendat et arte.
 Discit enim citius meminitque libentius illud,
 Quod quis deridet, quam quod probat et veneratur.
 Nil moror officium quod me gravat, ac neque ficto
 In peius vultu proponi cereus usquam 265

— v. 234. *nomisma* cum Fea dedimus, quem Cf. Vulg. *numisma*. — v. 240. *cuderet aera* coni. Lambin. recipit Bentl.

Nec prave factis decorari versibus opto,
 Ne rubeam pingui donatus munere, et una
 Cum scriptore meo, capsā porrectus aperta,
 Deferar in vicum vēdēntem thus et odores
 Et piper et quidquid chartis amicitur ineptis.

270

EFISTOLA II.

AD IULIUM FLORUM.

Excusaturus se Iulio Floro (Cf. Epist. I, 3), quod nihil litterarum neque carminum ad eum miserit, primum lepida similitudine significat, se nihil proficiscenti amico promisisse, imo suam in scribendo pigritiam ingenue professum esse (*vers. 1 — 25.*). De carminibus ridens respondet, se quondam nonnisi paupertate ad versus faciendos adaetūm, nunc quidem meliore fortuna utentem beatum otium his laboribus longe praeserre (*vers. 25 — 54.*); deinde serio excusat aetatem suam, importuna lectorum fastidia, urbanae vitae impedimenta et turbas (*vers. 55 — 86.*), et significat, se pertaesum esse omnis huius carminum pangendorum studii ob ineptos et misellos tot poetarum sui temporis ad favorem hominum et laudem captandam tumultus et legitimae artis ignorantiam, simulque saniora quaedam et severiora artis praecepta iis opponit (*vers. 87 — 140.*). Postremum studium, quod tam frequenter in his epistolis profitetur, sapientiae excusat, cui nunc relictis versuum lusibus unice deditus sit, atque aurea quaedam sanae rationis praecepta hoc ipso studio sibi comparata cum amico comunicat (*vers. 141 ad fin.*).

Flore, bono claroque fidelis amice Neroni,
 Si quis forte velit puerum tibi vendere, natum
 Tibure vel Gabiis, et tecum sic agat: Hic et
 Candidus, et talos a vertice pulcher ad imos,
 Fiet eritque tuus nummorum millibus octo,

5

— v. 268. *operta* Codd. 5 Bersm. Gotting. alii; sequitur Bentl. Sed Cf. Gesner. et Fea. — v. 270. *inemptis* Codd. duo Feae, unus Cruq. et vett. Edd. aliquot, quos laudat Fea; idemque coniecerat Wakef.

Verna ministeriis ad nutus aptus heriles,
 Literulis Graecis imbutus, idoneus arti
 Cuilibet, argilla quidvis imitaberis uda:
 Quin etiam canet indoetum, sed dulce bibenti.
 Multa fidem promissa levant, ubi plenius aequo 10
 Laudat venales, qui vult extrudere, merces.
 Res urget me nulla; meo sum pauper in aere:
 Nemo hoc mangonum faceret tibi: non temere a me
 Quivis ferret idem: semel hic cessavit, et, ut fit,
 In scalis latuit metuens pendentis habenae. 15
 Des nummos, excepta nihil te si fuga laedat.
 Ille ferat pretium, poenae securus, opinor.
 Prudens emisti vitiosum; dicta tibi est lex:
 Insequeris tamen hunc, et lite moraris iniqua?
 Dixi me pigrum proficiscenti tibi, dixi 20
 Talibus officiis prope mancum, ne mea saevus
 Iurgares ad te quod epistola nulla veniret.
 Quid tum profeci, mecum facientia iura
 Si tamen attentas? Quereris super hoc etiam, quod
 Exspectata tibi non mittam carmina mendax. 25
 Luculli miles collecta viatica multis
 Aerumnis, lassus dum noctu stertit, ad assem
 Perdiderat; post hoc vehemens lupus, et sibi et hosti
 Iratus pariter, ieunis dentibus acer,
 Praesidiū regale loco deiecit, ut aiunt, 30
 Summe munito et multarum divite rerum.
 Clarus ob id factum, donis ornatur honestis;
 Accipit et bis dena super sestertia nummūm.
 Forte sub hoc tempus castellum evertere praetor
 Nescio quod cupiens, hortari coepit eundem 35
 Verbis, quae timido quoque possent addere mentem:

II, v. 8. *imitabitur* Gotting. Codd. Torrentii et Feae, qui
 recepit in textum. — v. 11. *excludere* haud pauci Codd. Lambin.
 et Feae, quem Cf. — v. 16. *laedat* plurimi libri; alii *laedit*. Cf.
 Bentl. et Fea. — v. 22. *rediret* magna Codd. pars; alii *veniret*.
 Cf. Fea. — v. 32. *ornatur optimis* Codd. aliquot Torrent. et Feae.

I, bone, quo virtus tua to vocat; i pede fausto,
 Grandia latus meritorum praemia: quid stas?
 Post haec ille catus, quantumvis rusticus, Ibit,
 Ibit eo quo vis, qui zonam perdidit, inquit. 40
 Romae nutritri mihi contigit atque doceri,
 Iratus Graiis quantum nocuissest Achilles:
 Adiecere bonae paulo plus artis Athenae;
 Scilicet ut possem curvo dignoscere rectum,
 Atque inter silvas Academi quaerere verum. 45
 Dura sed emovere loco me tempora grato,
 Civilisque rudem belli tulit aestus in arma,
 Caesaris Augusti non responsura lacertis.
 Unde simul primum me dimisere Philippi,
 Decisis humilem pennis, inopemque paterni 50
 Et laris et fundi, paupertas impulit audax
 Ut versus facerem; sed, quod non desit, habentem
 Quae poterunt unquam satis expurgare cicutae,
 Ni melius dormire putem quam scribere versus?
 Singula de nobis anni praedantur eentes; 55
 Eripueri iocos, Venerem, convivia, ludum;
 Tendunt extorquere poëmata: quid faciam vis?
 Denique non omnes eadem mirantur amantque:
 Carmine tu gaudes; hic delectatur iambis;
 Ille Bioneis sermonibus et sale nigro. 60
 Tres mihi convivae prope dissentire videntur,
 Poscentes vario multum diversa palato.
 Quid dem? quid non dem? renuis tu, quod ibet alter;
 Quod petis, id sane est invisum acidumque duobus.
 Praeter cetera, me Romaene poëmata censes. 65
 Scribere posse, inter tot euras totque labores?
 Hic sponsum vocat, hic auditum scripta, relictais
 Omnibus officiis; cubat hic in colle Quirini,

— v. 46. *amovere* Codd. apud Palm. et Fearn, Cf. Both. — v. 63.
renuis quod tu Bentl. e Codd. — v. 65. *Romae mene* Codd.
 Valart. et quaedam Edd. vett. V. Fea. — v. 68. *in monte Qui-*
rini et in valle Quir. Codd. aliquot Feae, quem Cf.

Hic extremo in Aventino, visendus uterque;
 Intervalla vides humane commoda. — Verum 70
 Purae sunt plateae, nihil ut meditantibus obstet. —
 Festinat calidus mulis gerulisque redemtor;
 Torquet nunc lapidem, nunc ingens machina tignum;
 Tristia robustis luctantur funera plaustris;
 Hac rabiosa fugit canis, hac lutulentā ruit sus: 75
 I nunc, et versus tecum meditare canoros.
 Scriptorum chorus omnis amat nemus, et fugit urbes,
 Rite cliens Bacchi, somno gaudentis et umbra:
 Tu me inter strepitus nocturnos atque diurnos
 Vis canere, et contracta sequi vestigia vatum? 80
 Ingenium, sibi quod vacuas desumxit Athenas,
 Et studiis annos septem dedit, insenuitque
 Libris et curis, statua taciturnius exit
 Plerumque, et risu populum quatit: hic ego rerum
 Fluctibus in mediis, et tempestatibus urbis, 85
 Verba lyrae motura sonum connectere digner?
 Frater erat Romae consulti rhetor, ut alter
 Alterius sermone meros audiret honores;
 Gracchus ut hic illi foret, huic ut Mucius ille.
 Qui minus argutos vexat furor iste poëtas? 90
 Carmina compono, hic elegos; mirabile visu
 Caelatumque novem Musis opus. Adspice primum,
 Quanto cum fastu, quanto molimine circum-
 Spectemus vacuam Romanis vatibus aedem.
 Mox etiam, si forte vacas, sequere, et procul audi, 95
 Quid ferat et quare sibi nectat uterque coronam.

— v. 71. obsit duo Codd. Cruq. Vid. Fea. — v. 75. furit canis Fea e Codd. Cf. Iahn. — v. 80. Ita plurimi Codd. et antiquissimae Edd. Alii Codd. contacta, quae lectio post Lambinum plurimas Edd. occupavit. Bentleius conjectura non tacta, quem Vid. collato Fea. — v. 90. Qui minus? Argutos vexat etc. Both. Sed Cf. Iahn. — v. 92. Sacratumque novem Mus. Bentl. conjectura, quem Cf. Bothius ita distinguendum censet: Mirabile visu Caelatumque novem Musis opus, aspice primum etc. Vid. eius Annotatt. Fea. — v. 95. vacat Ed. Ven.

Caedimur, et totidem plagis consumimus hostem,
 Lento Samnites ad lumina prima duello.
 Discedo Alcaeus puncto illius: ille meo quis? 100
 Quis, nisi Callimachus? si plus adposcere visus,
 Fit Mimnermus, et optivo cognomine crescit.
 Multa fero, ut placem genus irritabile vatum,
 Quum scribo, et supplex populi suffragia capto:
 Idem, finitis studiis et mente recepta,
 Obturem patulas impune legentibus aures. 105
 Ridentur mala qui componunt carmina: verum
 Gaudent sribentes, et se venerantur, et ultro,
 Si taceas, laudant quidquid scripsere, beati.
 At qui legitimum cupiet fecisse poëma,
 Cum tabulis animum censoris sumet honesti; 110
 Audebit quaecunque parum splendoris habebunt,
 Et sine pondere erunt, et honore indigna ferentur,
 Verba movere loco, quamvis invita recedant,
 Et versentur adhuc intra penetralia Vestac.
 Obscurata diu populo bonus eruet, atque 115
 Proferet in lucem speciosa vocabula rerum,
 Quae prisca memorata Catonibus atque Cethegis,
 Nunc situs informis premit et deserta vetustas:
 Adsciscet nova, quae genitor produxerit usus.
 Vehemens et liquidus, puroque simillimus amni, 120
 Fundet opes, Latiumque beabit divite lingua,
 Luxuriantia compescet, nimis aspera sano
 Levabit cultu, virtute carentia tollet:
 Ludentis speciem dabit, et torquebitur, ut qui
 Nunc Satyrum nunc agrestem Cyclopa movetur. — 125
 Praetulerim scriptor delirus inersque videri,
 Dum mea delectent mala me vel denique fallant,
 Quam sapere et ringi. Fuit haud ignobilis Argis,
 Qui se credebat miros audire tragoeudos,
 In vacuo laetus sessor plausorque theatro; 130

— v. 114. inter Codd. aliquot Torrentii et Feae. — v. 128. ringi? Iahn.

Cetera qui vitae servaret munia recto
 More; bonus sane vicinus, amabilis hospes,
 Comis in uxorem, posset qui ignoscere servis,
 Et signo laeso non insanire lagenae,
 Posset qui rupem et puteum vitare patentem. 135
 Hic ubi cognatorum opibus curisque refectus
 Expulit elleboro morbum bilemque meraco,
 Et reddit ad sese: Pol, me occidistis, amici,
 Non servastis, ait, cui sic extorta voluptas,
 Et demus per vim mentis gratissimus error. — 140
 Nimirum sapere est abiectis utile nugis,
 Et tempestivum pueris concedere ludum,
 Ac non verba sequi fidibus modulanda Latinis,
 Sed verae numerosque modosque ediscere vitae.
 Quocirca mecum loquor haec, tacitusque recordor: 145
 Si tibi nulla sitim finiret copia lymphae,
 Narrares medicis: quod quanto plura parasti,
 Tanto plura cupis, nulline faterier audes?
 Si vulnus tibi monstrata radice vel herba
 Non fieret levius, fugeres radice vel herba 150
 Proficiente nihil curarier. Audieras, cui
 Rem Dì donarent, illi decidere pravam
 Stultitiam; et, quuin sis nihilo sapientior, ex quo
 Plenior es, tamen uteris monitoribus isdem?
 At si divitiae prudentem reddere possent, 155
 Si cupidum timidumque minus te; nempe ruberes,
 Viveret in terris te si quis avarior uno.
 Si proprium est, quod quis libra mercatus et aere est,
 Quaedam, si credis consultis, mancipat usus:
 Qui te pascit ager, tuus est; et villiens Orbì, 160
 Quum segetes occat tibi mox frumenta daturas,
 Te dominum sentit: das nummos, accipis uvam,

— v. 152. Codd. *donarent*, *donarunt*, *donarant*. Bentl. coniecta *donarint*. — v. 154. *rationibus isdem* plures Codd. *quos* enumerat Fea. — v. 161. *daturas* Bentl. e Codd. Vulg. *daturus* *quod* *servat* Fea. Cf. *utrumque*.

Pullos, ova, eadum temeti: nempe modo isto
 Paulatim mercaris agrum, fortasse trecentis,
 Aut etiam supra, nummorum millibus emtum. 165
 Quid refert, vivas numerato nuper an olim?
 Emtor Aricini quondam Veientis et arvi
 Emtum coenat olus, quamvis aliter putat; emtis
 Sub noctem gelidam lignis calefactat aënum;
 Sed vocat usque suum, qua populus adsita certis 170
 Limitibus vicina refugit iurgia; tanquam
 Sit proprium quidquam, puncto quod mobilis horae,
 Nunc prece, nunc pretio, nunc vi, nunc morte suprema,
 Permutet dominos et cedat in altera iura.
 Sic, quia perpetuus nulli datur usus, et heres 175
 Heredem alterius velut unda supervenit undam,
 Quid vici prosunt aut horrea? quidve Calabris
 Saltibus adiecti Lucani, si metit Orcus
 Grandia cum parvis, non exorabilis auro?
 Gemmas, marmor, ebur, Tyrrhena sigilla, tabellas, 180
 Argentum, vestes Gaetulo murice tintas,
 Sunt qui non habeant, est qui non curat habere.
 Cur alter fratribus cessare et ludere et ungi
 Praferat Herodis palmetis pinguisbus; alter,
 Dives et importunus, ad umbram lucis ab ortu 185
 Silvestrem flammis et ferro mitiget agrum,
 Scit Genius, natale comes qui temperat astrum,
 Naturae Deus humanae, mortalis in unum-
 Quodque caput, vultu mutabilis, albus et ater.
 Utar, et ex modico, quantum res poscet, acervo 190
 Tollam, nec metuam, quid de me indicet heres,
 Quod non plura datis invenerit: et tamen idem

— v. 167. quando pro quondam unus Cod. Feae; alii eiusdem quoniam. — v. 171. refigit Bentl. e Codd. Cf. Fea, qui tuetur refugit. — v. 173. morte est Codd. lectio, sed pluriiae Edd. sorte. Vid. Bentl. — v. 175. Si quia Fea e Codd. et vett. Edd. — v. 176. Heredem alterius Bentl. coniectura. Cf. Fea. — v. 182. curat longe plurimi optimique Codd. Vid. Bentl. curet revocarunt Both. et Iahn. e tribus Codd. Valart.

Scire volam, quantum simplex hilarisque nepoti
 Discrepet, et quantum discordet parcus avaro.
 Distat enim, spargas tua prodigus, an neque sumtum 195
 Invitus facias neque plura parare labores,
 Ac potius, puer ut festis quinquatribus olim,
 Exiguo gratoque fruaris tempore raptim.
 Pauperies immunda domo procul absit: ego, utrum
 Nave ferar magna an parva, ferar unus et idem. 200
 Non agimus tumidis velis aquilone secundo;
 Non tamen adversis aetatem duci mus austris:
 Viribus, ingenio, specie, virtute, loco, re,
 Extremi primorum, extremis usque priores.
 Non es avarus: abi. Quid? cetera iam simul isto 205
 Cum vitio fugere? caret tibi pectus inani
 Ambitione? caret mortis formidine et ira?
 Somnia, terrores magicos, miracula, sagas,
 Nocturnos leniores portentaque Thessala rides?
 Natales grate numeras? ignoseis amicis? 210
 Lenior et melior sis accedente senecta?
 Quid te exempta levat spinis de pluribus una?
 Vivere si recte nescis, decede peritis.
 Lusisti satis, edisti satis, atque bibisti:
 Tempus abire tibi est, ne potum largius aequo 215
 Rideat et pulset lasciva decentius aetas.

— v. 199. *domus* Edd. primae et vulg. *domo* Cod. unus Feae,
 alter Pulm. *domu* aliqui eruditii viri apud Lambinum et ita Baxter,
 Gesner, alii; *immunda procul procul absit* Bentl. conjectura. —
 v. 206. *Cum vitio fuge rite; caret etc.* Codd. apud Torrentium,
 alii, pluresque vett. Edd. ut Mediolan. 1477. — v. 212. *levat*
 Bentl. e tribus Codd. Cruq. revocavit; itemque Codd. aliquot
 Feae. Vulg. *iuvat*. Vid. Bentl. — v. 216. *licentius aetas* duo Codd.
 a Bentleio laudati et aliquot Feae. Vid. Bentl.

EPISTOLA III.

AD PISONES

sive

DE ARTE POETICA LIBER.

Disputat in hac epistola Horatius de artis poeticae summis praeceptis, generibus, in primis dramatico, difficultate, via, ratione, de versuum denique scribendorum cacozelia. Quae quidem omnia non legitima tractatione et ad severiorem disputandi ordinem redacta profert, sed pro communi sermonum et epistoliarum consuetudine, libero orationis cursu utens; verbo dicam, et si minus latine: singula capita non systematico ordine, sed quod in colloquendo et in literis scribendis plerumque fit, idealrum associatione, id est, naturali cogitationum nexu et sponte nascente continuantur. Hoc in primis tenendum est, ne ex his paginis, procul dubio egregiis et quas sana ratio ipsa dictasse videatur, integrum artis doctrinam et sexcentas regulas extundere conemur, aut poetam huius loci totum ambitum complecti voluisse putemus. Etiam hoc notandum est, ea potissimum artis praecepta illustrari hic ab Horatio et inculcari, quae plerumque a vulgari poetarum grege negligi solent. Totius autem epistolae haec fere est descriptio: praecepta quaedam proferuntur de inventione, cuius rei caput est, ut carmen quodvis unum sit et convenientiam servet (*v. 1 — 37.*); alia de elocutione (*v. 38 — 73.*); diversa poeseos genera poetarum graccorum exemplis significantur (*v. 74 — 85.*); sequuntur generalia quaedam praecepta epicis et dramatici generis in primis communia (*v. 86 — 152.*); dramatici generis propria (*v. 153 — 285.*); de Romanorum poetarum studiis atque de causis cur minus felici quam Graeci successu gaudent (*v. 286 — 332.*); denuo generalia quaedam praecepta de iusta brevitate et fingendi modo (*v. 333 — 346.*); postremum de carminum virtutibus et vitiis recte et severe diiudicandis, sive de severiore et sana critica facultate in suis et aliorum carminibus rite adhibenda (*v. 347 usque ad fin.*), ad quam quidem illustrandam sermo instituitur de poeseos difficultate (*v. 347 — 390.*) et dignitate (*v. 391 — 407.*), postremum de arte et studio cum naturae dotibus necessario coniungendo, quod nisi fiat caecum et ridiculum plerumque impetum relinqu (*v. 408 usque ad fin.*). Ceterum utrum Horatius, quae Wielandii est sententia, Pisonem iuvenem nimis ad versus faciendos proclivem, a poësi deterrere vo-

luerit, an sine ulla alia causa peculiari cum amicis posseos amantibus, quae de hac arte senserit, communicaverit, hoc quidem certis rationibus definiri non potest.

Humano capiti cervicem pector equinam
 Iungere si velit, et varias inducere plumas
 Undique collatis membris, ut turpiter atrum
 Desinat in piscem mulier formosa superne,
 Spectatum admissi risum teneatis, amici? 5
 Credite, Pisones, isti tabulae fore librum
 Persimilem, cuius, velut aegri somnia, vanae
 Fingentur species, ut nec pes, nec caput uni
 Reddatur formae. — Pictoribus atque poëtis
 Quidlibet audendi semper fuit aqua potestas. — 10
 Scimus, et hanc veniam petimusque damusque vicissim:
 Sed non ut placidis coëant immittia; non ut
 Serpentes avibus geminentur, tigribus agni.
 Inceptis gravibus plerumque et magna professis
 Purpureus, late qui splendeat, unus et alter 15
 Assuitur pannus; quum lucus et ara Diana,
 Et properantis aquae per amoenos ambitus agros,
 Aut flumen Rhenum, aut pluvius describitur arcus.
 Sed nunc non erat his locus. Et fortasse cupressum
 Scis simulare: quid hoc, si fractis enatat expes 20
 Navibus, aere dato qui pingitur? Amphora coepit
 Institui; currente rota cur urceus exit?
 Denique sit quid vis, simplex duntaxat et unum.
 Maxima pars vatum, pater et iuvenes patre digni,
 Decipimur specie recti. Brevis esse labore, 25

III. *v. 2. pennas pro plumas Coll. Sax. formas* Bentl. *coniectura*, de qua Cf. Hocheder (*Horatius Buch über die Dichkunst, erklärt von Hocheder. Passau. 1824*). — *v. 3. aut turpiter* Codd. Valart et Sanadon. ex ingenio. Cf. Fea. — *v. 5. Markland.* ita distinguit: — *teneatis?* Amici, Credite, Pisones. Cf. Iahn. — *v. 8. iunguntur spec.* Cod. Helmst. — *v. 9. redduntur, redditur* Codd. aliquot Feae; redduntur Cod. Helm. et Ed. Zar. Cf. Fea. — *v. 18. Rhenus* Codd. Valart. *Rheni* plures Codd. quos enumerat Fea. Cf. Iahn. — *v. 20. expes* plures Codd. et rett. Edd. apud Feam. Cf. Iahn. — *v. 23. quidvis* Bentl. et Fea e Codd. Vulg. *quodvis*.

Obscurus sio; sectantem lenia nervi.
 Deficiunt animique; professus grandia turget;
 Serpit humi tutus nimium timidusque procellae;
 Qui variare cupit rem prodigaliter unam,
 Delphinum silvis appingit, fluctibus aprum. 30
 In vitium ducit culpae fnga, si caret arte.
 Aemilium circa ludum faber imus et ungues
 Exprimet, et molles imitabitur aere capillos,
 Infelix operis summa, quia ponere totum
 Nesciet. Hunc ego me, si quid componere curem, 35
 Non magis esse velim, quam naso vivere pravo,
 Spectandum nigris oculis nigroque capillo.
 Sumite materiam vestris, qui scribitis, aequam
 Viribus, et versate diu, quid ferre recusent,
 Quid valeant humeri. Cui lecta potenter erit res, 40
 Nec faeundia deseret hunc, nec lucidus ordo.
 Ordinis haec virtus erit et venus, aut ego fallor,
 Ut iam nunc dicat iam nunc debentia dici,
 Pleraque differat et praesens in tempus omittat.
 In verbis etiam tenuis cautusque serendis, 45
 Hoc amet, hoc spernat promissi carminis auctor.
 Dixeris egregie, notum si callida verbum
 Reddiderit iunctura novum. Si forte necesse est
 Indieis monstrare recentibus abdita rerum,
 Fingere einetutis non exaudita Cethegis 50
 Continget, dabiturque licentia sumta pudenter.
 Et nova fictaque nuper habebunt verba fidem, si
 Graeco fonte cadent, parce detorta. Quid autem

— v. 26. *lenia* Bentl. e Codd. Vulg. *levia*, quod tuetur Fea. —
 v. 32. *faber unus* e Codd. Bentleius; eumque sequitur Fea. Sed Cf. Iahn. — v. 40. *pudenter* Cod. Comb. — v. 42. *hand* ego Fea e multis suis Codd. Cf. Both. Annotatt. — v. 43. De inter-
 punctione Vid. Bentl. Olim sic: *Ut iam nunc dicat; iam nunc*
debentia dici Pleraque differat etc. — v. 46. Hunc versum ante
 v. 45. in Codd. positum Bentleius in locum suum restituit. Ob-
 loquitur Fea; sed Cf. Both. Annotatt. — v. 49. *rerum: et Lambin.*
 — v. 52. *factaque* Bentl. e Codd. Fabricii. — v. 53. *caudent*
 Lambin. Bentl. multi Codd. Puhm. Comb. Feae. Vulg. *cadant.*

Caecilio Plautoque dabit Romanus, ademtum
 Virgilio Varioque? Ego cur, acquirere pauca 55
 Si possum, invideor, quum lingua Catonis et Enni
 Sermonem patrum ditaverit, et nova rerum
 Nomina protulerit? Licuit, semperque licebit,
 Signatum praesente nota producere nomen.
 Ut silvae foliis pronos mutantur in annos,
 Prima cadunt: ita verborum vetus interit aetas, 60
 Et iuvenum ritu florent modo nata vigentque.
 Debemur morti nos nostraque. Sive receptus
 Terra Neptunus classes aquilonibus arcet,
 Regis opus; sterilisque diu palus aptaque remis 65
 Vicinas urbes alit, et grave sentit aratum;
 Seu cursum mutavit iniquum frugibus amnis,
 Doctus iter melius: mortalia facta peribunt;
 Nendum sermonum stet honos et gratia vivax.
 Multa renascentur quae iam cecidere, cadentque 70
 Quae nunc sunt in honore vocabula, si volet usus,
 Quem penes arbitrium est et ius et norma loquendi.
 Res gestae regumque ducumque et tristia bella
 Quo scribi possent numero, monstravit Homerus.
 Versibus impariter iunctis querimonia primum, 75
 Post etiam inclusa est voti sententia compos.
 Quis tamen exiguos elegos emiserit auctor,
 Grammatici certant, et adhuc sub iudice lis est.
 Archilochum proprio rabies armavit iambo.

— v. 59. *procudere nomen* plures Codd. Lambin. Stephan. Valart. Bentleius e coniectura Luisini: *procudere numnum*. — v. 62. *virentque* Fea ex uno Cod. Cf. Hocheder. — v. 63. *debemus* Codd. Priscian. apud Achill. Statium Cf. Bentl. ad v. 68. — v. 65. Ita Codd. omnes, nisi quod in paucis est *sterilisve*, nec non Grammatici veteres, qui hunc locum laudant. Tamen ob correptam syllabam finalem in *palus* viri docte tentarunt, ut Bentl. *sterilisve palus prius aptaque remis*; alii aliter. Sed Cf. Fea et Both. Annotatt. — v. 68. *mortalia cuncta perib.* Bentl. ex uno Cod. Cf. Hocheder. — v. 72. *vis et norma* Codd. Bersm. Feae et plures Edd. vett. — v. 77. *elegos commiserit* Codd. duo Feae. *actor* duo Codd. Feae.

Hunc socci cepere pedem grandesque cothurni, 80
 Alternis aptum sermonibus, et populares
 Vincentem strepitus, et natum rebus agendis.
 Musa dedit fidibus Divos, puerosque Deorum,
 Et pugilem victorem, et equum certamine primum,
 Et iuvenum euras, et libera vina referre. 85
 Descriptas servare vices operumque colores,
 Cur ego, si nequeo ignoroque, poëta salutor?
 Cur nescire, pudens prave, quam discere malo?
 Versibus exponi tragicis res comica non vult;
 Indignatur item privatis, ac prope socco 90
 Dignis carminibus narrari coena Thyestae.
 Singula quaeque locum teneant sortita decenter.
 Interdum tamen et vocem Comoedia tollit,
 Iratusque Chremes tumido delitigat ore:
 Et tragicus plerumque dolet sermone pedestri 95
 Telephus et Peleus, quum pauper et exsul, uterque
 Proiicit ampullas et sesquipedalia verba,
 Si eor spectantis curat tetigisse querela.
 Non satis est pulchra esse poëmata; dulcia sunto,
 Et quoecunque volent, animum auditoris agunto. 100
 Ut ridentibus arrident, ita flentibus adsunt
 Humani vultus. Si vis me flere, dolendum est
 Primum ipsi tibi; tunc tua me infortunia laedent,
 Telephe vel Peleu. Male si mandata loqueris,
 Aut dormitabo aut ridebo. Tristia moestum 105
 Vultum verba decent; iratum plena minarum;
 Ludentem lasciva; severum seria dictu.
 Format enim natura prius nos intus ad omnem
 Fortunarum habitum; iuvat, aut impellit ad iram,
 Aut ad humum moerore gravi deducit et angit; 110
 Post effert animi motus interprete lingua.
 Si dicentis erunt fortunis absona dicta,

— v. 92. *decentem* Bentl. e Codd. — v. 95. Punctum, quod vulgo post vocabulum *pedestri* collocant, sustulit Bentl. quem Vid. — v. 99. *pura esse poemata unus* Cod. Bentleii, quem Cf. — v. 101. *adsunt* longè plurimi Codd. *adsint* reliqui. Tan. Faber coni. *ad-
sent*, quod Bentleius tutur.

Romani tollent equites peditesque cachinnum.
 Intererit multum, Davusne loquatur an heros;
 Maturusne senex an adhuc florente iuventa 115
 Fervidus; et matrona potens an sedula nutrix;
 Mercatorne vagus cultorve virentis agelli;
 Colchus an Assyrius; Thebis nutritus an Argis.
 Aut famam sequere, aut sibi convenientia finge,
 Scriptor. Honoratum si forte reponis Achillem: 120
 Impiger, iracundus, inexorabilis, acer,
 Iura neget sibi nata, nihil non arroget armis.
 Sit Medea ferox invictaque, flebilis Ino,
 Perfidus Ixion, Io vaga, tristis Orestes.
 Si quid inexpertum scenae committis, et audes 125
 Personam formare novam, servetur ad imum
 Qualis ab incepto processerit, et sibi constet.
 Difficile est proprie communia dicere: tuque
 Rectius Iliacum carmen deducis in actus,
 Quam si proferres ignota indictaque primus. 130
 Publica materies privati iuris erit, si
 Nec oirca vilem patulumque moraberis orbem;
 Nec verbum verbo curabis reddere fidus
 Interpres; nec desilies imitator in arctum,
 Unde pedem proferre pudor vetet aut operis lex. 135
 Nec sic incipes, ut scriptor cyclius olim:
 Fortunam Priami cantabo et nobile bellum.
 Quid dignum tanto feret hic promissor hiatu?

— v. 113. *equitesque patresque* Bentl. ex conjectura. — v. 114.
Divusne Bentl. e Codd. et denuo tuetur Both. in Annotatt. Sed
 Cf. Gesner. — *herusne* Lambin. *Heros* Fea pro nomine proprio
 servi habet. — v. 116. *etmatr.* restituit Bentl. e Codd. quibus accedunt Codd. *Feae*. Vulg. *an matr.* — *matrona paréns* Fea e
 duobus Codd. Sed Cf. Both. Annotatt. — v. 120. Ita interpunxit
 Bentleius. Vulg. *finge*. *Scriptor honorat.* etc. Idemque coni. *Homereum* pro *honoratum*. Cf. Hocheder. — v. 129. *diducis* Fea e
 duobus Codd. Both. *praesens deducis* cum imperfecto *proferres*
 non posse coniungi censens, coniecit: — *deduxes in actus* Quam
 sic *proferres*. Sed Vid. Iahn. — v. 135. *referre* plures Codd.
 quos enumerat Fea. — v. 136. *cyclius* Bentl. et Fea e Codd. —
 v. 137. *nobile regnum* Coll. Sat. — v. 138. *hic professor duo*

Parturiunt montes, nascetur ridiculus mus.
 Quanto rectius hic, qui nil molitur inepte: 140
 Dic mihi, Musa, virum, captæ post tempora Troiae,
 Qui mores hominum multorum vidi et urbes.
 Non fumum ex fulgore, sed ex fumo dare lucem
 Cogitat, ut speciosa dehinc miracula promat,
 Antiphaten, Scyllamque, et cum Cyclope Charybdin. 145
 Nec redditum Diomedis ab interitu Meleagri,
 Nec gemino bellum Troianum orditur ab ovo.
 Semper ad eventum festinat, et in medias res,
 Non secus ac notas, auditorem rapit, et quae
 Desperat tractata nitescere posse, relinquit; 150
 Atque ita mentitur, sic veris falsa remiscet,
 Primo ne medium, medio ne discrepet imum.
 Tu, quid ego et populus mecum desideret, audi.
 Si plausoris eges aulaca manentis, et usque
 Sessuri, donec cantor, Vos plaudite, dicat: 155
 Aetatis cuiusque notandi sunt tibi mores,
 Mobilibusque decor naturis dandus et annis.
 Reddere qui voces iam scit puer, et pede certo
 Signat humum, gestit paribus colludere, et iram
 Colligit ac ponit temere, et mutatur in horas. 160
 Imberbis iuvenis, tandem custode remoto,
 Gaudet equis canibusque et aprici gramine campi;
 Cereus in vitium flecti, monitoribus asper,
 Utilium tardus provisor, prodigus aeris,
 Sublimis, cupidusque, et amata relinquere pernix. 165
 Conversis studiis aetas animusque virilis
 Quaerit opes et amicitias, inservit honori,
 Commisisse cavyt, quod mox mutare laboret.
 Multa senem circumveniunt incommoda, vel quod
 Quaerit, et inventis miser abstinet, ac timet uti, 170

Codd. Feae. — v. 139. *parturiunt* Bentl. e Codd. Vulg. *parturient*. — v. 141. *moenia Troiae* Bentl. e Codd. Cf. Fea. — v. 154. *fautoris eges* Bentl. conjectura. — v. 157. *maturis dandus* Bentl. conjectura, itemque unus Cod. Feae. qui eam lectionem in textum recepit. Sed Cf. Iahn. — v. 161. *imberbus* Cod. Cruq. indeque Bentl. alii. Cf. Fea.

Vel quod res omnes timide gelideque ministrat,
 Dilator, spe longus, iners, avidusque futuri,
 Difficilis, querulus, laudator temporis acti
 Se puerō, castigator censorique minorum.
 Multa ferunt anni venientes commoda secum, 175
 Multa recedentes adimunt. Ne forte seniles
 Mandentur iuveni partes, pueroque viriles;
 Semper in adiunetis aevoque morabimur aptis.
 Aut agitur res in scenis, aut acta refertur.
 Segnius irritant animos demissa per aurem, 180
 Quam quae sunt oculis subiecta fidelibus, et quae
 Ipse sibi tradit spectator. Non tamen intus
 Digna geri promes in seenam; multaque tolles
 Ex oculis, quae mox narret facundia praesens.
 Ne pueros coram populo Medea trueidet; 185
 Aut humana palam coquat exta nefarius Atreus;
 Aut in avem Progne vertatur, Cadmus in anguem.
 Quodeunque ostendis mihi sic, ineredulus odi.
 Neve minor neu sit quinto productior actu
 Fabula, quae posei vult et spectata reponi; 190
 Nec Deus intersit, nisi dignus vindice nodus
 Inciderit; nec quarta loqui persona laboret.
 Actoris partes Chorus officiumque virile
 Defendat; neu quid medios intereinat aetus,
 Quod non proposito condueat et haereat apte. 195
 Ille bonis faveatque et consilietur amicis,
 Et regat iratos, et amet peccare timentes;
 Ille dapes laudet mensae brevis, ille salubrem
 Iustitiam, legesque, et apertis otia portis;
 Ille tegat commissa, deosque precetur et oret, 200

— v. 172. *spe lentus, iners, pavidusque futuri* Bentl. conjectura. Sed Cf. Gesner. — v. 174. Ita omnes Codd. Vid. Bentl. Vulgo: *censor castigatorque*. — v. 185. *Ne pueros e plurimis* Codd. et antiquissimis Edd. restituit Bentl. quem Cf. Olim vulgo: *Nec*. — v. 190. *spectanda* Codd. aliquot Feae, aliorum. Cf. Iahn. — v. 193. *auctoris plures* Codd. Feae et aliquot Pulm. Lamb. — v. 195. *amicis* Muret. indeque multae Edd. *amice* Codd. Lambini, Bersm. alii. — v. 197. *amet pacare tumentes e duobus* Codd. Pulm. Bentleius. Cf. Doering.

Ut redeat miseris, abeat Fortuna superbis.
 Tibia non, ut nunc, orichalco iuncta, tubaeque
 Aemula, sed tenuis simplexque foramine pauco
 Adspirare et adesse Choris erat utilis, atque
 Nondum spissa nimis complere sedilia flatu; 205
 Quo sane populus numerabilis, utpote parvus,
 Et frugi castusque verecundusque coibat.
 Postquam coepit agros extendere victor, et urbes
 Latiор amplecti murus, vinoque diurno
 Placari Genius festis impune diebus, 210
 Accessit numerisque modisque licentia maior.
 Indoctus quid enim saperet liberque laborum
 Rusticus, urbano confusus, turpis honesto?
 Sic priscae motumque et luxuriem addidit arti
 Tibicen, traxitque vagus per pulpita vestem: 215
 Sic etiam fidibus voces crevere severis,
 Et tulit eloquium insolitum facundia praeceps;
 Utiliumque sagax rerum, et divina futuri,
 Sortilegis non discrepuit sententia Delphis.
 Carmine qui tragieo vilem certavit ob hircum, 220
 Mox etiam agrestes Satyros nudavit, et asper
 Incolumi gravitate iocum tentavit, eo quod
 Illecebris erat et grata novitate morandus
 Spectator, functusque sacris, et potus, et exlex.
 Verum ita risores, ita commendare dicaces 225
 Conveniet Satyros, ita vertere seria ludo;
 Ne, quicunque Deus, quicunque adhibebitur heros,
 Regali conspectus in auro nuper et ostro,
 Migret in obscuras humili sermone tabernas;
 Aut, dum vitat humum, nubes et inania captet. 230
 Effutire leves indigna Tragoedia versus,
 Ut festis matrona moveri iussa diebus,
 Intererit Satyris paulum pudibunda protervis.
 Non ego inornata et dominanta nomina solum,

— v. 202. *iuncta* plurimi Codd. et veteres Edd. Alii *vincta*. Vid. Bentl. et Fea. — v. 208. *urbes* Fea e plurimis Codd. Vulg. *urben*. Cf. Iahn. — v. 209. *laxior* Bentl. conjectura, Cf. Hocheder.

Verbaque, Pisones, Satyrorum scriptor amabo; 235
 Nec sic enitar tragico differre colori,
 Ut nihil intersit, Davusne loquatur et audax
 Pythias, emuncto lucrata Simone talentum,
 An custos famulusque Dei Silenus alumni.
 Ex noto fictum carmen sequar, ut sibi quivis 240
 Speret idem; sudet multum, frustraque laboret
 Ausus idem. Tantum series iuncturaque pollet;
 Tantum de medio sumtis accedit honoris.
 Silvis educti caveant, me iudice, Fauni,
 Ne, velut innati triviis ac paene forenses, 245
 Aut nimium teneris iuvenentur versibus unquam,
 Aut immunda crepant ignominiosaque dicta.
 Offenduntur enim, quibus est equus, et pater, et res;
 Nec, si quid fricti ciceris probat et nucis emtor,
 Aequis accipiunt animis, donantve corona. 250
 Syllaba longa brevi subiecta vocatur lambus,
 Pes citus; unde etiam Trimetris accrescere iussit
 Nomen iambeis, quum senos redderet ictus,
 Primus ad extremum similis sibi. Non ita pridem,
 Tardior ut paulo graviorque veniret ad aures, 255
 Spondeos stabiles in iura paterna recepit
 Commodus et patiens, non ut de sede secunda
 Cederet aut. quarta socialiter. Hic et in Acci
 Nobilibus Trimetris appetet rarus, et Enni
 In scenam missos cum magno pondere versus 260
 Aut operae celeris nimium curaque carentis,
 Aut ignoratae premit artis crimine turpi.
 Non quivis videt immodulata poëmata iudex;
 Et data Romanis venia est indigna poëtis.
 Idecircone vager, sribamque licenter? Ut omnes 265

— v. 235. *Satirarum* Codd. aliquot Feae et Helmst. — v. 237.
 an audax Codd. aliquot Feae, aliorum. — v. 243. accedet pauci
 Codd. Feae, idque mavult Both. in Annotatt. Sed Cf. Iahn. —
 v. 244. educti Codd. Feae, idque Markland. coniecerat. Cf. Fea.
 — v. 249. fricti ciceris plures Codd. et multae Edd. vett. Vid. Fea.
 — v. 258. h̄c, ut sit adverbium Both. in Annotatt. scribendum
 censet. — v. 260. missus Bentl. conjectura. Cf. Fea. — cum
 magno Bentl. e Codd. Vulg. magno cum. — v. 265. Ita Bent-

Visuros peccata putem mea, tutus et intra
Spem veniae cautus: vitavi denique culpam,
Non laudem merui. Vos exemplaria Graeca
Nocturna versate manu, versate diurna.

At vestri proavi Plautinos et numeros et 270

Laudavere sales. Nimirum patienter utrumque,

Ne dicam stulte, mirati; si modo ego et vos

Scimus inurbanum lerido seponere dicto,

Legitimumque sonum digitis callemus et aure.

Ignotum tragicae genus invenisse Camenae 275

Dicitur et plaustris vexisse poëmata Thespis,

Quae canerent agerentque peruneti faecibus ora.

Post hunc personae pallaeque repertor honestae

Aeschylus et modicis instravit pulpita tignis,

Et docuit magnumque loqui nitique cothurno.

Successit vetus his comoedia, non sine multa

Laude; sed in vitium libertas excidit, et vim

Dignam lege regi. Lex est accepta, chorusque

Turpiter obtieuit, sublato iure nocendi.

Nil intentatum nostri liquere poëtae;

Nec minimum meruere decus, vestigia Graeca

Ausi deserere, et celebrare domestica facta,

Vel qui praetextas, vel qui docuere togatas.

Nec virtute foret clarisve potentius armis,

Quam lingua, Latium, si non offenderet unum- 290

Quemque poëtarum limae labor et mora. Vos, o

Pompilius sanguis, carmen reprehendite, quod non

Multa dies et multa litura coërcuit, atque

Praesectum decies non castigavit ad unguem.

leius locum e Codd. restitutum interpunctione adiuvit. Olim vulg.
an omnes. Fea et *omnes* merito a Bothio in Annotatt. castigatus.
Doering. a verbis *Idecircone vager* orationem continuat et post
cautus demum interrogandi signum addit. — v. 270. At *vestri*
maior Codd. pars, sed haud pauci *nostri*. Cf. Bentl. — v. 272. non
dicam Cod. unus Feae alter Achill. Statii. — v. 277. Qui canerent
Bentl. coniectura. Cf. Gesner. — v. 294. *praesectum decies*
Lambin. Bentleius, quem Vid. e Codd. Sed longe plurimi Codd.
perfectum idque restituit Fea, quem Cf. cum Both. et Iahn.

Ingenium misera quia fortunatus arte 295
 Credit, et excludit sanos Helicone poëtas
 Democritus, bona pars non unguis ponere curat,
 Non barbam, secreta petit loca; balnea vitat.
 Nanciscetur enim pretium nomenque poëtae,
 Si tribus Antieyris caput insanabile nunquam 300
 Tonsori Licino commiserit. O ego-laevis,
 Qui purgor bilem sub verni temporis horam!
 Non aliis faceret meliora poëmata. Verum
 Nil tanti est. Ergo fungar vice cotis, acutum
 Reddere quae ferrum valet, exsors ipsa secandi: 305
 Munus et officium nil scribens ipse docebo;
 Unde parentur opes, quid alat formetque poëtam,
 Quid deceat, quid non, quo virtus, quo ferat error.
 Scribendi recte, sapere est et principium et fons.
 Rem tibi Socraticae poterunt ostendere chartae; 310
 Verbaque provisam rem non invita sequentur
 Qui didicit, patriae quid debeat, et quid amicis;
 Quo sit amore parens, quo frater amandus et hospes,
 Quod sit conscripti, quod iudicis officium, quae
 Partes in bellum missi ducis: ille profecto 315
 Reddere personae scit convenientia cuique.
 Respicere exemplar vitae morumque iubebo
 Doctum imitatore, et vivas hinc ducere voces.
 Interdum speciosa locis morataque recte
 Fabula, nullius veneris, sine pondere et arte, . 320
 Valdius oblectat populum meliusque moratur,
 Quam versus inopes rerum nugaeque canorae.
 Graii ingenium, Graii dedit ore rotundo
 Musa loqui, praeter laudem nullius avaris.
 Romani pueri longis rationibus assem 325
 Discunt in partes centum diducere. — Dicas,

— v. 302. *pурgo aliquot* Codd Lambin. et Feae, nec non plures
 Edd. vett. — v. 312. *quod debeat, et quod* Coll. Sax. et Cod. unus
 Feae. — v. 318. *vivas* maxima pars Codd. et priscarum Edd. habet,
 unde restituit Bentleius, quem sequitur Fea. Olim vulg. *veras.*
 — v. 319. *speciosa iocis* Cod. Achill. Stat. et duo Bersm. item-
 que Edd. Ven. Glarean. aliae. Cf. Fea.

Filius Albini, Si de quincunce remota est
 Uncia, quid superet? — Poterat dixisse: Triens. — Eu!
 Rem poteris servare tuam. Redit uncia, quid fit? —
 Semis. — An, haec animos aerugo et cura peculi 330
 Quum semel imbuerit, speramus carmina singi
 Posse linenda cedro, et levi servanda cupresso?
 Aut prodesse volunt aut delectare poëtae,
 Aut simul et incunda et idonea dicere vitae.
 Quidquid praecipies, esto brevis, ut cito dicta 335
 Percipient animi dociles, teneantque fideles.
 Omne supervacuum pleno de pectore manat.
 Ficta voluptatis causa sint proxima veris:
 Ne, quodcumque volet, poseat sibi fabula credi,
 Neu pransae Lamiae vivum puerum extrahat alvo. 340
 Centuriae seniorum agitant expertia frugis;
 Celsi preatereunt austera poëmata Rhamnes.
 Omne tulit punetum, qui miscuit utile dulci,
 Lectorem delectando pariterque monendo.
 Hic meret aera liber Sosiis, hic et mare transit, 345
 Et longum noto scriptori prorogat aevum.
 Sunt delicta tamen, quibus ignovisse velimus.
 Nam neque chorda sonum reddit, quem vult manus et mens,
 Poscentique gravem persaepe remittit acutum;
 Nec semper feriet quodcumque minabitur arcus. 350
 Verum ubi plura nitent in carmine, non ego paucis
 Offendar maculis, quas aut incuria fudit,
 Aut humana parum cavit natura. Quid ergo est?
 Ut scriptor si peccat idem librarius usque,
 Quamvis est monitus, veniam caret; ut citharoedus 355

— v. 328. *superet* Bentl. e Codd. Aliji Codd. *superat* et *superest*. Vid. Fea. — *poterat* Bentl. ex Codd. Vulg. *poteras*. — v. 330. *An* Bentl. ex aliquot Blandin. Aliii Codd. et Edd. *at* *haec vel ad haec.* — v. 339. *Ne* Bentl. e plurimis Codd. et antiquissimis Edd. Vulg. *Nec*. Cf. Bentl. — v. 350. *quocunque* plurimi Codd. Bersm. et Feae. — v. 353. *ergo est* longe plurimi Codd. et principes Edd. Aliii omittunt *est*. Vid. Bentl. et Fea. Posteriorem lectionem defendit Both. — v. 355, *quamvis sit* Cod. Achillis Statii. — *ut citharoedus revocavit* e Codd. Bentl. *quem* Cf. Vulg. *et.*

Ridetur, chorda qui semper oberrat eadem:
 Sic mihi, qui multum cessat, fit Choerilus ille,
 Quem bis terve bonum cum risu miror; et idem
 Indignor, quandoque bonus dormitat Homerus.
 Verum operi longo fas est obrepere somnum. 360
 Ut pictura, poësis: erit quae, si propius stes,
 Te capiat magis, et quaedam, si longius abstes.
 Haec amat obscurum; volet haec sub luce videri,
 Iudicis argutum quae non formidat acumen:
 Haec placuit semel, haec decies repetita placebit. 365
 O maior iuvenum, quamvis et voce paterna
 Fingeris ad rectum, et per te sapis, hoc tibi dictum
 Tolle memor: certis medium et tolerabile rebus
 Recte concedi: consultus iuris et actor
 Causarum mediocris abest virtute diserti 370
 Messalae, nec scit quantum Cascellius Aulus;
 Sed tamen in pretio est: mediocribus esse poëtis
 Non homines, non Di, non concessere columnae.
 Ut gratas inter mensas symphonia discors
 Et crassum unguentum, et Sardo cum melle papaver 375
 Offendunt, poterat duci quia coena sine istis:
 Sic animis natum inventumque poëma iuvandis,
 Si paulum a summo decessit, vergit ad imum.
 Ludere qui nescit, campestribus abstinet armis,
 Indoctusque pilae discive trochive quiescit; 380
 Ne spissae risum tollant impune coronae:
 Qui nescit, versus tamen audet fingere! — Quidni?
 Liber et ingenuus, praesertim census equestrem
 Summam nummorum, vitioque remotus ab omni. —
 Tu nihil invita dices faciesve Minerva; 385
 Id tibi iudicium est, ea mens: si quid tamen olim

v. 358. *terve* Bentl. ex uno Cod. reliqui *terque*. — v. 359. Per interrogationem hic versus inferendus esse videtur, et insuper scribendum *indigner*. Merito enim Fea in vulgari interpunctione offendit. — v. 360. *operi longo* e Codd. et vett. Edd. Bentl. quem Cf. Vulg. *opere in longo*. — v. 362. *capiat* Lambin. Bentl. Fea. Vulg. *capiet*. — *adstes* Fea ex uno Cod. Sed Cf. Both. Annotatt. — v. 371. Plures Edd. *Casellius*. Sed Vid. Fea. — v. 378. Ita *maxima* Codd. pars. Sed plures Edd. *a summo*. Vid. Fea.

Scripseris, in Meti descendat iudicis aures,
 Et patris, et nostras, nonumque prematur in annum,
 Membranis intus positis. Delere licebit,
 Qnod non edideris: nescit vox missa reverti. 390
 Silyestres homines sacer interpresque Deorum
 Caedibus et victu foedo deterruit Orpheus,
 Dictus ob hoc lenire tigres rabidosque leones:
 Dictus et Amphion, Thebanae conditor arcis,
 Saxa movere sono testudinis, et prece blanda 395
 Ducere quo vellet. Fuit haec sapientia quondam,
 Publica privatis secernere, sacra profanis,
 Concubitu prohibere vago, dare iura maritis,
 Oppida moliri, leges incidere ligno.
 Sic honor et nomen divinis vatibus atque 400
 Carminibus venit. Post hos insignis Homerus,
 Tyrtaeusque mares animos in Martia bella
 Versibus exacuit. Dictae per carmina sortes,
 Et vitae monstrata via est, et gratia regum
 Piériis tentata modis, ludusque repertus, 405
 Et longorum operum finis: ne forte pudori
 Sit tibi Musa lyrae solers, et cantor Apollo.
 Natura fieret laudabile carmen, an arte,
 Quaesitum est. Ego nec studium sine divite vena,
 Nec rude quid possit video ingenium: alterius sic 410
 Altera poscit opem res, et coniurat amice.
 Qui studet optatam cursu contingere metam,
 Multa tulit fecitque puer, sudavit et alsit,
 Abstinuit venere et vino. Qui Pythia cantat
 Tibicen, didicit prius, extimuitque magistrum. 415
 Nec satis est dixisse: Ego mira poëmata pango;
 Occupet extremum scabies; mihi turpe relinqui est,


— v. 387. *Meti* scripsimus eum Iahn. quem Cf. Plurimae Edd. *Metii*; sed in Codd. varie: *Meci*, *Maeci*, *Mettii*, *Mattii* Vid. Bentl. et Fea. — v. 394. *urbis* e plurimis Codd. et antiquissimis Edd. Fea, quem Vid. Vulg. *arcis*. — v. 402. *Dircaeusque mares* Codd. aliquot et primae Edd. Cf. Fea. — v. 410. *possit* Bentl. e Codd. Olim vulg. *prosit*. — v. 416. *Nec* Bentl. e Codd. Vulg. *Nunc*, quod denuo defendit Fea. Alii Codd. aliquot *Non* et *Num*.

Et, quod non didici, sanc nescire fateri.
 Ut praeco, ad merces turbam qui cogit emendas,
 Assentatores iubet ad lucrum ire poëta 420
 Dives agris, dives positis in fenore nummis.
 Si vero est, nuctum qui recte ponere possit,
 Et spondere levi pro paupere, et eripere atris
 Litibus in.plicitum, mirabor si sciet inter-
 Noscere mendacem verumque beatus amicum. 425
 Tu seu donaris, seu quid donare voles cui,
 Nolito ad versus tibi factos ducere plenum
 Laetitiae; clamabit enim, Pulchre! bene! recte!
 Pallescet super his; etiam stillabit amicis
 Ex oculis rorem; saliet, tundet pede terram. 430
 Ut quae conductae plorant in funere, dicunt
 Et faciunt prope plura dolentibus ex animo: sic
 Derisor vero plus laudatore movetur.
 Reges dicuntur multis urgere culullis,
 Et torquere mero, quem perspexisse laborant, 435
 An sit amicitia dignus: si carmina condes,
 Nunquam te fallant animi sub vulpe latentes.
 Quintilio si quid recitares, Corrige sodes
 Hoc, aiebat, et hoc. Melius te posse negares,
 Bis terque expertum frustra, delere iubebat, 440
 Et male tornatos incudi reddere versus.
 Si defendere delictum, quam vertere, malles.
 Nullum ultra verbum aut operam insumebat inanem,
 Quin sine rivali teque et tua solus amares.
 Vir bonus et prudens versus reprehendet incertes, 445
 Culpabit duros, incomitis allinet atrum
 Transverso calamo signum, ambitiosa recidet

— v. 423. artis Cod. Feae et alter Valart. ideinque Bentl. coniecerat.
 Sed Cf. Fea. — v. 431. quae conductae Kirchmanni (De funerib. II,
 6) conjecturam etiam Marklando probatam recepit Fea. Cf. Hoche-
 der. — v. 435. prospexisse Fea e Codd. sed iure a Both. in Annott.
 reprehensus. — laborant Bentl. cum Codd. et reit. Edd. Vulg. la-
 borent. — v. 441. ter natos Bentl. conjectura. Acron et Porphyrio
 legisse videntur formatos a Cuning. aliis receptum. Cf. Gesner. Fea
 et Both. Annottatt.

Ornamenta, parum claris lucem dare coget,
 Arguet ambigue dictum, mutanda notabit;
 Fiet Aristarchus; non dicet: Cur ego amicum
 Offendam in nugis? Hae nugae seria ducent
 In mala derisum semel exceptumque sinistre.
 Ut mala quem scabies aut morbus regius urget,
 Aut fanaticus error, et iracunda Diana,
 Vesananum tetigisse timent fugiuntque poëtam,
 Qui sapiunt; agitant pueri, ineautique sequuntur.
 Hic, dum sublimis versus ructatur et errat,
 Si veluti merulis intentus decidit anceps
 In puteum foveamve, licet, Succurrite, longum
 Clamet, io cives! ne sit, qui tollere curet.
 Si curet quis opem ferre, et demittere funem,
 Qui scis, an prudens huc se proiecerit, atque
 Servari nolit? dicam, Siculique poëtae
 Narrabo interitum. Deus immortalis haberi
 Dum cupid Empedocles, ardenter frigidus Aetnam
 Insiluit. Sit ius liceatque perire poëtis.
 Invitum qui servat, idem facit occidenti.
 Nec semel hoc fecit; nec, si retractus erit, iam
 Fiet homo, et ponet famosae mortis amorem.
 Nec satis appetet, cur versus factitet; utrum
 Minixerit in patrios cineres, an triste bidental
 Moverit incestus: certe furit, ac velut ursus
 Obiectos caveae valuit si frangere clathros.
 Indoctum doctumque fugat recitator acerbis;
 Quem vero arripuit, tenet occiditque legendo,
 Non missura cutem, nisi plena crux, hirudo.

— v. 450. Non Bentl. secundum Codd. Vulg. nec. — v. 457. *si
blimes* plures Codd. et vett. Edd. indeque olim vulgata per plu
rimas editiones lectio. Vid. Fea. — v. 458. *sic veluti* duo Codd.
 Bersm. — v. 461. *si curet quis* Bentl. e Codd. et vett. Edd. Vul
si quis curet. Ed. Zar. *curret.* — v. 462. *proiecerit* restituit Bent
ex maxima Codd. parte et vett. Edd. consentiente Fea. Vulg. *de
icerit.*



LIL
HILLZE

Horace
Opera omnia;
2 vol.in 1.

				DATE.

